

تۈرك قانون مدنىسى

قانون مدنىك صورت مرعيت وشكل تطيقي
حقنדה قانونه

مندرجات: ۱ - قانون مدنىك اسباب موجبہ لايحه لرى ۲ - بويوك ملت
مجلسى مذاكرات ضبطنامہ لرى ۳ - تۈرك قانون مدنىسى ۴ - تصحيح جدولى
۵ - قانون مدنىك صورت مرعيت وشكل تطيقي حقنדה قانون ۶ - فهرست .

قونيه برنجى مدعى كومىسى

توفيق طاق

ناشرى : اقبال كىتبخانه سى ساحى حسين

استانبول

۱۹۲۶

معرفت مطبعه سى

هرحق محفوظدر

رسمى جريده ده نصيح و نقبط ابرلشدر .



22
4V2

انجمن دانشمندی
اندیشد
حرفه‌ای
مدیر

تورك قانون مدنى

قانونه مدنیك صورت مربعیت و شكل تطبیقی

مقدمه قانونه

RAGIP PAŞA KİTAPLIĞI

MÜDÜRLÜĞÜ

2499
مەدەنىيەت ۱ - قانۇنى مەدەنىيەت نىڭ سەۋەبى مۇۋەپپەقىيەتلىرى ۲ - بۈيۈك مەدەنىيەت
مەسلىھەت مەسلىھەتلىرى ۳ - تۈرك قانۇن مەدەنىيىتى ۴ - تەسۋىپ جەدۋىلى
۵ - قانۇن مەدەنىيەت شەكىل تەتبىقى قىلىنغان قانۇن ۶ - فەرست .

قونیہ برنجی مدعیٰ عمومی

توفیق طاق

ناشری : اقبال کتب خانہ سی صاحبی حسین

استانبول

1957

معرفت مطبعہ سی

هر حق محفوظ در

رسمی جبریده ده نصیح و نقيط ابرمشره .

اسباب موجبه لایحه لری

بربروک ملت مجلسی ریاسته

عدلیه و کالتجه تنظیم و تودیع اولونان واجرا وکیللری هیئتک ۲۰ کانون اول
۱۳۴۱ تاریخلی اجتماعنده تذکر و مجلس عالی به عرضی تصویب ایدیلن ، تورک قانون
مدنی لایحه سی تقدیم اولمشدر .
مقتضاسنک مستعجلیت قرار یله ایفاسنه و نتیجه سنک اشعارینه مساعدده یوورلسنی
رجا ایلرم افندم .

باش وکیل
عصمت

باسمه وکالت جلیله

حال حاضرده تورکیه جمهوریتک مدون بر قانون مدنیسی یوقدر . یالکز ،
عقدلرک کوچوک بر قسمنه تناس ایده بیلن مجله واردر . ۱۸۵۱ ماده در ، ۸ محرم
۱۲۸۶ تاریخده یازلغه باشلاش و ۲۶ شعبان ۱۲۹۳ تاریخده اکمال ایدیلرک
موقع مرعیته وضع اولومشدر . دهنه بیلیرکه : بو قانونک احتیاجات حاضرده توافق
ایدهن آنجق ۳۰۰ ماده سی در . متباقیسی مملکتیزک احتیاجاتی افاده ایده میه جک
قادر ابتدائی بر طاقم قاعده لردن عبارت اولدیغندن تطبیق ایدله مکده در . مجله نک
قاعده سی و آنا خطلری دین در . حالبوکه حیات بشر هر کون حتی هر آن اساسلی
تحولره معروضدر . بونک تحوالتی ، یورویشتی هیچ بر زمان بر نقطه اطرافنده تثبیت

ایتمک و دور دور مق ممکن دکلدر . قانونلری دینه مستند اولان دولتر قیسه برزمان
 صوکر مملکتک و ملتک مطالبیرنی تطمین ایدمهزلر . چونکه دینلر لایتغیر حکملر افاده
 ایدمهزلر . حیات یورور ؛ احتیاجات سرعتله ده کیشیر ، دین قانونلری ، مطلقا ایلریله یه
 حیاتک حضورنده شکلدن و اولو کله لردن فضلہ بر قیمت ، بر معنا افاده ایدمهزلر .
 دیکشمه مک دینلر ایچون بر ضرورتدر ، بو اعتبارله دینلرک ساده جه بروجدان ایشی
 اولارق قلماسی عصر حاضر مدنیتک اساساتندن واسکی مدنیتله یکی مدنیتک اک مهم
 فارقه لردن بریسیدر . اساسلری دینلردن آلان قانونلر تطبیق ایدلمکده اولدقلری
 جامعہ لری نازل اولدقلری ابتدائی دورہ لره باغلارلر . و ترقیاته مانع بللی باشلی مؤثر
 وعاملر صیراسنده بولونورلر . تورک ملتک مقدراتی عصر حاضر ایچنده دخی قرون
 وسطی احکام وقواعدینه ربط ایتمکده ، دینک لایتغیر احکامندن ملهم اولان والوهیتله
 دائمی تماس حالنده بولونان قانونلر مرکز اک قوتلی مؤثر اولدقلرینه شبهه ایدلملیدر .
 مل حیات اجتماعیه نک ناظمی اولان و یالکیز اوندن ملهم بولنسی ایجاب ایدن مدون
 بر قانون مدنیدن تورکیه جمهوریتک محروم قلماسی نه عصر حاضر مدنیتی ایجاباتیه
 ونه ده تورک اختلالنک استلزام ایتمدیکی معنا ومفهومله قابل تألیف دکلدر . عصر حاضر
 دولتی ابتدائی سیاسی تشکلردن آیران فارقه لردن بریسنی ده جامعہ نک مقدراتنده تطبیق
 ایدیلن قواعدک تقنین ایدلش اولسیدر . بدات دورلرنده احکام مدون دکلدر .
 حاکم عرف وعادته حکم ویرر . مجله نک معروض ۳۰۰ ماده سی استثنای ایدلمک شرطیه
 قانون مدنی مبحثده تورک جمهوریتی حاکملری درمه چاته ققه کتابلرندن و دین
 اساساتندن استنباط و استخراج صورتیه اجرای قضا ایتمکده درلر . تورک حاکمی
 حکملرنده مبین بر اجتهاد ، بر قول و بر اساس ایله مقید دکلدر . بناء علیه هر هانکی
 بر مسئله اطرافنده مملکتیزک بر مجلنده ویریلن بر حکم ایله عینی شرائط تحتنده تحدت
 ایدن عینی مسئله ده دیگر مجلنده ویریلن حکملر بر برندن اکثریا فرقی و متناقض
 بولمقده در . نتیجه اعتباریه تورکیه خلقی عدالتک تطبیقنده اطرادسزافه و متبادی
 تذبذب معروض قالمقده در . خلقک مقدراتی معین و مستقر بر عدالت اساسنه دکل ،
 تصادفه و طالعه باغلی و بر برینی متناقض قرون وسطائی ققه قاعده لرینه مربوط بولمقده در .
 جمهوریت عدالتک بو کشمکشدن ، یوقلقدن و پک ابتدائی وضعیتدن قورتارلسی انقلابک
 وعصر حاضر مدنیتک ایجاباتنه موافق یکی بر تورک قانون مدینسک سرعتله وجوده
 کتیرلسنی و تقنینی ضروری قلمشدر ، بومقصده احضار اولونان تورک قانون مدینسی
 قوانین مدنیہ صیراسنده اک یکی ، اک مکمل و خلفجی اولان اسویچره قانون مدینسندن

اخذ و اقتباس اولونمشدر . بو وظیفه بی مملکتیزک حقوق شناسلرندن مرکب خصوصی
 برانجمن ایفا ایله مشدر .

عصر حاضر عائله مدنیتنه منسوب ملتیزک احتیاجلری آراسنده اساسلی برفرق
 یوقدر . اجتماعی و اقتصادی دائمی تماسلر بشرک بویوک ومدنی بر کتله سنی بر عائله
 حاله کتیرمش و کتیرمکده بولونمشدر . پرنسپلری یابانجی بر مملکتدن اقتباس ایدلش
 اولان تورک قانون مدنی لایحه سنک موقع مرعیته وضعندن صوکر مملکتیزک
 احتیاجاتیه قابل تألیف اولماسی مدعای وارد کوروله مشدر . باخصوص اسویچره
 دولتک مختلف تاریخ و عنعناته منسوب آلمان ، فرانسر و ایتالیان عرقی احتوا
 ایتمکده اولدینی معلومدر . بوقادار حتی حرث اعتباریه دخی یکدیگرندن فرقی
 بر محیطده تطبیق الاستیکیتی کویستره بر قانونک تورکیه جمهوریتی کی یوزده طقسائی
 اعتباریه متجانس بر عرقی احتوا ایدن بردولنده تطبیق قابلیتی بوله بیلمه سی شبهه سز
 کورولمشدر . بوندن باشقه متمدن بر ملتک متکامل بر قانونک تورکیه جمهوریتنده
 جای تطبیق بولامایاجنی نقطه نظری سقط کورولمشدر . بو تهز تورک ملتک مدنی
 قابلیتی حائر اولمادیغنی افاده ایدن بر منطق سلسله سنه منجر اولابیلر . حالبوکه
 حادثه لری حقیقی ، حال و تاریخ بومدعانک تماماً ضدینه در . تورک تجدد تاریخی شاهد
 طوتیه لری ده نیله بیلیرکه : تورک ملتی عصر حاضرک مقتضیاتنه مطابق اولارق وجوده
 کتیریلن معقول و سالم وعقل ذکا ایله مترافق یکیکلکردن هیچ بریسنه معارض
 قالمشدر . بوتون بر تجدد تاریخیزک سیرنده عامه نک منافی ملاحظه سیله وجوده
 کتیریلن یکیکلکره یالکیز ، منفعلری مختل اولان زمره لر مجادلر وضعیتده قالمشدر
 و خلقی دین نامنه سقیم و باطل اعتقادات نامنه اضلال و فساد ایله مشلدر . اونوتامق
 لازمدرکه تورک ملتک قرری معاصر مدینتی بلا قید و شرط تکمیل پره نسپیلری ایله
 قبول ایتمکدر . بونک اک بارز وجانی دلیلی انقلابیزک کندیسیدر . معاصر مدنیتک
 تورک جامعہ سیله قابل تألیف اولمایان نقطه لری کوریلیورسه بو ، تورک ملتک قابلیت
 واستعدادنده کی نقصانن دکل ، اونی فضولی بر صورتده احاطه ایدن قرون وسطائی
 تشکیلات و دینی مدونات ومؤسساتنددر .

نته کم معاصر مدنیتله مجله احکامی شبهه یوق که : قابل تألیف دکلدر .
 فقط مجله ونوکا مقدس سائر مدونات ایله تورک ملتی حیاتک مترافق اولمادیغنی ده آشکاردر .
 عدلیه و کالاتی اک یکی واک مکمل اسویچره قانون مدینسک ملتیزک شیمدی به قادیار باغلی
 قالان واسع ذکا و قابلیتی تطمین ایدمه جک و اوکاحقیق بر جولانگاه و بر ساحه اوله بیله جک

بر اثر مدنی اولارق کورمکده در. بوقانونده ملتیزک دو بغولری ایله استیناس ایتیه جک برنقطه تصور ایتیه مکده در. شوجهتی ده اشارت ایتک لازمدرکه : معاصر مدنی آلمق و بنهسه مک قرار ایله یوروپن تورک ملتی ، معاصر مدنی کنديسنه دکل کنديسی معاصر مدنیتهک ایجاباته هر نه بهایه اولورسه اولسون آياق اويديرمق مجبوریتنده در. یاشامق قرارنده اولان برمت ایچون بو شرطدر. احضار اولنان لایحه بواجباباتک اقسام مهمه سنی احتوا ایتکده در. عرف وعادته و کوره نکاره صورت مطلقه ده باغلی قالمق دعواسی بشریتی اک ابتدائی وضعیتندن برآدیم ایلری کوتورمیه جک قادار تهلکهلی برنظریه در. هیچ برمتدن ملت بویه برعقیده اطرافنده قالمش و حیاتک ایجاباته توفیق حرکتله زمان زمان کندينی باغلیان عرف وعادتلری ییقیمده تردد ایتیه مشدر. [حقیقتلر قارشیدسنده آبا واجدادندن موروث اعتقادله بهمه حال باغلی قالمق عقل و ذکا ایجاباتندن دکلدر] اساساً اختلاللر بو خصوصده اک مؤثر برواسطه اولارق استعمال ایدلشلردر. آلمان قانون مدنیسنک تطبیقندن اول آلمانیا ، حقوق احکام نقطه سندن مرکزده بیرانس (۱۵۰۰) سنه اول یاپیش روما حقوقه تابع ایدی . بو حقوقه برده ملی حقوقک ملی و محلی متلری انضمام ایدیوردی . شرقده و شمالده روما حقوق و محلی متلرله قاریشیق برحاله پروسیه حقوق واردی . متباقی اقسامده فرانسه حقوق صرعی ایدی . اهالیسنک ۳۳٪ ی روما حقوقه ۴۳٪ ی پروسیا حقوقه ۷٪ سی ساقسونیا حقوقه ۱۷٪ سی فرانسه حقوقه تابع ایدی . آلمان قانون مدنیسنک تطبیقندن اول آلمان حقوق لسانی لاتینجه ، فرانسیزجه ، یونانجه ، و محلی آلمان لسانلرنجه ایدی . باویه راده یالکیز نکاح مقاوله سی حقنده ۷۰ الی ۸۰ اصول واردی . حاکم ایچون بومتلرک هپسندن آیری آیری خبردار اولق امکائی یوقدی . آلمان قانون مدنیسنک نشرندن اول آلمانیا ده برآدمک هر هانکی بر حادثه ده هانکی احکامه تابع اولاجغنی بیلمسی امکائی موجود دیکلیدی . آلمانیا حقوق شناساری بو بیک بر چشید و عصرلردن مدور حقوقدن قانون مدنی ایله مملکتلرینی برحله ده قورتاردیلر و بوتون آلمانیا ایچون تک بر قانون مدنی یاپدیلر .

قانون ۳ تموز ۱۸۹۶ ده نشر اولوندی و ملت مجلسنجه طوپدن قبول ایدلیدی . عرف وعادتیلره کوره آلمان قانون مدنی لایحه سی پک نظری ؛ و عملی نقطه دن قیمتسز تلقی اولوندی . حالبوکه تدقیق نتیجه سنده بوقانوندن کنديیلری دخی بر تک اساسی اوینامق امکائی کوره مه دیلر .

فرانسز قانون مدنیسی ده بر انقلاب محصولیدر . اوده اسکی احکامی ، عرف

وعادتلری چیکنه یه رک یکی دستورلر وضع ایتدی . صنف و اراضی امتیازلرینک لغوی و حقوق عائله نیک کلیسانک آلتدن آلمسی بوقانونک بللی باشلی یکیلکارتندن اولدی . قانون مدنیسنک نشرندن اول فرانسه محلی و مکتوب و بربرندن چوق فرقلی عرفلرله اداره ایدیلیدوردی . جنوبده روما زمانندن قالمه احکام ، شمالده جهرمن منبعلردن کله قاعده لر واردی . فضله اوله رق مناسبات مدنییه ده هر منطقه نیک کنديسنه مخصوص احکامی موجود ایدی . فرانسز اختلالنک اعتقادات باطله یه قاهر برضربه سی اولان قانون مدنی بوتون اسکیلکلی سیلیدی و برینه یکی احکام وقاعده لر وضع ایلیدی ، فرانسه قانون مدنیسنک اک چنین خصمی کلیسا اولمشدی چونکه بوقانون قاتولیکلکک مناسبات مدنییه ده بالخاصه عائله حقوقنده کی جا کیتنی سلب ایدیوردی .

اسویچره ، قانون مدنیسنک نشرندن اول قانونلرینک عددی قادارقانونلره صاحب ایدی . اسویچره قانون مدنیسی مختلف عرف وعادتلری احتوا ایدن بوقانونلرک هپسینی بردن حکمدن اسقاط ایتدی و برلرینه بام باشقه تک بر قانون مدنی قویدی . بو اوچ بویوک حرکت بوتون حیاتی اولو عنعنه لره باغلامق ایسته ین (تاریخی مکتب) ک صوک قهقیری هزیمتی اولدی . بومثاللری ویرمکدن مقصد ، زمانک ایجاباته و مدنیتهک مقتضیاتنه کوره ملتیزک عرف وعادتلرینه کوره بر حمله ده ناصیل وداع ایتدکلرینی و بو وداعک ظن ایدلیدی کی مضرت و تهلکه کی دکل ، بویوک منفعتلری استلزام ایله دیکنی جانلی بر صورتده کوسترمکدر . حیاتک ایجاباته اوینایان عرف وعادته اصراردرکه ملتیر ایچون باعث فلاکت اولور . بوسایدیغمز قانونلرده اساس دین ایله دولتک مطلق صورتده آیریلغیدر . اسویچره ، آلمانیا ، فرانسه سیاسی و ملی وحدتلرینی اقتصادی اجتماعی خلاص وانکشافلرینی قانون مدنیلرینی نشر ایتکله رضین و تقویه ایله مشلردر . بو حیاتی ضرورتلر قارشیدسنده اسکی عرفلرک ، محلی و مألوف احکامک و دینی اعتیادلرک ادامه سی بومملکتلردن هیچ برنده حتی اسویچره کی آرای عامه نیک اک واسع درجه سنده حکم سوردیکی برمملکتده بیله ایسته نه مش ایسته نه مش ، خاطرلره کله مشدر .

شبهه یوقدر، که: قانونلرک غایه سی هر هانکی بر عرف وعادت و یا یالکیز وجدانله علاقه دار اولماسی ایجاب ایدن احکام دینییه دکل سیاسی ، اجتماعی ، اقتصادی ، ملی وحدتک هر نه بهایه اولورسه اولسون تأمین و تطمینیدر . عصر حاضر مدنیته منسوب دولتلرک ایلمک فارقه سی دین ایله دنیایی آیری کورمکدر . بونک عکسی ، دولتک قبول ایتدیکی دین اساسلرینی قبول ایتیه ین کیمسه لرک وجدانلرینه تحکم اولور . بونی

عصر حاضر دولت تلقیاتی قبول ایده من . دین ، دولت نظرند و جداندرده قالدجه محترمدر و مصوندر . دینك حكم حالنده قانونلره کیرمسی تاریخك سیرنده اکثریا تاجدارلرك ، متقابلهك ، قوتلرك كيف وآرزولرینی تطمینه واسطه اولمسی استلزام ایتشد ، دینی دنیادن آیرمقله عصر حاضر دولتی بشریتی تاریخك بوقانی بلیه سندن قورتارمش ودینه حقیقی ومؤید برتخت اولان وجدانی تخصیص ایتشد ، باخصوص مختلف دینلره منسوب تبعهیی احتوا ایدن دولتلرده تك برقانونك بوتون جامعهده تطبیق قابلیتینی احراز ایده بیلیمسی ایچون بونك دین ایله قطع مناسبت ایتسی حاکمیت ملیه ایچونده بر ضرورتدر . چونكه قانونلر دینه مستند اولورسه وجدان حریتینی قبول مجبوریتنده بولنان دولته ، مختلف دینلره سالاك تبعهیی ایچون آیری آیری قانون یایقی ایجاب ایدر . بو حال عصر حاضر دولتنده شرط اساسی اولان سیاسی ، اجتماعی ملی وحدته کلیاً منافیدر . خاطر لاقی ایجاب ایدر كه : دولت یالکز تبعهیی ایله دكل انجیلرله ده حال تماسده در . بوتقدیرده اولر ایچونده قاپیتولاسیون نامی آلتنده احکام استثنائی قبول ایتك ضرورتی حاصل اولور . لوزان معاهدهسی ایله الفا اولنان قاپیتو- لاسیونلرك مملکتیزده ابقاسی ایچون انجیلر طرفندن سرد ایدیلن اسباب موجبك اك مهم جهتی بونقطه اولشد . بوندن باشقه قاق سلطان محمد دورندن صوك زمانلره قدر غیر مسلم تبعه حقنده تطبیق ایدیلن احکام استثنائییه ده بالخاصه بودینی وضعیت باعث اولشد . حالوکه بکی تورك قانون مدنی لایحه سنك احضاری وسیله سیله مملکتیزده موجود اقلیتلر لوزان معاهده سنك کندیلرینه قبول ایتدیکی حقلردن صرف نظر ایتدکاریخی عدلیه وکالتنه بیلدیرمشلردر .

تجدد تاریخیزده قیمتی اولان بر حادثهیی شوراجقده ذکر ایتك ایسترز . عالی پاشا فرانسز قانون مدنی سنك تورکیه ایچون عیناً قبولی و قتیله سلطان عزیزه تکلیف ایتمش فقط جودت پاشانك مداخله سیله بو بویوك تشبث عقیم قالارق یرینه مجله اقامه اولونمشدر . اساساً تکمیل اندیشهسی شخصی منفعتلرندن عبارت اولان وریایی شعار اتخاذ ایدیلن سلطنت ادارهسی ایچون ملتك حقیقی منفعتی ویا ایجاباتی نظردفته آلهرق قرار ویربله مزیدی .

عصر حاضرک مدنی ملتلره طانیدینی تکمیل حقوقی جهان مدیتدن بلاقید و شرط طلب ایدرکن بو حقوقك استلزام ایتدیکی وظائف مدنییه ده تورك ماتی بکی قانون مدنیسی ایله کندی ایله کندیسنه تمجیل ایتش بولونویور . بوقانون لایحه سنك معنارلندن بریسی ده بودر . تورك ملتك ممیل عالیسی اولان بویوك ملت مجلسك نظر تصویب

و تصدیقنه عرض ایدیلن تورك قانون مدنی لایحهسی موقع مرعیتیه وضع ایدلدیکی کون ملتیز اون اوچ عصرک کندیسینی چویره ن اعتقادات سقیمه سندن و تدبیرلرندن قورتولش اسکی مدنیتك قبولرینی قاپایارق حیات وفیض بخش ایدن معاصر مدنیتك ایچنه کیرمش بولونه جقدر . عدلیه وکالتی بوقانونی حاضر لامقله انقلاب وتاریخ حضورنده ملی وظیفه سینی ایفا وتورک ملتك حقیقی منفعتلرینی افاده ایتش اولدیغنده شبیه ایتمه مکده در .

عدلیه وکیلی
محمود اسعد

بویوك ملت مجلسی مذاکراتی

۱ — باسمه و طالتیرده کلن ۷۹۶ نومردلی « قانون مدنی » لایحهسی وعده

انجمنی مضبوطهسی

وارددر .

بوقانونك كل حالنده مذاکرهسی کچن جلسه ده هیئت عمومییه جه تقرر ایتشدی . بناء علیه سوز ایسته یلره سوز ویره جکم .

عدلیه وکیلی محمود اسعد بك (از میر) — آرقداشلر! برهفته دنبری نظر مطالعه کزه عرض اولنان تورك قانون مدنی سنك بوکون هیئت جلیله کزك تصویب و تصدیقنه اقتران ایلمسی طلب ورجا ایچون حضور یکزه چیقیورم . عدلیه وکالتکز بوقانونك تدوینی ، بر آن اول نشرینی استلزام ایدن ملی واجتماعی سیدلری قانون مدنی مقدمه سنده انتشار ایدن اسباب موجب لایحه سنده عرض ایدیلشد . اومارم که بوسبیلر هیئت جلیله کزجه ده قناعت بخش کورولشد . رئیس جمهور حضرتلرینك مجلسك کشادی مراسمنده ایراد بویوردقلری نطقده موضوع بحث ایتدکاری قانونلریمزك هبسی حاضر در . انقلابك ومعنا مفهومینی تثبیت ایده جك اولان بواثرلر بویوك ملت مجلسك سلسله موقیاتی میانه

بر سلسله ظفر دها علاوه ایده جك قادار اهمیتی حائز اولدینی فکر ندهیم .

آرقداشلر ! تاریخه ، یوکسک و وفا کار خاطره کزه ، بوتون حقیقتلرک بوتون جیلاقلرلیله موضوع بحث اولدینی بوکرسیدن کوچک برنقطه اطرافنده توقف ایدرک بر حقیقتی ده تودیغ ایتک ایسترم : بوقانونلری ، انقلابک بویوک لیدرینک الهامندن آلدیغ فیض ایله دوشونه رک تکلیف ایتم . بوندن بشقه منسوبیتله مفتخر اولدیغ تورک ملتک احتیاجاتی و هیئت جلیله کزک انقلاب اطرافنده شیمدی به قدر ویردیکی تاریخ و قطنی قرارلردن جسارت آلر ق حاضرلادم . بونکله برابر بوقانونلری حاضر-لارکن معروض قالدیغ مشکلات ایچنده یانی باشمده دائما بویوک باش وکیلی بولدم . بوتون بونلردن آلدیغ الهام و جسارتله چالیشار ق حاضرلادم و بوکون هیئت جلیله کزک حضورینه ، تورک ملتک بویوک منفعتلرینی افاده ایتکده اولدقلرینه قناعت کتیردیکم بوقانونلرله چقیورم .

آرقداشلر ! بوقانونلر انقلابک معنا و مفهوملرینی تثبیت ایده جکلردر . بوعتبارله درکه بر آن اول تصدیقلرلیله نشری ، تورک ملتی ایچون حیاتی بر ضرورتدر . بونلر بر آن اول تطبیقات ساحه سنه کیرمه دجه قرارلریکزله وجوده کتیریلن انقلاب بویوک بر معنا افاده ایده میه جک واوندن عامیله استفاده ممکن اولامایه جقدر . ملتیزک الهی فداکارلرلیله وجوده کتیردیکی بوانقلابدن تورک ملتک استفاده سی مشکل اوله جقدر . انقلابک معنا و مفهومی تثبیت ایدن بوقانونلرک انتشاریله درکه تورک خلق ، انقلابندن ، فیضلرندن استفاده ایده جکدر . انقلاب یولنده جان ویره ن وهنوز طوپراقلر آلتنده کوزلری قاپانغان انقلاب شهیدلرینی بو اثرلر تطمین ایده بیلیر فکر ندهیم .

بوکون موضوع بحث ایتکده بولوندیغ بوقانونلرک الهی بولونان و تورکک اجتماعی حیاتنده انقلابک مقتضیاتی و وضعیتی افاده ایده جک اولان بوقانون مدنی دنیانک ، جهان مدینتک اک معروف مؤلفلرنجه مظهر تقدیر اولان بر اثر مدنی در . بو اثر مدنی بزه مملکتیزک اک کزیده حقوق شناسلری طرفندن نقل ایدلشدر .

بنده کزجه بونک اک بویوک اهمیتلرنده بریمی ده تورک جامعه سنده جای قبول و تطبیق کورمسی در . و کورمسی اولاجقدر .

تورک ملتتی مدنی قابلیتلردن آزاده کوره نلر بوقانونک جامعه من ایچنده ناصل تطبیق ایدلکده اولدیغی کوردوکلری کون دوشونجه لرنده وافترا آلود فکرلرنده نه قدر آلدانقلرینی و سرعتله یورون تورک انقلابی اوکنده کندیلرینک نه قدر کری

قالدقلرینی کوره جکلر و اومارم که ابدی بر حجاب ایچنده قلاجقلردر (براوو سسلری آلفیشلر)

آرقداشلر ! طقوز یوز کسور ماده یی احتوا ایدن قانون مدنیزک اک مهم اقسامی بالخاصه عائله تشکیلاتی ، تأسیسات فصلی ، میراث مسائلی و عینی حقلر تشکیل ایتکده در . تورک تاریخنک ، بنده کزک آ کلایشمه کوره ، اک حزین سیاسی تورک قادینی در . یکی لایحه نک عائله تشکیلاتی و میراث احکامی شیمدی به قدر ایسته نیلیدیکی زمان قولندن طوتیه رق براسیر کی بردن بیره ووریلان فقط تا ازلدن خانم اولان تورک آنه سنی لایق اولدینی موقع احترامنه کتیره جکدر (براوو سسلری آلفیشلر) . تورک آنه سنی موقع حقیقسنه و احترامنه کتیره جک اولان بوقانون ، اونوتماق لازمدرکه ، عینی زمانده تورک جامعه سنی اک قوتلی واک اساسلی بر صورتده ترصین ایتش اولاجقدر .

آرقداشلر ! قانون مدنی یی تصویب و تصدیق بویوردیفکرن آنده انقلابه و تورک تاریخنه ، تورک حیاتنه یکی بر سیر بخش ایتش اولاجقسکرن . بوقانونی قبول معرضنده اللریکزی قالدیردیفکرن زمان کچن (۱۲) عصر دوراجق و تورک ملتته ، تورک جامعه سنه یکی و فیضی مدنی بر حیات آچیلاجقدر . انقلاب واونک اوز صاحبی اولان تورک ملتی بو تاریخی قراریکزی بکلور . عدلیه و کالتکرن ، قانون مدنی یی حاضرلامقله تاریخ و انقلاب حضورنده تورک ملتک حقیق منفعتلرینی افاده ایتش اولدیغنه صمیمیتله و وجدانی بر قناعتله قانعدر .

مضبطله محرری شکری قیا بک (منتشا) — محترم افندیلر ! عدلیه انجمنکرن تورک قانون مدینسی اوزون اوزادی به تدقیق ایتدی و عیناً قبول ایده رک تصویب عالیکزه عرض ایدیور .

افندیلر ! بوقانون تورک ملتی ایچون مدنی و اجتماعی ، حیاتی و انسانی قطنی بر احتیاجدر . بواحتیاجی و بوضورتی وقتنده حس ایدن عصمت باشا حکومتنه واونک عدلیه وکیلی محمود اسعد بکه تشکری ملی بروظیفه عد ایده رم . چونکه افندیلر ، تورک ملتتی بر طرفدن بویوک خلاصکارک ارشاد و اشارتی تحتنده اک مدنی واک عصری تشکیلات و قانونلرله تجهیزایدلرلرکن دیگر طرفندن ده تورک ملتتی کندیلکندن ترقی و مدنیته بولنده اک کنیش و قطنی آدمیلر آتارکن اونک مناسبات دنیویه سنی متصل و منجمد احکامه باغلی بولوندورمق شبهه سزکه چوق منطقسز بر حرکتدی . انسانلر محاط بولوندیغی اشخاص ایله هر کون بلافاصله مناسبتده در . اولادلق ، بابالق ، قاریلق ، قوجالق ، اولمه ، بوشانه بومناسبات دنیویه نک حقوقی تعبیرلیردر . مدنی مملکتلرده بوشخصه

مناسبتلر مدون قانونلره تابعدر . مع الاسف بزده بويله بر قانون تدوين ايدلش دكلدر .
حتي ديه بيليرم كه بزده مثبت ، مستقر ، معين احكام وقواعد دخی يوق ایدی ، چونكه
شيمدی يه قدر بوكی احوال و مناسبات مختلف مذهبیره ، مختلف رأيلره ، مختلف ،
روايتلره ، مختلف اجتهدلره ، مختلف تلقيلره تابعدی . محكمه لر عزمك سجاللری ئوز
باباسنی اثبات ایدمه یین چوجوقلرك ، قوجه سنك خبری اولادن بيلم نه سبیدن بوش
دوشمش اولان قادیلرك ، هنوز داها بشيکده ايکن معصوملری کنديسنه وياخود
باشقه سنه تزويج ایدن وصيلرك و بونلره تعلق ایدن دعوالرك برهيجان و بر ألم سر -
گذشتلریله مالا مالدر . هر بريكزك خاطره سنده بونلرك بيكلرجه خييع مثاللری وارددر .
تورك ملتی عصرلرجه بوندن مضطرب اولمشدر . تورك ملتی کندی عقل سليمی
وتجربه سيله بواحکامی چوقدن اتهام ايتمش و محکوم ايتمش و بوقاعده لرك آلتنه چوقدن
مفسوخدر تفاسنی وورمشدر . ذاتاً هر قانون بر صحنه مدنيتك يا محصله سی يا افاده سيدير .
جماعتلرك احتياجلرینی تطمين ايتمين ، حرکات و فعاليت مدنيه لرینه مانع اولان واستقباللرینی
کسر ایدن قانونلر بذاته ساقط اولورلر . ياخود واضع قانونلرك طرفندن اسقاط والفا
ايديلر اکر بواولمازسه ؛ او قانونلر وقاعده لر تحت حکملرینه آلدینی ملتلی بشریت
حقندن اخراج ايدرلر . منبعلرینی بشری ملاحظه لردن آلمايان قانونلر ايچون و او قانونلره
اتباع ایدن ملتلر ايچون بوعاقبت مقدردر . تورك ملتی مدنيتك بوتون ايجاباتنی بنمسه يه ررك
حالا کنديسنی بويله وسطائی قاعده لره باغلايامازدی . افنديلر ! هر قانون کندی دورینی
ياشار . و هر دورك کندی قانونی وارددر . استبداد دين نامه باطل وضعيف عقیده لرك
وجدانلره حاکم اولماسنی ايستهر و اونك قانونلری ده بواساسلردن ملهمدر . استبدادده
بومعاملات شخصيه نك چوروکلکی کورولمشدر . فقط استبداد حکومتلری هيچ بر
وقت بونك تعديلنه ياناشامادی . بوقانون مدنی لایحه سنك مجلس عاليکزه تودییی ،
خلافتك يقيلماسنه سلطنتك دوريله سنه و جمهوريتك اعلانه تصادف ايتمشدر . ملتك
سوه سوه و کنديسنه بر فلاح اولق اوزره اعلان ايتدیکی جمهوريت ذاتاً باشقه قانونلره
ياشايه ماز . مملکتك سلامتتی مؤکل اولان جمهوريتی تحکیم وتقويه ايتك ايسته يورسه کز
جمهوريته لایق قانونلر ياپيکز و ارتجاعي بسله یين قاعده لری الفا ايدیکز . ارتجاعي بسله یين
قانونلر بر طرفندن مرعی ايکن ديگر طرفندن انقلاب کنديسنی کندی منطقی ايله کندی
حسیله و کندی قوتيله مدافعه يه مجبور قالير (براووسلری آلفيشلر) . بوندن صرف نظر
بو اسکی قاعده لر باقي ايکن بز مستقل بر حکومت دخی تشکيل ایدمه يه جك وضعيته
ايدك . چونكه دولتمزك استقلال تشريعیسی یوقدی . استقلال تشريعیسی اوليان بردولته

مستقل بردولت دینيله بيلیری ؟ اسکی قاعده لرك ديگر خييع بر جهتی ده دنيا نك هر هانکی
فضيلتکار بر ملتك قادیلرندن دها فضيلتلی اولان واول و آخر فدا کارلريله بومملکت
بيکلرجه شهيد يتشدیره ن قادیلر منی بر چوق حقلردن محروم ايتسی ایدی .
افنديلر ! ملتلر عائله لره استناد ايدر . عائله لر ، ملت بنیه سنك اك قوتلی حجره لریدر .
برملت كه ركن اصلیسى اولان قادینی حقوقندن محروم ايدر ، حياتدن اسقاط ايدر .
کندی کنديسنه يازيسنی مفلوج ايدر . افنديلر عصرلردنبری تورك قادینك ياپدينی
فدا کارلق و کوستردیکی فضيلت کنديسنه قارشى لازم کلن حرمته حق قازاندرمشدر .
تورك ارککلرينك جوانمردلکی وسجیه سی و خصوصيله تورك قادینك فضيلتی
آرتق بومساواتسلرقلری ازاله ايتك زماتی چوقدن کيرمشدر . انجمن ، تورك سجیه سنه
وتورك احتياجنه اك لایق اولان قانونك بوقانون اولديغنه قانعدر و بوقانون دوغريدن
دوغرويه اسويچره قانونندن و حرفياً نقل ايدلشدر . نظری اوله رق بلکه دنيله بيليركه
موجود احکامی احتياجات عصره توفيق ایدهرک آيروجه بر قانون ياپيله بيليردی .
افنديلر ! آیری آیری اساسلره وعنصرلره منسوب اولان دساتیری برلشديرمك عادتا
مختلف الجنس اشيايی جمع ايتكه بکزه ر .

ماضیده بر چوق مثاللری اولمشدر . بويله تشبث عادتا بر مجموعه غرائب اولور . هم
افنديلر ، قانون يایمق ديمك مطلقا ماضينك قواعدينی انجماد ايتديره ررك بونی استقباله
وانسال استقباله تحمیل ايتك دكلدر . قانونلر حال و احتياجن ملهم اولور . فقط دائماً
ودائماً استقبالك ادامه سنی استهداف ايدرلر . تورك ملتك ، تورك مدنيتك استهداف
ايتدیکی استقبال ايسه رفاه وسعادت آرايان کنیش پرورسز و پرواسز بر مدنيتدر .
مختلف ملتلرك دساتير حقوقيه سنی تأليف ايتك احتمالی ده واردی . فقط نه قنیق ، اصول
نقطه نظرندن بو بر چوق محاذیری حائزدر . اول امرده ماده لر واحكام آره سننده
تضادلر بولنه بيلير . يپ يکی وعصری بر قانون يایمق جهتی ده واردی . اولابوپك چوق
زمانه توقف ايدر .

افنديلر ! بز قصورلرینی کمال جسارتله سويله یين بر ملت (براووسلری) . عسکر -
لکمزك ، طبابتك مستفيد اولدينی غريبك اصوللردن حقوقیائمز نه دن محروم قالسون ؟
ذاتاً عقل ايچون طريق بر اولدينی کبی بشریتك مناسبات شخصيه سنی تدوين ایدن
قانونلرده ده يکمنسقی يه دوغرو کيتمکده بر تمایل وارددر . بناء عليه اك سالم بول ،
بر چوق يکی تشکيل ایدن ملتلرك ياپدقلری کبی ، بزمده اك مدنی اك عصری بر قانونی
آله رق مملکتمز تطبیق ايتمکدی . ايسته حکومتمز بو اک قيصه واک دوغری بولی

بولشدر . چونكه اسويچره قانون مدني سي ادراك بشرك حقوق نامنه وقابل تطبيق حق نامنه بولايلايكي بوتون اساساتي محتويدير . عائله يي تقويه ايدر ، فضيلت پرورد ، يتيملري وچوچقلري حمايه ايدر . بوندن بشقه مختلف طباييع وعناصرى محتوي اولان بر مملكتده تطبيق اولونمشدر . ابي نتيجه لر ويرميشدر . يكي قانون مدنيك طلاق تقيد وتعدد زوجاتي منع كي بعضي خصوصاتي واردر . افنديلر ! بونلر قانون مدنيك نتيجه سي دكل ، مدنيك ضرورتيدر . (چوق دوغرو سسلري) بوقانون مدني عيني زمانده بر قانون مدنيدير . بولايجه بلكه دهامكامل اولاييليردي . ديه برشي وارد اولاييلير . فقط افنديلر مشهور بر واضع قانونك (صولون) ك ديديكى كي واضع قانونلرك وظيفه سي ملترينه اك مكملنى دكل اك موافق اولان قانونى ويرمكدر . ايسته اونك ايجوندر كه انجمنكيز بولايجه نك مملكتكيز اقليم وطبايعنه وخلقكمزك سجييه سنه موافق اولديني قناعتنده در . مملكتكيز قورتاران اك بويوك رئيسك اشارت وارشايديله مملكتكيز سلطنتك الغاسي ، خلافتك الغاسي ، جمهوريتك اعلافي كي اساسلى انقلابلري تأمين ايدن بويوك ملت مجلسك بوانقلاب حقوقى يده تأمينه وتاريخمزه برآبد مدنييت ركز ابدجككه انجمنكيزك قناعتى واردر (براوو سسلري آلفيشلر) .

امين بك (توقاد) — محترم آرقداشلر ! بوكون موقع مذاكره وضع اولنان قانون ، الهى حقوق ايله دنيوى حقوقى تفريق ووجداني اساساتي استهداف ايدن معاصر مدنيته تورك قانون مدنيك احكام شخصيه واحكام عينييه قسملريني محتوي طقوزبوز كسور ماده دن عبارت معظم برادرر . بوتاريخي قانونك موضوعايله اسكى مدونات آره سنده مقايسه صورتنده بيان مطالعه يي بي لزوم تلقى ايدهرم . چونكه متروك برذهنيتدر . آنجق جملاً مولداتندن بحث ايدجكم . متبارز بر حقيقتدر كه هر قانونك هر مدوناتك وضعي ، تدويني تحريك ايدن برطاقم اسباب واردر . بواسبايدن برى مولدات قانوندر بوقانونك مولداتي ايسه عصرى حيات مناسبات وحادثات اجتماعيه مزك بزه تلقين ايتديكي معاصر ضرورتلريمزك ، احتياجلريمزي تظمين وتوحيددر . بونكه برابر محترم آرقداشلر ، بوتاريخي قانون يكي معاصر بر مرحله يي ادراك ايتديكمزي بيشير ايديبور . يكي مرحله ديدم . چونكه عالم شمول ايلك مرحله شوايدى : بويوك ليدريمز اولو غازيمز ، رئيس جمهور مصطفى كمال پاشا حضرتلرينك ملك ووجدان وعزمنده كي صلابتي تقدير بيوره رقى الهام وافاضه بيوردقلري حاكيت مليه روحنك تجلياتي آنندن باشلاركه بونده ملتك موجوديتي حكومتك شكلى ، بشريته وجهانه نمونه تشكيل ايدجك صورت وماهيتده تحقق ايتمشدر كه بونى تاريخ آلتون حروفاتله

يازدي . تاريخك ينه قيد ايدجككني اشارت ايتديكم ايكنجي مرحله ايسه بوتحقيقاتي معاصر اساسات حقوقيه مزله ده ترصين وتزبين اولوب بوده ملتك قدرت وقابليت اجتماعيه سني تمثيل ايدر . بوكا بناء بويوك داهيمزك عالي فيوضاتندن الهام آلان محترم باش وكيلمز عصمت پاشا حضرتلري ايله رفقاى مساعيدنك عصرى اساساتمز مؤيداتندن اولارق بو محتم قانونى آز زمان ظرفنده مجلس عاليكيزه كتيتمك موفقياتندن دولايي شايدان تقديسدر . بومكمل قانونك عباراتي غايت آچيق وسليس ماده وفقره لري آراسنده تام آهنگ و انسجام واردر . بونك بر ماده سنه ، بر فقره سنه دوقونق روحنى وضعت انسجامنى اخلاص ايدر . عينا قبول بويوريله رقى توركيه جمهوريتى عدليه سنده برآن اول ساحه تطبيقه كچمى استرحام ايدرم .

بسم آتالاي بك (آقسرائى) — آرقداشلر ! تاريخده هر آچيلان يكي برانقلاب دوره سي ، مالى وعدلى سياستنى تثبيت ايتمه دكجه او ، صابون كوپوكى اوچش كيتمشدر . جمهوريت اقتصاد واديسنده كي سياستنى كچن سنه اعشارى الفا ايتمكله تثبيت ايتمشدر . حقوق وعدليه ساحه سنده ده صوك سوزيني سويله مى بگله نيوردى . شو عصرى ومدنى قانونلده ده صوك سوزيني سويله يور . شبهه سزدر كه جمهوريت سلطنت وخلافت آرتيني اولان قانونلرله اداره ايديله مزدى . هيكيز بيليرسكيز كه خلافت وسلطنت قانونلري چورومش وقوشدر . سزه بك ياقيندن بيلديكم بروقه يي عرض ايدجكم . نه مملكتك اسمنى سويله يه يم نه ده شخصك اسمنى . چوق زنكين بر ميراث دعواى ظهور ايديبور . حاكمه كليورلر . « رجا ايدرم حاكم افندى بوايشى بزه حل ايديبور » ديورلر . حاكم « اون صارى ليرا كزى آليرم » ديور . كويلو يالواريبور « پارام يوق ، بش ليرا ويريم » ديور . كونلرده رمضان . حاكم افندى عيني زمانده جامعده وعظ ايديبور ، بازارلق بيتمه دن حاكمك يانه زائرين كليور . هر كس آلنى اوپوبور ، پيده كوردكى كي ديركن زائرلر كيديبور ، اذان اوقونوبور ، بازارلق بتمبور . حاكم ديكر مسافرلرله برابر جامعده كيديبور . نماز قيليور وعظه باشلايور . آرتق نه جوهرلر صاچيور بيلسه كز . ديركن كويلو جامعدهن ايجرى كيريبور . خواجه همان مجراى كلامنى ده كيشديره رك الله سزى اصلاح ايتسون ، سزك آلنى دكل ، يدى دكل ، اون بارمقكيز قاره در . سزك اصلاح ايديله جك يريكز بوقدر ديور ، وعظ بيتيور . محكمه ده اوكون حاكم حكمنى ويره جك ، حريفك لهنه حكيم ويريبور . اساساً آدامجيز حقلى ، آقشام اوزرى بش يرينه آلنى كتيريبور . آتيور قفاسنه

به تورك ! ديور ؛ بن سكا جامعه اون اون ديه اشارت ايتدم . (اون پارمگنر قاره در) ديدم ديور .

آرقداشلر ! شوامامك اجتهدينه كوره بويله ، طاغدن كلش ايكي اوقه پيلو يمش ، مملكتك احتياجني بيلمز ، طائماز ، عقلا كلن مسائل اجتهد ايتمش ، بونكله يورونزدی رجا ايدرم . ايشته بونك ده كيشمه سي لازم كليوردی . بزناصل كه علوم وفنون سائردهن غربك آرقه سندن يورومكه مجبورز . ديكر مؤسسات علوم وفنون كي علم وحقوق ده يوكسه لمشدر . اونی ده غربدن آلفه مجبورز . اونی آلازسه ق سودان كي ، فاس كي ، بخارا كي موجوديتزدن هيچ برشي قالمایه جقدر . آرقداشلر ! بوقانون هر حالده مملكتی عصری ، ملی مدنی برحاله كتيره جكي ايجون قبولی رجا ايدرم . چوق كوزهل چوق موافق برقانوندر (مذا كره كافي سسلری) .

يوسف كال بك (سينوب) — آرقداشلر ! عدليه انجمنی نامنه محترم مضبطه محرری شكری قاييا بك قانون حقنده مطالعه درميان بويوردیلر . بنده كزك معروضام آرتق عدليه انجمنی نامنه اولمايور . عدليه انجمنندن بر فرد اولفله برابر دها زياده حقوقله توغل ايدن بر آرقداشكزك مطالعه سي كي اولويور . كرك محترم وكيل بك افدينك و كرك شكری قاييا بك افدينك سويله دككري سوزلره علاوه ايدم جك برشي قالمادی . يالكز مملكتك تاريخ حقونده تورك ملتك تاريخ حقونده بك مهم بر نقطه بك مهم بر دوره تشكيل ايدم جك بر وقعه حقنده ولو زائد اولسه ايكي سوز دها سويله مك ظن ايدرم كه باشكزی آغري تاز .

بوقانون مدنی قبول ايتمكله نه اوليور ؟ آچيق وسريست سويله يهلم . تورك عرفنه يكي براستقامت و برييور . بويكي استقامت هرملتی قورتاران جهتدر . قانون مدنينك قبولی بودر . بوقانونی اوقود يغمز زمان احتمال بعض كله لری مأنوس اولماماسندن وبعض آليشديغمز تعبيرلرلك بولوناماسندن وبعض حكملرينك بزه قاريشيق كورونمسندن ، بلكه براور پر مه دويدق . فقط آرقداشلر ، آرادن بر آرزمان كچد كدنصكره ، بز بوقانونك محتوياتنه ، احكامنه دها زياده واقف اولدقندن ، دها زياده آكلادقندنصكره كورورز كه بوندن اولكي اومعظم ، اوموجز ، اومكمل مجله بوقانونك احتوا ايتديكي ماده كوره بك نقصاندر . وجيهه لر قسمی كلديكي وقتده كوروله جكدر . شيمدی كورولميور . بيعك ، اجاهنك كفاله بك وسائرهنك احكامنی تماماً احتوا ايتدكدن بشقه بوزمانه قدر عربيجه بيلمه ين بر نوركك كوجلكله مطلع اولابيله جككري شی ده احتوا ايدلييور . كوره جكز كه بوقانون غایت انسانی ، بسيطدر و انسانلرك افعال و حركانندن معاملاتندن آلتشدر . يوقسه

بر حرفك ، بركله نك ، دار چرچيوه سندن استمزاجه چاليشمامشدر . آچيق وسريست قونوشالم . اونك ايجوندر كه بو تور پر مه لره مقابل بن بك عاجز بر حقوق شناس اولمق اوزره تأمين ايدم بيلم كه ضرر دكل خير محض دوغاجقدر . احتمال عرفلر يغمزده بعض تعارض واقع اوله جقدر . فقط دمین عرض ايتديكم كي اونی كال جسارتله ، كال ممنونيتله قبول ايدم ؛ عرفلر يغمز ، او بوله دوغرو توجه ايتسون . دمین بر آرقداشمرك بويوردینی كي تورك ملت ذاتا باشقه بوله كیده مزدي . صكره كوريسورز كه ألمزده بشيكدن مزاره قدر حتی مزاردن صكره ده بوتون معاملاتنی احتوا ايدن بر قانون واردر ، بر قانون اولاجقدر وباشدن نهايته قدر يكسقدر ، باشدن نهايته قدر بر آهنگ ايجنده در . بده آريجه بر فائده تأمين ايتمكده در . بوزمانه قدر ألمزده بولونان احكام بويله ي ایدی ؟ اك مقتدر حقوق شناسلر يغمز دن صورارم . اك مقتدر حقوق شناسلر يغمز حقوق مدنيه نك هر ساحه سنده ايتسه دككري كي معلوماتی حائر اولابيلورلری ایدی ؟ مسأللی چيقارا . بيلورلری ایدی ؟ خايير . ييجون ؟ چونكه قاريشمشدی . حتی بر چوق خصوصات بر چوق زماندنبری چاليشلديني حالده ، هنوز قانون حالنده دكلدی . اك مهم خصوصات تكرار ايتك ايتسه مه يورم ، محتوياتنه كيرمك ايتسه مه يورم ، قانون حالنده دكلدی . افديلر . يا فلان مفتينك ويرديكي فتوا تورك ملتنه قانون اوليوردي . مجله تدوين ايدلديكي زماندنبری باقه جق اولورسه كز كوره جكسكز كه ألمزده بولونان وقانون مدنی ديديكمز قانونلرك هيچ بريسي ملت كوره نك ، ايتسه يهرك ولو كه بويله هيئت عموميه حالنده اولسون ، مذا كره ايدمرك الندن كچيرمش دكلدر . (براوو سسلری) مشروطيت زماننده بيله حقوق عائله قرارنامه سي مجلسدن كچمه مشدر . قرارنامه حالنده چيغمشدر . هر شيئي آچيق سويليورم آرقداشلر . خاطرلره بويله طويدن مذا كره دن دولايي برشي كله جك اولورسه او كاده جواب ويرمك ايتسه يورم . مجله المزده در . هپ اراده لرله قبول ايدلشدر . حقوق عائله قرارنامه سي الكزده در . اصول محاكات حقوقيه قرارنامه در . تجارت قانونی اراده ايله در . يعني هيچ بريسي ملت مجلسندن كچمه مشدر . اونك ايجون كال جسارتله قبول ايدم ، كال جسارتله ملت دوغرو يورويهلم . وتوصيه ايدم . يالكز شورايي تكرار وتكرار حكومتزدن تمنی ايدم كه بوقانونك ، حسن تطبيقی ايجون ، ايجنده تأسيسی لازم كلن بر طاقم مؤسسه لر واردر . او مؤسسه لر بر آن اول تأسيس ايتسون . بزده مجلسده ألمزدن كلديكي قدر بو خصوصه معاونت و يارديم ايدم . (براوو سسلری ، آلقيدشلر)

رئيس — افندم ؛ باشقه سوز ايتيه ين وازمی ؟ (خاير سسلری)

افندم ، بوقانون حقننده کچن جلسده قبول ايتديککيز قرار ، قانونک کل حالنده رايه وضعي در. بناء عليه قانونك هيئت عموميه سني کل حالنده رايكيزه عرض ايدده جکم . عصمت بك (چوروم) — افندم ، خطا و صواب جدولی ايله برابر کل حالنده رايه وضع ايدلسون .

شکری قايابك (منتشا) — تصحيح شرطيله افندم .

رئيس — افندم تورک قانون مدنيسی ، خطا و صواب جدولی موجبجه تصحيح اولونوب يکيدن طبع اولنه جقدر .

تورک قانون مدنيسی کل حالنده قبول بويورانلر لطفاً ال قالدیرسون قبول ايتمه ينلر لطفاً ال قالدیرسون ! (متفقاً سسلری) افندم ، قانون متفقاً قبول ايدلمشدر (شدتلی آلفيشلر) .

ختم مذاکرات
دقیقه ۱۵
ساعت ۲۰

عدليه انجمنی مضبطه سی

عدليه وکالتنجه ارباب علم واختصاصدن مرکب بر قوميسيون مخصوص معرفتيله اسويچره قانون مدنيسندن نقلاً وجوده کتيريلن اشبو لايحه انجمنمزه حواله ايدلمش اولغله بعض مهم جلسه لر باش وکیل عصمت پاشا حضرتلرينک هيئت عموميه سي ده عدليه وکيلي محمود اسعد بك افندی و مذکور قوميسيون اعضا سندن قانون مدنی مدرسی ولی الدين بك حضور لريله مطالعه اولندی. لايحه مذکوره اليوم ممالك متمنده ده مرعی قوانین مدنيه نك اك مکملی اولان اسويچره قانون مدنيسندن نقل ايدلمش اولسنه واحتوا ايتديکی احکام واساسات جديده نك حیات مدنيه واجتماعيه وحائز تأثیر انقلابات حصوله کتيره جک وهر حالده برچوق نقصانلری می ا کمال ايدده جک ماهيته بولسنه مبنی اساس اعتباريله حکومتتمزک مصیب اولان نقطه نظری انجمنمزه ده تصویب ايدلد کد نصکره ماده لر ، برر برر مطالعه واقضا ایدن ايضاحات تلقی اولنه رق عیناً قبول ايدلمشدر .

اشبو لايحه نك علاقه دارنجه حسن تفهيم و تطبيقی ضمننده اقتضا ایدن تدابيرک وکالت مشارالیه اجه شيميدین احضار ايدلمکده اولديغنه شاهد اولان انجمن قانونک موقع تطبيقه وضعنه قدر کچه جک مدت ظرفنده بوبابده داها واسع ومؤثر تدبيرلر اتخاذ ايليه جکی قناعتی اظهار ايله لايحه قانونيه بی هيئت عموميه يه عرض ايلر .

کاتب	اشبو لايحه نك مضبطه محرری	انجمن رئيسی
صاروخان	منتشا	صاروخان
کمال	شکری قاياب	مصطفی فوزی
اعضا	اعضا	اعضا
قسطمونی	بوزاق	قسطمونی
حسن فهمی	حمدي	نجيب علی
اعضا	اعضا	اعضا
چوروم	قونیه	قونیه
منیر	رفیق	توفیق فکرت
اعضا	اعضا	اعضا
سينوب	آتپاليه	قره سی
يوسف کمال	احمد ساقی	عثمان نیازی

قانون لايحه سنی توديع و امضا ایدن هيئت وکيله

بحريه وکيلي	مدافعه مليه وکيلي	عدليه وکيلي	باش وکيلي
احسان	خسته	محمود اسعد	عصمت
معارف وکيلي	مالیه وکيلي	خارجيه وکالتی وکيلي	داخلیه وکيلي
مصطفی نجاتي	حسن حسنی	محمود اسعد	محمد جميل
صحيه و معاونت اجتماعيه وکيلي	تجارت وکيلي	زراعت وکالتی وکيلي	نافعه وکالتی وکيلي
دوقتور رفیق	علی جنانی	محمد جميل	علی جنانی

قانون لایحه سنی حاضر لایان علمی هیئت اعضا

اعضا	اعضا	رئیس
قسطنونی مبعوثی	صاروخان مبعوثی	سابق خارجیہ و کیلی منتشا مبعوثی
حسن فہمی	مصطفی فوزی	شکری قایا
اعضا	اعضا	اعضا
استانبول برنجی تجارت	استانبول محکمہ اصلیه	استانبول جنایت
رئیس	رئیس اولی	مدعی عمومی
اسعد	فیض دائم	فؤاد خلوصی
اعضا	اعضا	اعضا
استانبول صلح	استانبول محکمہ اصلیه	استانبول محکمہ اصلیه
حاکم لردن	اعضاسندن	رئیس لردن
عزیز	صبری	شمس الدین
اعضا	اعضا	اعضا
اسبق تمیز اعضاسندن	اسبق تمیز اعضاسندن	محکمہ تمیز اسبق رئیس اولی
حاجی رفعت	جواد	عثمان
اعضا	اعضا	اعضا
مدرس	مدرس	مدرس
بہا	ابوالعلا	شوکت محمد علی
اعضا	اعضا	اعضا
قانون مدنی شارح لردن	مدرس	مدرس
وصفی راشد	صمیم	شوکت
اعضا	اعضا	یوسف ضیا
آووقات	آووقات	آووقات
ناظم	باہر	تحسین

تورک قانونہ مدنی [۱]

باشلانغیج

ماده : ۱ — قانون، لفظیہ ویا روحیہ تماس ایتدیکی قانون مدنیک تطبیق بوتون مسئله لردہ مرعیدر. حقدہ قانونی بر حکم بولونمایان مسئله ده حاکم عرف و عادتہ کورہ، عرف و عادت دخی یوق ایسہ کندیسکی واضع قانون اولسہ یدی بومسئله یہ دائرناصل بر قاعدہ وضع ایدہ جک ایدسہ اوکا کورہ حکم ایدہر . حاکم، حکم لردہ علمی اجتہاد لردن و قضائی قرار لردن استفادہ ایدہر .

ماده : ۲ — هر کس، حق لرینی استعمال دہ و وجیبہ لرینی ایفادہ حسن نیت قاعدہ لرینہ رعایتلہ مکلفدر . مدنی حق لری شمولی عمومی وظیفہ لر برحقک صرق غیری اضرار ایدن سوء استعمالنی قانون حمایہ ایتمز .

ماده : ۳ — برحقک دوغومی ایچون قانوناً حسن حسن نیت

[۱] بو قانون ؛ رسمی جریدہ نک ۴ نیسان ۱۹۲۶ تاریخ و ۳۳۹ نومرولو نسخه سیلہ نشر و اعلان ایدلمشدر .

نیت شرط قیلنان حاللرده اصل اولان، اونک وجودیدر .
آنجا، ایجاب حاله کوره کندیسندن بکله ناهتمامی صرف
ایتمه ین کیمسه حسن نیت ادعاسنده بولوناماز .

حاکمک تقدیری ماده : ۴ — قانونک تقدیر حق ویردیکی وایجاب حاله
یاخود محق سبیلره نظراً حکم ویرمکه مکلف طوتدینی
خصوصاره حاکم ، حق ونصفتله حکم ایدر .

وجیبه لرك عمومی قاعده لری ماده : ۵ — عقودک انعقادینه وحکم لرینه وسقوطی
سبیلرینه تعلق ایدوب وجیبه لر قسمنده بیان اولونان عمومی
قاعده لر ، مدنی حقوقک دیگر قسملرنده دخی جاریدر .

بینه بینه کلفتی ماده : ۶ — قانون ، خلافتی امرایتمه دجه طرفیندن
هربری مدعاسنی اثباته مجبوردر .

رسمی سجل و سندلر ماده : ۷ — رسمی سجل وسندلرک دوغرو اولمادیغنی
ثابت اولونجه یه قادار مندرجاتی ایله عمل اولونور . بو
مندرجاتک دوغرو اولمادیغنی اثبات ، بر شکل مخصوصه باغلی
ده کیلدر .

برنجی کتاب

شخصک حقوقی

برنجی باب

حقیقی شخصلر

برنجی فصل

شخصیت

ماده : ۸ — هر شخص ، مدنی حقلردن استفاده ایدر .
بناء علیه قانون دائره سنده حقلره ووجیبه لره اهل اولمقده مدنی حقلردن استفاده
هرکس مساویدر .

ماده : ۹ — مدنی حقلری استعماله صلاحیتدار اولان
کیمسه اکتسابده التزامده اهلدر .
مدنی حقلرک استمالی موضوعی

ماده : ۱۰ — تمیز اولان رشید ، مدنی حقلری
استعماله صلاحیتداردر .
شرطلری

ماده : ۱۱ — رشید ، اون سکزیاشک اکمالیه باشلار .
اولنه ، کشی بی رشید قیلار .
رشد

ماده : ۱۲ — اون بش یاشنی اکمال ایدن کوچوک ،
کندی رضاسی و آنا باباسنک موافقتی ایله محکمه اصلیه جه
مأذون قیلنا بیلیر . وصیت آلتنده ایه ، وصی ده دیکله نیر .
قضائی رشد

تمیز قدرتی ماده : ۱۳ — یاشنك كوچوكلىكى سببيله ياخود عقل خستىلنى ويا عقل ضعيفلىكى وياسر خوشلق و بونلره بگزىر سببلردن بريله معقول صورتده حركت ايتىك اقتداردن محروم اولمايان هر شخص ، قانون مدنيجه ميمزد .

مدنی حقلى استعماله ماده : ۱۴ — ميمزا اولمايان كوچوكلر و محجورلر مدنی حقلى استعمال صلاحيتندن محرومدرلر . اهليتسزلك

تمیز قدرتی حائز اولماق ماده : ۱۵ — ميمزا اولمايان شخصك تصرفى ، حقوقى بر حاكم افاده ايتىر . قانونده معين استثنالر باقيدر .

تمیز قدرتی حائز كوچوك ويا محجور ماده : ۱۶ — ميمزا بولونان كوچوكلر ايله محجورلر ، قانونى ممثلرينك رضالرى اولمادىقه بالذات كندى تصرفلر ايله التزام ايدىر . عوضسز ا كتسابده و منحصرأ شخصه مربوط حقلى استعمالده بو رضايه محتاج ده كيللردر . حقسز فعللردن متولد ضرردن مسؤلدلرلر .

ناتمامه خيصلق ماده : ۱۷ — خيصيلغك درجهسى ، نسللرك عددى ايله تعين ايدىر . بربرينك صلبندن كلنلر آراسنده كى رخيصيلق اصول و فروع خيصيلغى و بربرينك صلبندن كله يوبده مشترك بر صلبندن كلنلر آراسنده كى خيصيلق چوار خيصيلغيدر .

صهرى خيصيلق ماده : ۱۸ — قارى و قوجادن هر برينك قان خيصيللرى ديكرينك عيى درجهده صهرى خيصيللرى بولور .

اولونمك زواليله ، صهرى خيصيلق زائل اولماز .

ماده : ۱۹ — بر كيمسهنك اقامتكاهى ، يرلشمك نيتيله او طور دىنى يردر . اقامتكاه تعبيرى

بر كيمسهنك عيى زمانده بردن زياده اقامتكاهى اولماز . بو فقره نك حكى ، تجارى و صناعى مؤسسسلر حقنده جارى ده كيلدر .

ماده : ۲۰ — بر اقامتكاهك ده كيشمىسى ، يكيسنك اتخاذه متوقفدر . اقامتكاهك ده كيشديرلمى

بر كيمسهنك اولجه بر اقامتكاهى موجود اولدىنى تعين ايديله مدىكى ياخود ممالك اجنبیهده كى اقامتكاهنى ترك ايتمكه برابر تور كيهده هنوز يكى بر اقامتكاهه صاحب اولمادىنى تقديرده اليوم ساكن اولدىنى محله ، اقامتكاهى نظريله باقيلير .

ماده : ۲۱ — قوجانك اقامتكاهى قارينك و آنا و بابانك اقامتكاهى ولايتلرى آلتنده كى چوجو غك و محكمه نك بولوندىنى ير وصايت آلتنده كى كيمسهنك اقامتكاهى عد اولونور . قانونى اقامتكاه

اقامتگاهى بلای اولمايان كيمسهنك قارىسى ، ويا قوجا سندن آرى ياشاماغه مأذون اولان قادين كنديسنه آرى بر اقامتكاه اتخاذا ايدىر بيلير .

ماده : ۲۲ — مكته دوام اچون يرده بولونمق ويا بر تربيه مؤسسسه نه ، بر خسته خانه يه و دارالجزیه و بر جزا مؤسسسه نه قونولق اقامتكاه اتخاذهنى تضمن ايتىر . مؤسسسه لرده بولونمق

شخصيتك حمایه سی
فراغ و تقیید ایدیلله-
مه سی

ماده: ۲۳ — کیمسه ، مدنی حقاردن واونلری استعمالدن قسماً اولسون فراغت ایده مز .

کیمسه ، حریتنی فراغ ایده مدیکی کبی قانونه ویا آداب عمومیه به مغایر صورته تقیید دخی ایده مز .

ماده: ۲۴ — شخصی منفعتلرنده حقسنز تجاوزه اوغرایان کیمسه ، حاکمدن تجاوزک منعی طاب ایده بیلیر .
مادی ویا معنوی تضمینات نامیلله معین بر مبلغ دعواسی آنجاق قانونک تعیین ایتدیکی حالده اقامه اولونور .

ماده: ۲۵ — اسمی اختلافه محل ویردن کیمسه ، حاکمدن حقنک طاینماسنی طلب ایده بیلیر . اسمی غضب اولونماسیله متضرر اولان کیمسه ، بونک منعی و تقصیر وقوعی تقدیرنده مادی تضمینات طلبی حقنه خلل کلمه مک اوزره معروض قالدیغی حقسنز لغک ماهیتی ایجاب ایدیورسه معنوی تضمینات نامیلله بر مبلغ اعطاسنی ده طلب ایده بیلیر .
ماده: ۲۶ — محق سبیلره بناء بر کیمسه ، اسمنک ده کیشدیرلمه سنی ایسته به بیلیر . اسمک ده کیمه سی نفوس سجلنه قید و اعلان اولونور .

شخصک اسمی ده کیشمکله احوالی ده کیشمز .
بر اسمک ده کیشمه سندن متضرر اولان کیمسه اطلاع کونندن اعتباراً بر سینه ایچنده تبدیل قرارینه اعتراض ایده بیلیر .

شخصيتك باشلانغیجی
وصوکی دوغوم و اولوم

ماده: ۲۷ — شخصیت ، چوجوگك صاغ اولارق تمامیلله دوغدیغی آندن باشلار و اولوم ایله نهایت بولور .

چوجوگك صاغ دوغمق شرطیلله آنا رحمنه دوشدیکی آندن اعتباراً مدنی حقاردن استفاده ایده ر .

صاغلك و اولومك اثباتی بینه کلفتی

ماده: ۲۸ — برحقك استعمالی ایچون ، بر کیمسه نك وجودنی یا خود اولدیکنی یا خود معین بر زمانده ویا دیگر بر شخصك وفاتنده صاغ بولوندیغنی ادعا ایدن کیمسه ، ادعاسنی اثباته مجبوردر .

هانکیسنك اول ویا صوکره اولدیکنی تعیین ممکن اولماقسنزین اولنر ، بر آنده اولمش صاییلیرلر .

احوال شخصیه بینه لری

ماده: ۲۹ — دوغوم و اولوم نفوس سجلنده کی قیدلرله اثبات اولونور . نفوس سجلنده قید بولونماز ویا موجود قیدک دوغرو اولمادیغنی تحقق ایده رسه کیفیت هر هانکی بر دلیل ایله اثبات اولونا بیلیر .

اولومه قرینه

ماده: ۳۰ — جسدی بولونامایان بر کیمسه ، اولومه محقق نظریله باقیلماغی ایجاب ایده جك احوال ایچنده غائب اولمش ایسه او کیمسه حقیقه اولمش عد اولونور .

غائبك قرارى

ماده: ۳۱ — اولوم تهلکه سی ایچنده غائب اولان ویا چوقدن بری کندرسندن خبر آلینامایان بر کیمسه نك اولومی بك محتمل کورونورسه ، حقاری اولومه معلق کیمسه لرك طلبی اوزرینه حاکم غائبکله قرار ویره بیلیر .
صلاحیتدار حاکم ، غائبک تورکیه ده کی صوگ اقامتکاهی حاکمیدر ؛ اکر غائب تورکیه ده اصلا اقامت ایتمه مش ایسه نفوس سجلنده مقید بولوندیغنی و بو قید یوق ایسه پدرینک مقید اولدیغنی محکک حاکمیدر .

اصول محاکمه

ماده : ۳۲ — غائبك قرارى طلب اولونا بيلمك
ايچون ، اولوم تهلكه سندن اك آشاغى برسنه ياخود غائبك
صوك خبرندن بش سنه كچمش اولمق لازمدر .

حاكم ، غائب حقنده معلوماتى اولان كيمسه لرى معين
بر مدت ايچنده معلوماتلرني بيلديرمك ايچون اصولى
دايره سنده اعلان ايديلن بر تبليغ ايله دعوت ايددر . بو
مدت برنجى اعلان تارنخندن اعتباراً اك آشاغى برسنه در .

ماده : ۳۳ — غائب اولان كيمسه ، اعلان مدتى
يتمه دن ميدانه چيقار ويا كنديسندن خبر آلينر ياخود
اولديكى تاريخ تبين ايددرسه غائبك طلبى ساقط اولور .

ماده : ۳۴ — اعلان ثمره سز قالدنيى تقديرده حاكم ،
غائبك قراريني ويرير . اولومه معلق حققر ، طبق غائبك
اولومى تبين ايتمش كى استعمال اولونور . غائبك
قرارى اولوم تهلكه سى ياخود صوك خبر كونسندن اعتباراً
حكم افاده ايدر .

طلبك سقوطى

حكمتى

ايكنجى فصل

احوال شخصيه سجل قيدلرى

ماده : ۳۵ — احوال شخصيه ، بوكا مخصوص سجل
قيدلرى ايله تعين ايددر .

بوسجلك ناصل طوتولاغنى وقانونك امر ايلديكى بيانلرك
ناصل و كيملر طرفندن ياپيلاجنى ، نظامنامه سنه تابعدر .

سجل

ماده : ۳۶ — احوال شخصيه سجللرى ، هر حالده
دولتجه منصوب مأمورلرى طرفندن طوتيلور . احوال
شخصيه قيدلرني طومتق و صورتلرني ويرمك بومامورلره
مخصوصدر .

يابانچى ممالك تترده كى توركيه ممثلرينه ، اجرا و كيللرى
هيئتجه نفوس مأمورلنى صلاحيتى ويريله بيلير .

ماده : ۳۷ — احوال شخصيه ني قيدله مكلف نفوس
مأمورلرى ، كنديلرينك ومعتلرينك قصور لرندن ايلرى
كلن ضرردن شخصاً مسئولدرلر .

ماده : ۳۸ — حاكمك حكمتى اولماد قجه احوال شخصيه
سجلنك هيچ بر قيدي تصحيح ايديله مز .

ماده : ۳۹ — هر دوغوم بر آى ايچنده نفوس مأمورينه
بيلديريلير . آناسى باباسى بللى اولمايان بر چوجوق بولان
كيمسه ، چوجوغنى حكومه تسليم ايددر .

ماده : ۴۰ — احوال شخصيه ده وقوعه كلن
ده كيشمه لر از جمله اولنمه خارجنده دوغان بر چوجو غك
باباسى طرفندن طانينمه سى ، حاكمك بابالغه حكم ايتمه سى ،
نسبك تصحيحى ، اولادلق ايدينه ويا بولونمش بر چوجو غك
نسبى تعين ايتك مخصوص لرندن ايلرى كلن تبدلر
علاقه دارلرك طلبى ويا رسمى بر اشعار اوزرينه سجلده
عائد اولديغى كنيه كنارينه يازيلير .

ماده : ۴۱ — هر اولوم و بولونان هر اولو ، نهايت اون
كون ايچنده نفوس مأمورينه بيلديريلير .

اولوم سجلي
اولومك بيلديريله سى

مسئوليت

تصحيح

دوغوم سجلي

دوغومك بيلديريله سى

تغديله اوغرايان قيدلر

أولوسی بولونمايان ماده : ۴۲ — بر کیمسه اولومنه محقق نظریله باقیلماغی ایجاب ایده جک احوال ایچنده غائب اولورسه، اولوسی بولونماش بيله اولسه محلک اک بویوک ملکیه مأمورینک آمریله کینه سنه اولمش قیدی دوشوريله بیلیر . بونکله برابر، هر علاقه دار، غائب اولان کیمسه نك اولو ویاصاغ اولدیغنك حاکم طرفندن حکم ایدیله سنی طلب ایدیه بیلیر .
ماده : ۴۳ — غائبك قراری، حاکمك اشعاری ایله اولوم سجلنه قید اولونور .

غائبك قراری

ماده : ۴۴ — سجله دوشورولن بر قیدك دوشورو اولمادیغی آکلاشیلماق ویا هویتی مجهول دییه قید ایدیلن بر کیمسه نك هویتی تعیین اولونماق ویا غائبك قراری فسخ ایدیلک سبیلری ایله ضروری اولان سجل تصحیحلری، کینه سنك کنارینه شرح ویریلک صورتیه اجرا ایدیلیر .

قیدلرک تصحیحی

ایکینجی باب

حکمی شخصلر

برنجی فصل

عمومی حکملر

ماده : ۴۵ — باشلی باشنه موجودیتی حاضراولماق اوزره تشکل ایدن جمعیت وشرکتلر ایله کندیلرینه خاص بر

حکمی شخصیت

موجودیتی ومعین برغایه سی بولونان مؤسسه لر، سجاللرینه قیدلرینی اجرا ایتدیرمکله شخصیت اکتساب ایدرلر . غایه لری قانونه و اخلاقه مغایر اولان جمعیت وشرکتلر ومؤسسه لر شخصیت اکتساب ایدیه مز .

مدنی حقلردن
استفاده

ماده : ۴۶ — حکمی شخصلر؛ جنس، یاش، خیصیملق کبی یارادیلیش ایجابی اولارق آنجاق انسانه خاص اولانلردن ماعدا بوتون حقلری اکتساب و وجیه لری التزام ایدیه بیلیرلر .

ماده : ۴۷ — حکمی شخصلرک مدنی حقلری استعماله صلاحیتی، قانونه و نظامنامه لرینه کوره بو خصوص ایچون مقتضی عضولره مالک اولمالریله باشلار .

استعمال طرزی

ماده : ۴۸ — حکمی شخصك اراده سی، عضولری واسطه سیله افاده اولونور .

عضولر؛ حقوقی تصرفلری ویا دیگر هر هانکی بر فعللری ایله حکمی شخصی؛ التزام ایدرلر .

عضولرک ارتکاب ایتدیکی قصورلر شخصاً کندیلرینی دخی مسئول قیلار .

اقامة کاه

ماده : ۴۹ — حکمی شخصك اقامتگاه، نظامنامه سنده خلاقه حکملر بولنماقجه معامله لرینک تدویر اولوندیغی محلدلر .

شخصیتك زوال
ماللرک تخصیصی

ماده : ۵۰ — زوال بولان حکمی شخصك ماللری قانونده، نظامنامه سنده ویا تأسیس سننده خلاقه حکملر بولونماز یا خود صلاحیتدار عضوی خلاقه قرار ویرمش

اولمازسه غايه سنك تعلق ايتديكي حقوق عامه مؤسسه لرینه انتقال ايدر . بو ماللرك اولكي جهت تخصیصی ممکن مرتبه محافظه ایدیلیر . غایه سی قانونه ویا آداب عمومییه مغایر اولدینی ایچون حاکم طرفندن فسخ ایدیلن حکمی شخصیتلرک ماللری، خلافة دائر اولان شرطلره باقلمه قسزین حقوق عامه مؤسسه سنه انتقال ايدر .

ماده : ۵۱ — حکمی شخصک ماللری، قوئوپه راتیف شرکتلره تطبیق ایدیلن حکملره توفیقاً تصفیه اولونور .
ماده : ۵۲ — حقوق عامه مؤسسه لری ، حقوق عامه قانونلرینه تابعدر .

اقتصادی بر غایه تعقیب ایدن جمعیتلر ، شرکتلر حقنده کی حکملره تابعدر .

تصفیه

حقوق عامه مؤسسه لرینه و شرکتلره دائر حکملرک محفوظیتی

ایکینجی فصل جمعیتلر

ماده : ۵۳ — سیاسی ، دینی ، علمی ، بدیعی ، خیری جمعیتلر ایله اکلنجه وادمان جمعیتلری واصل غایه سی اقتصادی اولمایان دیکر جمعیتلر؛ نظامنامه لرنده جمعیت اولارق تشکل آرزوسنی اظهار ایتمکله شخصیت اکتساب ایدرلر . هر جمعیتک بر نظامنامه سی وارددر . بونظامنامه ، جمعیتک غایه سی و واردات منبعلری وتشکیلاتی حقنده لزومی اولان حکملری احتوا ایدر .

جمعیت ناصل تشکل ایدر ؟

ماده : ۵۴ — نظامنامه سی مؤسسلی طرفندن قبول ایدیلش واداره هیئتنی تشکیل ایتش اولان هر جمعیت ، کندیسنی سجله قید ایتدیره بیلیر .
غایه سنه ایریشمک ایچون تجاری شکلده اجرای صنعت ایدن بر جمعیت ، کندیسنی سجله قید ایتدیرمکله مکلفدر .
قید طلبنه ، نظامنامه ایله اداره هیئتنی تشکیل ایدنلرک بر لیسته سی ربط ایدیلیر .

ماده : ۵۵ — شخصیت اکتساب ایتیه سی قانوناً شخصیتی اولمایان جمعیتلر ممکن اولمایان یاخود هنوز شخصیت اکتساب ایتیه مش بولونان بر جمعیت ، عادی بر شرکت حکمندهدر .

ماده : ۵۶ — جمعیتک نظامنامه سنده جمعیتک تشکیلاتنه واعضاسیله مناسبتنه دائر حکملر یوق ایسه آشغیده کی ماده لر تطبیق اولونور .

نظامنامه ، قانوناً تطبیقلری مجبوری اولان قاعده لرذن آیریلاماز .

ماده : ۵۷ — هیئت عمومیه جمعیتک الک یوکسک مرجعیدر ؛ اداره هیئتک ویا مدیرینک دعوتی اوزرینه اجتماع ایدر . دعوت ، نظامنامه ایله معین حالده یاسیلیر . بوندن باشقا اعضادن بشده بری ایسترسه ، هیئت عمومیه نک بهممه حال دعوت ایدله سی قانوناً لازم کلیر .

ماده : ۵۸ — هیئت عمومیه ، اعضانک قبول واخلراجی حقنده قرار ویریر ؛ اداره هیئتنی انتخاب

تسجيل

جمعیت ایله نظامنامه نک قانون ایله مناسبتی

تشکیلات هیئت عمومیه دعوت

صلاحیت

ایده و جمعیت دیگر بر عضوینه تودیع ایدیللمش اولان
ایشلری تسویه ایبار .

هیئت عمومی جمعیت دیگر عضولرینی تفتیش ایده .
مقاوله ایله حائز اولدقلری حقلره خال کلمکسزین اولنری
هر زمان عزل ایده بیلیر .

حق سبیلر ایچون عزل صلاحیتی ، هیئت عمومی نك
قانونی بر حقیدر .

ماده : ۵۹ — جمعیت ، قرارلرینی هیئت عمومی
حالده ویریرر .

بوتون اعضانك تحریراً التحاق ایتدیکی بر تکلیف ،
هیئت عمومی قرارى کیدر .

ماده : ۶۰ — جمعیت مراعضاسی ، هیئت عمومی ده .
عینی رأی حقنی حائزدر . قرارلر حاضر اولان اعضانك
اکثریت آراسیله ویریلیر .

نظامنامه ، صراحةً مساعد اولمادقچه روزنامه خارجنده
قرار ویريله مز .

ماده : ۶۱ — بر جمعیت اعضاسی ، کنديسی ویا
قاری وقوجاسی یا خود اصول وفروعی ایله جمعیت
آراسنده کی بر ایشه ویا دعوايه دائر اتخاذاى لازم کلن
قرارلرده رأی ویره مز .

ماده : ۶۲ — اداره هیئتی ، جمعیتک ایشلرینی کورمك
ونظامنامه یه توفیقاً اونى تمیل ایلک حق و وظیفه سنی
حائزدر .

قرارلر
شکلی

رأی حق و اکثریت

رأی حقندن محرومیت

اداره هیئتی

ماده : ۶۳ — جمعیت ، هر زمان اعضا قبول ایده بیلیر .
مراعضا ، آلتی آی اول استعفا آرزوسنی بیلدیرمك شرطيله
جمعیتدن چیقمق حقنی حائزدر .

ماده : ۶۴ — اشتراك حصه سنی ، جمعیتک نظامنامه سیله
معیندر . نظامنامه ده تعیین ایدیللمش ایسه جمعیتک غایه سنی
و بورجلرینك تأدییه سنی ایچون مقتضی مصرفلری جمعیت
اعضاسی متساویاً ویریرلر .

ماده : ۶۵ — نظامنامه ، اعضادن برینك جمعیتدن
ایخراج
چیقاریلما سنی موجب اسبابی تعیین ایده بیلر جکی سبب بیان
اولونماق سزین اخراج مساعدده سنی دخی ویره بیلیر . هرایکی
تقدیرده اخراج علیه اقامه دعوا اولونماز .

نظامنامه ده ، اخراج ده دائر بر حکم موجود ده کیل
ایسه ، اخراج آنجاك جمعیت قراريله وحق سبیلره
مستنداً اولاییلیر ،

ماده : ۶۶ — جمعیتدن چیقان ویا چیقاریلان اعضا
جمعیتک ماللرنده بر کونا حق ادا ایده مز ؛ اعضا لقدم
بولوندقلری مدته عائد اشتراك حصه سنی ویرمکه مجبوردر .

ماده : ۶۷ — هیچ بر اعضا ، جمعیتک غایه سنی
تبدیل ایده ن قرارى قبوله اجبار ایديله مز .

ماده : ۶۸ — اعضادن هر بری ، قانونه ویا جمعیتک
نظامنامه سنیه اویغون اولمایوبده کندی موافقته اقران
ایتمه مش بولونان بر قرار علیه اوکا اطلاع دن اعتباراً

جمعیتدن چیقمه نك
ویا چیقاریلانك حکمی

جمعیتک غایه سنی وقایه

اعضانك حقوقی وقایه

بر آي ايجنده ، محكمه يه مراجعتله اعتراض ايتمكه قانوناً صلاحيتداردر .

فسخ و فسخ قرارى ماده : ۶۹ — جمعيت ، كنديسنى فسخه هر زمان قرار ويره بيلير .

بحق انفساح ماده : ۷۰ — جمعيت ، حال عجزه دوشهر ويا اداره هيئت نظامنامه يه توفيقاً تشكيلىه امكان قالمازسه ، كنديلكندن منفسخ اولور .

حاكم طرفندن فسخ ماده : ۷۱ — بر جمعيتك غايه سى قانونه يا خود آداب عموميه يه مغاير اولورسه ، مدعى عمومىلك مقامه ويا بر علاقه دارك طلبى اوزرينه او جمعيت ، فسخ اولونور .

قيدك ترقينى ماده : ۷۲ — اكر جمعيت سجنه قيد اولونمش ايسه فسخ وانفساخ كيفيتى ، اداره هيئتى يا خود حاكم طرفندن ترقين قيد ايجون مأمورينه تبليغ اولونور .

ارميجنى فصل

تأسيس

تأسيس ماده : ۷۳ — تأسيس ، بر مالك معين بر مقصده تخصيصيدر .

تأسيسك شكلى ماده : ۷۴ — تأسيس ، رسمى بر سندله يا خود وصيت طريقى ايله وجود بولور .

تأسيسك محكمه سجنه قيدى ، تأسيس سندن مؤداسنه

وتأسيسى تفتيش كنديسنه عائد اولان مقامك تعليماته كوره اجرا اولونور .

بوقيد تأسيسى اداره ايدجكلرك اسملرينى كوستيرير .

ماده : ۷۵ — هبه ده اولديغى كې ، تأسيس ايدجك ميراثچيلرى و آلاچقيللىرى طرفندن ، تأسيسه اعتراض اولونا بيلير .

ماده : ۷۶ — تأسيس سندنده تأسيسك عضولى و صورت اداره سى كوستيريلير . بونلر كافى درجه ده كوستريله مش اولورسه تأسيسى تفتيش كنديسنه عائد اولان مقام طرفندن لازم كلن تدبيرلر ياپيلير .

تأسيس ، غايه سنه كوره تشكيل ايتك ممكن اولامازسه تأسيس ايدجك اعتراض ايتدكجه ويا تأسيس سندنده خلافة صريح بر حكم بولنمادقجه تأسيسك ماللىرى تفتيش مقامى طرفندن ممكن مرتبه غايه جه عيى اولان ديكر بر تأسيسه تخصيص وتسليم اولونور .

تفتيش ماده : ۷۷ — تأسيس ؛ غايه سنه كوره دولت ، ولايت ، بلديه و كويدن هانكيسنه تعلق ايدسيورسه اونك تفتيشنه تابعدر .

تفتيش مقامى ، تأسيس ماللىرىك غايه سنه موافق صورتده صرفه نظارت ايددر .

تأسيسك شكلى ماده : ۷۸ — اجرا و كيللىرى هيئتى تفتيش مقامك تكليفى اوزرينه تأسيسك اداره هيئتلك تحريرى مطالعه سنى

تعديل
تشكيلاتك تبديلى

آلقدن سوکرا ماللرینی محافظه ویا غایه سنی ادامه ایچون قطعی احتیاج بولوندیغی حالده تشکیلاتی تبدیل ایدیه بیلیر.

غایه نك تبدیل

ماده : ۷۹ — تأسیسده کی غایه نك ماهیت وشمولی، تأسیس ایله تأسیس ایدیه نك آرزوسی آراسنده کی توافقی آچیقدن آچیه ازاله ایدیه جك درجه ده تبدیل ایتیش اولورسه اجرا وکیللری هیئت ؛ تفتیش مقامنك تکلیفی اوزرینه تأسیسك اداره هیئتک تحریری مطالعه سنی آلقدن سوکرا غایه سنی تبدیل ایدیه بیلیر. تأسیسك غایه سنی تهلکه یه قویان وظائف وشرائطک الفا ویا تبدیلی دخی عین حکملره تابعدر .

انفساح وحاكمك فسخی

ماده : ۸۰ — حقوق عامه احکامی محفوظ قالمق اوزره، عائله تأسیسلری وعباده متعلق برخدمتک ایفاسی ایچون منحصرآ دینی اولان تأسیسلر، تفتیش و مراقبه یه تابع ده کیلدر . مذکور تأسیسلرک حقوق خصوصیه یه متعلق اختلافلرینک مرجع حلی ، محکمه در .

غایه سی غیر قابل حصول برحاله کلن تأسیس ، کندیلکندن منفسخ اولور .

غایه سی قانونه یاخود آداب عمومیه یه مخالف اولدیغی تقدیرده تأسیس ، حاکم طرفندن فسخ اولونور .

دعواحق و قیدک ترقینی

ماده : ۸۱ — تأسیسك فسخی ، تفتیش مقامی ویا هر علاقه دار طلب ایدیه بیلیر . فسخ ، ترقین قید ایچون مأمورینه تبلیغ اولونور .

ایکنجی کتاب

عائله حقوقی

برنجی قسم

قاری قوجا

اوچنجی باب

اولمه

برنجی فصل

نشانیلا

نشانیلا

ماده : ۸۲ — نشانیلا ، اوله نك وعدیله اولور . نشانیلا ، قانونی مثللری طرفندن موافقت ایدیه دجه کوچوک ویا محجوری الزام ایتیز .

حکملری

اولنك ایچون دعوی حقنك بولوناماسی

ماده : ۸۳ — قانون ، امتناع ایدیه نشانیلا یی اولمه یه اجبار ایچون دعوی حق ویرمز اولنمکدن امتناع حالنده تضمینات ویریله سی شرط قیلنمش ایسه بو شرط معتبر ده کیلدر .

نشانی بوزمانك

نتیجه سی

مادی تضمینات

ماده : ۸۴ — نشانیلردن بری ، حق بر سبب یوق ایکن نشانی بوزدیغی ویا طرفیندن برینه عطف ایدیه جك

برقصور یوزندن نشان بوزولدیغی تقدیرده تقصیری اولان طرف ، دیگر طرفه ، آنا و باباسنه و یا بوخصوصده اونلر کی حرکت ایدن سائر کیسه لره حسن نیت ایله ونکاحک اجرا اولوناغنی قناعتی ایله اختیار ایتدکلری مصارفه مقابل مناسب بر تضمینات ویرمهک مجبوردور .

معنوی تضمینات

ماده : ۸۵ — برطرف کندی قصوری اولماقیزین نشانک بوزولماسدن شخصاً فاحش بر صورتده متضرر اولمش ایسه ، حاکم آنک ضرر معنویسنی تلافی ایچون مناسب بر تضمینات حکم ایده بیلیر .

معنوی تضمینات دعواسی . میراثچییه انتقال ایتیز ؛ شو قادارکه میراث آچیلدیغی زمان ادعا قبول ایدیش و یا دعوی اقامه اولونمش ایسه میراثچیره انتقال ایدور .

هدیه لرك اعاده سی

ماده : ۸۶ — نشانلردن هربری دیگرینه ویردیکی هدیه نی کری ایسته یه بیلیر .

هدیه لر عیناً موجود ده کیسه ، بغیر حق مال ایدنمه یه دائر اولان احکامه توفیقاً تضمین اولونور . نشان ، وفات سببی ایله بوزولمش ایسه استرداد دعواسی اصلاً یوقدر .

مرور زمان

ماده : ۸۷ — نشانلا نمقدن متولد دعوالر ، نشانک بوزولدیغی تاریخدن اعتباراً برسنه صوکر ساقط اولور .

ایلمنجی فصل

اولنمه یه اهلیت و مانعلر

ماده : ۸۸ — ارکک اون سکز وقادین اون یدی یاشنی اکال ایتمه دجه اولنمه مز . اهلیت شرطری یاش

شو قادارکه ، حاکم فوق العاده حائلده و پک مهم بر سببه مبنی اون بش یاشنی اکال ایتیش اولان ارکک وقادینک اولنمه سنه مساعدده ایده بیلیر . آنا و بابا و وصی ده دیگله نیر

ماده : ۸۹ — اولنمه یه ، یالکیز ممیز اولانلر اهلدر . عقل خسته لقرندن برینه مبتلا اولان کیسه اصلاً اولنمه مز . ممیز

ماده : ۹۰ — کوچوک ، آنا و باباسنک و یا وصیسنک رضاسی اولمادجه اولنمه مز . اولنمه نک اعلانی اثناسنده آنا و بابادن یالکیزری ولایتی حائز ایسه اونک رضاسی کافیدر . قانونی ممثلرک رضاسی کوچوکلر حقنده

ماده : ۹۱ — محجور ، وصیسنک رضاسی اولمادجه اولنمه مز . وصینک امتناعی تقدیرنده محجور ، محکمه یه مراجعت ایده بیلیر . محجور لر حقنده

ماده : ۹۲ — آشغیده کی کیسه لر آراسنده اولنمک ممنوعدر : مانعلر خیسیملق

۱ — نسب ، صحیح اولسون اولماسون اصول وفروع آراسنده ،

آنا بابا بر و یا بابا بر یا خود آنا بر قارداشلر آراسنده ،

برکیمسه ایله عموچه ، دایی ، خاله و تیزه سی آراسنده ،
سوت آنا و قرداشلر آراسنده .

۲ - صهریت خیسیملغنی تولیدایتمش اولان اولنمه فسح
ایدیش و یا وفات یاخود بوشانما ایله زائل اولمش ایسه
بیله قاری ایله قوجانک اصول و فروعی و قوجا ایله قارینک
اصول و فروعی آراسنده .

۳ - اولادلق ایله اولادلق ایدینه و بونلردن بریله
دیگرینک قوجا و یا قاریسی آراسنده .

ماده : ۹۳ — تکرار اولنک ایستین کیمسه ، وفات
و یا بوشانما ایله یاخود بطلان حکمی ایله اولیلکنک زائل
اولدیغنی اثباته مجبوردر .

اولکی اولنمه
علی الاطلاق زوالنک
اثباتی

ماده : ۹۴ — غائبکه حکم اولونان کیمسه نک قوجاسی
و یا قاریسی ؛ حاکم ، اولیلکنک فسخته حکم ایتمه دجه
اولنه مز .

غائبک حقنده

غائبک قاری و یا قوجاسی اولیلکنک فسختی غائبک
دعواسیله برلکده طلب ایده بیله جکی کبی آریجه ده دعوا
ایده بیلیر . بوشانما حقنده کی اصول بوراده دخی جاریدر .

ماده : ۹۵ — قوجاسنک وفاتی و یا بوشانما سببیه
دول قالان یاخود اولیلکنک بطلانسه حکم ایدیلن
قادین ؛ وفاتدن ، بوشانمادن و بطلان حکمندن اعتباراً
اوج یوزکون کچمه دجه تکرار اولنه مز . دوغور مامقله
مدت بیتهر .

مدتله
قادین ایچون

قادینک کبه قالماسی ممکن اولمادیغنی و یا بوشانما ایله
آریلش اولان قاری و قوجا تکرار بربرلریله اولنک
ایسته دکلی تقدیرده حاکم ، بو مدتی قیصالتابیلیر .

ماده : ۹۶ — بوشانما ایله بربرندن آریلش اولان
قاری و قوجا ، حاکم طرفندن تعیین اولونان ممنوعیت مدتی
ایچنده تکرار اولنه مز .

قاری و قوجا بربرلریله اولنک ایسترلر ایسه بو مدت ،
حاکم طرفندن قیصالتابیلیر .

ارمینجی فصل

اولنمه اعلانی و عقدی

ماده : ۹۷ — بربریلله اولنه نک ارکک و قادین ، اولنمه
قراریغنی ، بلدییه رئیسنه و یا رئیسک اولنمه ایشلرینه مأمور
ایتدیکی بلدییه دائره سندمکی وکیلنه و کویلرده اختیار هیئته
بیان ایدنجه ، بو قرار اعلان اولونور . اعلان مدتی
اون بش کوندر .

بو بیان ، کندیلری طرفندن شفاهاً یا بیلدیغنی کبی
امضالری مصدق اولمق شرطیه تحریرآده اولور .

اعلان ایچون مراجعت ایدن اولنه نک ارکک و قادیندن
هربری ، هویت جزؤداتی و اقتضا ایدیورسه آنا و بابا
و یا وکیلینک تحریری رضالریغنی و قاری و یا قوجه نک

اعلان
اولنمه قراریغنی بیانک
طرزی

وفات وثیقه سنی یا خود بطلان و بوشانما اعلامی بلدیہ
و یا اختیار ہیئتہ تودیعہ مجبوردر .

ماده : ۹۸ — بیان ایچون ، اولہ نہ جک ارکک
اقامتکاهی بلدیہ سنہ مراجعت اولونور .

اولہ نہ جک ارکک ، اقامتکاهی اجنبی مملکتدہ اولان
بر تورک ایسہ ، بیان ایچون سچلندہ مقید بولوندیغی
وبوقید یوق ایسہ پدرینک مقید اولدیغی یرک بلدیہ سنہ
مراجعت اولونابیلیر .

اعلان ؛ ہم طرفینک اقامتکاهلرندہ ہم سچلندہ مقید
بولوندقلری وبوقید یوق ایسہ پدرلرینک مقید اولدیغی
محلده ، بلدیہ لر طرفندن یابیلیر .

ماده : ۹۹ — بیان ، اصولی دائرہ سندنہ یابیلماز
و یا اولہ نہ جک ارکک وقادیندن بری اولنہ یہ اهل اولماز سہ
یا خود اولنہ ایچون بر مانع بولونور سہ اعلان طلبی رد
اولونور .

ماده : ۱۰۰ — علاقہ دار اولان هر کیم سہ ،
اولہ نہ جک ارکک وقادیندن برینک اولنہ یہ اهل اولما دیغی
و یا اولنک ایچون قانونی بر مانع بولوندیغی ادعاسیلہ اعلان
مدتی ایچندہ اولنہ نک عقیدینہ اعتراض ایدہ بیلیر .

اعتراض ، اعلانی یاپان بلدیہ لر دن هر هانکی برینہ
تحریر اوقوع بولور . اهلیت سزلک و یا قانونی بر مانع بولوندیغی
ادعاسنہ مستند اولمایان اعتراض لر ، بلدیہ رئیس و یا وکیلنجہ
یا خود اختیار هیئت لر نجہ نظرہ آلماز .

بیان و اعلانک مرجعی

اعلان طلبنک ردی

اعتراض
اعتراض حق

ماده : ۱۰۱ — مطلق بطلان سبیلرندن برینک
وجودی حالندہ ، مدعی عمومیلک مقامی اولنہ نک عقیدینہ
رأساً اعتراض ایله مکلفدر .

ماده : ۱۰۲ — اعلان طلبی کندیسنه واقع اولان
بلدیہ رئیس و یا وکیل یا خود اختیار هیئت ؛ اعتراضی ، اعلان
مدتنک ختامندہ اولنہ جک ارکک وقادیندن هر برینہ
در حال تبلیغ ایدہر . بولردن بری اعتراضک حق سزلغی
ادعا ایدرسہ اعتراض صاحبی کیفیتدن همان خبردار ایدیلیر .

ماده : ۱۰۳ — اعتراض صاحبی اعتراضندہ اصرار
ایدہرسہ ، اعلان طلبنک واقع اولدیغی محل حاکمی حضورندہ
اولنہ نک منعی دعوا ایدہ بیلیر .

ماده : ۱۰۴ — اعتراض و حق سزلغی ادعا خصوصاً صریحہ
اولنہ نک منعی دعواسندن هر برینک مدتی اون کوندرد .
بو مدت ؛ اعتراض ایچون اعلان کوندن ، و اولنہ نک
منعی دعواسی ایچون اعتراض صاحبنک حق سزلق ادعاسندن
خبردار ایدیلدیکی کوندن اعتباراً باشلار .

ماده : ۱۰۵ — اعلان طلبی کندیسنه واقع اولان
بلدیہ نک رئیس یا خود اولنہ ایشلرینہ مأمورایتدیکی وکیل
و یا اختیار هیئت اعتراض ایدن بولونماز سہ ، اولہ نہ جک
ارکک وقادینک طلبی ایله اولنہ یی عقد و یا اعلانک اجرا
اولوندیغنه دائر بر وثیقه اعطاسی ایله مکلفدر .

اولنہ نک منعی دعواسی اقامہ ایدیلہ دیکی و یا رد ایدیلدیکی
تقدیرده دخی حکم بویله در . اعلان وثیقه سنی ، اولہ نہ جکلرہ

رأساً اعتراض

اصول محاکمہ
اعتراضک تبلیغی

دعوا

مدت لر

اولنہ عقدی
شرط لر
احوال شخصیه
مأمور لر

وثيقه تاريخندن اعتباراً آلتى آى ايچنده توركيه نك
هر طرفنده بلديه رئيسلرينك يا خود رئيسلرك اولمه ايشلرينه
مأمور ايتديكى وكيللرينك حضورنده اوله نه بيلمك
صلاحيتنى ويرير .

مأمورك امتناعى

ماده : ١٠٦ — اولمه نك عقدى ايچون كنديسنة
مراجعت ايديلن بلديه رئيسى يا خود اولمه ايشلريله مأمور
ايتديكى وكيل ويا اختيار هيئتى ، اعلانك اجراسنه مانع
برسبب كورورسه عقدى اجرادن امتناع ايله مكلفدر .
اوزرندن آلتى آى كچن اعلانك حكى قالماز .

عقدك اعلانسز اجراسى

ماده : ١٠٧ — اوله نه جكلردن برى خسته اولور
وقانونى مدتلره رعايت حالنده اولمه نك عقدينه امكان
قالماماسندن ده قورقولورسه ، بلديه ويا اختيار هيئته صلح
محكمه سى طرفندن مدتلرى آزالتمق حتى اولمه ني اعلانسز
عقد ايتك ايچون ، مساعده اولونا بيلير .

اولمه مراسمى
علنيت

ماده : ١٠٨ — اولمه ؛ رشيدايكى شاهد موواجه سنده
بلديه دائره سنده ويا هيئت اختياريه ده ، بلديه رئيسى
ويا رئيسك اولمه ايشلرينه مأمور ايتديكى وكيل ويا
مختار طرفندن علناً عقد اولونور . اوله نه جكلردن برينك
بلديه ويا هيئت اختياريه يه كله ميه جك درجه ده خسته لغى
طيب راپوريله تبين ايدهرسه اولمه باشقا بر يرده دخى
عقد اولونا بيلير .

مراسمك شكلى

ماده : ١٠٩ — اولنديرمه يه مأمور اولانلر اوله نه
جكلردن هر برينه ، بربريله اولنك ايسته يوب ايسته مه -

دكلرينى صورار ؛ موافقت جوابلرى اوزرينه اولمه نك
هر ايكي سنك رضاسيله قانوناً عقد ايديلش اولديغنى بيان
ايدهر .

ماده : ١١٠ — اولنديرمه مأمورى ، مراسمك ختامى
اوزه رينه در حال قارى وقوجايه بر اولمه كاغدى ويرير .
اولمه كاغدى ابراز ايديله دن ، اولمه نك دينى مراسمى
يا پيلاماز . بونكه برابر اولمه نك تماميتى دينى مراسمك
اجراسنه متوقف دكلدر .

ماده : ١١١ — اعلان و اولمه مراسمنه و اولمه
سجللرينه دائر حكملر نظامنامه ايله معيندر .

نظامنامه لر

درديجى فصل

باطل اولان اولمه لر

ماده : ١١٢ — آشاغيده كى حاللرده اولمه باطلدر :
١ - قارى قوجادن برى اولمه مراسمنك اجراسى
زماننده اولى ايسه .

٢ - قارى قوجادن برى اولمه مراسمنك اجراسى
زماننده بر عقل خسته لغى ويا دائمى برسبب نتيجه سى مميز
ده كيلسه .

٣ - قارى قوجا آراسنده قانوناً ممنوع بر درجه ده
قان ويا صهريت خيصىملنى و سوت آنالنى وقارده شاكى
وارسه .

مجلسى قانونى حاكم

دعوا حقى ماده : ۱۱۳ — بطلان دعواسى مدعى عمومى طرفندن رأساً اقامه اولونور . علاقه دارلردن هر برى دخی بطلان دعواسنى اقامه ایده بیلیر .

دعوا حقنك تحدىدى ویا تزعى ماده : ۱۱۴ — زائل اولان بر اولمه نك بطلانى رأساً دعوا اولونماز . فقط علاقه دارلردن هر برى بطلانى حکم آلتنه آلدیرا بیلیر .

ممیز اولمامانك ویا بر عقل خسته لغى ایله معلولیتك زوالی حالنده ، اولمه نك بطلانى آنجا قارى و قوجا طرفندن دعوا اولونا بیلیر .

اولی ایکن ینه اوله ن بر کیمسه نك بو اولمه سنه بطلان حکمی ویریله دن اول ، وفات و سائر سببلرله اولکی اولمه زائل اولور و یکی اولمه ده ده دیگر طرف حسن نیت صاحبی بولونور ایسه بطلانه حکم اولونماز .

نسبی بطلان قارى قوجادن برینك دعوا حقى تمیز قدرتندن محرومیت ماده : ۱۱۵ — اولمه مراسمنك اجراسى زماننده کچیجی برسببله تمیز قدرتندن محروم بولونمش اولان قارى ویا قوجا ، اولمه نك فسخنى دعوا ایده بیلیر .

خطا ماده : ۱۱۶ — آشاغیده کی حالرده قارى قوجادن بری اولمه نك فسخنى دعوا ایده بیلیر :

۱ — اولمه کی هیچ ایسته مدیکی یا خود قارى ویا قوجاسی اولان شخص ایله اولمه کی قصد ایتمدیکى حالده خطاء اولمه یه رضاسی اولدیغنى بیان ایتمش ایسه .

۲ — قارى ویا قوجاسنده بولونما ماسی اونکله برلکده

یا شامنى کندیسى ایچون چکیلمز بر حاله قویاجق درجه ده اهمیتلى بر وصف حقنده خطایه دوشه رك اولمش ایسه .

حیله ماده : ۱۱۷ — آشاغیده کی حالرده قارى قوجادن بری اولمه نك فسخنى دعوا ایده بیلیر :

۱ — قارى ویا قوجا دیگرینك ناموس و حیثیتی حقنده كرك بالذات اولك طرفدن ، كرك اولك معلوماتی ایله اوچنجی بر شخص طرفندن اغفال ایدیلارك عقده راضی اولمش ایسه .

۲ — دعوا جینك ویا نسلنك صحتی ایچون وخیم بر تهلكه عرض ایدهن بر خسته لق کندیسنده کیزلنش ایسه .

تهديد ماده : ۱۱۸ — کندیسنك ویا یقینی اولان بر کیمسه نك حیات و صحت ویا ناموسنه قارشى وخیم واوزمانده موجود ویا قریب بر تهلكه تهدیدی آلتنده اوله ن قارى ویا قوجا ، اولمه نك فسخنى دعوا ایده بیلیر .

مرور زمان ماده : ۱۱۹ — فسخ دعواسى ، حق صاحبنك فسخ سببنه وقوفی ویا تهدیدك زوالی کونندن اعتباراً آلتی آی وهر حالده اولمه دن اعتباراً بش سنه صو کرا مرور زمانه اوغرار .

آنا ویا ویا وصینك ماده : ۱۲۰ — اولمه لری آنا ویا بالارینك ویا وصیلرینك اذننه متوقف اولانلر ، بو اذننى آلمقسزین اوله نیرلرسه ، آنا ویا ویا وصی فسخنى دعوا ایده بیلیر .

اولمه نك فسخنه حکم اولونما زدن اول قارى قوجا ،

آنا و بابا ویا وصینک اذنه محتاج اولمقدن قورتولور و یا قاری کده قالیرسه اولنه فسخ اولوناماز .

ماده : ۱۲۱ — اولادلق ایدینه سببیه اولنه لری قانوناً ممنوع اولان کیمسه لک، اولنه سی فسخ اولوناماز . اولنه ایله ، اولادلق حکمی قالماز .

بطلانی موجب اولمایان
نقصانلر
اولادلق رابطه سی

ماده : ۱۲۲ — قانونی وقضائی مدتلر ایچنده اولنه سی ممنوع اولان کیمسه نک بو مدتلر کچمزدن اول تکرار اولنمش اولماسی ، اولنه نک فسخنه سبب اولاماز .

مدتلره رعایتسزک

ماده : ۱۲۳ — بلدییه رئیس ویا وکیل ویا کویلرده اختیار هیئت حاضوره عقد ایدیش اولان اولنه ، قانونی شکلله رعایت ایدیلشمش اولماسی سببی ایله فسخ اولوناماز .

شکل نقصانی

ماده : ۱۲۴ — اولنه نک بطلانی ، آنجاق حاکم قرار یله حکم افاده ایدر .

بطلان قراری

اولنه ، مطلق بر بطلان ایله معلول اولسه بیه حاکم قرارینه قدار صحیح بر اولنه نک بوتون حکملری حائزدر .

ماده : ۱۲۵ — فسخنه حکم اولونان بر اولنه دن دوغان چوجوقلرک نسبی ، بابا و آنالری حسن نیت صاحبی اولماسه لر بیه صحیحدر .

بطلانک حکملری
چوجوقلر

چوجوقلر ایله آنا و بابا آراسنده کی حقلر ووجیه لر ، بوشانما حکملرینه تابعدر .

ماده : ۱۲۶ — حسن نیتله اوله نن قادین ، فسخنه قاری ، قوجا

حکم ایدلمش اولسه بیه اولنه ایله اکتساب ایتدیکی وضعیتی محافظه ایدر ؛ فقط اولنه دن اولکی عائله اسمنی تکرار آلیر .

قاری قوجا اموالنک تصفییه سی قاری ویا قوجا طرفندن طلب اولونان مادی ویا معنوی تضمینات ونفقه ، بوشانماده کی حکملره تابعدر .

ماده : ۱۲۷ — اولنه ده کی فسخ دعواسی میراثچیلره انتقال ایتمز . آنجاق اقامه ایدیش دعوا یه میراثچیلر دوام ایده بیلرلر .

میراثچیلرک حق

ماده : ۱۲۸ — اولیلکک فسخی دعواسنده صلاحیت صلاحیت و اصول محاکمه و اصول محاکمه بوشانماده کی حکملره تابعدر .

دردنجی باب

بوشانما

ماده : ۱۲۹ — قاری قوجا دن هر بری ، دیکرینک زنا ایتمه سی سببیه بوشانما دعواسنده بولونا بیلیر .

بوشانما سبیلری
زنا

دعوا یه حق اولان قاری ویا قوجانک ، بوشانیلمه سببیه مطلع اولدیغی کوندن اعتباراً آلتی آی وهر حالده زنانک وقوعی تاریخندن اعتباراً بش سنه کچمه سیله بوشانما دعواسی ساقط اولور .

عفو حالنده دعوا مسموع اولماز .

جانه قصد ، پك فنا
معامله لر

ماده : ۱۳۰ — قاری قوجادن هر بری ، دیگری طرفندن حیاته قصد ایدیله سی و یا کندیسنه پك فنا معامله ده بولونولماسی سببیه بوشانما دعواسی اقامه ایده بیلیر .
دعوایه حتی اولان قاری ویا قوجانك ، بوشانما سینه مطلع اولدیغی کوندن اعتباراً آلتی آی وهر حالده مذکور سببک وقوعندن بش سنه کچمه سیله بوشانما دعواسی ساقط اولور .
عفو حالنده دعوا مسموع اولماز .

جرم و حیثیتسزلك

ماده : ۱۳۱ — قاری قوجادن هر بری ، ترزیل ایدیجی بر جرم ایشله یین یا خود کندیسيله برلکده یا شامغی بر حاله قویه حق درجه ده حیثیتسز بر حیات سورهن دیگری علیه هر زمان بوشانما دعواسی اقامه ایده بیلیر .

ترك

ماده : ۱۳۲ — قاری قوجادن بری ، اولمنه نك کندیسنه تحمیل ایتدیکی وظیفه لر ایفا ایتمه مک مقصدیه دیگری ترک ایتدیکی ویا محق بر سبب اولمقسزین اوینه دوغمه دیکی تقدیرده ، ایریلق اک آزاوچ آی سورمش و دوام ایتمکده بولونمش ایسه ، دیگری بوشانما دعواسنده بولونا بیلیر . دعوایه حتی اولان طرفك طلبی ایله حاکم ، دیگر طرفه بر آی طرفنده اوینه عودت ایتمه سنی اخطار ایده ر . بواخطار ایجابنده اعلان طریقله یاییلیر . شو قادار که بوشانما دعواسنی اقامه ایچون معین مدتک ایکنجی آی ختام بولمادجه اخطار طلبنده بولونیلا ماز و اخطار وقوعنده بر آی بیتمه دن دعوا اقامه اولونماز .

دماغ خسته انی

ماده : ۱۳۳ — قاری قوجادن بری اوچ سنه دن بری دوام ایدن بر عقل خسته لغنه دوچار اولوبده خسته لق مشترک حیاتک دوامنی دیگر طرف ایچون چکیلمز حاله قویمش و شفاسی قابل اولمادیغی دخی اهل خبره طرفندن تصدیق ایدلمش بولونورسه او طرف هر زمان بوشانما دعواسنده بولونا بیلیر .

امتراجسزلك

ماده : ۱۳۴ — آرالرنده مشترک حیاتک چکیلمز بر حاله کله سنی موجب اولاجق درجه ده شدتلی بر کچیمسزلك باش کوستردیکی تقدیرده قاری قوجادن هر بری ، بوشانما دعواسنده بولونا بیلیر .

ا کر کچیمسزلك ، طرفیندن برینه دها زیاده قابل اسناد ایسه بوشانما دعواسنی اقامه حتی آنجا ق دیگر طرفه عا ئددر .

دعوا
موضوعی

ماده : ۱۳۵ — بوشانما دعواسنی اقامه یه حتی اولان طرف ؛ دیلرسه بوشانما ، دیلرسه ایریلق ایسته یه بیلیر .

صلاحیت

ماده : ۱۳۶ — صلاحیتدار حاکم ، دعوا جینك اقامتنکاهی حاکمیدر .

موقت تدبیرلر

ماده : ۱۳۷ — حاکم ، دعوانك اقامه سنی متعاقب لازم کلن وبالخاصه قادینك اسکان و اتفاقه و قاری قوجانك مالی مناسبتلرینه و چو جوقلرك محافظه سنه متعلق موقت تدبیرلری اتخاذ ایده ر .

حکم

ماده : ۱۳۸ — بوشانما سبیلرندن بری ثابت اولونجه حاکم ، یا بوشانمایه ویا ایریلغه حکم ایله مکلفدر .
بوشانما ویا ایریلق

دعوا يالکيز آريلغه دائر ايسه ، بوشانمايه حکم اولوناماز .

دعوا بوشانمايه دائر اولوب قارى قوجانك باريشمالري احتمالي بولونديغي تقديرده آريلغه حکم ايديله بيلير .

ماده : ۱۳۹ — آريلغه ، برسنه دن اوج سنه يه قادار برمدت ايچون حکم ايديلير . تعيين اولونان مدتک ختامنده تفريق کنديلکندن نهايت بولور . فقط قارى قوجا بو مدت ايچنده باريشمالر سسه ، هر بري بوشانما طلبنده بولونابيلير .

ماده : ۱۴۰ — آريلق حکمنده ، معين مدتک ختامنده بو حکمه اساس اوله رق حادثه لر منحصر اطلبك عليهنه بولنمادجه قارى قوجان يالکيز بريسي طرفندن طلب ايديلمش اولسه بيله ، بوشانمايه حکم ايديلير .

بونکله برابر ديگر طرف مشترك حيايه عودتدن امتناع ايده رسه ، آريلق حکمنه اساس اولان حادثه لر منحصر ا طالب عليهنه اولسه بيله ، ينه بوشانمايه حکم اولونور . حکم ، آريلق دعواسنك محاکمه سي اثناسنده تحقق ايدهن و آريلقدن صوکر حادث اولان احوال نظره آلمق صورتيله ويريلير .

ماده : ۱۴۱ — بوشانان قادين ، اولنمه ايله اکتساب ايتديكي شرائطي محافظه ايدهر . شو قادار که ، اولنمه دن اول طاشيديني عائله اسمني تکرار آليز . ا کر قادين اولنمه نك

آريلق مدتي

آريلقك ختامنده ويريله جك حکم

بوشانما ايله آريلان قادينك احوال شخصيه سي

حين عقدنده دول ايديسه ، کندي عائله اسمني طاشياسنه بوشانما حکمي ايله برلکده مساعده ايديله بيلير .

ممنوعيت مدتي

ماده : ۱۴۲ — بوشانما حکمنده قباحتي اولان طرفك يکيدن اوله نهمه ممي ايچون حاکم ، برسنه دن آز وايكي سنه دن فضله اولماق اوزره برمدت تعيين ايدهر . حاکم طرفندن حکم ايديان آريلقك مدتي بوکا محسوب ايديلير .

ماده : ۱۴۳ — موجود وحتي منتظر بر منفعتي بوشانما حالنده تضمينات بوشانما يوزندن خللدار اولان قباحتسز قارى ويا قوجانك قباحتي اولان طرفدن مناسب مادي بر تضمينات طلبنه حقي واردر .

بوندن باشقه بوشانمايه سبيت ويرمش اولان حادثه لر قباحتسز قارى ويا قوجانك شخصي منفعتلريني آغير بر صورتده خللدار ايتمش ايسه ، حاکم معنوي تضمينات ناميله معين بر مبلغ دخي حکم ايده بيلير .

نفقه

ماده : ۱۴۴ — قباحتسز اولان قارى يا خود قوجا ، بوشانما نتيجه سي اوله رق بويوك بر يوقسوللغه دوشه رسه ، ديکري بوشانمايه سبيت ويرمه مش اولسه دخي قدرتي ايله متناسب بر صورتده برسنه مدتله نفقه اعطاسنه محکوم ايديله بيلير .

ايراد

ماده : ۱۴۵ — بر مقاوله ويا حکم ايله کنديسنه مادي و معنوي تضمينات ويا نفقه اولارق بر ايراد تخصيص ايديلمش اولان قارى ويا قوجا ، يکيدن اوله نيره بوايراد

قطع اولونور . يوقسوللنى سبيله كنديسنه نفقه تعيين ايدلمش اولان قارى ويا قوجانك يوقسوللنى زائل اولمش ويا حس اولوناجق درجده آزالاش ايسه ، بورجلىنك طلبى اوزرينه نفقه قطع ويا تنزىل اولونور . مديونك مالى قدرتى نفقه مقدارينه نظراً آزالدينى صورتده دخى عىنى حكم جاريدير .

ماده : ۱۴۶ — قارى قوجا ، ماللرينك ادارهسى حقنده هانكى اصولى قبول ايتمش اولورسه اولسون بوشانما وقوعنده هر برى كندى شخصى اموالى كرى آلير . حصوله كلىش اولان زياده ، قبول ايتدكلرى اصولك حكملرينه توفيقاً آرالرنده تقسيم اولونور . ظهور ايدن نقصان ، قارىسى طرفندن سببیت ویرلدیكنی اثبات ایتدكجه قوجايه عائددر .

بوشانان قارى قوجا، برينك قانونى ميراثچيسى اولاماز . وأولمه مقاولهسى ايله ويا بوشانمادن اول ياپيلمش اولومه باغلى برتصرف ايله تأمین اولونان منفعتلى ضایع ایددر . ماده : ۱۴۷ — آریلق وقوعنده حاکم آریلغك مدته ، قارى وقوجانك وضعيتلرينه كوره ماللرينك ادارهسى حقنده قبول ايتدكلرى اصولك فسختى ويا ایفا سنى امر ایددر . فقط قارى قوجادن برى طرفندن طلب وقوعنده حاکم ماللرینی آیرمقله مكلفدر .

ماده : ۱۴۸ — بوشانما ويا آریلق وقوعنده، حاکم آنا و بابايي ديكله دکن صوكره حق ولايتك استعمالنه

ماللارك تصفيهسى
بوشانما حالنده

آریلق حالنده

آنا و بابانك حقوق
حاکمك تقدير حق

وآنا بابا ايله چوجوقلر آراسنده كى شخصى مناسبتلره دائر اقتضا ايدن تدبيرلى اتخاذايلر .

چوجوق كنديسنه توديع ايديله مش اولان طرف ، قدرتنه كوره اونك اتفاق و تربيه مصرفلرينه اشتراك ايله مكلفدر؛ چوجوق ايله ايجاب حاله موافق صورتده شخصى مناسبتده بولونمق حقنى ده حائزدر .

ماده : ۱۴۹ — آنا ويا بابانك باشقه سيله اولنمهسى ، باشقه بريره كيمهسى ، اولومى كى برحالك تحدىشده ، حاكم ، رأساً ويا آنا بابادن برينك طلبى اوزرينه حادتهنك اقتضا ايتديرديكى تدبيرلى اتخاذايلر .

ماده : ۱۵۰ — بوشانما و آریلق دعوالرنده، حاکم، آشاغیده كى قاعده لره رعایتله مكلفدر :

۱ — حاکم، بوشانما ويا آریلق ایچون سبب کوستریلن حادتهلری موجودیتلرینه وجداناً قانع اولمادجه ثابت عد ایده مز .

۲ — بو حادتهلر حقنده كرك رأساً كرك طرفینك طلبی ايله یمین تکلیف اولونا ما یا جنى كیبی یمین مقامنه قائم بیاناتده بولونولماسی دخى ایسته نیله مز .

۳ — طرفینك بوبابده سبق ایده جك هر تورلو اقرار لری دخى حاکمی تقید ایتمز .

۴ — حاکم ، بیناتی سربسته جه تقدیر ایددر .

۵ — بوشانما ويا آریلغك فرعى حکملرینه دائر طرفین

یکى حادتهلر

بوشانما و اصول
محاکمه سی

آراسنده عقد ايديلن مقاولات ، حاكمك تصديقه اقران
ايمه دجه معتبر اولماز .

بشنجی باب

أولمهك عمومى حكملى

ماده : ۱۵۱ — أولمه مراسمك اجراسى ايله ،
أوليك برلكى وجود بولور . قارى قوجايكدېكرينه قارشى
بو برلكك سعادتى متحداً تأمين وچو جو قلك اعاشه
وتربيه سنه برابره اهتمام ايتك خصوصلرني التزام ايتمش
اولورلر . قارى قوجا ، بربرينه صداقت ومظاهرتله مكلفدر .
ماده : ۱۵۲ — قوجا ، برلكك رئيسيدر . أولك انتخابى
قارى وچو جو قلك مناسب وجهه اعاشه سى ، اوكا عانددر .
ماده : ۱۵۳ — قارى ، قوجاسنك عائله اسمنى طاشير .
قادين ، مشترك سعادتى تأمين خصوصنده كوچى يتديكى
قادر قوجاسنك معاون ومشاوريدر . أوه قادين باقار .
ماده : ۱۵۴ — برلكى ، قوجا تمثيل ايدهر . ماللرينى
اداره خصوصنده قارى قوجا هانكى اصولى قبول ايتمش
اولورسه اولسون قوجا ، تصرفلرندن شخصاً مسئول اولور .
ماده : ۱۵۵ — أولك دائمى احتياجلرى ايجون
قوجا كيبى قادين دخى برلكى تمثيل حقنى حائزدر . قار-
ينك اشخاص ناله طرفندن معلوم اولابيله جك صورته

حقلى ووظيفه لر
قارى وقوجانك

قوجانك

قارينك

برلكك تمثيلى
قوجا طرفندن

قارى طرفندن

صلاحيتنى تجاوز ايمه ين تصرفلرندن ، قوجا مسئولدر .
ماده : ۱۵۶ — قارى ، قانوناً حائز اولديغى تمثيل
صلاحيتنى سوء استعمال ايدهر يا خود استعمالدن عاجز
اولورسه قوجا ، بوصول حيتى كنديسندن تماماً ويا قسماً
نزع ، ايدهر بيلير .

بونزع ، كاتب عدل معرفتيله اعلان ايديله دجه حسن
نيت صاحبي اشخاص ناله يه قارشى حكم افاده ايتير .

ماده : ۱۵۷ — حاكم ، قارينك طلبى اوزهرينه
نزعك سببسز اولديغى اثبات ايمه سى شرطيله صلاحيتنى
اعاده ايدهر .

نزع اعلان ايدلمش ايسه اعاده قرارى دخى اعلان
اولونور .

ماده : ۱۵۸ — قوجا صراحةً ويا ضمناً اذن ويرمدجه
قارى ، قانوناً حائز اولديغى تمثيل صلاحيتنى ، تجاوز
ايدهر مز .

ماده : ۱۵۹ — قارى قوجا ماللرينى اداره ايجون
هانكى اصولى قبول ايتمش اولورسه اولسون قارى ،
قوجانك صراحةً ويا ضمناً مساعده سى ايله بر ايش ويا
صنعت ايله اشتغال ايدهر بيلير .

قوجانك اذندن امتناعى حالنده قارى ، كنديسنك برايش
ويا بر صنعت ايله اشتغال ايمه سى برلكك ويا بوتون عائله نك
منفعتى ايجابى اولديغى اثبات ايدهرسه ، بواذن ، حاكم
طرفندن ويريله بيلير . قوجا ، قاريسنى برايش ويا صنعت

نزع

صلاحيتك اعاده سى

صلاحيتك توسيعى

قارينك مسلك ويا صنعتى

ایله اشتغالدن منع ایتدیکی تقدیرده کیفیت کاتب عدل معرفتیه اعلان ایدیلهدجه حسن نیت اصحابی اشخاص نالتهیه قارشی حکم افاده ایتمز .

خصوصت اهلیتی

ماده : ١٦٠ — قاری وقوجا، ماللرینی اداره ایچون هانکی اصولی قبول ایتمش اولورسه اولسون قاری خصوصت اهلیتینی حائزدر . شوقادار که اموال شخصیه سی حقنده اشخاص نالته ایله متحدث دعوالرده قاری بی، قوجا تمثیل ایله مکلفدر .

برلکک صیاتی

ماده : ١٦١ — قاری قوجادن بری؛ عائله وظیفه لرینی اهمال ایدهر یاخود دیکرینی تهلکهیه ، حجالت ویا ضرره معروض بر اقیسه متأراولان طرف حاکمک مداخله سی طلب ایده بیلیر .

حاکم ، قباحتی اولان طرفه وظیفه لرینی اخطار ایدهر . وبواخطار ثمره سز قالیرسه برلکک منافعی صیانه قانونده معین تدبیرلر اتخاذ ایلر .

مشترک حیاتک تعطیلی

ماده : ١٦٢ — قاری قوجادن هر بری مشترک حیاتک دوامی یوزندن ، صحتی، شهرتی ویا ایشنک ترقیسی جدی صورتده تهلکهیه دوشدیکی مدتیجه آیری برمسکن ایدینه بیلیرلر .

بوشانما ویا آریلق دعواسی اقامه ایدلدکن صوکر ا قاری قوجادن هر بری ، دعوا دوام ایتدجه، دیکرندن آیری یاشامق حقنی حائزدر .

قاری قوجادن بری طلب ایدهر و آیری یاشامق کیفیت حقلی اولورسه ، حاکم هانکیسی طرفندن دیکرینک اعاشه سی ایچون نه مقدار معاونتده بولونیلاجغنی تعیین ایدهر .

ماده : ١٦٣ — قوجا، عائله وظیفه لرینی اهمال ایدهرسه قاری قوجانک ماللرینی اداره خصوصتده قبول ایتدکلری اصول نه اولورسه اولسون حاکم ، قاری وقوجانک بورجلیلرینه بورجلرینک تمامی ویا بر قسمی قارییه اوده ملرینی امر ایدهر .

ماده : ١٦٤ — حاکم طرفندن آلان تدبیرلر، سبیلر- قاضائی تدبیرلرک مدتی ینک زوالی حالنده قاری قوجادن برینک طلبی ایله رفع اولونور .

ماده : ١٦٥ — قاری قوجا، اولنمه نك دوامی مدتیجه قانوناً معین احوال خارجنده یکدیکرینه قارشی جبری اجرا طلبنده بولوناماز .

جبری اجرا
عمومی قاعده لر

قانوناً جبری اجرا جائز اولان احوالده دخی قاری قوجا- دن برینک دیکر طرف یوزندن اوغرا دیغی زیان او طرف حقنده افلاس ویا ثمره سز قالان حجزده جاری محرومیتلری مستلزم اولماز .

ماده : ١٦٦ — قاری قوجادن بری علیه بر شخص ثالث طرفندن اجرا تعقیباتنه باشلانمش اولورسه، دیکری

استثنالر
قاری قوجادن بری
بورجلی ایسه

کندی حقندن دولایي حجزه ویا افلاس ماصه سنه اشتراك
ایده بیلیر .

قاری قوجادن بری
آلاجقلى ایسه
ماده : ١٦٧ — قاری ویا قوجادن بری حجز صورتیله
تعقیباته دوچار اولوبده ماللری بورجنى ایفایه کافی کلمه دیکی
تقدیرده ، دیگرنده کی آلاجقلى معجلیت کسب ایدهر
وحجز ایدیله بیلیر .

قاری قوجادن برینک افلاسی حالنده دیگرنده کی آلا-
جقلى افلاس ماصه سنه داخل اولور .

مال آیریلنی ایله اعاشه
بدلارینک تحصیلی
حالنده
ماده : ١٦٨ — قانونی ویا قضائی مال آیریلغنک
تنفیذی ایچون، هر زمان جبری اجرا طلب اولونا بیلیر.
حاکم قرار یله قاری قوجادن برینه اعاشه ایچون معین معاونت
مقدارینک تحصیلی حقنده دخی بو حکم تطبیق اولونور.

قاری قوجا آراسنده کی
حق فی معامله لر
قوجا لهنه اجرا
اولونان معامله لر
ماده : ١٦٩ — قاری قوجا آراسنده هر نوع حقوقی
تصرف جائزدر. قارینک شخصی ماللرینه ویا مال اورتاقلنی
اصولنه تابع ماللره دائر قاری قوجا آراسنده کی حقوقی
تصرفلر صلح حاکمی طرفندن تصدیق اولونما دجه معتبر
اولماز .

قوجا منفعتنه اولارق قاری طرفندن شخص ثالثه قارشى
الزام اولونان وجیبه لر ایچون دخی حکم بویله در .

آلتنجی باب

برنجی فصل

اساسلر

قاری قوجه ماللرینک اداره سی

ماده : ١٧٠ — قاری قوجا ، اولنمه مقاوله نامه سی
ایله قانونده معین دیگر اصوللردن برینی قبول ایتمه دکلمه
تقدیرده ویا قبول ایدوبده قانونده کوستریلن سببلردن
برینک حدوثی حالنده، آرارنده مال آیریلنی جریان ایدهر.

ماده : ١٧١ — اولنمه مقاوله سی اولنمه مراسمندن
اول ویا صوکرایا پیله بیلیر . طرفین ، مقاوله لرنده بو
قانونده کوستریلن اصوللردن برینی قبوله مجبوردرلر .

اولنمه دن صوکرایا پیلان مقاوله قاری قوجانک ماللری
اوزرنده باشقه لرینک حائز اولدیغی حقلى اخلاص ایدهر.

ماده : ١٧٢ — اولنمه مقاوله نامه سنی عقد ویا تعدیل
یاخود فسخ ایتمک ایسته یین کیمسه نك ، تمیز قدرتی حائز
اولماسی شرطدر . کوچوک ایله محجورك قانونی ممثللری
طرفندن مأذون قیلنمالری لازمدر .

ماده : ١٧٣ — اولنمه مقاوله سنک عقدی ویا تعدیلی اولنمه مقاوله سنک شکلی
وفسخی رسمی شکله اولمق و طرفین ایله قانونی ممثللری
طرفندن امضا ایدیلمک لازمدر .

قانونی اصول

عقدی اصول

طرفینک اهلیتی

أوليلكك دوامی صیراسنده یاپیلان اولنمه مقاوله لری
محکمہ نكده تصویبیه اقتران ایتك لازمدر .
اولنمه مقاوله سی ، تسجیلنه متعلق حکملر دائره سنده
طرفیندن باشقاسنه قارشی مؤثر اولور .

ماده : ۱۷۴ — قاری قوجا ، مقاوله ایله باشقه بر
اصول قبول ایتمش اولسه لر بیله برینك افلاسندن مفلسك
ویا دیگر طرفك آلاچقیلرلی ضرر کوردکلری صورتده
مال آریلغی اصولی تطبیق اولونور .

عقدی اصولك
کندیلمکندن مال
آریلغنه انقلابی

ماده : ۱۷۵ — قاری قوجا ، مقاوله ایله باشقا بر
اصول قبول ایتمش اولسه لر بیله قارینك طلبی اوزرینه
آشاغیده کی حالرده مال آریلغنه حکم اولونور :
۱ — قوجا قارینك وچو قو قارینك اتفاق و اعاشه سنی
اهمال ایدرسه .

عقدی اصولك حاکمك
حکمیه مال آریلغنه
انقلابی
قارینك طلبی اوزرینه

۲ — قارینك شخصی ماللری ایچون ایسته دیکی تأمیناتی
ویرمزه .

۳ — قوجانك ویا مال اورتاقلنی اصولنده اورتاقلنك
بورج اوده مکدن عجزی ثابت اولورسه .

ماده : ۱۷۶ — قاری قوجا ، مقاوله ایله باشقه بر
اصول قبول ایتمش اولسه لر بیله قوجانك طلبی اوزرینه
آشاغیده کی حالرده مال آریلغنه حکم اولونور :

قوجانك طلبی اوزرینه

۱ — قارینك بورجی اوده مکدن عجزی ثابت اولورسه .

۲ — اورتاقلغه ویا برلکه کیرن ماللر اوزرنده قوجا

طرفندن یاپیله بیلمه سی قانونه ویا عقدده کوره قادینك اذنه
باغلی اولان تصرفلر ایچون قاری سبب اولمقسزین موافقتدن
امتناع ایده رسه .

۳ — قاری ، شخصی ماللری ایچون تأمینات ایسترسه .

ماده : ۱۷۷ — قاری قوجان بری علیهنده یاپیلان
آلاچقیلرک طلبی ایله
هجزده ضرر کورن آلاچقیلرک طلبی اوزرینه مال
آریلغنه حکم اولونور .

ماده : ۱۷۸ — افلاسدن دولای یاپیلان مال آیر -
مال آریلغنك مبدای
یلغی ، بورج اوده مکدن عاجز اولمانك ثبوتیه باشلار
وافلاس قرارندن صو کرا قاری قوجانك میراث سببیله ویا
دیگر بر صورتله قازاندقلری ماللر آریلق اصولنه تابع اولور .
محکمہ نك مال آریلغنه دائر اولان اعلامنك حکمی ،
مال آریلغنك طلب ایدلدیکی کوندن باشلار .

افلاس ویا حکم نتیجه سی اولان مال آریلغی تسجیل
ایدیلک اوزره کاتب عدله دوغروندن دوغرویه تبلیغ اولونور .

ماده : ۱۷۹ — افلاس ایله ویا هجز حالنده ضرر
دولای سیله مال آریلغی بورجلی اولان قاری ویا قوجا طرفندن
یالکیز آلاچقیلرک علاقہ سی کیلمکله نهایت بولماز .

شوقادارکه حاکم ، قاری قوجان برینك طلبی اوزرینه
کندیلمرینك تابع اولدینی اسکی اصولك اعاده سنه قرار
ویره یلیر و بو قرار تسجیل ایدیلک اوزره کاتب عدله
دوغروندن دوغرویه تبلیغ اولونور .

مال آریلغنك ختامی

اصولك تبدلی
آلاجقيليرك حقليرينك
تأثيری

ماده: ۱۸۰ — قاری قوجا آراسنده وقوع بولان
تصفیه معامله لری و موجود اصولده کی تبدلر قاری ویا
قوجادن برینک ویا اورتاقلغك آلاجقيليرنی، اوزه لرلندن
حقليرينی آلابيله جکلری ماللردن محروم براقاماز .

بوقبیل ماللر کندیسنه کچن قاری ویا قوجا، آلاجقيليرنی
شخصاً اوده مکّه مجبوردر . شوقادارکه کندیسنه کچن
ماللرک مطلوبه کفایت ایتهدیکی اثبات ایدهرسه فضله -
سندن بری اولور .

قوجانك افلاس ماصه سنه ویا علینه یاپیلان حجزه
اشترا کندن دولای قارینك آلدّه ایتدیکی مال حقنده عینی
زمانده کندیسنك ده آلاجقيليرنی اولمادجه قوجانك
آلاجقيليری دعوا ایدهمزلر .

ماده: ۱۸۱ — قاری قوجا، مقاوله ایله باشقه بر
اصول قبول ایتش اولوبده اولیلکک دوامی اثناسنده عقد
ویا دیگر برسبيله مال آیریلنی وقوعنده آلاجقيليرك حقليری
محفوظ قالمق شرطيله قاری قوجادن هر بری کندی
ماللرینی کری آلیر .

مال آیریلغندن اول حصوله کلش اولان زیاده، موجود
اصوله کوره آرالرنده تقسیم اولونور؛ وقوعه کل نقصان،
قاریسنك سببیت ویردیکنی اثبات ایتهدجه قوجایه عائددر .
قاری تصفیه صیراسنده قوجانك تصرفنده قالان ماللری
ایچون دخی تأمینات طلب ایدهبیلیر .

مال آیریلنی حالنده
تصفیه

ماده: ۱۸۲ — قاری قوجا آراسنده مال اورتاقلغی
ویا برلکی جاری اولدیغنی تقدیرده هرایکی طرفك اورتاقلق
ویا برلکده خارج قالاچق ماللری اولنمه مقاوله سی ایله
ویاقانون ایله ویاشخص ثالث طرفندن یاپیلان تبرعلرده تبرع
ایدهنك آرزوسی ایله تعین ایدهر . بوصورتله خارج قالان
ماللره محفوظ ماللر ده نیر . قاری قوجادن برینك محفوظ
میراث حصه سی محفوظ ماللری آراسنه قونیلاماز .

ماده: ۱۸۳ — آشاغیده کی ماللر قانوناً محفوظ
ماللردندر :

- ۱ — قاری قوجادن هر برینك ذاتی اشیاسی .
- ۲ — قارینك ایش ویا صنعتنك اجراسنه یارایان ماللری .
- ۳ — قارینك او ایشلری خارجنده کی چالیشماسنك
محصولی .

ماده: ۱۸۴ — محفوظ ماللر، قارینك عائله مصر -
فلرینه اشتراکی خصوصنده مال آیریلنی حکملرینه
تابعدر .

ماده: ۱۸۵ — قاری قوجادن بری، برمالك محفوظ
ماللردن اولدیغنی ادعا ایتدیکی صورتده دعواسنی اثباته
مجبوردر .

حکملری

اثبات

محفوظ ماللر
تأسیس
عمومیت اعتباريله

اینگنی فصل

مال آریلنی

ماده : ۱۸۶ — قاری قوجادن هر برینک بوتون ماللرینی ملکیت و اداره و انتفاع حققرینی محافظه ایتمه سنه ، مال آریلنی ده نیر .

ملکیت ، اداره ،
انتفاع حققری

قاری ، ماللرینک اداره سنی قوجاسنه براقش اولدیغی تقدیرده اولیلکک دوامی مدتیجه حساب صورمقدن واز کچدیکی و ماللرینک بوتون کلیرینی او مصرفنه قارش قوجاسنه بیراقدیغی فرض اولونور .

قاری ، قوجاسنه بیراقدیغی اداره حقنی هر زمان کری آلابیلر و کری آلمق حقنی اسقاط ایتمه سی معتبر ده کیلدر .
ماده : ۱۸۷ — مال آریلنی اصولنده قوجا، اولنمه دن اولکی بورجلرندن و اولیلکک دوامی صیراسنده کرک کندیزی کرک اولیلک برلکنک مثلی صفیله ایدیلن بورجلردن شخصاً مسئولدر .

بورجلر
عمومیت اعتباریله

قاری ، بورجی اوده مکدن عاجز قالان قوجاسی ویا کندیزی طرفندن عائله مصرفلری ایچوما ایدیلن بورجلردن مسئولدر .

ماده : ۱۸۸ — قاری ، ماللرینک اداره سنی قوجاسنه براقش اولسه بیله نه قوجاسنک افلاسند نه ده قوجاسی علیه قونولان حجزده کندی آلا جقلرندن دولای هیچ برامتیاز ادعاسنده بولونماز .

حجز حالنده

ماده : ۱۸۹ — قاری قوجه دن هر برینک ماللرینک کلیری و کندی قازا بجاری کندیسنه عائددر .

ماده : ۱۹۰ — قوجا ، قاریسک مناسب بر درجه ده عائله مصرفنه اشترا کنی ایسته یه بیلیر . اشترا کک مقدارنده اختلاف ایدر لر ایسه هر بری اشترا ک مقدارینک تثبیت ایدیله سنی ، محکمه دن ایسته یه بیلیر .
قارینک بوضورتله اشترا کی قوجانک هیچ بروقتده اعاده و تضمین مکلفیتی ایجاب ایتمز .

اریغنی فصل

مال برلکی

ماده : ۱۹۱ قاری قوجا ، اولیلک مقاوله سیله مال برلکی اصولی قبول ایدیه بیلیر .
بواصول قبول ایدیلدیکی تقدیرده ، اولیلک مقاوله سنده برلکه داخلی اولمایا جقلری تصریح ایدیلنلر مستثنا اولمق اوزره اولنمه زماننده هر برینک مالک اولدیغی اولیلکک دوامی صیراسنده اکتساب ایله دیکی بوتون ماللر برلکه داخل اولور .

تبرع طریق ایله اکتساب ایدیش اولوبده برلکدن خارج قالماسی تبرع ایدهنک آرزوسی مقتضاسی اولان یاخود قانوناً محفوظ ماللردن عد ایدیلن ماللر ، برلکه ادخال ایدیله مز .

ملکیت
برلکه داخل ماللر

برلکه ادخال جائز
اولایان ماللر

قاری قوجانك شخصی
ماللری

ماده : ۱۹۲ — برلكه داخل اولوبده اولميه زماننده قارينك مالی بولونان يا خود اوليلكك دوامی صیراسنده ميراث ويا عوضسز اکتساب طریقلرندن بريله کنديسنه انتقال ایدن ماللرک ملکیتی ، قاری به عاندر . بوماللره قارينك شخصی ماللری ده نیر . قوجا ، کندی شخصی ماللرينك وقارينك شخصی ماللری خارج اولمق اوزره برلكه داخل دیگر بوتون ماللرک ملکیتنه صاحبدر . محفوظ ماللره متعلق حکملر مستثنا اولمق اوزره قارينك کلیری اداسی لازم اولدیغی تاریخدن وشخصی ماللرينك طبیعی حاصلاتی طويلاندقلری زماندن اعتباراً قوجانك ملکي اولور .

بينه لر

ماده : ۱۹۳ — برمالک قارينك شخصی ماللرندن اولدیغی ادعا ایدن قاری ويا قوجا ، دعواسنی اثباته مجبوردر . اولیلکک دوامی صیراسنده قارينك شخصی ماللرينی استبدال صورتيله اکتساب ایدیلن ماللر قارينك شخصی مالی اولور .

مفردات دفتری ، شکلی .
قوة اثباتیه سی

ماده : ۱۹۴ — قاری وقوجا ، هر زمان شخصی ماللرينك کاتب عدل معرفتيله بردفترینک یازیلماستی ایسته - به یلیرلر . شخصی ماللرينك برلكه داخل اولدقلری تاریخدن اعتباراً آلتی آی ظرفنده طوتولمش اولان رسمی دفتر ، خلاف ثابت اولمادجه معتبردر .

ماده : ۱۹۵ — طوتولان دفتر ، شخصی ماللرک قیمت تقدیر برينك حکمی تقدیر اولونان قیمتلرینی ده احتوا ایدیورایسه بوماللرده

ويا قیمتلرنده وقوعه کلن ضمانی موجب نقصانلرک قاری ، قوجا آراسنده قارشیلقلی تضمیننده بو قیمتلر اساس طوتولور .

اداره وانتفاع
تصرف صلاحیتی
اداره

ماده : ۱۹۶ — برلكه کیرن ماللری قوجه اداره ایدر و اداره مصرفی کنديسنه عاندر اولور . قاری آجاق اولیلک برلكنی تمثیلده کی صلاحیتی نسبتنده اداره حقنی حائزدر .

انتفاع

ماده : ۱۹۷ — قوجا ، قارينك شخصی ماللرندن انتفاع حقنی حائز و بوجهتدن عینيله برانتفاع حق صاحبی کی مسئولدر .

رسمی مفردات دفتری ايله قیمت تقدیر ایدیش اولماسی بومسئولیتی آرتیرماز .

قارينك پاره سی ، مثلیادن اولان دیگر ماللری و حامله محرر اسهام وسندلر قوجانك ملکیتنه کچر وقوجا بونلرک قیمتنی بورجلی اولور .

برلكه داخل ماللرده
تصرف حق
قوجانك

ماده : ۱۹۸ — قوجا ، کندی ملکیتنه کچمه مش اولان قاری به عاندر شخصی ماللرده علی العاده اداری معاملات مستثنا اولمق اوزره قارينك رضاسی اولمقسزین تصرف ایدمه مزه . شوقادار که رضانک ویريله دیکنی بیلنلر و یا بیلمه سی لازم کلنلر یا خود قادینه عاندریتی هر کسک آکلایا بیله جکی ماللراوزرنده واقع تصرفده علاقه دار اولانلر مستثنا اولمق اوزره بو رضا شخص نائلر لهنه موجود عد اولونور .

ماده : ۱۹۹ — قاری ، برلکی تمثیلده کی صلاحیتی نسبتنده برلکه داخل اولان مالرده تصرف ایده بیلیر .
ماده : ۲۰۰ — قادی ، بر میراثی آنجاق قوجاسنک رضاسیله رد ایده بیلیر . قوجا ، راضی اولمازسه قاری صلح محکمه سنه مراجعت ایده بیلیر .

قادی نك
عمومیت اعتباریله

میراثك ردی

ماده : ۲۰۱ — قوجا ، قاریسنک شخصی ماللرینک نه حالده بولوندیغنه دائر کندیسندن هر زمان ایسته یه بیله جکی ایضاحاتی ویرمکه مکلفدر .

قاری به تأمینات
اعطاسی

قاری ، بو ماللر حقنده هر زمان قوجاسندن تأمینات طلب ایده بیلیر .

قوجانك بورجی اوده مکدن عجزی تحقق ایدهر ویا افلاسنه حکم اولونورسه عجزك تحقق ویا حکمك صدوری تاریخندن اولکی آلتی آی ایچنده قاری به ویریلن تأمیناتك ابطالی ، آلا جقلیر طرفندن طلب اولونا بیلیر .

ماده : ۲۰۲ — قوجا ، آتیده کی بورجلردن مسئولدر :

بورجلر

قوجانك مسئولیتی

۱ — کندیسنک اولنمهدن اولکی بورجلردن .

۲ — کندیسنک ، اولیلکک دوامی صیراسنده کی بورجلردن .

۳ — قاری طرفندن اولیلک برلکنک ممثلی صفقی ایله ایدیلن بورجلردن .

ماده : ۲۰۳ — مال برلکی اصولنک قوجایه ویردیکی حقلر نظراعتباره آلمقسزین قاری ، آتیده کی بورجلردن بوتون ماللریله مسئولدر :

قاری نك مسئولیتی
بوتون اموالیله

۱ — کندیسنک اولنمهدن اولکی بورجلردن .
۲ — قوجاسنک رضاسیله ایتدیکی بورجلر ایله قوجاسی لهنده صالح حاکمکک تصویبی ایله ایتدیکی بورجلردن .

۳ — مسلك ویا صنعتك معتاد اوزره اجراسندن متولد بورجلردن .

۴ — کندیسنه اصابت ایتش بر میراثه ترتب ایدن بورجلردن .

۵ — حقسز فعللردن متولد بورجلردن .

قاری ، مشترک عائله مصرفلری ایچون قوجاسی ویا کندیس طرفندن ایدیلن بورجلردن آنجاق قوجانك بو رجی اوده مکدن عجزی حالنده مسئول اولور .

محفوظ ماللریله

ماده : ۲۰۴ — قاری ، اولیلکک دوامی صیراسنده واولیلکک زوالندن سوکرا آتیده کی بورجلردن آنجاق محفوظ ماللرینک قیمتی نسبتنده مسئولدر :

۱ — یالکزر محفوظ ماللردن مسئول اولمق اوزره ایتدیکی بورجلردن .

۲ — قوجاسنک رضاسی اولمقسزین ایتدیکی بورجلردن

۳ — برلکی تمثیل خصوصنده کی صلاحیتی تجاوز ایده رک ایتدیکی بورجلردن .

بغیر حق مال ایدینه دن متولد دعوا حق محفوظدر .

ماده : ۲۰۵ — قاری قوجادن برینک شخصی ماللری

ترتب ایدن هر هانکی بر بورج ، دیگرینک شخصی ماللری

آلنانی نقدا یرینه
قویمق مکلفیتی
ایسته مه زمانی

ایله اوده نمش اولدیغی تقدیرده بوصورتله آلمان مقدار
یرینه قونور .

آلمان مقدارک یرینه قونولماسی، قانوناً معین مستثنالردن
ماعددا احوالده آنجا مال برلکنک ختامدن صوکره
طلب ایدیله بیلیر .

قارینک محفوظ ماللرینه ترتب ایدن بورجلر مال برلکنه
داخل ماللر اوزهرندن ویا مال برلکنه داخل ماللره
ترتب ایدن بورجلر قوجا ویا قارینک محفوظ ماللری اوز-
رندن اوده ندیکه تقدیرده آلمان مقدارک یرینه قونولماسی
طلبی، اولیلکک دوامی ائناسنده دخی قابلدیر .

ماده : ۲۰۶ — قوجانک افلاسی ویا ماللرینک حجزی
حالنده قاری، افلاس ماصه سنه ویا حجزه اشتراک ایدهرک
کندی شخصی ماللرنده ویا قیمتلرنده وقوعه کلن ضمانی
موجب نقصانلرک نقداً یرینه قونماسنی طلب ایده بیلیر .
قوجانک قاریسنده کی آلاجلری قارینک مطلوبندن تنزیل
ایدیلیر .

قاری، شخصی ماللرندن عیناً موجود اولانلری مالک
صفیه استرداد ایدهر .

ماده : ۲۰۷ — شخصی ماللرینک یار یسنی آلد ایده مین
ویا یاریسی درجه سنده تأمیناته صاحب اولمایان قاری،
بویاریدن نقصان قالان مقدار نسبتنده ممتازدر .
بو امتیازک آخره دوری و امتیازدن بعضی آلاجلیلر
لهنه فراغت، باطلدیر .

قوجانک افلاسی
و ماللرینک حجزی
قارینک حق

امتیاز

ماده : ۲۰۸ — قارینک وفاتنده شخصی ماللری
قوجانک میراث حق محفوظ اولق اوزره میراثچیلرینه
انتقال ایدهر .

قوجا، قاریسنک شخصی ماللرنده وقوع بولش اولان
ضمانی موجب نقصانلری، قاریسنده کی آلاجلری
محسوبی اجرا ایتدکن صوکره، میراثچیلره اوده مکله
مکلفدر .

ماده : ۲۰۹ — قوجانک وفاتنده قاری، موجود
شخصی ماللرینی استرداد ایدهر وقوعه کلش اولان ضمانی
موجب نقصانلری میراثچیلره تضمین ایتدیرر .

ماده : ۲۱۰ — طرفین، شخصی ماللرینک تفریقندن
صوکره فضلہ برشی قالیرسه بوزیاده نک اوچده بری قاریه
ویا فروغه و متباقی دخی قوجا ویا میراثچیلرینه عائد اولور .
برلکه داخل اولان ماللرده وقوعه کلن نقصان، قاری
طرفندن سببیت ویرلدیکی اثبات ایدیله دجه قوجا ویا
میراثچیلرینه عائد اولور .

اولمه مقاوله نامه سنده، زیاده و نقصان حقنده باشقه
بر تقسیم صورتی قبول اولونا بیلیر .

مال برلکنک ختامی
قارینک وفاتی سببیه

قاری قوجانک وفاتی
سببیه

زیاده و نقصان

در ردی فصل

مال اور تاقلغنی

ماده : ۲۱۱ — قاری قوجا، اولمه مقاوله سیله مال اور تاقلغنی اصولی قبول ایدیه بیلرلر .
بواصولده قاری قوجا، مال اور تاقلغنه کیره ن ماللره وکلیرلره شایعاً صاحب اولور و هیچ بری حصه سنده مستقلاً تصرف ایدیه مز .

تبرع طریقله اکتساب ایدیش اولوبده مال اور تاقلغندن خارج قالماسی تبرع ایدیه نك آرزوسی مقتضاسی اولان یاخود قانوناً محفوظ ماللردن عد ایدیلن ماللر، اور تاقلغنه ادخال ایدیه مز .

قاری قوجانك بوتون ماللرینه وکلیرلرینه شامل اولان مال اور تاقلغنی اصولونه، عمومی مال اور تاقلغنی اصولی ده نیلیر .
بر مالک اور تاقلغنه داخل اولمادیغنی ادعا ایدیه ن قاری ویا قوجا، دعواسنی اثباته مجبوردر .

ماده : ۲۱۲ — مال اور تاقلغنه کیره ن ماللرک اداره سی قوجایه عائددر اداره مصرفی بوماللردن اوده نیر . قاری، اولیلک برلکنی تمثیلده کی صلاحیتی نسبتنده اداره حقنی حائزدر .

مال اور تاقلغنه تصرف ماده : ۲۱۳ — قاری وقوجا، علی العاده اداری معاملات مستثنا اولق اوزره اور تاقلغنه کیره ن ماللر اوزرنده آنجاق مشترکاً ویا یکدیگرینک رضاسی ایله

مال اور تاقلغنی
اور تاقلغنه کیره می
جائز اولمایان ماللر
عمومی اشتراك
اور تاقلغنه کیره ن ماللر

اداره و تصرف
اداره

تصرف ایدیه بیلر . شوقادار که رضانك ویریله دیکنی بیلنلر ویا بیلیمه سی لازم کلنلر یاخود اور تاقلغنه داخل اولدیغنی هر کسك آکلایه بیله جکی ماللر اوزرنده واقع تصرفده علاقه دار اولانلر مستثنا اولق اوزره بورضاء شخص ثالث لهنه موجود عد اولونور .

ماده : ۲۱۴ — قاری قوجادن بری اولیلکک دوامی صیراسنده، دیگرینک رضاسی اولقسزین بر میراثی رد ایدیه مز . بورضا کندیسنه ویریله ن طرف، صلح حاکمه مراجعت ایدیه بیلر .

ماده : ۲۱۵ — قوجا، آشاعیده کی بورجلردن کرک شخصاً کرک اور تاقلغنه کیره ن ماللر ایله مسئولدر :
۱ — قاری قوجانك اولمه دن اولکی بورجلردن .
۲ — قاری طرفندن برلک ممثلی صفتی ایله ایدیلن بورجلردن .

۳ — اولیلکک دوامی صیراسنده کندیسنی طرفندن ایدیلن بورجلرله قاری طرفندن اور تاقلغنه عائد اولق اوزره ایدیلن سائر بوتون بورجلردن .

ماده : ۲۱۶ — قاری، آشاعیده کی بورجلردن کرک شخصاً کرک اور تاقلغنه کیره ن ماللر ایله مسئولدر :
۱ — اولمه دن اولکی بورجلردن .

۲ — قوجانك رضاسیله ایتدیکی بورجلرله قوجاسی لهنه صلح حاکمک تصویبی ایله ایتدیکی بورجلردن .

۳ — مسلك ویا صنعتك معتاد اوزره اجراسندن

میراث ردی

بورجلر
قوجانك مسئولیتی

قارینك مسئولیتی
کندی ماللری و مال
اور تاقلغنه کیره ن ماللر
ایل

متولد بوجاردن .

۴ — کندیسه اصابت ایتمش بر میراثه ترتب ایدن

بوجاردن .

۵ — حقسز فعللرندن متولد بوجاردن .

قاری، مشترک عائله مصرفلری ایچون قوجاسی ویا کندیسی طرفندن ایدیلن بوجاردن آنجاق اورتاقلق ماللری بونلری اوده مکه کافی کله دیکی تقدیرده مسئول اولور . قاری، اورتاقلغه کیره ماللره مترتب دیگر بوجاردن شخصاً مسئول ده کیلدر .

ماده : ۲۱۷ — قاری، اولیلکک دوامی اثناسنده وأولیلکک زوالندن صو کرا آتیده کی بوجاردن آنجاق محفوظ ماللرینک قیمتی نسبتنده مسئول اولور :

۱ — یالکیز محفوظ ماللرندن مسئول اولق اوزره ایتدیکی بوجاردن .

۲ — قوجاسنک رضاسی اولقسزین ایتدیکی بوجاردن،

۳ — برلکی تمثیلده کی صلاحیتی تجاوز ایدهرک یاپدیگی بوجاردن .

بغیر حق مال ایدینه دن متولد دعوا حق محفوظدر .

ماده : ۲۱۸ — اورتاقلغه ترتب ایدن بوجاردن دو- لای اورتاقلغک دوامی اثناسنده یاپیلاجق هر تورلو اجرا تعقیباتی قوجایه قارشى وقوع بولق لازمدر .

ماده : ۲۱۹ — مال اورتاقلغه ترتب ایدن بوجی اوده مک ایچون بوماللردن آلان مبلغک یرینه قونماسنی،

محفوظ ماللریله

اجرا تعقیباتی

آلانی نقدا یرینه قویه مکلفیتی

قاری قوجا یکدیگرندن هیچ بر زمان طلب ایده مز . مال اورتاقلغه ترتب ایدن بوجرک محفوظ ماللردن ویا محفوظ ماللره ترتب ایدن بوجرک اورتاقلق ماللردن اوده نمه سی حالنده آلان پاره نک یرینه قونماسی، اولیلکک دوامی اثناسنده دخی ایسته نه بیلیر .

ماده : ۲۲۰ — قاری، قوجانک افلاسنده ویا اورتاقلق ماللری اوزرینه حجز وضع ایدیلدیکی تقدیرده ، شخصی ماللرینک نقدا بالغ اولدیگی مقداری ایسته نه بیلیر . قارینک بو آلاجه نک ، یاریسی ممتازدر . بوامتیازک، باشقه سنه دوری وامتیازدن بعضی آلاجه لیلر لهنه فراغت ، باطلدر .

ماده : ۲۲۱ — قاری قوجادن برینک وفاتنده ، مال اورتاقلغک ختامی قانونی تقسیم اورتاقلق ماللرینک یاریسی ، حیاتده قالان قاری ویا قوجایه انتقال ایدهر . دیگر یاریسی ، حیاتده قالان قاری ویا قوجانک میراث حقلری باقی اولق اوزره اوله نک میرا- ثیلرینه کچر .

حیاتده قالوبده میراثدن محروم بولونان قاری ویا قوجانک اورتاقلق ماللرندن ادعا ایده بیله جکی حق؛ بوشانما حالنده حائز اولدیگی حقلری تجاوز ایده مز .

ماده : ۲۲۲ — قاری قوجا اولیلکک مقاوله سنده ، مقاوله موجبجه تقسیم یاری یه تقسیم یرینه باشقا بر تقسیم طرزی قبول ایده بیلیرلر . دیگرندن اول وفات ایدن قاری ویا قوجانک

فروغی ، حین وفاتده موجود اورتاقلق ماللرینک دورتده برندن هیج بروجہ ایله محروم ایدیلہ من .

ماده : ۲۲۳ — قاریسینک وفاتندن سوکرا حیاتده قالان قوجا ، اورتاقلق ماللرینہ ترتب ایدن بورجلردن شخصاً مسئول قالیر .

قوجاسینک وفاتنده حیاتده قالان قاری ، اورتاقلق ماللر- نده کی حصہ سنی رد ایتیکله اورتاقلق ماللرینہ ترتب ایدوبده شخصاً دخی مسئول اولمادیغی اورتاقلق بورجلردن ، بری اولور . قبول حالنده قاری مسئول اولقلہ برابر آلدیغی ماللرک آلاچقلیلرہ تأدیہ یه کافی کله دیکینی اثبات ایتدیکی نسبتده مسئولیتدن ، بری اولابیایر .

ماده : ۲۲۴ — حیاتده قالان قاری ویا قوجا ، کندی طرفندن اورتاقلغه ادخال ایدیلن ماللرک محسوسی حصہ سندن اجرا ایدیلک اوزره ، کندیسنہ تخصیصنی ایستہ یه بیلیر .


ماده : ۲۲۵ — حیاتده قالان قاری ویا قوجا ، متوفادن اولان چوجوقلریله برلکده اورتاقلغه دوام ایدہ بیلیر .

چوجوقلر ، کوچوک ایسہ لر اورتاقلغک دوامی ایچون صلح حاکمنک تصویبی لازمدر . اورتاقلغک دوامی حالنده میراث حقاری ، اورتاقلغک ختامنه قادار قوللانیلاماز .

ماده : ۲۲۶ — اوزاتیلان اورتاقلق ، اساساً اورتاقلغه داخل ماللردن باشقه ؛ محفوظ ماللری مستثنا اولمق اوزره ، طرفینک کلیر وقازانچلرینی دخی احتوا ایدہر .

اوزاتیلان اورتاقلق صیراسنده حیاتده قالان قاری ویا

قاری وقوجادن صاغ
قالانک مسئولیتی



شخصی ماللرک تخصیصی

اورتاقلغک اوزا -
تیلہ سی

اوزاتیلان اورتاقلق
ماللری

قوجایه ویا چوجوقلرہ ، میراث ویا عوضسز اکتساب طریقلردن بریلہ انتقال ایدن ماللر ؛ خلافہ بر حکم بولونمادجہ ، محفوظ ماللردن عد اولونور .

اورتاقلق اعضاسی آراسنده دخی ، قاری قوجا آراسنده کی حکملر دائرہ سنده جبری اجرا ، جائز ده کیلدر .

ماده : ۲۲۷ — اوزاتیلان اورتاقلق ، چوجوقلر کوچوک ایسہ حیاتده قالان قاری ویا قوجہ طرفندن اداره وتمثیل اولونور ؛ چوجوقلر رشید ایسہ خلافہ مقاولہ یاییلابیلیر .

ماده : ۲۲۸ — حیاتده قالان قاری ویا قوجا ، اوزاتیلان اورتاقلغی هر زمان فسخ ایدہ بیلیر .

رشید اولان چوجوقلر دخی منفرداً ویا جملہ سی برلکده هر زمان اورتاقلقدن چیقابیلیر . اورتاقلقدن چیقماق صلاحیتی ، کوچوک چوجوقلر نامنه صلح حاکمی طرفندن استعمال اولونور .

ماده : ۲۲۹ — اوزاتیلان اورتاقلق آشاعیده کی حاللرده کنیدیکنندن بوزولور :

۱ — حیاتده قالان قاری ویا قوجانک اولومی ویا اولنمہ سی ایله .

۲ — حیاتده قالان قاری ویا قوجانک ویا خود چو- جوقلرک افلاسی ایله .

چوجوقلردن یالکیز برینک افلاسی حالنده دیکر علاقه دارلر اونک اورتاقلقدن چیقارماسنی ایستہ یه بیلیرلر .

اداره وتمثیل

اورتاقلغک علاقه دارلر
طرفندن فسخی

کنیدیکنندن انفساخ

بابانك افلاسى ويا اورتاقلق ماللى اوزرىنه حجز وضعى
حالده، چوققلر، اولمش اولان آنالرىنك حقنى استعمال
ايدى بىلىرلر .

حاكمك قرارى ايله فسح ماده : ۲۳۰ — قارى ويا قوجا يا خود چوققلردن
برى عايمنه قونىلان حجزده ، ضرره اوغرايان آلاچاقلى ،
حاكمدن اورتاقلقك فسحنه قرار وىرلەسنى ايستە يە بىلىر .
طاب ، چوققلردن برىنك آلاچاقلىسى طرفندن واقع
اولدىنى تقدىردە دىكر علاقه دارلر اوچو جوغك اورتاقلق
چىقاريلماسنى ايستە يە بىلىرلر .

برچو جوغك اولمەسى ويا وفاتى سببى ايله فسح ماده : ۲۳۱ — چوققلردن برى اولە نىرسە ،
دىكر علاقه دارلر اونك اورتاقلقندن چىقاريلماسنى ايستە
يە بىلىرلر .

چوققلردن برى وفات ايدەرسە ، دىكر علاقه دارلر
اونك فروغك اورتاقلقندن چىقاريلماسنى ايستە يە بىلىرلر .
فروغى اولمىسىزىن وفات ايدىن چو جوغك حصەسى ،
اورتاقلقده داخل اولمايان مىراثچىلر ك حقلرى محفوظ
قالق شرطيله ، اورتاقلق ماللى آراسىدە قالير .

ماده : ۲۳۲ — تمديد اولونان اورتاقلقك ختامى ويا
چوققلردن برىنك اورتاقلقندن چىقاريلماسى حاللرندە تقسيم
ويا چىقاريلان چو جوغك حقلرىنك تصفيهسى ، اورتاقلقك
ختامى ويا چو جوغك چىقاريلدىغى آندە موجود اولان
ماللر اوزەرىدن اجرا اولونور .

حياتده قالان قارى ويا قوجا ، چوققلر ك حصەسى

تقسيم ويا تصفيه

اوزەرىندە مىراث حقلرىنى محافظه ايدىر . تصفيه و تقسيم
مناسب اولمايان بر زمانده ياپىلاماز .

ماده : ۲۳۳ — قارى قوجا ، اولمە مقاوله سيله
بعض ماللر ك بالخاصه غير منقوللر ك اورتاقلقندن چىقاريلماسنى
شرط ايدەرك محدود بر مال اورتاقلقنى اصولى قبول
ايدە بىلىرلر .

ماده : ۲۳۴ — قارى قوجا ، اورتاقلقده داخل اولاجق
ماللر ك ؛ يالكىز اولىلكك دوامى ائناسىدە طرفىن شخصى
ماللرىنك وبونلردن برىنك استبدالى صورتيله آلدە
ايدە جىكلرى ماللر ك حاصلاتيله قوجانك يە اولىلكك
دوامى ائناسىدە عوضىز اولمايان هر تورلو قازانچىدن
وقادىنك قانوناً محفوظ ماللردن بولونمايان بوقبيل قازا-
نچىلردن تشكىل ايمەسى ، اولمە مقاوله لرنده قبول ايدە-
بىلىرلر . بوماللرە مکتسب ماللر دە نير .

ماده : ۲۳۵ — محدود اورتاقلقك ختامىدە اورتاقلق
ماللرندە حصوله كلىش بر زياده وار ايسە ، بو زياده ،
قارى قوجا ويا مىراثچىلرى آراسىدە يارى يارى يە تقسيم
اولونور . نقصان وقوعە كلىدىكندە ، قارى طرفندن سببىت
ويرلدىكى اثبات ايدلمە دىكە قوجا ويا مىراثچىلرىنە عائد اولور .
اولمە مقاوله سىدە ، زياده ويا نقصان حقلده باشقا بر تقسيم
صورتى قبول اولونا بىلىر .

ماده : ۲۳۶ — قارى قوجا ، اولمە مقاوله سيله جهاز

جهاز اصولى

تقسيم

اصولنی قبول ایدہ بیلیرلر. بواصول قارینک کندی ماللرینک بر قسمی عائلہ مصرفہ مدار اولمق اوزرہ قوجاسنہ ترک ایتہ سندن عبارتدر .

جهاز اولارق قارینک قوجاسنہ ترک ایتدیکی ماللرک مال اور تاقلقی اصولنہ کورہ مشترک مال اولاجنی ویا قوجا جهازک ملکیتنہ دخی مستقل اولارق مالک بولونا جنی اولنہ مقاولہ سندہ تصریح ایدیش اولمادجہ جهاز اتخاذا اولونان ماللر حقندہ ، مال برلکی اصولندہ قارینک شخصی ماللرینک تابع اولدیغی حکملر جاری اولور .

بشمبى فصل

قارى قوجانك ماللى حقندہ كى اصولہ دائر سجيل

مادہ : ۲۲۷ — اولنہ مقاولہ لری و قارى قوجا آراسندہ كى اصولہ متعلق محكمہ قرارلریلہ اور تاقلق ماللرینہ دائر آرالرنده يابا جقارى مقاولہ لر كاتب عدله تسجيل و اعلان ايتديرش اولمادجہ شخص ثالثہ قارشى حكم افادہ ایتمز. بو خصوصده قارى قوجانك ميراثچیلری شخص ثالثدن معدود ده کیلدر .

تسجيلك حكملى

مادہ : ۲۳۸ — اولنہ مقاولہ سنك محتوی اولدیغی مادہ لردن ، شخص ثالثہ قارشى حكم افادہ ایتہ سى قارى قوجا ایچون ملتزم اولانلری ، تسجيل اولونور . قانون خلافی امر ایتش ویا آیا اولنہ مقاولہ سندہ مقاولہ نك

تسجيلك موضوعى

تسجيل ایدیلہ سى صراحة قبول ایدیش اولمادجہ قارى وقوجادن هر برى ؛ تسجيلی ایتہ یه بیلیرلر .

مادہ : ۲۳۹ — تسجيل ، قوجانك اقامتگاهى كاتب عدلكنجہ اجرا ایدیلیر . قوجا ، اقامتگاهى تبدیل ایتدیکی تقدیرده ، تبدیلدن اعتباراً اوج آی ظرفده ؛ بویکی اقامتگاهنده دخی تسجيل تجدیدی لازمدر . اقامتگاهنك تبدیلدن اعتباراً اوج آی كچه ، اسكى تسجيل حكمی قالماز .

سجلك طوتولای

مادہ : ۲۴۰ — كاتب عدل ، اولنہ مقاولہ لرینى وقارى قوجا ماللرینك اداره سنہ تعلق اولوب تسجيلی لازم كان قانوناً معین قرارلری و مقاولہ لری خصوصى بر سجلہ قید ایله مكلفدر . بوسجل ، علنی اولوب هر كس کندیسنه مقتضى قیدلرك مصدق بر صورتی بجاناً ایتہ یه بیلیر . اولنہ مقاولہ سنك اعلاننده يالكز ، قارى قوجانك قبول ایتدكلری اصولك ، هانكى اصول اولدیغی بیان ایله اکتفا اولونور .

ایکنجی قسم

خیمیلر

یدنجی باب

نسبی صحیح چو جو قیلر

برنجی فصل

نسبک صحتی

نسبک صحته قرینه ماده : ۲۴۱ — اولیلک موجود ایکن ویا زوالندن اعتباراً اوچیز کون ایچنده دوغان چرجوغک باباسی ، قوجادر . بومدت کچد کدن صوکره اصل اولان ، دوغان چوجوغک نسبی صحیح عد اولونماقدر .

نسبی رد قوجا طرفندن مدت ماده : ۲۴۲ — قوجا ، دوغدیغنه مطلع اولدیغی کوندن اعتباراً برآی ایچنده چوجوغی رد ایده بیلیر . رد دعواسی ؛ چوجوق ایله آناسی علیه اقامه اولونور . ماده : ۲۴۳ — قوجا ، اولند کدن آ ز یوز سکسان کون صوکره دوغان چوجوغک کندیسندن اولماسی احتمالی بولونمادیغنی اثبات ایتمکجه چوجوغی رد ایده مز .

اولنمه دن اول ویا آبریلقدن صوکره آنا آریلقدن چوجوق ماده : ۲۴۴ — چوجوغ ، اولنمه عقدندن اعتباراً یوز سکسان کوندن آ ز برمدته دوغدیغنی یاخود قادینک کبه قالدیغنی زمانده قوجاسندن آریلغنه حکم ایدیلش

اولدیغنی تبین ایده رسه ؛ قوجا رد دعواسنده باشقه بینه اقامه سنه مجبور ده کیلدر .

شوقاداکه ، قادینک کبه قالدیغنی زمان قوجاسیله برلکده اقامتنک تحققی حالنده اصل اولان ، ینه نسبک صحیدر .

ماده : ۲۴۵ — رد مدتک مرورندن اول قوجانک وفات ایتمه سی ویا تمیز قدرتسندن محروم اولماسی یاخود بولوندیغنی یرک بیلنمه مه سی ویا هرهانکی برسیدن دولایی چوجوغک دوغومندن خبردار ایدیلمه مه سی حالنده ، چوجوقله برلکده میرانجی ویا چوجوق سببی ایله میراثدن محروم اولانلر ، دوغومه اطلاعلی تاریخندن اعتباراً برآی ایچنده رد دعواسنی اقامه ایده بیلیرلر .

قادین ، اولنمه دن اول کبه قالدیغنی تقدیرده ؛ قوجا طائیش اولسه بیله مدعی عمومی ، اونک باباسی اولماسی احتمالی بولونمادیغنی دعوا واثبات ایده بیلیر .

ماده : ۲۴۶ — قوجا ، صراحة ویا دلالة چوجوغی طانیدقدن یاخود بوبابده معین مدت کچد کدن صوکره رد دعواسی ایده مز . شوقادارکه چوجوغی طائیق ویا مدتسده رد ایتمه مک خصوصسده اغفال اولوندیغنی ادعا واثبات ایده بیلیر .

بو حاللرده ، اغفاله اطلاع تاریخندن اعتباراً ردایچون ، یکیدن بر آیلق مدت باشلار .

کذلک رد دعواسنک مدتی ایچنده اقامه ایدلمه سی محق

بر سیدن ایلری کیش ایسه مدتک کچمه سنه باقیامقسنزین
دعوا مسموع اولور .

ایکینجی فصل

نسبک تصحیحی

ماده : ۲۴۷ — اولیلک خارجنده دوغان چوجوقلرک
نسبی ، آنا بابانک بربریله اولنمه سیله ، کندیلکندن
صحیح اولور .

اولنمه ایله تصحیح
شرطلری

ماده : ۲۴۸ — آنا بابا ، دوغان چوجوقلرینی اقا-
متکاهلرینک بولوندیغی ویا اولندکلری محل نفوس مأمورینه
اخباره مجبوردر . بواخبار ، عقد ایله برلکده ویا همان
عقددن صوکرایاپیلیر . اخبارک یاپیلما ماسی نسبک صحیح
اولماسنه مانع ده کیلدر .

بیان

ماده : ۲۴۹ — بربرلری ایله اولنمه یی وعده ایدوبده
برینک وفاتی اولنمه اهلیتک زوالی سیبیله اولنمه مین آنا
بابادن دوغان چوجوقلرک نسبی ، دیکرینک طلبی و یا
چوجوغک مراجعتی اوزرینه ، حاکم طرفندن تصحیح
اولونور . آنجق چوجوق رشید ایسه تصحیح طلبی
رضاسی آلتیادجه مسموع اولماز . چوجوغک وفاتندن
صوکرایا مراجعت حق فروغنه انتقال ایدر .

حاکم حکمی ایله
شرطلری

ماده : ۲۵۰ — نسبک تصحیحی ایچون صلاحیتدار
اولان حاکم ، دعواچینک اقامتکاهی حاکمیدر .

صلاحیت

حاکم ، تصحیح طلبی حقوق عامه نك صیاتی ایچون
نفوس مأمورینه تبلیغه مجبوردر .

ماده : ۲۵۱ — آنا بابانک قانونی میراثچیلری ایله
مدعی عمومی ، نسبک تصحیحنه مطلع اولدقلری کوندن
اعتباراً اوج آی ایچنده اعتراض ایدیه بیلیرلر . چوجوغک
او آنا بابادن اولمادیغی اثبات ، دعواچیلره عائددر .
اعتراض دعواسنک مرجعی تصحیح قرارینک ویریلدیکی
محل ویا آنا بابانک اقامتکاهی حاکمیدر .

بطلان دعواسی

ماده : ۲۵۲ — نسبی تصحیح ایدیان چوجوق ،
آنا و باباسنه واونلرک خیسیملرینه قارشى عینیه نسبی صحیح
اولان چوجوغک حقوقی حائردر ؛ نسبی صحیح فروعی
دخی تصحیحدن مستفید اولور .
تصحیح ، هم آنا بابانک مقید اولدیغی هم چوجوغک
دوغدیغی محلك نفوس مأمورینه تبلیغ ایدیلیر .

تصحیح حکمی

اوینجی فصل

اولاد ایدینه

ماده : ۲۵۳ — اولاد ایدینه حق الک آز قرق یاشنده
اولوبده نسبی صحیح ، فروعی بولونمایانلره منحصردر .
اولاد ایدینن کیمسه نك اولادلقدن الک آز اون سکزیاش
بویوک اولماسی شرطدر .

اولاد ایدینه شرطلری
اولاد ایدینن ایچون

اولادلق ایچون

ماده : ۲۵۴ — میزاولان کیمسه، رضاسی اولمادقجه، اولادلغه آلیناماز . آنا بابانک ویا حاکمک موافقتی آلینا- دجه محجور ایله کوچوک، میز بیله اولسه لر، اولادلغه آلینامازلر .

قاری قوجا حقنده

ماده : ۲۵۵ — قاری قوجادن برینک اولادایدینه سی ویا اولادللق اولماسی دیکرینک رضاسنه متوققدر . بر کیمسه نک ایکی کیشی طرفندن برابرجه اولادلغه آلینابیلیمه سی، آنجاق قاری قوجا ایچون ممکندر .

شکل

ماده : ۲۵۶ — اولاد ایدینه، اولادایدینن کیمسه نک اقامتگاه ی حاکمک مساعده سی اوزرینه یاپیلاجق رسمی بر سند ایله اولور و کیفیت دوغوم کوتوکنه قیدایدیلیر . قانونی شرطلر بولونمقله برابر اولاد ایدینک ایستین کیمسه نک چوجوغنی کوروب کوزتدیکی معلوم ویا اولادلغه آلینمق ایچون دیکر هر هانکی محق بر سبب موجود اولسه بیله حاکم چوجوغک منافعه مغایر کوردکجه طلب اولونان مساعده بی ویره مر :

عقدک حکمی

ماه : ۲۵۷ — اولادللق، کندیسنی اولادلغه آلانک عائله اسمنی طاشیر و اونک میراثچیسی اولور . اصل عائله سنده کی میراثچیله خلل کلز . آنا بابایه عائد حق ووظیفه لر، اولاد ایدینن کیمسه یه کچر . اولاد ایدینه عقدندن اول یاپیلیمش رسمی بر سند ایله، نسبی صحیح چوجوقلرک میراثچیلق حقنه و آنا بابانک چوجوقلرک ماللری اوزرنده کی حقلرینه دائر اولان مواد قانونیه یه

مخالف حکملر قبول ایدیله بیلیر .

رفع

ماده : ۲۵۸ — اولادللق مقاوله سی حقنده قاعده لره رعایت شرطیله، اولادللق رابطه سی، طرفینک رضاسیله هر زمان قالدیریلایلیر . اولادللق رابطه سی، محق سبیلره استناد حالنده اولادللق و میراثندن محروم بیراقاجق بر حال حدوشنده اولادللق ایدینن کیمسه نک طلبی اوزرینه حاکم طرفندن دخی رفع ایدیلیر . رفع، اولادللق رابطه سنک استقباله عائد بوتون حکملرینی ازاله ایدر و قطعیدر .

در دنجی فصل

نسب صحتنک عمومی حکملری

ماده : ۲۵۹ — نسبی صحیح اولان چوجوق، اسم و وطندا شلق حق باباسنک اسمنی طاشیر و اونک وطندا شلق حقلرینه مالک اولور .

ماده : ۲۶۰ — آنا و بابا و چوجوق، یکدیگره قارشیلقی وظیفه لر قارشى عائله منفعتنک استلزام ایتدیکی معاونت و رعایته مجبوردر .

ماده : ۲۶۱ — چوجو غک اعاشه و تربیه سنه مقتضی مصرفلر، کندیلرینک ماللرینی اداره خصوصنده قبول ایتدکلری اصوله کوره، آنا بابایه ترتب ایدر . آنا بابا ضرورتنده بولوندینی ویا چوجوق فوق العاده مصرفی موجب

اولدینقی تقدیرده یاخوداستثنائی هرهانکی برسبیک وجودی
حالنده حاکم ، چوجوغلک مالارندن کندیسینک اعاشه
و تربیه سینه مدار اولاجق معین بر مقدارک صرفی ایچون،
آنا و بابایه اذن ویره بیلیر .

شعبی فصل

ولایت

ماده : ۲۶۲ — چوجوق ، کوچوک ایکن آنا و
باباسنک ولایتی آلتنده در ؛ قانونی سبب اولمادجه ، آنا
و بابادن آلیناماز . حاکم ، وصی تمینته لزوم کورمه دجه
حجز ایدیلن چوجوقلر دخی ، آنا و بابانک ولایتیه
تابعدرلر .

عمومی شرطلر

ماده : ۲۶۳ — اولیلک موجود ایکن ، آنا و بابا،
ولایتی برابرجه اجرا ایدرلر . آکلاشامازلرسه ، بابانک
رأیی معتبردر .

ولایتی اجرا حق

ماده : ۲۶۴ — قاری قوجادن برینک وفاقی حالنده
ولایت، صاغ قالانه و بوشانمه حالنده چوجوقلرک تودیع
اولوندینقی طرفه ، عائد اولور .

ولایتک شمولی

چوجوق ، آنا و باباسنه رعایتیه مجبوردر . آنا و بابا،
قدرتلرینه کوره چوجوغی یتیشدیرمکه و چوجوق علیل
ویا عقلی ضعیف ایسه حالنه مناسب بر تربیه ویرمکه
مکلفدرلر .

چوجوغلک آدینی ، آنا و باباسی قور .

ماده : ۲۶۵ — آنا و بابا ، چوجوغلک مسلکی
تربیه سنی سوق و اداره ایدر و ممکن مرتبه قوت و قابلیتینی
و آرزولرینی نظره آلیر .

ماده : ۲۶۶ — چوجوغلک دینی تربیه سنی تعیین
آنا و بابایه عائددر . آنا بابانک بو خصوصده کی حریتنی تحدید
ایدجک هر تورلو مقاوله معتبر ده کیلدر .
رشید ، دینی انتخابده حردر .

ماده : ۲۶۷ — آنا بابا، چوجوقلرینی تأدیپ حقنه
مالکدر .

تأدیپ حق

ماده : ۲۶۸ — آنا و بابا ، ولایتی اجرا حقنی
حائز اولدقلری نسبتده چوجوقلرینک قانونی تمثیلدرلر .
بوصفته حرکترلرنده حاکمک رأینه احتیاجلری یوقدر .

تمتیل
اشخاص ثالثه یه قارشیی
ابوین طرفندن

ماده : ۲۶۹ — ولایت آلتنده کی چوجوق، اهلیت
اعتباریه وصایت آلتنده کی کیمسه کییدر . وصایت آلتنده
بولونان کیمسه نک اداری معاملاتیه اشتراکی مستثنا اولق
اوزره وصی معرفتیه تمثیله متعلق حکملر ، ولی حقنده ده
تطبیق اولونور .

چوجوغلک اهلیتی

بروجیه التزام ایدن چوجوق کندی مالندن اوده مکه
مکلفدر . بو خصوصده آنا و بابانک ؛ چوجوغلک
ماللری اوزرنده حائز اولدقلری اداره و انتفاع حقلرینه
باقیلماز .

عائله قارشى
چو جوقلر ك تصرفى

ماده : ۲۷۰ — ولايت آلتنده كى چوجوق ، ميز ايسه ، آنا وبابانك رضاسيله عائله نامنه حر كت ايديه بيلير . بوتقديرده چوجوق كنديسى مسؤل اولمايوب آنا وبابا ماللىرى اداره خصوصنده قبول ايتدكلرى اصوله كوره الزام اولونور .

چو جوقله آنا بابا
آراسنده واقع حقوق
تصرف

ماده : ۲۷۱ — چوجوق ايله بابا ويا آنا آراسنده ياخود آنا وبابانك نفغه اولارق چوجوق ايله شخص ثالث آراسنده يايلاجق هر هانكى بر تصرفده چوجوق ، وجبيه التزام ايتمش اولورسه خصوصى بروصينك اشتراكى وحاكمك تصديق لازمدر .

حاكمك مداخله سى
حمايه تدبيرلى

ماده : ۲۷۲ — آنا وبابا ، وظيفه لى ايفائيمه دكلرى تقديرده حاكم ، چوجوغلر حمايه سى ايچون مقتضى تدبيرلى اتخاذ ايله مكلفدر .

چو جوقلر ك ير لشد ير لى سى

ماده : ۲۷۳ — چوجوغلر ، بدنى ويا فكرى تكاملى تهلكه ده بولونور ويا چوجوق معنأ متروك برحاله قاليرسه حاكم ، چوجوغلر آنا وبابان آلاق بر عائله زدينه ويا بر مؤسسه يه ير لشد ير بيلير . چوجوق ، شرتلىكى حسبيله آنا بابانك امرلرينه قارشى كللكده تمر د ايديه رسه ، مؤثر باشقه بر اصلاح چاره سى بولونمايغى . تقديرده ، عيى تدبيرلر ، آنا بابانك طلبى اوزرينه حاكم طرفندن اتخاذ ايديلير . بوتدبيرلر ك التزام ايتدىكى مصارف — آنا بابا ايله چوجوق تاديه دن عاجز ايسه لر — دولتجه تسويه اولونور . نفقه يه متعلق حكملر باقيدر .

ماده : ۲۷۴ — ولايتى ايفادن عاجز ويا محجور اولان ياخود نفوذى آغير صورتده سوء استعمال ايدىن ويا فاحش اهمالده بولونان آنا وبابان ، حاكم ، ولايت حقنى نزع ايديه بيلير .

آنا وبابان ولايت نزع اولوتجه ، چوجوغلر ، روصى تعيين اولونور . نزعك حكمى ، ايلريده دوغاجق چوجوغلر شاملدر .

ماده : ۲۷۵ — ولايتى حائز اولان آنا وبابا ، يكيدين اوله نيرسه ، ايحباب ايتدىكى حالده چوجوغلر بر روصى تعيين ايديلير . قارى قوجان برينك وصى نصبي جائزدر .

ماده : ۲۷۶ — نزع سببى زائل اولديغى صورتده حاكم ، دوغريدن دوغرى يه ويا طلبلى اوزرينه ، آنا وبابايه ولايتى اعاده ايله مكلفدر . نزعى تاريخندن اعتبارأ بر سنه كچمه دكجه ، ولايت ، اعاده ايديله مز .

ماده : ۲۷۷ — ولايتى نزع ايديلن آنا وبابا ، چوجوغلر اعاشه و تربيه مصرفلرى ، اولجه اولديغى كى تسويه ايله مكلفدر . بومصرفلر — آنا وبابا ايله چوجوق تاديه دن عاجز ايسه لر — دولتجه تسويه اولونور . نفقه يه متعلق حكملر باقيدر .

نزع حالده آنا
وبابانك وظيفه لى

آلتنبی فصل

چو جوق ماللری

ماده : ۲۷۸ — آنا و بابا ، ولایتلری دوام ایتدیکجه چو جوغک ماللرینی اداره ایدرلر . حساب و تأمینات و یرمز لر . آنا بابانک وظیفه لرینی یامادقلری تقدیرده ، حاکم ، مداخله ایدر .

اداره
عمومیتله

ماده : ۲۷۹ — اولیلکک زوالندن سوکرا ولایتی حائز اولان قاری ویا قوجا ، حاکمه چو جوغک مالی وضعیتنی کوستریر بر مفردات دفتری و یرمکه و ثروتنده و کیفیت تمیه سنده اهمیتلی بر تبدل حصوله کلدیکی تقدیرده اونیده بیلدیرمکه مجبوردر .

اولیلکک زوالندن
سوکرا

ماده : ۲۸۰ — آنا و بابانک ولایتی تقصیرلری حسبیلله کندیلرندن نزع اولونمادیکجه ؛ رشدینه قادار چو جوغک اموالندن انتفاع حققری واردر .

استفاده حق
شرطلر

ماده : ۲۸۱ — چو جوغک کلیری ، اول امرده کندی انفاق و تربیه سنه صرف اولونور ؛ فضلله سی ، قاری قوجادن هانکیسی عائله مصرفیله مکلف ایسه اوکا عائد اولور .

کلیرک صرفی

ماده : ۲۸۲ — انتفاع حق ، فائضه و یریلک ویا تصرف صاندقلرنده بیریکدیریلک یا خود آنا بابا انتفاع ایدمه مک شرطیلله چو جوغه هبه ایدیلیر ماللره شامل اولماز .

سربست ماللر
استفاده حقندن
خارج ماللر

بوقبیل ماللرک اداره سی ، واهب طرفندن حین هبه ده خلافی شرط ایدیلهدیکجه ؛ آنا بابادن آیینماز .

ماده : ۲۸۳ — کوچ-ووکک قازانچی ، یانلرنده یاشادیکجه ، آنا بابایه عائددر . آنانک بابانک رضاسی ایله عائله خارجنده یاشایان چو جوق ، اونلره قارشى اولان وجیه لرینه خلل کله مک اوزره ، قازانچنده دیله دیکى وجهله تصرف ایدمبیلیر ،

ماده : ۲۸۴ — بر مسلك ویا صنعت ایچون ، آنا بابا طرفندن چو جوغه ، مالندن و یریلن قسمک اداره سی واوندن استفاده حق ، چو جوغکدر .

مسلك ویا صنعت ایچون
و یریلن مال

ماده : ۲۸۵ — آنا بابا ، اداره و انتفاع حققرینک کندیلرینه یوکلندیکی وظیفه لری یامادقلری صورتده ؛ حاکم چو جوغک منفعتنی محافظه ایچون مقتضی تدبیرلری اتخاذ ایدر .

حاکم مداخله سی
تأمینات تدبیرلری

چو جوغک ماللری تهلیکه یه دوشرسه حاکم ، وصیلر اوزهرنده حائز اولدینی مراقبه یی آنا بابا حقنده تطبیق ویا اونلردن تأمینات طلب و چو جوغک منفعتنی قورومق ایچون قیمده تعیین ایدمبیلیر .

ماده : ۲۸۶ — آنا بابا ، چو جوغک ماللری اوزرنده کی حققرندن ؛ آنجا ق ولایتلرینک نزعی حالنده ، محروم ایدیلهدیلیر . ولایتک نزعی ، آنا بابانک تقصیرلری یوزندن اولماش ایسه ؛ چو جوغک انفاق و تربیه سنه کفایت ایدمک مقداردن فضلله سنده انتفاع حققری باقیدر .

ولایت حقنک نزعی
حالنده

اداره حقنك زوالی
تسلیم
ماده : ۲۸۷ — آنا بابانك اداره حقنك زوالنده ،
ماللر ؛ رشید اولان چوجوغه و یا وصیسنه ، حساب
کورولهرك تسلیم اولونور .

مسئولیت
ماده : ۲۸۸ — آنا بابا ، چوجوغك ماللری اعاده ده
انتفاع حق صاحبی کبی مسئولدر ؛ حسن یتله صادقلری
ماللرك ثمنی ویریرلر .

چو-وغك امتیاز حق
ماده : ۲۸۹ — چوجوغك ، حجز و یا افلاس طریق
ایله تعقیب ایدیلن آنا باباده کی ، آلاجنی ممتازدر .

سکرنجی باب

نسبی صحیح اولمایان چوجوق

صحیح اولمایان نسب
ماده : ۲۹۰ — نسبی صحیح اولمایان چوجوغك
آناسی ، دوغوران قادیندر . باباسی ، طانیما و یا بر حکم ایله
تحقق ایدر .

طانیما شرطلری و شکلی
ماده : ۲۹۱ — اولیلک خارچنده دوغان چوجوق ،
باباسی طرفندن و یا باباسنك وفاتی و یا تمیز قدرتندن دائمی
محرومیتی حالنده باباسنك باباسی طرفندن ، طانیما بیلیر .
طانیما ، رسمی سند و یا ثولومه باغلی تصرفله اولور .

کیفیت ، طانیمان کیمسه نك مقید بولوندیغنی محلك نفوس
مأمورینه بیلیر .

ممنوعیت
ماده : ۲۹۲ — بربرلریله اولمه لری ممنوع اولانلردن
و یا اولی ارکک و قادینارک زباسبندن دوغان چوجوق ،
طانیما ماز .

رفع
آنا و یا چوجوغك
اعتراضی
ماده : ۲۹۳ — آنا و یا چوجوق و چوجوغك وفاتی
حالنده فروعی ، طانیانك بابا و یا بویوك بابا اولمادیغنی و یا
طانیما چرجوق حقنده ضررلی بولوندیغنی ادعاسیله ،
اطلاعارندن اعتباراً اوچ آی ایچنده حاکمه اعتراض
ایده بیلیرلر .

احوال شخصیه مأموری طانیما نه یا خود آنك میراثچیلرینه
اعتراضی بیلیرلر . بونلر ، اوچ آی ایچنده محلی محکمه سنه
مراجعه له ، اعتراضك ردینی ایسته یه بیلیر .

شخص ثانیك اعتراضی
ماده : ۲۹۴ — كرك خزینه كرك هر هانکی بر
علاقه دار اطلاع ، تاریخندن اعتباراً اوچ آی ایچنده
صلاحیتدار احوال شخصیه مأمورینك بولوندیغنی محل
محکمه سنده ؛ طانیما کیفیتنه اعتراض ایدیه بیلیر . معترضلر ،
طانیمان کیمسه نك چوجوغك بابا و یا باباسنك باباسی اولمادیغنی
و یا طانیمانك قانوناً ممنوع بولوندیغنی اثبات مجبوریتنده درلر .

باباق دعواسی
ماده : ۲۹۵ — اولیلک خارچنده دوغان چوجوغك
آناسی ، بابانك حکماً تعیینی ایچون اقامه دعوا ایدیه بیلیر .
چوجوق ده بوحق حائردر . دعوا ، بابا و یا میراثچیلری
علیه اقامه اولونور .

ماده : ۲۹۶ — دعوا چوجوق دوغومدن اول ويا دوغديغندن اعتباراً نهايت بر سنه ايچنده اقامه اولونور.

دعوا حق
مدت

ماده : ۲۹۷ — دعوا؛ آنا وچوجوق لهنه بابانك نقدی تأدياته بولونماسی طلبنه دائر اولاييله چكي کي، قانونك تعيين ايتديكي خصوصلرده، بوطاييله برلکده ويا آريجه بابالغك احوال شخصيه يه متعلق بوتون نتايجيله حکماً تعينه دائرده اولاييلير.

موضوعی

چوجوق، باباسی طرفندن طانمش ويا اولو دوغمش ياخود حکمدن اول اولمش اولسه بيله؛ آنا، نقدی تأديات دعواسنده بولوناييلير. چوجوق، بابا طرفندن طانينمش ويا بابالق حکمی لاحق اولمش ايسه ولايتدن متولد وجيهلرک اداسی چوجوغه ياپيلماسی لازم کلن تأديات يرينه قائم اولور.

ماده : ۲۹۸ — محکمه، اوليلک خارچنده بردوغومدن خبردار اولديني ويا بويله برکهلك آنا طرفندن کنديسنه خبر ویرلديکی تقدیرده؛ چوجوغك منفعتلرينی صيانت ايتمک اوزره؛ همان قيم تعيين ایدر. بابالق دعواسی بيتدیکی ويا اقامه سی ايچون معين مدت کچديکی تقدیرده محکمه، چوجوغك آنا ويا بابانك ولايتی آلتنده براقيلماسی فائده لی کورمرسه قيم يرينه بروصی نصب ایلر.

قیم تعیینی

ماده : ۲۹۹ — بابالق دعواسی مدعينك دوغوم زمانده تورکيه ده کی اقامتگاهنك بولونديني محل محکمه سنده

صلاحیت
عمومی صلاحیت

اقامه ايديله بيله چكي کي مدعی عليهك دعوا زمانده کی اقامتگاهنك بولونديني محل محکمه سنده دخی اقامه اولونا بيلير. بابالغك حکماً تعيني مقصديله واقع اولان دعوا، منفعتلرينی صيانت ايديله بيلمه سی ايچون حاکم طرفندن دوغروندن دوغرويه مدعی عليهك اقامتگاهنده کی خزينه مأمورينه تبليغ اولونور.

ماده : ۳۰۰ — آنا وچوجوغك اقامتگاهی تورکيه خارچنده اولوبده عليهنه بابالق دعواسی اقامه اولونان تورکيه ده اجنبی بر مملکتده ساکن ايسه، دعوا آنک تورکيه ده مقيد اولديني محکمه سی حضورنده اقامه اولوناييلير.

سجل قيدینك
بولونديني محل صلاحیتی

ماده : ۳۰۱ — دوغومدن اول اوچ يوزنجی کون ايله يوزسکسانجی کون آراسنده مدعی عليهك، چوجوغك آناسيله مناسبت جنسيه ده بولونديغك ثبوتی، بابالغه، قرينه تشکيل ایدر. مدعی عليهك بابالغی حقه ده جدی شهرلر اوياندير اچق حاللرک وجودی تقدیرنده، قرينه يه اعتبار يوقدر.

قرينه

ماده : ۳۰۲ — آنانك، کبه قالدینی زمان عفتسز لکله مألوف اولديني ثابت اولورسه؛ بابالق دعواسی، رد اولونور.

آنانك قصوری

ماده : ۳۰۳ — آنا، کبه قالدینی زمان اولی ايديسه، بابالق دعواسی، آنچاق چوجوغك نسبی

اولی آنا

صحيح اولماديغنه حاكم حكم ايتدكدن صوكر اقامه ايديله بيلير . بوتقديرده بابالق دعواسنك اقامه سي ايچون معين مدت ، نسبك صحيح اولماديغني حقنده كي حكملك صدورندن اعتباراً باشلار .

ماده : ۳۰۴ — بابالق دعواسي ثابت اولديغني تقديرده آنا لهنه آشاغيده كي تضمينات حكم ايديلير :

حكم ، آنا لهنه
مادی تضمينات

- ۱ — دوغورمه مصرفلري .
- ۲ — اك آشاغی دوغومدن اولكي درت هفته ايله صوكر اكي درت هفته نك اعاشه مصرفلري .
- ۳ — كه لكك ودوغورمه نك سبب اولديغني ديكر مصرفلري .

ماده : ۳۰۵ — بابا ، آنايه مناسبت جنسيه دن اول اوله نك وعد ايتمش ويا اونكله مناسبت جنسيه سي قانوني برجرم ياخود اونك اوزرنده كي نفوذني سوء استعمال تشكيل ايله مش ويا مناسبت جنسيه زماننده آنا هنوز كوچوك ايديسه ؛ آنا ايچون معنوي بر تضمينات قارشولغي اولارق ، برمبلغ حكم اولونا بيلير .

معنوی تضمينات

ماده : ۳۰۶ — بابالق دعواسنك ثبوتی حالنده ، حاكم ، آنا و بابانك اجتماعي وضعيتلرينه كوره چوجوغه برنقعه باغلار .

چوجوق لهنه تأدييات

بابانك تأديه سيله مكلف طوتولاجني نفقه ، هر حالده چوجو نك اعاشه و تربيه سنه مقتضي مصرفلره عادلانه براشتراك تشكيل ايدمك مقدارده اولماليدر .

نفقه ، چوجوق اون سكرز ياشني بئيرنجيه قادار و حاكمك تعيين ايدمك چكي زمانلرده پشين اولارق ويريلير . آنا ، آچيقدن آچيغه چوجو نك منفعتنه مغاير شرطلر آلتنده دعوا دن صلح اولمش ويا اقامه سندن فراغت ايتمش ايسه ؛ چوجوق ايچون ، دعوا حق ، ينه باقيدر .

يكي حادثه لر

ماده : ۳۰۷ — احوال اهميتلي صورتده ده كيشمش ايسه نفقه نك مقدارينه دائر اولان قرار ، طرفيندن برينك استدعاسي اوزرينه تعديل اولونا بيلير . اجتماعي وضعيته كوره ، كافي درجه ده شخصي كليري اولديغني كون ، چوجو نك نفقه سي كسيله بيلير .

تأمينات

ماده : ۳۰۸ — آنا ، ضرورتده اولور ومدعي علمك بابا اولديغنه قرينه بولونورسه دوغورمه و چوجوغني اوچ آي اعاشه ايچون ملحوظ مصرفلره قارشى حكمدن اول تأمينات كوسترمكه مدعي عليه مجبور طوتولا بيلير . آنانك حقلري ، ضياع تهلكه سنده بولونديغني اثبات ايديله مه مش اولسه دخی ، ينه بويله در .

چوجوقلرك وجيبه لري

ماده : ۳۰۹ — بابا علمنده كي حقلر ، ميراثچيلره قارشى ده استعمال اولونا بيلير . بونكله برابر ميراثچيلر ، چوجو نك طائينماسي حالنده ميراثچي صفتي ايله آلا بيله چكي مقداردن فضله بر شي اعطاسي ايله ، مكلف اولمازلر .

بابا غه حكم

ماده : ۳۱۰ — مدعي عليه ، آنايه اولنمه وعد

ایتدیکی ویا مناسبت جنسیه بر جرم ویا نفوذی سوء استعمال تشکیل ایله دیکی تقدیرده ، مدعینک طلبی اوزرینه حاکم ، اونک بابالغه حکم ایدر .

مناسبت جنسیه زماننده ، مدعی علیه اولی ایسه ، حاکم ، بابالغه حکم ایده مر .

ماده : ۳۱۱ — اولیلک خارجنده کی دوغومده آناسنه قالان چوجوق ، آناسنک عائله اسمنی طاشیدیغی واونک وطنداشلق حقنی اکتساب ایتدیکی کی کړك آناسنه کړك آناسنک خیمیلرینه قارشى صحیح اولمیان نسب اوزرینه ترتب ایدن حق ووظیفه لره دخی صاحبدر . آنانک وجیهه لری ایسه طبقی نسبی صحیح چوجوغه قارشى اولان وجیهه لری کی در . محکمه ، ولایتی آنایه ویره بیلیر .

ماده : ۳۱۲ — بابایه نسبتی باباق حکمی ایله ویا طانیمق ص رتی ایله تعین ایدن چوجوق ، بابانک عائله اسمنی طاشیز واونک وطنداشلق حقنی اکتساب ایدر . باباسنک وآناسنک عائله لرینه قارشى صحیح اولمیان نسب اوزرینه ترتب ایدن حق ووظیفه لره دخی صاحب اولور . بابانک ، وجیهه لری ایسه طبقی نسبی صحیح چوجوغه قارشى اولان وجیهه لری کییدر . محکمه ، ولایتی بابا وآنایه ویره بیلیر .

ماده : ۳۱۳ — چوجوق ، بابانک ولایتی آلتنده ایسه آنا ، چوجوقله ایجاب حاله کوره شخصی مناسبتلری

حکملر
آنایه وچوجوغه قارشى

بابایه وچوجوغه قارشى

ولایتک تقسیمى

ادامه حقنی حائزدر . محکمه دوغروندن دوغرویه ویا آنانک طلبی اوزرینه ؛ چوجوغک معین بر یاشنه قادار آنانک وویاشدن صوکرآ بابانک ولایتی آلتنده قلماسنی امر ایده بیلیر .

ماده : ۳۱۴ — ولایتک باباویا آنایه تودیعی حالنده محکمه ، چوجوغک ماللری اوزرنده کی حققرنی ده تعین ایدر .

چوجوغک ماللری
اوزه رنده کی حقلر

طقوزنجی باب

عائله

برنجی فصل

نفقه

ماده : ۳۱۵ — هرکس ، یارديم ایتهدیکی صورتده ضرورته دوشه جک اولان اصول و فروغه وارکک وقیز قارده شلرینه معاونت ایله مکلفدر .

بورجیلیر

ماده : ۳۱۶ — نفقه دعواسی ، بونکله مکلف اولانلر حقنده ، میراثده کی ترتیب صیراسیله اتخاذا ایدیلیر ، دعوا ، دعواچینک کچینه سی ایچون مقتضی و دیگر طرفک کلیری ایله متناسب ؛ بر معاونت طلبندن عبارت اولور . ارکک وقیز قارده شلر ، حال رفاهده بولونمارقجه ،

معاونت طلبی

کندیلرندن نفقه ایسته نه مز .

دعوا، نفقه ایسته مک حققه مالک اولان کیمسه طرفندن مکلفک اقامتگاهى محکمه سنده اولونور .

ماده : ۳۱۷ — آنا و باباسی بللی اولمایان چوجوق، بلدیله لرجه انفاق اولونور . عائله سی ظهور ایده رسه بلدیله ، نفقه ایله مکلف اولان خیمیملردن نفقه ایچون ایدیلن ، صرفی ایسته یه بیلر .

آنا و باباسی بللیسر
چوجوقلرک اعاشه سی

ایکینجی فصل

او رئیسلیکی

ماده : ۳۱۸ — عائله حالنده یاشایان متعدد کیمسه لر اوزدرنده او رئیسلیکی ، قانونه ویا عقده ویا عرفه کوره ، رئیس اولان کیمسه یه عاندر .

او رئیسلیکی

رئیسلیک حق ، قان ویا صهری خیمیم صفتیه یاخود ایشیجی ، چیراق ، عملده اولدیغی کبی بر عقد سببی ایله برلکده یاشایانلرک کافه سی اوزرنده جاریدر .

ماده : ۳۱۹ — برلکده یاشایان کیمسه لر ، اوک قاعده لرینه تابعدر ؛ بوقاعده لرده هر برینک منفعتی عادلانه بر صورتده کوزه تیلیمش اولمق لازمدر .

حکملری
عمومی قاعده لری

برلکده یاشایان کیمسه لر دن هر بری بالخاصه تعلیم و تربیه لری ، صنعتلری یاخود دینی احتیاجلری ایچون مقتضی حریتدن استفاده ایده لرلر .

اوک رئیس ، برلکده یاشایانلرک اوده کی اشیاسی ، کندی اشیاسنه قارشى کوستره جکی عینی اهتمام ایله محافظه ایتک وامنیت آلتنده بولوندر مقله مکلفدر .

مسئولیت

ماده : ۳۲۰ — اوک رئیس ، ریاستی آلتنده بولونان کوچوکک ، محجورک یاخود دماغ خسته لغی ویا عقل ضعیفلکی ایله معلول اولان کیمسه نک یا پدیغی ضرردن معتاد وجه ایله واحوالک مقتضی بولوندیغی دقتله آ کانظارت ایتدیکنی اثبات ایتدکجه مسئولدر .

اوک رئیس او خلقندن عقل خسته لغی ویا عقل ضعیفلکی ایله معلول اولانلرک بالذات کندیلرینی ویا باشقا لرینی تهلککیه ویا ضرره دوشورمه ملری خصوصنده لازم کلن تدبیرلری اتخاذا ایله مکلفدر . لزومی حالنده بوتدبیرلرک اتخاذا ایچون کیفیتى ضابطه یه خبر ویریر .

اوچونجی فصل

عائله ماللری

ماده : ۳۲۱ — آنا و بابا ایله برلکده یاشایان وعوضندن صراحة فراغت ایتمکسزین کندی سعینی ویا وارداتی عائله یه تخصیص ایدن رشید اولاد ، بوتخصیصندن دولایی ؛ آنا و باباسندن ، عاهلرینه واقع حجزه اشتراک ویا افلاسلی حالنده ماصه یه مراجعت طریقله ، برحق

چوجوقلرک آلاجنی

طلب ایدہ بیلیر . اختلاف حالندہ ، حاکم ، ادعائک حقلی
اولمادیغنی و مقدارینی سربستجه تقدیر ایدہر .

مادہ : ۳۲۲ — عائله افرادینک تعلیم و تربیہ سنہ ،
تجهیز و یا معاونتہ و بوندرہ مماثل غایہ لره مقتضی مصارفک
تادیہ سی ایچون ؛ اشخاص و یا میراث حقوقہ دائر اولان
حکملره توفیقاً عائله وقفلی تأسیس ایدیلہ بیلیر .

بر مالک و یا بر حقک دور و فراغ ایدیلہ مہ مک اوزره
بر عائلیہ تخصیصنہ و عائله افرادی آراسنده طرز انتقالہ
دائر ہر تورلو تصرف ممنوعدر . بو طرزده تصرف ،
تأسیسات احداثی فکریلہ دخی مزج اولونا ماز .

مادہ : ۳۲۳ — خیسیملر ، ترکہ دہ کی حصہ لرینک
تمامنی و یا بر قسمنی براقق و یا اورتیہ دیگر ماللر قویمق
صورتیلہ آرا لرنده ، شرکت اموال تأسیس ایدہ بیلیرلر .

مادہ : ۳۲۴ — بوتون شریکک و یا ممثللرینک
امضالرینی حاوی رسمی برسند ربط ایدیلہ دجہ ، مال
اورناقلغی ، تأسیس ایدیلش اولماز .

مادہ : ۳۲۵ — مال اورناقلغی ، معین و یا غیر معین
بر مدت ایچون اولابیلیر . مدت ، معین اولمادیغنی تقدیرده ؛
اورناقلردن ہر بری ، آلتی آی اول اخبار ایدیلک
شرطیلہ شرکتلہ علاقہ سنی کسہ بیلیر . شرکت ، زراعی
برایشہ دائر اولدیغنی تقدیرده ؛ اخباردن صوکر اچمہ سی
لازم کلن مدت ، محلی عرفہ کورہ ، او ایش ایچون
مقتضی زراعت موسمندن عبارتدر .

عائله وقفی

عائله شرکت اموالی

تشکیلی
شرطلری

شکلی

مدت

مادہ : ۳۲۶ — شریکک ، شرکتی آل برلکیلہ ایشلہ
تیرلر . خلافہ بر شرط اولمادیجہ ہر بری شرکتہ مساوی
درجہ دہ حق صاحبی در .

شرکت دوام ابتدکی مدتیجہ شریکک ، حصہ لرینی طلب
ایدہ مہ یہ جککری کبی حصہ لرنده تصرف دخی ایدہ مزلر .
مادہ : ۳۲۷ — شرکت ، بوتون اعضاسنک آل
برلکیلہ اداره اولونور . اعضا دن ہر بری دیگر لرینک
اشتراکی اولقسزین معتاد اولان اداری تصرفلرہ
بولونابیلیر .

مادہ : ۳۲۸ — اعضا ، ایچلرندن برینی شرکتہ
مدیر تعیین ایدہ بیلیرلر .

مدیر ، شرکتہ متعلق بوتون تصرفلرہ اونی تمثیل
وایشاتمہ امورینی اداره ایدہر .

شرکتی کیملک تمثیل ایدہ جکی ، سجلنہ قید ایدلش
اولمادیجہ ، دیگر شریککک تمثیل حقندن محرومیتلری
ادعاسی ، حسن نیت صاحبی شخص ثالثلرہ قارشی درمیان
ایدیلہ مز .

مادہ : ۳۲۹ — شرکتہ داخل اولان ماللر ، شریککک
مشترک ملکیدر . شریکک بورجلردن متسلسلاً مسئو .
لدرلر . شریکککک برینک شرکتہ قویمادیغنی و یا شرکت
اٹناسندہ میراث طریقہ یا خود ہر ہانکی بر صورتلہ
عوضسز اکتساب ابتدکی ماللر ، خلافہ شرط اولمادیجہ
شرکت اموالندن صایلماز .

حکمی
شرکتک ایشلہ تیلمہ سی

ادارہ و تمثیل

مدیرلرک صلاحیتی

مشترک ماللر و شخصی
ماللر

شرکتک فسخی
سبیلری

ماده : ۳۳۰ — آشاییده کی حاللرده شرکت نهایت بولور :

۱ — بوتون شریکک موافقتی ایله یاخود اخبار طریقله .

۲ — شرکتک دوامی ایچون معین مدت ختام بولاش وضمناً تمديد واقع اولماش ایسه .

۳ — شریککدن برینک حصه سی اجرا واسطه سیله حجز ایدیلرک صائیلدیغی تقدیرده .

۴ — شریککدن برینک افلاسی حالنده .

۵ — شریککدن برینک محق سبیلره مستنداً طای ایله .

ماده : ۳۳۱ — اخبار طریقله شریککدن بری شرکتدن آریلدیغی ویا شریککدن برینک افلاسی حکم صادر اولدیغی یاخود حجز ایدیش اولان حصه نك صائیلما سی طلب ایدلدیکی تقدیرده ، دیگر شریکک اشبو شریکک حقوقنی تصفییه ویا آلا جقیلرینک علاقہ سی قطع ایتدکدن صوکر کندی آرارلنده ، شرکتی ادام ایده بیلرلر .

اخبار
تأدیهدن عجز
اولمه

اوله ن شریک ، اولجه اخباره مجبور اولمق سزین شرکتده ک حقوقک تصفییه سی طلب ایده بیلر .

ماده : ۳۳۲ — شریککدن برینک وفاتی حالنده میراثچیلری ، شرکت اموال اعضاسندن ده کیل ایسه آنجاق مورثلرینه عائد حقوقک تصفییه سی طلب ایده بیلرلر متوفی میراثچی اولارق فروع بیراقش ایسه بونلر

وفات

دیگر شریککک موافقتی ایله ؛ اونک برینه ، شرکت کیره بیلرلر .

تقسیم

ماده : ۳۳۳ — شرکت ماللرینک تقسیم ویا آریلان بر شریکک حصه سنک تصفییه سی ، شرکتک ختامی موجب اولان سببک تحدیثی زماننده شرکت ماللرینک بولوندیغی حاله کوره اجرا ایدیلر .

تقسیم و تصفییه ، مساعد اولمایان بر زمانده طلب اولونه ماز .

حصه نفع شرطیه
شرکت موضوعی

ماده : ۳۳۴ — شریکک ، آرارلنده یا باجقیلری مقاوله ایله شرکتک ایشله تیلمه سنه و تمثیلنی دیگر شریککدن هر برینه حاصلات صافیهدن سنوی معین بر حصه ویرمک اوزره ؛ ایچلرندن یالکیز برینه تودیغ ایده بیلرلر .

بو حصه ، خلافه شرط اولماقجه ، شرکت ماللرینک مناسب درجه ده اوزون بر دوره ده کی حاصلاتنک وسطی مقدارینه کوره وایشله یین شریکک اختیار ایتدیکی مساعی و صرفیاتی نظر اعتباره آلنارق عادلانه بر صورتده تثبیت اولونور .

فسخ

ماده : ۳۳۵ — شرکتک ایشلتمه و تمثیلنی درعهده ایدن شریک ، مشترک ماللری کرکی کی ایشلتمه دیکی ویا شریککینه قارشی تعهدلرینی ایضا ایتدیکی تقدیرده شریککک ، شرکتک فسخی طلبه حققری واردر .

شریککدن هر بری ، محق سبیلره استناد ایله ایشلتمه و تمثیل درعهده ایدن شریکک اداره سنه اشتراک ایله ،

ترکه تقسیمنده کی حکمران نظر دقتہ آلمق اوزره؛ مشترک مالاردن استفاده حقنه تشریکنی، حاکمدن ایستہ بیلیر . بونکله برابر، شریکارک آل برلکیله ایشلتدکاری شرکت امواله دائر اولان قاعده لر؛ تمتعه اشتراک سورتیله اولان شرکت اموالده دخی جاریدر .

ماده : ۳۲۶ — آشاییده کی ماده لر حکمنه توفیقاً عائله یوردلری تأسیسی جائزدر .

عائله یوردی

ماده : ۳۲۷ — زراعت ویاصنایه تخصیص ایدیلش اولان بر غیر منقول ومشملا تیله برابر مسکنلر آشاییده کی شرطلر دائره سنده عائله یوردی اتخاذ ایدیله بیلیر .

یورد تأسیسی شرطلری

عائله یوردی اتخاذ اولونان غیر منقولک بویوکلکی، برعائله نک اعاشه سنه ویا اقامتنه مقتضی درجه دن فضله اولاماز؛ غیر منقولک اوزرنده عینی حقلر بولونماسی وملك صاحبك متباقی ثروتك درجه سی، جائز تاثیر دکلدر . محکمه نك محق سبیلره استناد ایله موقت بر زمان ایچون ویره جکی مساعده مستثنا اولمق اوزره، ملك صاحبی ویا عائله سی یورد اتخاذ ایدیان غیر منقولی وغیر منقولک تخصیص ایلدیکی صنعتی بالذات ایشله تمکه یاخود مسکنده بالذات اقامته مجبوردر .

ماده : ۳۲۸ — عائله یوردی تأسیس ایتک ایسته یین کیمسه، آلا جقلیلرک وعلی الاطلاق تأسیس دن ضرر کورمه لری ملحوظ اولانلرک ایکی آی طرفنده اعتراضلرینی

تأسیس اصولی

درمیان ایتمه لرینی اول امرده محکمه معرفتیله رسماً اعلان ایتدیریر . محکمه، یورد اتخاذ ایدیله جک مسکن ویا دیگر غیر منقول کندیلرینه تأمینات کوستریلش اولان آلا جقلیلره کیفیتی صورت مخصوصده تبایغ ایدر .

ماده : ۳۲۹ — اعلان مدتی ایچنده، شخص ثالثلر طرفندن اعتراض اولونمادینی یاخود وقوع بولان اعتراضک حقسنزانی آکلاشیلدینی تقدیرده؛ مسکن ویا دیگر غیر منقول، یورد اتخاذی ایچون مقتضی قانونی شرطلری جامع ایسه تأسیسه مساعده اولونور .

مدت ایچنده اعتراض ایدن آلا جقلیلرک علاقهلرینک کسیدیلکی اثبات ایدیلدکجه تأسیسه مساعده ایدیلر . بورج، اعتراض ایدن آلا جقلی لهنه مؤجل اولسه بیله عائله یوردی تأسیس ایتک ایسته یین بورجلی، همان اوده یه بیلیر . ماده : ۳۴۰ — محکمه نك تأسیس مساعده سی طاپو سجلنه قید ایله رسماً اعلان اولونمادکجه عائله یوردی، قورولش اولماز .

سجله قید

ماده : ۳۴۱ — یورد اتخاذ اولونان مسکن ویا دیگر غیر منقول، تأمینات کوستریله مز . صاحبی اونی آخره فراغ ایدمه یه جکی کبی کیرایه ده ویره مز . یورد ومشملاقی، محکمه معرفتیله اداره حق محفوظ قالمق شرطیله قابل حجز ده کیلدر .

حکمی تصرف حقنک تحدیدی

ماده : ۳۴۲ — محتاج اولان و قبوللرینه مانع بولونمایان اصول و فروغنی وارکک و قیز قارداشلرینی

خیمیلرک حق

یورده قبول ایتمی ایچون ، محکمه ، مال صاحبی جبر ایدیهیلیر .

مال صاحبك بورجی اوده مکدن عجزی
ماده : ۳۴۳ — مال صاحبك ، بورجی اوده مکدن عجزی تحقیق ایتدیکی تقدیرده آلاقلیلر ، محکمه یه مراجعت ایدهرک یوردك تخصیص ایدیلدیکی غایه یه خلل کلمه مک شرطیله ، یورد اتخاذا ایدیلن مسکن ویا دیگر غیر منقولی ، کندی حسابلرینه اداره ایتک اوزره بر مدیره تودیع ایتدیره بیلیرلر .

آلاقلیلر ، بورجی اوده مکدن عجزه دائر آلرنده بولونان وثیقه لرك تاریخی صره سیله افلاسده کی ترتیه کوره حققرینی آلیرلر .

ماده : ۳۴۴ — اولومه باغلی بر تصرفله میراثچیلره کچمسی کندی طرفندن شرط قیلنمش اولمادقچه ، مال صاحبك اولومندن صوکره ، عائله یوردی دوام ایدهرمز . بویله بر شرط یوق ایسه ، مال صاحبی اولونجه ، طاپو سجننده کی قید ، ترقین ایدیلیر .

مال صاحبك صاغلغنده
ماده : ۳۴۵ — مال صاحبی ، صاغلغنده یوردی الفا ایدیهیلیر . بونک ایچون مال صاحبك ، طاپو سجننده کی قیدی ترقین ایتدیرمک اوزره ، بر استدعا ایله محکمه یه مراجعت ایتمی لازمدر . استدعا ، محکمه جه اعلان اولونور . استدعانک اعلانی تاریخندن اعتباراً ایکی آی ایچنده اعتراض ایدیلهدیکی ویا ایدیلن اعتراضك حقسنزلغی آ کلاشیلدیغی تقدیرده ، قیدك ترقینه مساعدده ایدیلیر .

اوچنچی قسم

وصایت

اوتنجی باب

وصایت تشکیلاتی

برنجی فصل

وصایت عضولری

ماده : ۳۴۶ — وصایت عضولری ، وصایت دائره لری عضولر ووصیلر وقیملردن عبارتدر .

ماده : ۳۴۷ — وصایت دائره لری ، صلح محکمه سی
وصایت دائره لری
عمومی وصایت
ایله محکمه اصلیه در .

ماده : ۳۴۸ — وصایت آلتنده کی کیمسه نك منفعی وخصوصیله بر شرکتک ویا صنای بر تشبثك دوامی ایجاب ایله دیکی تقدیرده وصایت ، مستثنا اولارق عائله یه تودیع اولونابیلیر .

بوصورتله وصایت مقامك حق وظیفه لری ومسئولیتی ، برعائله مجلسنه انتقال ایدهر .

ماده : ۳۴۹ — وصایت آلتنده کی کیمسه نك یاقین قان ویا صهری خیصیلرندن ایکی رشیدك ویا بونلردن

تشکی

بری ایله قاری وقوجاسنك طلبی اوزرینه محكمه اصلیه، عائله وصایتنه مساعده ایده بیلیر .

عائله مجلسی

ماده : ۳۵۰ — عائله مجلسی وصایت آلتنده کی کیمسه نك ، وصیلکه ، اهل اولان قان ویا صهری خیسیملرندن الك آشاغی اوچ کشیدن ترکیب ایدهر و محكمه اصلیه طرفندن ، دورت سنه ایچون ، تشکیل اولونور . قاری ویا قوجا ، عائله مجلسنه اعضا اولابیلیر .

مادی تأمینات

ماده : ۳۵۱ — عائله مجلسی اعضاسی ، وظیفه لرینی مستقیماً ایفا ایده جک لرینه دائر مادی تأمینات ویریرلر . عائله وصایتی ، آنجاق بوشروط ایله تأسیس اولونابیلیر .

خصوصی وصایتك رفعی

ماده : ۳۵۲ — محكمه اصلیه ، وصایتی هر زمان عائله دن رفع ایده بیلیر .

وصی و قیم

ماده : ۳۵۳ — وصی ، وصایت آلتنده کی کوچو-كك و محجورك شخصنه تقید و مال لرینی اداره ومدنی تصرفلرده اونی تمثیل ایدهر .

قیم ، بر مالك اداره سی ویا معین برایش ایچون نصب اولونور .

قانونده خلافه صراحت اولمادجه وصی به عائده حكملر ، قیم حقه دهده جاریدر .

اینگیلی فصل

وصایتی مستلزم حاللر

کوچوكلك

ماده : ۳۵۴ — ولایت آلتنده بولونغان هر کو-چوکه ، بروصی نصب اولونور . نفوس ، عدلیه و اداره مأمورلری رسمی معامله لری دولایسیله مطلع اولدقلری وصایتی مستلزم بویله برحالی ؛ صلح محكمه سنه همان اخبار ایله مكلفدرلر .

عقل خسته لنی ویا عقل ضعیفلك

ماده : ۳۵۵ — عقل خسته لنی ویا عقل ضعیفلك سببی ایله ایشلرینی کورمکدن عاجز ویا دائمی معاونت وتقیده محتاج اولان یاخود باشقاسنك امنیتنی تهدید ایدهن هر رشید ایچون ، بروصی نصب اولونور . عدلیه و اداره مأمورلری ، رسمی معامله لری دولایسیله مطلع اولدقلری مجری مستلزم حاللری ، صلح محكمه سنه همان اخبار ایله مكلفدرلر .

اسراف ، عیاشلق
سوء حال و سوء اداره

ماده : ۳۵۶ — اسراف ، عیاشلق ، سوء حال و سوء اداره سیله کنديسنی ویا عائله سنی ضرورته معروض بیراقان ویا دائمی معاونت وتقیده محتاج اولان یاخود باشقاسنك امنیتنی تهدید ایدن هر رشید ایچون ؛ بروصی نصب اولونور .

حبس

ماده : ۳۵۷ — بر سنه ویا دها زیاده حریتی سالب بر جزا ایله محكوم اولان هر رشید ایچون ، بروصی نصب اولونور . حکمی اجرایه مأمور دائره ، محكومك

جزاسنی کورمکه باشلادیغنی ؛ صلاح محکمه سینه ، هان
اخبار ایله مکلفدر .

اختیاری حجر

ماده : ۳۵۸ — اختیارلنی، معلولیتی و یا تجربه سزلکی
سیبیه ایشلرینی کرکی کبی کورمکدن عاجز اولدیغنی
اثبات ایدن هر رشید ، وصایت آلتنه آلتماسنی طالب
ایده بیلیر .

استماع
اهل خبره

ماده : ۳۵۹ — اسراف ، عیاشلق ، سوء حال و یاسوء
اداره سببی ایله برکیمسه نك حجرینه ؛ آنجاق کنديسنك
استماعدن صوگرا ، حکم اولونا بیلیر . عقل خسته لنی و یا
عقل ضعیفلیکی سببی ایله حجر حکمی ، آنجاق اهل خبره
راپوری اوزهرینه و یريله بیلیر . اول امرده خسته نك استماعی
فائده لی اولوب اولمادیغنی راپورده بالخاصه تصریح اولونور .

اعلان

ماده : ۳۶۰ — قضیه محکمه حالی آلان حجر
حکمی در حال محجورك هم دوغدیغنی هم ده اقامتگاهنك
بولوندیغنی یرده رسماً اك آشاغی بردفعه اعلان اولونور .

عقل خسته لنی ، عقل ضعیفلیکی و یا عیاشلق سببی ایله
حجر ایدیان کیمسه نك بر مؤسسده بولوندیغنی مدتیجه
اعلانك تأخیرینه ، محکمه اصلیه ، مستثنا اولارق مساعده
ایده بیلیر . حسن نیت صاحبی شخص ثالثر حقنده حجر
حکمنك تأثیری اعلاندن باشلار .

ارمغنی فصل

وصایت ایشلرنده صلاحیت

ماده : ۳۶۱ — وصایت ایشلرنده صلاحیت ،
کوچوکک و یا محجورك اقامتگاهنده کی وصایت دائره لرینه
عائدر .

ماده : ۳۶۲ — صلاح محکمه سنك اذنی اولمادقجه ،
وصایت آلتنده کی کیمسه ، اقامتگاهنی دیکشدره مز .
اقامتگاه ده کیشدیریلدکنده ، صلاحیت ، یکی اقامتگاهك
وصایت دائره لرینه کچر ، بوصورتله حجر ، یکی اقامتگاهده
اعلان ایدیلیر .

اقامتگاهك
دیکشده سی

درمغنی فصل

وصی تعیینی

ماده : ۳۶۳ — صلاح محکمه سی ، وصایت ایشلرینی
کورمکه اهل اولان بر رشیدی ، وصی تعیین ایدر .
کندیلرینه و یریلن وظیفه نی برلکده و یا هر بررلری
کندیلرینه آیریلن وظیفه لری آیری آیری یا بمق اوزره
صلاح محکمه سی ایجاب حاله کوره بردن زیاده وصی تعیین
ایده بیلیر . بونکله برابر ، وصایتك برلکده اداره سی ؛
رضالری اولمادقجه ، بردن زیاده کیمسه یه یوکلله تیله مز .

وصیتك شخصی

خیصیملرله قاری وقوجانك رجمان حقى
ماده : ۳۶۴ — محق سبیلر اولمادقجه ، صلاح محكمه سی ، وصیلکه قاصرک یاقین قان ویاصهری خیصیملرندن بووظیفه یه اهل اولان برینی یاخود قاریسنی ویاقوجاسنی ترجیحاً تعیین ایدر . علاقه دارلرک شخصی مناسبتلری واقامتگاهلرینک یاقینلغی کوزه تیلیر .

وصی انتخابنده آرزولر
ماده : ۳۶۵ — محق سبیلر مانع اولمادقجه ، صلاح محكمه سی ، وصیلکه باباویا آنانک یاخود قاصرک کوستردیکی کیمسه بی تعیین ایدر .

وصایتی قبول مکلفیتی
ماده : ۳۶۶ — کوچوکک ویامحجورک ارکک خیصیملری وقوجاسی وبرده وصایت منطقه سی داخلنده ساکن ومدنی وسیاسی حقلری حائز دیگر ارککلر وصایت وظیفه سی قبول ایله مکلفدرلر . عائله مجلسی طرفندن تعیین ایدیلن وصی ایچون ، بویله بر مکلفیت یوقدر .

معذرتلر
ماده : ۳۶۷ — آشاغیده کی کیمسلر وصیلکدن اعتذار ایده بیلیرلر :

- ۱ — آلتمش یاشنی بیتیرمش اولانلر .
- ۲ — معلولیتدن دولای وصایتی کوچلک ایله یاباجق اولانلر .
- ۳ — دورتدن فضله چوجوغکک ولیسی بولونانلر .
- ۴ — عهده سنده ایکی وصایت بولونان ویایشی آشقین بروصایتی اولانلر .

۵ — مبعوثلر ، وکیللر وتمیز محكمه سی رئیس واعضالری .
ماده : ۳۶۸ — آشاغیده کی کیمسلر وصی وصایت مانع سبیلر

اولامازلر .

۱ — وصایت آلتنده بولونانلر .

۲ — مدنی وسیاسی حقلردن محروم ویاسوءحال صاحبی اولانلر .

۳ — علاقه دار وصایت دائره لری حاکملری .

تعیین اصولی
تعیین
ماده : ۳۶۹ — صاحب محكمه سی ، وصی ، تعیینی مستلزم حاللرده ، همان تعیینه مجبوردر . ایجابنده ، کوچوکک رشده وصولندن اولده حجر معامله سی یاییلا بیلیر .

رشید اولان اولاد حجر ایدیلدکده ، وصایت آلتنه آلیناجق یرده ، اصل اولان ، ولایت آلتنه قونولمقدردر .

موقت تدبیرلر
ماده : ۳۷۰ — وصینک تعیینندن اول بعض ایشلرک کورولمه سی ضروری ایسه ، صاحب محكمه سی ، لازم کلن تدبیرلری یاپار . خصوصیه حجر ایدیلدکک کیمسه بی مدنی حقلرینی استعمالدن موقتاً منع و اوکار بمثل تعیین ایده بیلیر ؛ بوقرار اعلان اولونور .

تبلیغ و اعلان
ماده : ۳۷۱ — وصایت تعیین ایدیلدیکی ، وصی یه درحال تحریراً تبلیغ ایدیلیر ؛ تعیین ، حجر حکمی ایله برلکده هم دوغدیغی هم اقامتگاهنک بولوندیغی یرلرده رسماً اعلان اولونور .

اعتذار و اعتراض
وصایت مقامنک
وظیفه سی
ماده : ۳۷۲ — تعیینی کندیسنه تبلیغ ایدیلدیکی کوندن اعتباراً اون کون ایچنده ، وصی ، قانونی معذرتلرینی بیان ایله اعتذار ایده بیلیر .

بوندن باشقه هر علاقه دار ، مطلع اولدیغی کوندن

اعتباراً اون کون ایچنده تعینک قانونه مغایر اولدیغندن
بجمله اعتراض ایده بیلیر .

صلح محکمه سی، اعتذاری ویا اعتراضی قبول ایدهرسه
یکیدن بروصی تعین ایدهر ؛ قبول ایتهدیکی حالده برقرار
ویرمک اوزره کیفیتی راپورله محکمه اصلیه کونده ریر .

ماده : ۳۷۳ — وصایتدن اعتذار ایتش ویا وصایتنه
اعتراض ایدیش اولان وصی، یرینه دیکری کلنجه یه
قادر وظیفه سنی یا پماغه مجبوردر .

موقت اداره

ماده : ۳۷۴ — محکمه اصلیه، قرارینی وصی یه
وصلح محکمه سینه تبلیغ ایدهر . وصی معذور کورولمش
ایسه صالح محکمه سی، درحال یکی بروصی تعین ایدهر .
ماده : ۳۷۵ — تعین قطعیله شنجه صلح محکمه سی
معرفتیله وصی یه دور وتسایم معامله سی یا بیلیر .

قرار

دور تسلیم

بشمی فصل

قیماق

ماده : ۳۷۶ — صلح محکمه سی، آشاغیده کی
حاللرده وقانونک تعین ایتدیکی یرلرده علاقه دارانک
استدعاسی اوزهرینه ویا طوغریدن طوغری یه قیم تعین
ایدهر :

تعین سبیلری
تمثیل

۱ — رشید اولان برکیمسه خسته لقی ویا غائب اولماقی

ایله یاخود بونلره بکزره سبیلردن یریه مستعجل برایشنی
بالذات یا پامادیغی کی برمثل تعیننه ده مقتدر اولامازسه .
۲ — برایشده قانونی ممثک منفعتی ایله کوچوکک ویا
محجورک منفعتی بربرینه ضد اولورسه .

۳ — قانونی ممثک برمانعی ظهور ایدهرسه .

ماللرک اداره سی
قانونی قیم

ماده : ۳۷۷ — صلح محکمه سی؛ اداره سی کیمسه یه
عائد اولمایان ماللرایچون مقتضی تدبیرلری اتخاذه، خصوصیه
آتیده کی حاللرده قیم تعیننه، مجبوردر :

۱ — برکیمسه اوزون مدتدنبری غائب اولوبده بولوندیغی
یر، بللی اولمازسه .

۲ — برکیمسه مالی بالذات اداره یه ویا بونک ایچون
بروکیل تعیننه مقتدر اولمایوبده کندیسنه بروصی تعیننه ده
حل یوق ایسه .

۳ — برترکده اولومه باغلی حقلر هنوز تعین ایتهمش
بولونور ویا جنینک منفعتی ایچون لزوم کورولورسه .

۴ — برجمیتک ویا تأسیسک تشکیلاتی اکسیک اولور
وباشقا صورته ده اداره سی تأمین ایدیلهمش بولونورایسه .

۵ — برخیرایش ویا عمومی منفعت ایچون خلقدن طوپلانان
پاره لرک اداره و صورت صرفی تأمین ایدیلهمش ایسه .

اختیاری قیم

ماده : ۳۷۸ — کندیسنده اختیاری حجر سبیلردن

بری بولونان رشید ایچون، طای اوزرینه، برقیم تعین
ایدیله بیلیر .

محدود اهلیت

ماده : ۳۷۹ — حجرینه کافی سبب بولونما قله برابر مدنی حقلرینی استعمال صلاحیتندن قسماً محروم ایدیله سی منفعتی اقتضاسندن بولونان رشیده آشاعیده کی ایشلرنده رأیی آلتیق اوزره برمشاور تعیین اولونور :

- ۱ - خصومت و صلح .
- ۲ - غیر منقولک آلم صاتی و اونلر اوزره رنده ده رهن و سائر عینی برحق تأسیسی .
- ۳ - قیمتلی اوراق آلم صاتی و ترهینی .
- ۴ - علی العاده اداره احتیاجلری خارجنده انشات
- ۵ - اودونج ویرمه و آله .
- ۶ - سرماییه یی آلمق .
- ۷ - هبه .
- ۸ - قامیو تعهدلری آلتنه کیرمک .
- ۹ - کفالت .

بوصورتله مدنی حقلرینی استعمال صلاحیتندن قسماً محروم ایدیلن کیمسه کلیرنده دیله دیکی وجه ایله تصرف حتی باقی قالمق اوزره ماللرینی اداره حقندن دخی محروم ایدیله بیلیر .

صلاحیتدار مقام

ماده : ۳۸۰ — قیم ، قیمتق آلتنه آلیناجق کیمسه نك اقامتگاه صلیح محکمه سی طرفندن تعیین اولونور . ماللرک اداره سیله مکلف اولان قیم ، اوماللرک الک بویوک قسمی نروده اداره ایدیلیر و یا تمثیل ایدیلن کیمسه نك حصه سنه

نروده اصابت ایتیش بولونویورسه ، اورانک صلح محکمه سی طرفندن تعیین اولونور .

ماده : ۳۸۱ — وصی تعیینده اصول نه ایسه ، قیم حقنده ده اودر . صلح محکمه سی ، موافق کورمرسه قیم تعیینی اعلان ایتیز .

اون برنجی باب

وصایتک اداره سی

برنجی فصل

وصیتک وظیفه لری

ماده : ۳۸۲ — وصی ، وظیفه سنه باشلار کن صلح محکمه سنک برمثلی حاضر بولوندیغی حالده ، وصایت آلتنده کی کیمسه نك ماللرینک دفتربنی یاپار .

وصایت آلتنده کی کیمسه ، تمیز قدرتی حائز و امکان ده موجود ایسه دفتر یاپیلیر کن حاضر بولوندی بیلیر . محکمه اصلیه ، ایجابنده وصیتک صلح محکمه سنک تکلیفی اوزرینه دفتربکی رسمی صورتده یاپیلما سنی امر ایدر . بومعامله آلا جقیلیر قارش میراثی قبول حالنده تنظیم ایدیلن رسمی دفتر حکمنده اولور .

ماده : ۳۸۳ — وصایت آلتنده کی کیمسه نك ، قیمتلی اشیانک حفظی

وظیفه یه باشلامق دفتر

ماللرینی اداره خصوصنده بر محذوری یوقسه ، سندلر ، قیمتی اشیا ، مهم وثیقهلر و بوکا نائل ساثر شیلر صلح محکمه سنک مراقبه سی آلتنده امین بر محله قونولور .

ماده : ۳۸۴ — وصایت آلتنده کی کیمسه نك منفعتی ایجاب ایتدیکی تقدیرده بوندن اولکی ماده ده بیان اولونانلردن ماعدا منقول اشیا ، صاحب محکمه سنک تعلیماتی دائره سنده علنی مزایده ایله یا خود طرفینک رضاسیله ساتیلیر .
وصایت آلتنده کی کیمسه نك عائله سی ویا کندیمی ایچون قیمت مخصوصه سی بولونان شیلر ، مجبوریتم اولمادقجه ساتیلماز .

ماده : ۳۸۵ — وصینک ، وصایتی آلتنده کی کیمسه ایچون صرفه لزوم کورمه دیکی نقود ؛ در حال ، صلح محکمه سی ویا حکومتجه تعین ایدیلش اولان مالی بر مؤسسه یه فائض مقابلنده اقراض ایدیلیر . وصی ، بر آیدن فضله ناسز بر اقدینی نقودک فائضی اوده مکه مجبوردر .

ماده : ۳۸۶ — کافی درجه ده تأمیناتی بولونمایان آلاجلر ، صاغلام آلاجاغه تحویل اولونور . تحویل معامله سی وصایت آلتنده کی کیمسه نك منفعتنه اك موافق بر زمانده یاپیلیر .

ماده : ۳۸۷ — وصایت آلتنده کی کیمسه نك ماللری صناعی و تجاری و ساثر تشبثلری ده احتوا ایدیورسه ، صلح محکمه سی ، بونلرک تصفییه سی ویا ادامه سی ایچون لازم کلن تعلیماتی اعطا ایدر .

منقولک ساتیشی

نقود
تمیه سی

تحویل

مالی و تجاری تشبثلر

ماده : ۳۸۸ — غیر منقول ماللر ، صلح محکمه سنک اذنیله ساتیلیر . صاحب محکمه سی ، وصایت آلتنده کی کیمسه نك منفعتی ایجاب ایتمه دجه بیعه مأذونیت ویرمز . ساتیش علنی مزایده ایله اولور و احاله صاحب محکمه سی طرفندن تصدیق ایدیلک لازمدر ؛ مذکور مقامک کجیکمکه سزین برقرار ویرمه سی ایجاب ایدر .

ماده : ۳۸۹ — وصی ، کوچوکک انفاق و تربیه سینه اعتنا ایدر . بو خصوصده وصایت دائره لرینک مداخله حققرینه متدائر حکملر باقی قالمق شرطیله وصی ، آنا و بابایه عائد صلاحیتی استعمال ایدر .

ماده : ۳۹۰ — وصی ، مجبوری حمایه و شخصی معامله لرنده آکا مظاهرت و ایجابی حالنده بر مؤسسه یه قونولماسنی تأمین ایدر .

ماده : ۳۹۱ — وصایت دائره لرینک مداخله حققرینه متدائر حکملر باقی قالمق شرطیله وصی ، بوتون تصرفلرنده کوچوککی تمثیل ایدر .

ماده : ۳۹۲ — وصی ، وصایتی آلتنده کی کیمسه نك مالی هبه ویا وقف ایده مه یه جکی کی آنک حسابنه کفالت ده یاپاماز .

ماده : ۳۹۳ — تمیز قدرتی حائز اولوب ده الك آشاعی اون آلتی یاشنده بولونان وصایت آلتنده کی کیمسه نك ماللرینی اداره یه متعلق مهم تصرفلرده ، ممکن اولدقجه ، رأیی آلتیلیر .

غیر منقول

اعتنا و تمثیل
کوچوک

مجبور

تمثیل

عمومی

ممنوع تصرفلر

وصایت آلتنده کی
کیمسه نك رأیی آلتیق

وصایت آلتنده کی کیمسه نك بو رأی ، وصی بی ،
مسئولیتدن قورتاراماز .

کوچوکک تصرفی
اجازت

ماده : ۳۹۴ — وصایتہ تابع وتمیزہ مقتدر کیمسه
وصینک صریح و یا ضمنی موافقتی ایله یاخود لاحق
اولاجق اجازتی ایله بروجیه بی التزام و یا برحقدن فراغت
ایده بیلیر .

دیگر طرفک بالذات تعیین ایده جکی و یا حاکمه تعیین
ایتدیره جکی مناسب بر مدت ظرفده ، وصی اجازت ویرمزسه ،
او تصرف حکمسز قالیر .

اجازتک فقدانی

ماده : ۳۹۵ — وصی طرفدن اجازت ویریلزسه
عاقدردن هر بری ، ویردیکنی کری ایسته یه بیلیر . شو
قادرکه وصایتہ تابع کیمسه آنجاقت انتفاع ایله دیکی مقدار
و یا اعاده زمانه قادر ماللرنده حاصل اولان زیاده نسبتنده
یاخود سوء نیتاه اَلدن چیقاردیغی مقدار ایله مسئولدر .
وصایت آلتنده کی کیمسه حقیقته مخالف اولارق
کندینی اهل کوسترمش ایسه ، بویوزدن باشقه سنه ایراث
ایله دیکی ضرری ضامن اولور .

وصایت آلتنده کی
کیمسه لرك مملك
وصنعتی

ماده : ۳۹۶ — کندیسنه صلح محکمه سی طرفندن
برمسلك و یا صنعتله اشتغاله صراحة و یا ضمناً اذن ویریلن
وصایت آلتنده کی کیمسه ، بوضعت و مسلکک ضروریاتندن
اولان هر تصرفی یا پاییلیر و بو تصرفلرندن دولایي بوتون
ثروتیه مسئولدر .

ماده : ۳۹۷ — وصی ، وصایتی آلتنده کی کیمسه نك
ماللرینی مدبر برمدیر کی اداره ایدهر .

ماللرك اداره سی
وصینك وظیفه لری
حساب

وصی ، صلح محکمه سنك تعیین ایله دیکی زمانلرده
وهیچ اولمازسه سنده بر کره محکمه یه عرض ایتک اوزره
حساب طومتفه مجبوردر . تمیز قدرتتی حائز والک آشانی
اون آلتی یاشنده بولونان وصایت آلتنده کی کیمسه ، ممکن
اولدجه حسابک رؤیتنده بولوندر بیلیر .

ماده : ۳۹۸ — وصایت آلتنده کی کیمسه ، کندی
تصرفه براقیلان ماللر ایله وصیسنك اذنیله چالیشهرق
قازاندیغی ماللری بالذات اداره ایتک حقنی حائزدر .

وصایت آلتنده کی
کیمسه یه براقیلمش
ماللر

ماده : ۳۹۹ — وصایت ، قاعدة دوت سنه ایچون
توجیه اولونور . دوت سنه نك ختامنده وصی ، وصایتدن
اعتذار ایده بیلیر .

وصیلك مدتی

ماده : ۴۰۰ — وصینك ، وصایت آلتنده کی کیمسه نك
مالندن اجرت آلفه حق واردر . بواجرت ، هر بر حساب
مدتی ایچون وصینك صرف ایتدیکی أمكه و وصایتی
آلتنده کی کیمسه نك کلیرینه کوره صلح محکمه سی طرفندن
تقدیر اولونور .

وصینك اجرقي

ایکنجی فصل

قیمک وظیفه لری

ماده : ۴۰۱ — منفعتلری ایچون کندیلرینه برقیم

قیملغك ماهیتی

تعیین ایدیلن کیمسه لر، قانونی مشاوره اشتراکنه دأر
اولان حکمرله خلل کله مک اوزره مدنی حقارینی استعمال
صلاحیتنی محافظه ایدر .

قیملنک مدتی و قیمه ویریله جک اجرت مقداری ؛
صلح محکمه سنجه تعیین اولونور .

ماده : ۴۰۲ — معین برایش ایچون تعیین ایدیلن
قیم ، او ایشی صلح محکمه سنک تعلیماتی دأره سنده ایفا
ایدر .

ماده : ۴۰۳ — ماللرک نظارتنه ویا اداره سنه مأمور
ایدیلن قیم ، آنجاقتضا ایدن اداره و تحفظی تصرفلرده
بولونابیلیر .

قیمک دیگر تدبیرلره توسل ایده بیلیمه سی تمثیل ایدیلن
کیمسه نك موافقتنه و موافقت اعطاسنه اهل دکیل ایسه
صلح محکمه سنک مساعده سنه باغلیدر .

قیملنک موضوعی
خصوصی قیماق

ماللرک اداره سی

ارمیحی فصل

وصایت دأره لرینک مداخله حقاری

ماده : ۴۰۴ — تمیز قدرتی حأز اولان وصایت
آلتنده کی کیمسه نك وهر هانکی بر علاقه دار ، وصینک
تصرفی علیهنه ، صلح محکمه سنه شکایت ایده بیلیر .
صلح محکمه سنک قرارینه قارشى تبلیغدن اعتباراً اون
کون ایچنده محکمه اصلیه اعتراض ایده بیلیر .

شکایت

ماده : ۴۰۵ — آشاغیده کی خصوصلرده صلح
محکمه سنک اذنی لازمدر :
اذن صلح محکمه سی طرفندن

۱ — غیر منقولک آلم صائمی و ترهینی و سائر عینی
برحق تأسیسی .

۲ — علی العاده ایشتمه . و اداره احتیاجلری خارجنده
منقولاتک آلم صائمی .

۳ — علی العاده اداره احتیاجلری خارجنده انشآت .
۴ — اودونج ویرمه و آله .

۵ — قامیو تعهدلری آلتنه کیرمک .

۶ — برسنه دن فضله مدتله اراضی و اوچ سنه دن ویا
آندن فضله مدتله عقار ایجار و استیجاری .

۷ — وصایت آلتنده بولونان کیمسه نك برصنعت ویا
مسلك ایله اشتغالنه مساعده .

۸ — وصی طرفندن همان یابیلیماسی لازم کلن موقت
تدبیرلر مستثنا اولمق اوزره خصومت ، صلح تحکیم
وقونقورداتو عقدی .

۹ — اولنمه مقاوله سی عقدی و میراث تقسیمی .

۱۰ — بورج اوده مکدن عجز بیانی .

۱۱ — وصایت آلتنده بولونان کیمسه نك حیاتی
اوزه رینه سیغورطه عقدی .

۱۲ — چیراقلق مقاوله سی عقدی .

۱۳ — وصایت آلتنده کی کیمسه نك بر تربیه و یامع اونت
مؤسسه سنه قونولماسی .

۱۴ — وصایت آلتنده بولونان کیمسه یه یکی بر اقامتگاه اتخاژی .

محکمه اصلیه طرفندن ماده : ۴۰۶ — آشاغیده کی خصوصلرده صلح محکمه سنک قراری آلدقندن صوکره محکمه اصلیه نك دخی مساعده سی لازمدر :

۱ — وصایت آلتنده کی کیمسه نك اولادلق اولماسی ویا باشقا برینی اولاد ایدیمه سی .

۲ — وطندا شلق حقنی اکتساب ویا آندن فراغت .

۳ — اقتصادی بر تشبثك اکتسابی ویا تصفییه سی ووصایت آلتنده کی کیمسه نك شخصی مسئولیتنی ویا مهم بر سرمایه تخصیصنی ایجاب ایتدیره ن برشرکته کیرمه سی .

۴ — قید حیات ایله معاش ویا ایراد اعطاسنه ویا قید حیات ایله انفاقه دائر مقاوله لر عقدی .

۵ — میراث قبول ویا ردی ویا بر میراث مقاوله سی عقدی .

۶ — کوچوکلک مأذون قیلنماسی .

۷ — وصی ایله وصایت آلتنده بولونان کیمسه آراسنده عقد اولونان مقاوله لرك تصدیق .

رأپور و حسابلرك تدقیق ماده : ۴۰۷ — صلح محکمه سی ، وصینك معین زمانلرده ویردیکی رأپور و حسابلری تدقیق ولزوم کورورسه ا کمال وتصحیحنی امر ایدر .

صلح محکمه سی ، رأپور و حسابلری قبول ویا رد وایجابنده وصایت آلتنده کی کیمسه نك منفعتك اقتضا ایتدیکی تدبیرلری اتخاذایلر .

ماده : ۴۰۸ — صلح محکمه سنك قانوناً مقتضی اذلك بولوناماسی مساعده سی آلتیادن یاپیلان تصرفك وصایت آلتنده کی کیمسه یه قارشى حکمی ؛ بویله بر کیمسه نك ، وصینك موافقتی اولقسزین یابدینی تصرفك حکمی کی در .

در دخی فصل

وصایت عضولرینك مسئولیتی

ماده : ۴۰۹ — وصی ووصایت دائره لری ، وظیفه لری نك ایفاسنده مدبر برمدیر کی حرکتله مکلفدرلر وقصد ویا اهمال ایله سببیت ویردکلری ضررلردن مسئولدرلر .

ماده : ۴۱۰ — وصی ویا وصایت دائره لری طرفندن اوده نه مهین ضررلری خزینه ، تضمین ایدر .

ماده : ۴۱۱ — وصایت دائره لری نك مسئول اولان هر بر اعضاسی ، قصورندن متولد اولمادیغنی اثبات ایتمه دیکه ، واقع ضرری تضمین ایله مکلف وهر بری حصه سیله مسئولدر .

ماده : ۴۱۲ — وصی و صلح حاکمی ، ضرری تضمیندن برلکده مسئول اولدقلری تقدیرده صلح حاکمی وصینك اوده یه مدیکی ضرر مقدارینی تضمین ایله مکلفدر . محکمه اصلیه هیئت ، صلح حاکمی ایله برلکده مسئول اولدقلری صورتده صلح حاکمك اوده یه مدیکی ضرر

مختلف وصایت عضولری آره سنده

مقداری تضمین ایله مکلفدر لر . حيله دن تولد ایدن
بر ضرری تضمین ایله مکلف اولان کیمسه لر دوغرو دن
دوغری به و متسلسلاً مسئولدر .

مسئولیت دعواسنک
مراجع رؤیتی

ماده : ۱۳ — وصی و وصایت دائره لرینک اعضای
ایله خزینه عاينده کی تضمینات دعوالری علی العاده ضرر
و زیان دعوالرینی رؤیت ایدن محکمه ده اقامه اولونور
و محکمه اصلیه هیئتک علاقه دار اولدقلری تضمینات
دعوالری اک یاقین دیگر بر محکمه اصلیه به کونده ریلیر
بومسئولیت دعواسنک رؤیتی، اداری مقاملرجه تحقیقات
اولیه اجراسنه متوقف ده کیلدر .

اون ایکنجی باب

وصایتک ختامی

برنجی فصل

کوچوکک وجر حالرینک ختامی

ماده : ۱۴ — کوچوک اوزهرنده کی وصایت ،
رشد ویا حاکمک رشد قراری ایله نهایت بولور . محکمه
اصلیه ، رشد قرار ویریر ایکن وصایتک ختامی کوئی
تثیت وقرارینی رسماً اعلان ایدر .
ماده : ۱۵ — حریتی سالب بر جزایه محکوم اولان
محکوملر حقنده

کیمسه اوزهرنده کی وصایت ، حبسک ختامیه نهایت بولور .
موقتاً ویا بر شرط ایله سربست بر اقیلمش اولان محبوس
وصایت آلتنده قالیر .

ماده : ۱۶ — سائر اشخاص اوزرنده کی وصایت
محکمه اصلیه طرفدن رفع ایله نهایت بولور . حجر سببی
زائل اولونجه محکمه اصلیه حجری رفع ایله مکلفدر .
محجور ایله علاقه دارلردن هر بری ، حجرک رفعنی طلب
ایده بیلیر .

دیگر وصایت تابع
کیمسه لر حقنده
وصایتک رفعی شرطلری

ماده : ۱۷ — حجر اعلان ایدیش ایسه رفعی دخی
اعلان اولونور . مدنی حقلری استعمال صلاحیتک عودتی ،
بواعلانک اجراسنه متوقف ده کیلدر .

ماده : ۱۸ — عقل خسته لغدن ویا عقل ضعیف کندن
دولایی ویریش اولان حجر قرارینک رفعی ، حجر ایچون
بر سبب قالمادیغنی مبین اهل وقوف راپورینه متوقفدر .

عقل خسته لنی حالنده

ماده : ۱۹ — اسراف ، عیاشلق ، سوء حال ویا
سوء اداره سببیه محجور اولان کیمسه لر حجر آلتنه
آلیناسنی موجب فعلدن دولایی اک آشانی بر سنه ایچنده
بر کونا شکایت میدان ویرمهش ایسه بو بایده کی حجرک
رفعنی طلب ایدر بیلیر .

اسراف ، عیاشلق ،
سوء اداره حالنده

ماده : ۲۰ — وصایت آلتنده کی کیمسه نک کندی
استدعاسی اوزرینه ویریش اولان حجر قراری ، آنجا
بو حجره اساس اولان سببک زوالیه رفع اولونا بیلیر .

اختیاری حجر حالنده

قیمك وصایتی مطلق صورتده ختام
ماده : ۲۱ — قیمك وصایتی، تعیین ایدیلش اولدینی ایشلرك ختاميله نهایت بولور .

برمالك اداره سنه متعلق وصایت، قیمك تعیینی موجب سبك زواليله و قیمك وظیفه سندن عفويله نهایت بولور . قانونی مشاوره مخصوص وصایت، محكمه اصلیهك قراريله نهایت بولور . محجوریتك رفعی حقنده کی قاعده لر بوراده ده جاریدر .

اعلان
ماده : ۲۲ — قیمك تعیینی اعلان ایدیلش بولوندینی و یا صلح حاکمی موافق کوردیکی تقدیرده بو باده کی وصایتك ختامی رسماً اعلان اولونور .

ایکنجی فصل

وصيلك صفتك زوالی

مدنی حق لری استعمال صلاحیتك ضیاعی و وفات
ماده : ۲۳ — وصيلك صفتی، وصینك وفاتی و یا مدنی حق لری استعمالدن محرومیتی ایله ختام بولور .

وصایت مدتك تمديد ایديله سی
ماده : ۲۴ — وصيلك صفتی، تمديد ایديله دیکي تقدیرده ؛ مدتك یتمه سیله ختام بولور .

اهلیتسزلك و یا معذرت
ماده : ۲۵ — وصی اهلیته مانع و یا وصیلکه تألیفی غیرقابل برسبك حدوشنده، استعفا ایله مکلفدر . قانونی بر اعتذار سببی تحدث ایتسه بیله، فوق العاده بر حال اولمادجه وصی، مدتك ختامندن اول استعفا ایده مز .

ماده : ۲۶ — وصی، خلفی ایشه باشلا نیجه قدار ضروری اولان اداری تصرفلر ایفا ایله مکلفدر .

عزل سبیلری
ماده : ۲۷ — وصینك، وصیلکه غیر لایق برحالی آ کلاشیلیر و یا وظیفه سنی ایفاده سوء استعمالی و یا فاحش براهالی کورولورسه محكمه اصلیه طرفندن عزل اولونور . بورجی اوده مکدن عاجز اولان وصی حقنده ده حکم بویله در . صلح حاکمی، وصایت آلتنده کی کیمسهك منفعتلری تهلکه ده کوردیکی آنده ؛ وظیفه سنی کرکی کی ایفا ایده مهین وصینك باشقا بر قصوری اولماسه بیله، وظیفه سنه نهایت ویره بیلیر .

عزل اصولی
ماده : ۲۸ — تمیز قدرتی حائز وصایت آلتنده کی کیمسه وعلاقه دارلردن هر بری، وصینك عزلنی طلب ایده بیلیرلر .

عزلی موجب بر سبك وجودینه دیگر بر صورتله مطلع اولان صلح حاکمی، وصی بی عزله توسل ایله مکلفدر .

تحقیقات و انضباطی صلاحیت
ماده : ۲۹ — محكمه اصلیه، آنجا ق تحقیقات اجرا سندن و وصی بی استماعدن سوکرا عزله قرار ویره . بیلیر . خفیف یولسز لقلرده، صلح محكمه سی وصی به سزاده جه عزله توسل اولونا جغنی اخطار و اونی نهایت یکر می بش لیرا جزای نقدی به محکوم ایده بیلیر .
موقت تدبیرلر
ماده : ۳۰ — تأخرده تهلکه وارسه صلح محكمه سی،

وصی به موقتاً ایشدن آل چکدیره بیلیر ؛ ایجابنده توقیف و ماللرینی حجز ایتدیره بیلیر .

سائر تدبیرلر

ماده : ۴۳۱ — صلح محکمه سی ، عزله توسل و انضباطی جزادن ماعدا ، وصایت آلتنده کی کیمسه نك منفعتی ایچون مقتضی تدبیرلری ده اتخاذا ايله مكلفدر .

شکایت

ماده : ۴۳۲ — صلح محکمه سنك قرارى علیهنده ، محکمه اصلیه به اعتراض اولونا بیلیر .

ارمنجی فصل

وصایتك ختامی اوزهرینه ترتب ایدن حکملر

ماده : ۴۳۳ — وصایتی ختام بولان وصی ؛ اداره سنه عا ئدرا پوری و حساب قطعی بی صلح حاکمه تودیع و ماللری وصایت آلتنده کی کیمسه نك ویا میراثچیلرینك یا خود یکی وصینك امرینه آماده بولوندیرمغه مجبوردر .

حساب قطعی
ماللرك تسلیحی

ماده : ۴۳۴ — بو راپورله حساب قطعی ، معین زمانلرده ویریلن راپورلر و حسابلر حقنده کی اصوله کوره صلح حاکمی طرفندن تدقیق و تصدیق ایدیلیر .

راپور و حسابك تدقیق

ماده : ۴۳۵ — راپورله حساب قطعی تصدیق اولوندقدن و وصایت آلتنده کی کیمسه ویا میراثچیلری یا خود یکی وصی ماللره وضع ید ایتدکدن صو کرا ، صلح محکمه سی وصینك وظیفه سنه ختام ویریر . حساب قطعی ؛

وصینك وصایتنه ختام
ویریله سی

وصایت آلتنده کی کیمسه نك میراثچیلرینه ویا یکی وصی به مسئولیت دعواسی حقنده کی حکملره نظر دقتلری جلب اولونارق تبلیغ ایدیلیر .

بو تبلیغ ايله برابر وصینك وظیفه سنه ختام ویریلدیکنه ویا حساب قطعینك قبول ایدلدیکنه دائر اتخاذا اولونان قرارده ، بیلدیریلیر .

ماده : ۴۳۶ — وصینك مسئولیتنه ویا وصایت دائره لری اعضاسنك دوغروندن دوغرویه مسئولیتلرینه متعلق دعوالرده مرور زمان مدتی حساب قطعینك تودیغندن اعتباراً برسنه در .

مسئولیت دعواسی
عادی مرور زمان

دوغروندن دوغرویه تضمین ايله مكلف اولمایوبده یالکزر ضررك اوده نه مه من مقداريله مسئول اولان وصایت دائره لری اعضاسی و خزینه علیهنده کی دعوالرك مرور زمانی ، برنجی درجه ده مسئول اولانلرك ضرری اوده یه مه یه جکلری تحق ایتدیکی تاریخندن اعتباراً برسنه در .

وصایت آلتنده کی کیمسه ، وصایتدن قورتولمادقجه وصایت دائره لری اعضاسی ايله خزینه علیهنده مرور زمان جریان ایتیز .

ماده : ۴۳۷ — حساب سهوینه متعلق یا خود عادی مرور زمان مدتك ایتدارندن مقدم بیلینمه سی ممکن اولمایان بر سبیه مستند مسئولیت دعوالری ، دعوا به سبیت ویرن حادثه نك میدانه چیقدیغی کوندن اعتباراً ،

فوق العاده مرور زمان

برسه مرور ایتد کدن صو کرا ، استماع اولونماز . هر
حاله عادی مرور زمانك ابتداسندن اعتباراً اون سنه
صو کرا دعوا حتی ساقط اولور . جرمندن معدود بر فعلن
دولایی اقامه اولونا جق مسئولیت دعواسنده ، اگر حقوق
عمومیه دعواسنك مرور زمان مدتی ، حقوق شخصی
دعواسنده کی مدتدن فضله ایسه ؛ مرور زمان حقوق
عمومیه دعواسی مدته تابعدر .

وصایت آلتنده کی ماده : ۴۳۸ — وصایت آلتنده کی کیسه نك ، وصی
کیسه نك امتیازی ویا وصایت دائره لری اعضاسی ذمتنده کی آلا جانی ، امتیازی
اولا جقدر .

اوجنجی کتاب

میراث

برنجی قسم

میراثجیلر

اون اوچنجی باب

قانونی میراثجیلر

خیصیلر
فروع

ماده : ۴۳۹ — برنجی درجه ده میراثجیلر ، متوفانك
فروعیدر . شو قدار که آنا و بابادن بری ویا هرایکیسی
متوفانك فروعی ایله اجتماع ایده رسه ترکدنك دورته
برندن انتفاع حقنه نائل اولور .

چو جو قلر ، مساوات اوزره میراثجیدرلر .

متوفادن اول وفات ایتمش چو جو قلر ، هر طبقه ده خلفیت
طریقله میراثجی اولان فروعلری طرفندن تمثیل اولونورلر .

بابا و آنا

ماده : ۴۴۰ — فروعی اولمایان متوفانك میراثجیسی ،
بابا و آناسیدر . بونلر ، مساوات اوزره میراثجیدرلر .

متوفادن اول وفات ایتمش اولان بابا و آنا ، هر طبقه ده
خلفیت طریقله میراثجی اولان فروعلری طرفندن تمثیل
اولونورلر . برطرفده هیچ میراثجی بولونمادیقی تقدیرده

بوتون ميراث ديكر طرفك ميراثچيلرينه انتقال ايدەر .
 بويوك بابا و بويوك آنا ماده : ۴۴۱ — فروعى ، بابا و آناسى و بونلرك

فروعى بولمقسزىن وفات ايدەن كيمسەنك ميراثچيسى ،
 بويوك بابا و بويوك آناسيدر . بونلر ، مساوات اوزره
 ميراثچيدرلر .

متوفادن اول وفات ايتمش اولان بويوك بابا و بويوك
 آنا ، هر طبقه ده خلفيت طريقيه ميراثچى اولان فروعلرى
 طرفندن تمثيل اولونورلر .

بابا ويا آنا طرفندن اولان بويوك بابا و بويوك آنا ،
 فروع براتمسزىن وفات ايتدكلرى حالده ؛ بوتون ميراث
 ديكر طرفده كى ميراثچيله انتقال ايدەر .

بويوك بابا ويا بويوك آنانك بابا و آنالرى ماده : ۴۴۲ — متوفانك صوك درجه ده كى قان
 ميراثچيلرى ، بويوك بابالر و بويوك آنالر ايله اونلرك
 فروعلريدر .

شو قادار كه بويوك بابالر و بويوك آنالرك بابا و آنالردن
 هر برى ، كندى فروعلرى متوفانك وفاتنده صاغ بولونسه
 ايدىلر اونلره نه حصه اصابت ايدەجك ايسه او حصه نك
 انتفاع حقنه نائل اولورلر .

انتفاع حقنه مالك اولان كيمسە ، متوفادن اول وفات
 ايتمش بولونورسه بو حق ، متوفانك بويوك بابا و بويوك
 آنالرينك اركك وقير قارده شلرينه انتقال ايدەر .

صحيح اولمايان نسبه ميراث ماده : ۴۴۳ — نسبي صحيح اولمايان خيصيملر ،
 آنا طرفندن نسبي صحيح خيصيملر كى ميراثچيلىق حقنى

حائزدر . بونلرك ، بابا جهتندن ميراثچى اولاييلمەلرى ؛
 بابالرينك كنديلرينى طائيش ويا بابالقلرينه حكم صدور
 ايتمش بولونماسنه متوقفدر .

بابا طرفندن نسبي صحيح اولمايان بر چوجوق ياخود
 فروعى ، باباسنك نسبي صحيح فروعليله اجتماع ايدەرسە ؛
 نسبي صحيح بر چوجوغه ويا فروعلرينه اصابت ايدەن حصه نك
 ياريستى آليرلر .

قارى قوجادن صاغ قالا نك حقى ماده : ۴۴۴ — متوفانك قارى ويا قوجاسى ، فروع
 ايله اجتماع ايتدكه مخيردر : ديارسه تركەدن ياريسنك
 انتفاع حقنى ، ديلرسە دورتده برينك ملكيتى آلير .

متوفانك باباسى آناسى ويا بونلرك فروعليله اجتماع ايدەن
 قارى ويا قوجا ، ميراثدن دورتده بر ملكيتى ايله برابر
 ياريسنك انتفاع حقنه ؛ و بويوك بابالرى بويوك آنالرى ويا
 بونلرك فروعلرى ايله اجتماع ايدن قارى ويا قوجا ، تركەدن
 ياريسنك ملكيتى ايله برابر دورتده برينك انتفاع حقنه
 و بونلرده يوق ايسه بوتون ميراثك ملكيته صاحب اولور .

انتفاع حقنك ايراده تحويل و تأمينات ماده : ۴۴۵ — قارى ويا قوجا ، انتفاع حقى يرينه
 آ كامعادل سنوى برايراد تخصيصنى هر زمان طلب ايدە بيلير .
 انتفاع حقى ، بويله سنوى برايراده تحويل اولونديغى
 تقديرده قارى و قوجا ، حقلىرى تهلەكده كوردىكى زمان
 ديكر ميراثچيلردن تأمينات ايسته يه بيلير .

ديكر ميراثچيله تأمينات اعطاسى ماده : ۴۴۶ — متوفانك قارى ويا قوجاسى ، تكرر
 اولەنير ويا ديكر ميراثچيلرك حقلىرى تهلەك يه قويارسە ؛

بونلرك طلبى اوزەرىنە ، تامينات اعطاسىلە مكافىدەر .

مادە : ۴۴۷ — اولادلىق و فروعى ، كندىسى اولاد ايدىن كىمىسە ؛ نىسبى صحىح فروعى كى مىرائىجى اولورلر . اولاد ايدىن بر كىمىسە و خىصىملرى ، اولادلىغە مىرائىجى اولمازلر .

اولادلىغە آلىنان
چوچوق

مادە : ۴۴۸ — مىرائىجى براقىسىزىن وفات ايدەن كىمىسە نك مىرائى ، بويوك بابالر و بويوك آنالرك بابا و آنالرى ايله ارلك و قىز قاردهشلىرىنك انتفاع حقلىرى باقى قالمق اوزرە ، دولته انتقال ايدەر .

خزىنە

اون دوردىنجى باب

اولومە باغلى تصرفلر

برنجى فصل

تصرفه اهليت

مادە : ۴۴۹ — اون بش ياشنى بىتىرەن و تىمىز قدرتى حائز اولان كىمىسە ، قانونك تعيين ايتدىكى حدود و شكللر داخلىدە ، وصيت طريقيه ماللىرىدە تصرف ايدە بىلىر .

وصيت ايله

مادە : ۴۵۰ — مىراث مقاولەسى ، ياپايلىمك اىچون ، ياپانك رشيد اولماسى شرطدر .

ميراث مقاولەسى

مادە : ۴۵۱ — خطا ، حيله ، تهديد ويا جبر تاتىرى آلتىدە ياپىلان اولومە باغلى تصرفلر باطلدر . شوقادار كە بوتصرفلىرى ياپان كىمىسە خطايە ويا حيله يە واقف اولدىنى ، ياخود تهديد ويا جبرك تاثيرىدن قور تولدىنى تاريخدن اعتباراً برسنە اىچىندە رجوع ايتەدىكى تقديرده مذكور تصرفلر ، صحىح عد اولونور .

تصرفى ياپان كىمىسە ، شخصى ويا شىئى تعيين ايدەر كن آچىق برخطايە دوشمش ايسە كندىسنىك حقيقى آرزوسنى قطعيتله تعيين ممكّن اولدىنى تقديرده ؛ خطالى تصرف ، بو آرزويه كوره تصحيح اولونور .

ايكنجى فصل

تصرف نصابى

مادە : ۴۵۲ — فروعى ، بابا و آناسى ، ارلك و قىز قاردهشى ياخود قارىسى ويا قوجاسى صاغ ايكن وفات ايدەن مورثك اولومە باغلى تصرفلىرى ، بو كىمىسە لرك محفوظ حصەلىرى مقدارىدن فضلە اولان ماللىرىدە معتبردر . بومىرائىجىلردن كىمىسە بولونمازسە ، مورث ، بوتون مىرائىدە تصرف ايدە بىلىر .

تصرف نصابى ،
شمولى

مادە : ۴۵۳ — محفوظ حصە آشاغىدە كى مقدارلردن عبارتدر :
۱ — فروع اىچون مىراث حقتك دورتدە اوچى .

محفوظ حصە

۲ — بابا یا خود آنا ایچون یارسی .

۳ — ارکک وقیزقارده شلردن هربری ایچون دورته
بری .

۴ — قاری ویا قوجا ایچون قانونی میراثچیلر ایله اجتماع
حالده میراثدن ملکیت حق اولان مقدارک تمامی ویا
کندیسندن باشقا میراثچی بولونمادیغی تقدیرده یارسی .

تصرف نصابک حسابی بورجلرک تنزیل
ماده : ۴۵۴ — تصرف نصابی ، ترکه نک وفات
کونده کی حاله کوره حساب اولونور .

متوفانک بورجلری ، جنازه مصرفی ، ترکه بی مهرله مک
ودفتر طومه مصرفلری ، متوفایله برآراده یاشایان کیمسه لک
برایلق اعاشه مصرفی ؛ ترکه دن تنزیل اولونور .

اولومه باغلی اولمایان تبرعلر
ماده : ۴۵۵ — متوفانک اولومه باغلی اولمایارق واقع
تنقیصه تابع تبرعلری ، تصرف نصابک حسابی ایچون ،
ترکه به ضم اولونور .

اولومه قارشی سیغورطه لر
ماده : ۴۵۶ — متوفا طرفندن ، وفاتی حالده
تادیه ایدیلک اوزره کندی نامنه وشخص ثالث لهنه عقد
ایدیلن ویا کندی نامنه عقد ایدیلوبده حیاتده واقع ویا
اولومه باغلی بر تصرف ایله بر شخص ثالث لهنه دور
یا خود متوفانک حیاتده عوضسز آخره تملیک اولونان
سیغورطه لر آنجاق وفات آننده کی اشترا قیمتلری ایله
ترکه به داخل اولور .

میراث حقندن
ماده : ۴۵۷ — آشاییده کی حالرده محفوظ حصه لی

میراثچیلر ، مورثک اولومه باغلی تصرفی ایله میراثدن اسقاط سبیلری
اسقاط ایدیله بیلیر :

۱ — مورثه ویا یاقینلردن برینه قارشی آغیر برجرم
ایقاع ایدهرسه .

۲ — مورثه ویا عائله سنه قارشی قانوناً مکلف اولدیغی
وظیفه لری ایفاده بویوک بر قصور ارتکاب ایلرسه .

ماده : ۴۵۸ — میراث حقندن اسقاط اولونان
کیمسه ، ترکه دن حصه طلب ایدمه یه جکی کبی تنقیص
دعواسی دخی آچماز . متوفا طرفندن دیگر صورتله
تصرف واقع اولماش ایسه ؛ اسقاط ایدیلن کیمسه ،
متوفادن اول اولمش کبی ، حصه سی متوفانک قانونی میراثچیلری
آراسنده تقسیم اولونور . میراث حقندن اسقاط ایدیلن
کیمسه نک فروعلری او کیمسه متوفادن اول اولمش کبی
محفوظ حصه لرینی ایسته یه بیلیرلر .

ماده : ۴۵۹ — میراث حقندن اسقاطک معتبر
اولمسی ایچون متوفا طرفندن اسقاطی آمر اولان تصرفده
سبیک بیان ایدیلش اولمسی لازم در .

اسقاط ایدیلن کیمسه طرفندن اعتراض وقوعنده بویانک
دوغرولغنی اثبات کلفتی ، اسقاطدن مستفید اولان میراثچی یه
ویا لهنه وصیت یاپیلان کیمسه یه عائددر . بو بینه ، اقامه
ایدیله مه مش ویا اسقاطک سببی بیان اولونماش ایسه
متوفانک آرزولری ، اسقاطک سببی حقنده آشکار برخطانک
نتیجه سی اولمادجقه ؛ تصرف نصابی مقدارنده انفاذ اولونور .

بینه کلفتی

عجز سببی ایله میراث حقندن اسقاط

ماده : ۴۶۰ — متوفا ، بورجی ، اودهیه جك مالی بولونمادیغی اجرا وثیقه سیله تحقق ایدن فروغندن هر هانکی بری ، محفوظ حصه سنك یاریسندن محروم ایده بیلیر . آنجاق متوفانك ، بو یاری بی ، اسقاط ایدیلن فروغنك دوغمش و دوغاجق چو قو قلینه تخصیص ایتمی شرطدر . میراث آچیلدیغی زمان اجرا وثیقه سنك حکمی مرتفع اولمش یا خود بویله بروثیقه اولوبده احتوا ایتدیکی بورجك مقداری میراث حقنك یاریسندن فضله بولونمش ایسه محروم ایدیلنك طلبی ایله ، اسقاط کائن لم یکن اولور .

ارمینی فصل

أولومه باغلی تصرفك مختلف صورتلری

عمومیتله تصرف

ماده : ۴۶۱ — وصیت ویا میراث مقاوله سی ، تصرف نصابی داخلنده متوفانك مالک اولدیغی شیئك تمامنی ویا بر قسمنی احتوا ایده بیلیر .

ماده : ۴۶۲ — مورث وصیتنده ویا میراث مقاوله نامه سنده بعض مکلفیتلر و شرطلر قویا بیلیر . میراث مقاوله نامه سنك ویا وصیتك انفاذندن اعتباراً علاقه دارلردن هر بری بو مکلفیتلرک و شرطلرک اجراسنی ایسته یه بیلیر .

قانونه یا خود آداب عمومیه یه مغایر شرط و مکلفیتلری احتوا ایدن تصرف ، باطلدر . فائده سز ویا یالکیز

باشالارینی ازعاج ایچون قوللانیلان شرطلر و مکلفیتلر لغودر .

میراثچی نصبی

ماده : ۴۶۳ — مورث ، ترکه نك تمامی یا خود شایع بر جزوی ایچون بر ویا بر قاج کیسه لری میراثچی نصب ایده بیلیر . ترکه نك تمامی ویا شایع بر جزوی آلتق اوزره بر شخصی تعیین ایدن هر تصرف ، میراثچی نصبی حکمنده در .

ماده : ۴۶۴ — بر کیسه اولومه باغلی بر تصرفله ، معین بر مالد تصرف دیگر کیسه یه ؛ میراثچی نصبی تضمن ایتمین معین تبرعلرده بولونا بیلیر . تصرفی یاپان کیسه ، معین بر مالی یا خود ترکه سنك تماماً ویا قسماً انتفاع حقنی وصیت ایده بیلدیکی کبی ماللرک قیمتی اوزه رندن بر شخص ثالث لهنه برشی ویریله سنی ویا یایلماسنی یا خود او شخصك بروجیه دن تخلیصنی میراثچی یه ویا لهنه وصیت یاپیلانه تحمیل ایده بیلیر .

بوصورتله معین اولان ماله متعلق بر وصیتی ایفا مکلفیتی کندیسنه تحمیل ایدیلن میراثچی ویا لهنه وصیت یاپیلان کیسه ، اومال ترکه ده ظهور ایتدیکی تقدیرده ؛ تصرفدن خلافی آ کلاشیلمادقجه ، مکلفیتدن بری اولور .

تسلیم

ماده : ۴۶۵ — وصیت اولونان مالی ، خسار و زوا ندیله و غیرك حقیله مشغول ویا آندن خالی اولارق ، میراثك آچیلدیغی کون نه حالده ایسه اوصورتله تسلیم اولونور .

وصیت اولونان مالی ایفا ایله مکلف اولان کیسه ، میراثك آچیلدیغی کوندن اعتباراً وقوع بولان صرفیات

وخسارات ایچون باشقاسنك ایشلرینی کورده نه عائد حق ووجیهلری حائزدر .

تقیص

ماده : ۶۶ — ترکه موجودینی ویا وصیتی ایفا ایله مکلف کیمسه یه ایدیلن تبرع مقدارینی ویا تصرف نصابی تجاوز ایدن وصیتلرک متناسباً تقیصی طلب اولوناییلر . وصیتی ایفا مکلفیتی کندیسنه تحمیل ایدیلن کیمسه ، میراثچیلینی ویا لهنه واقع تبرعی رد یاخود متوفادن اول وفات ویا محرومیتنه قرار صدور ایتسه بیله ، وصیت تنفیذ اولونور . قانونی ویا منصوب میراثچی ، میراثی رد ایتیش اولسه بیله کندی لهنه وصیت ایدیلن شیئی طلب ایدیه بیلیر .

علی العاده اقامه

ماده : ۶۷ — تصرفی یاپان کیمسه میراثچی ویا لهنه وصیت یاپیلان کیمسه نك کندیسندن اول وفاتی ویا بونلردن بری طرفندن رد وقوعی حالنده میراث یاخود وصیت اولونان معین مال کندیلرینه انتقال ایتک اوزره بر ویا برقاج شخص تعیین ایدیه بیلیر .

فوق العاده اقامه نامزد تعینی

ماده : ۶۸ — تصرفی یاپان کیمسه نصب ایتدیکی میراثچی یه ، میراثی بر شخص ثالثه نقل ایتک مکلفیتی تحمیل ایدیه بیلیر . بوشخص ثالثه ، نامزد ده نیر . بوقاعده لر ، معین مال وصیتنده دخی جاریدر .

نامزده انتقال

ماده : ۶۹ — تصرفده ، خلافتنه صراحت بولونما دجه ؛ میراث ، نقل ایله مکلف میراثچینك وفاتیه ، نامزده انتقال ایدر . تصرفده بر مدت تعیین ایدیلوبده

نقل مکلفیتی اولان میراثچی مدتک ختامندن اول وفات ایدهرسه ؛ میراث ، تأمینات ویرلمک شرطیه میراثچیلرینه انتقال ایدر . هر هانکی سبیدن دولایی میراثك نامزده انتقالی ممکن اولمادینی تقدیرده مکلفک میراثچیلری ، قطعی صورتده میراثه صاحب اولور .

تأمینات

ماده : ۷۰ — نقل ایله مکلف میراثچی یه انتقال ایدن میراثك ، محکمه اصلیه طرفندن ، دفتری یاییلیر . تصرفده ، خلافتنه صراحت بولونمادینی تقدیرده ؛ طرفندن تأمینات ویریلدجه ، میراث مکلفه تسلیم ایدیلر . نقلی لازم کلن میراث میاننده غیر منقول بولوندیغی تقدیرده ، بونك طابو سجلنده کی قیدینه نقل مکلفیتك شرح ویریله سی تأمینات یرینه کچر . نقل ایله مکلف میراثچی تأمینات کوسترمه دیکی یاخود نامزدك حقوقنی تهلکه یه قویاجق تصرفلرده بولو . ندیغی تقدیرده میراثك اداره سی دوغروذن دوغرویه محکمه اصلیه جه تأمین ایدیلیر .

فوق العاده اقامه نك حکملری نقل مکلفیتی حقنده

ماده : ۷۱ — نقل ایله مکلف میراثچی ، هر هانکی منصوب بر میراثچی کی ، میراثی اکتساب ایدر . نامزده ، نقل ایله آکا مالک اولور .

نامزد حقنده

ماده : ۷۲ — نامزد ، تسلیم ایچون معین زمانك حلولنده حیاتده بولوندیغی تقدیرده ؛ نقل ایله مکلف اولانك یرینه کچر . نامزد ، دها اول وفات ایتیش اولورسه تصرفده خلافتنه شرط اولمادجه ؛ نقلی لازم کلن ماللری

نقل ایله مکلف میراثچی صورت قطعیه ده اکتساب ایدهر.
نقل ایله مکلف میراثچینک تصرفی یاپان کیمسه دن اول
وفاتی یاخود میراثی ردی و یا میراثدن محرومیتی حالنده
ماللر دوغروندن دوغرویه نامزده انتقال ایدهر .

ماده : ۷۳ — تصرف نصابتک تمامی یاخود بر
قسمی وقف اولونا بیلیر .

وقف

ماده : ۷۴ — بر کیمسه ، یاپادینی میراث مقاوله سیله
میراثی و یا معین بر مالی ، مقاوله یاپدینی بر کیمسه یه
ویا باشقه سنه براقنی تعهد ایدهر بیلیر . او کیمسه ، ماللرنده
اسکیسی کیی تصرف ایدهر بیلیر . شوقادار که میراث مقاوله
سندن منبعث تعهداتیه تالیفی قابل اولمایان تبرعه و اولومه
باغلی تصرفه اعتراض اولونا بیلیر .

میراث مقاوله لری
میراثچی نصبی و معین
بر شیئی وصیت

ماده : ۷۵ — بر کیمسه ، میراثچیلرندن بری ایله
عوضلی و یا عوضسز ، میراثچیلقدن فراغت مقاوله سی یاپا بیلیر .
بو صورتله فراغت ایدهر کیمسه ، میراثچی صفتی ضایع
ایدهر .

فراغت مقاوله سی ،
شمولی

فراغت مقاوله سی عوضلی اولدینی تقدیرده خلا فی شرط
ایدیلده کجه فراغت ایدهر کیمسه نک فروغنده مؤثر اولور .

ماده : ۷۶ — مقاوله ده فراغت ایدهر ، کیمسه
یرینه نصب ایدیلن میراثچینک هر هانکی برسبیله میراثچیلینی
زائل اولورسه ؛ فراغت کأن لم یکن اولور . شخص
تعین ایتکسنزین علی الاطلاق دیگر میراثچیلر لهنه یاپیلان
فراغت آنجا ق اک یقین اصل مشترک فروغنه حمل

فراغتک حکمسنزلکی

اولونور ده اوزاق میراثچیلره اصلا شامل اولماز .

ماده : ۷۷ — ترکه آچیلدینی زمانده بورجی ترکه ده کی آلا جا قیلیرک
موجودندن زیاده اولوبده میراثچیلر طرفندن تأدیه ایدیلده کی
تقدیرده فراغت ایدهر کیمسه و میراثچیلری فراغت مقا
وله سی موجبنه متوفادن ، وفاتندن اولکی صوک بش
سنه ظرفنده آلمش اولدقیری عوضدن و یا اونک حاصلاتندن
الیوم یدلرنده بولونان مقدار نسبتنده آلا جا قیلیره قارشی
مسئولدرلر .

دور دنجی فصل

اولومه باغلی تصرفلرک شکلری

ماده : ۷۸ — وصیت ، رسمی سند ایله و یا وصیت
ایدهر کیمسه نک ال یازیسيله یاپیلا بیله جکی کبی شفاهاً
دخی یاپیلا بیلیر .

ماده : ۷۹ — رسمی وصیت سندی ؛ ایکی شاعد
حضورنده صاحب حاکمی ، کاتب عدل یاخود قانوناً بو
خصوص ایله توظیف ایدیلن مأمور طرفندن تنظیم ایدیلیر .

ماده : ۸۰ — وصیت ایدهر کیمسه ، آرزولرینی
رسمی مأموره تقریر ایدوب آنک طرفندن یازیلدقدن و یا
یازدیریلدقدن صو کرا اوقوماسی ایچون کندیسنه ویریلیر .
وصیتنامه ، وصیت ایدهر کیمسه طرفندن قرائت و امضا

رسمی وصیت
تنظیمی

تقریر و تنظیمده
مأمورک وظیفه سی

اولوندقدن صوکر رسمی مأمور طرفندن ، تاریخی یازیلار قاضالانیر .

اشهاد و شاهدلرک
وظیفه سی

ماده : ۴۸۱ — وصیتنامه یه تاریخ و امضا قونولنجه وصیت ایدن کیمسه ، وصیتنامه بی اوقود یغنی و وصیتنامه نك صوکر آرزولر تی محتوی اولدیغنی رسمی مأمور حضورنده ایکی شاهده بیان ایدر . شاهدلر ؛ بویانانك حضورلرنده وقوعه و او کیمسه بی تصرفه اهل کوردکلرینه دائر وصیتنامه آلتنه ویره جکلری شرحی امضا ایدر لر .

وصیت ایدن کیمسه ، وصیتنامه مندرجاتی شاهده لر بیلدیرمه یه بیلیر .

اوقویوب یازامایان
وصیتچی

ماده : ۴۸۲ — وصیت ایدن کیمسه وصیتنامه بی اوقویاماز و امضا ایدر مزایسه رسمی مأمور شاهده لر حضورنده وصیتنامه بی کندیسنه اوقور :

وصیتچی وصیتنامه نك صوکر آرزولر تی محتوی اولدیغنی بیان ایلر . بو تقدیرده شاهدلر وصیتچی نك بیاناتی ، حضورلرنده واقع اولدیغنه و اونی تصرفه اهل کوردکلرینه دائر شرح ویرمکه اکتفا ایتیه یوب وصیتنامه نك کندی حضورلرنده رسمی مأمور طرفندن وصیتچی یه اوقوندیغنی دخی تحریر و امضا ایدر لر .

وصیتنامه یه اشتراك

ماده : ۴۸۳ — مدنی حق لری استعمال صلاحیتی حائز اولمایانلر و یا بر جزا محکمه سنجه سیاسی و مدنی حق لردن اسقاطنه قرار ویریلنلر و یا اوقومه و یازمه بیلمه نلرله وصیتچی نك قاری و یا قوجاسی ، اصول و فروعی

آرک و قیز قارده شلری و بو کیمسه لردن هر برینك قاری وقوجاسی رسمی ؛ بر مأمور و یا شاهد صفتی ایله ، وصیتنامه تنظیمنه اشتراك ایدر مز لر .

ماده : ۴۸۴ — وصیتنامه بی تنظیم ایدن صلح حاکمی ، کاتب عدل و یا مأمور ؛ اصلنی و یا مصدق صورتی حفظ ایله مکلفدر .

ماده : ۴۸۵ — وصیتچینك ، بالذات تنظیم ایتدیکی آل یازیس ایله وصیتنامه وصیتنامه ؛ باشند آشای قادیار تنظیم ایدیلدیکی محل ، سنه ، آی و کون دخی داخل اولدیغنی حالده بالذات کندی آل یازیسيله یازیش و امضا ایدیش اولق لازمدر . بو صورتله تنظیم ایدیش اولان وصیتنامه آچیق و یا قبالی اولارق حفظ ایدیلک اوزره صلح حاکمه و یا کاتب عدل و یا مأموره تودیع اولونور .

شفاهی شکل
صوکر آرزولر

ماده : ۴۸۶ — اولوم تهلکسی ، مناقلاتك انقطاعی ، بولاشیق خستلق ، حرب کبی فوق العاده حاللردن دولایي وصیتچی رسمی و یا کندی آل یازیسيله وصیتنامه تنظیم ایدر مزایسه ؛ وصیتنی ، شفاهی طرزده یاپاییلیر .

شفاهی طرزده وصیت ، وصیتچی نك صوکر آرزولر تی ایکی شاهده تقریر و تقریری وجهله بروصیتنامه یازمالری و یا یازدیرمالری خصوصنی آنلره تحمیل ایتمه سندن عبارتدر . رسمی وصیتلره شهادت ایچون موضوع اهلیت شرطلری ، اشبو شاهده لر حقنده ده جاریدر .

تثبیت و تودیع

ماده : ۴۸۷ — وصیت ، کندیلرینه تقریر ایدیلن شاهدلردن بری تقریر واقعی و محل وقوعی و سنه و ای و کون و تاریخلرینی همان یازوب امضالار و دیگر شاهده امضالاتدیریر . بوضورتله یازیلان وصیتنامه یی ، شاهدلر ، ایکسی برلکده اولدقلری حالدده وقت کچیرمکسزین بر محکمه یه ویره رک ؛ اشبو وصیتنامه نك وصیت اهل کوردکلری وصیتچی طرفدن کندیلرینه شفاهاً تقریر ایدیلدیکنی و تقریرك احوال فوق العاده ده وقوع بولدیغنی حاکم حضورنده بیان ایدرلر . شاهدلر ، وصیتچینك تقریرینی یازوب تودیع ایدیه جکلری یرده شفاهاً و یوقاریده کی بیانلر شکلنده حاکمه عرض ایدیه رک برضبطنامه شکلنده دخی ، تثبیت ایتدیره بیلیر .

وصیتچی ، وظیفه باشنده برعسکرایسه ملازم رتبه سنده و یا دها بویوک رتبه لی برضابط محکمه مقامنه قائم اولابیلیر .

ماده : ۴۸۸ — وصیتچی ایچون وصیتنامه تنظیم ایتک و یا ایتدیرمک امکانشك حصولدن اعتباراً برآی کچمش اولورسه شفاهی وصیتك حکمی قالماز .

شفاهی وصیتك
حکمسزلکی

ماده : ۴۸۹ — وصیتچی وصیت ایچون قانونده معین شکللردن بری ایله وصیتدن هر زمان رجوع ایدیه بیلیر . رجوع تماماً اولدیغنی کی ، قسماً ده اولابیلیر .

رجوع

ماده : ۴۹۰ — وصیتنامه قضاء و یا دیگر برکیمسه نك قصوریه ضایع اولور و مندرجاتنك عینیه و تمامیه تثبیتی

وصیتنامه نك ضایع
اولاسی

ممکن اولمازسه آرتق ، وصیت اعتبار اولونماز . تضمینات طلبی حق محفوظدر .

ماده : ۴۹۱ — مؤخر تاریخلی وصیت مقدم تاریخلی وصیتدن صراحة رجوعی احتوا ایتیه یورسه صوکرکی وصیتك حکملرندن صراحة اولکسی اکال و اتمام ایتیه یلری ، اولکی وصیت مقامنه قائم اولورلر . برکیمسه نك معین برمال حقنده کی وصیتك صوکرادن یاپدیغنی تصرفله تألیفی قابل اولمازسه ، حکمسز اولور .

ماده : ۴۹۲ — میراث مقاوله سی ، رسمی وصیت شکلنده تنظیم ایدیلش اولمادقجه معتبر ده کیلدر . هرایکی طرف آرزولرینی عین زمانده رسمی مأموره بیان و تنظیم اولونان مقاوله یی مأمور مواجهه سنده وایکی شاهد حضورنده امضا ایدیه لرلر .

ماده : ۴۹۳ — میراث مقاوله سی ، عاقلدرلر تحریری مقاوله سیله هر زمان فسخ اولونا بیلیر .

فسخ

مقاوله ، میراثچی نصبه و یا معین برشیتك وصیتنه دائر اولوبده منسوب میراثچی و یا لهنه وصیت یازیلان کیمسه تصرف یاپان کیمسه یه قارشى میراثدن محرومیتی موجب برحر کتده بولوندیغنی تقدیرده او کیمسه ، مقاوله یی یالکز باشنه فسخ ایدیه بیلیر . بوفسخ ، وصیتنامه لر ایچون قانونا معین اولان شکللردن بریله یاپیلیر .

ماده : ۴۹۴ — برمیراث مقاوله سی موجبیه تصرفی یاپان کیمسه نك حیاتنده معین مال و یا منفعت طلبی صلاحیتینی دیگر طرفك فسخی

حائز اولان کیمسه، اومال ویا منفعت کندیسنه ویریلهدیکی ویا تأین ایدیلهدیکی تقدیرده، وجیهلر حقهده کی حکملره توفیقاً، مقاوله یی فسخ ایدیهیلیر .

میرانجی ویا لهنه وصیت **ماده : ۴۹۵** — میرانجی ویا لهنه وصیت یاپیلان کیمسه نك تصرفی یاپان کیمسه دن اول وفاتی حالنده میراث اول وفاتی

مقاوله سی منفسخ اولور . شو قادار که خلافتیه صراحت بولونماقجه، متوفانک میرانجیلری، مقاوله نامه موجبجه مورثلرندن آلمش اولدینی عوضدن ویا حاصلاتندن وفات زماننده یدنده بولونان مقدار، او کیمسه دن ایسته یه بیلیر .

تصرف نصابنک تحدیدی **ماده : ۴۹۶** — وصیت ویا میراث مقاوله سی ایله یاپیلان تبرعلر، تبرع ایدهنک اولومه باغلی تصرفلرده بولونمق خصوصنده کی سربستیسو صوکرادن تحدیده اوغرامش اولسه بیلر؛ فسخ ایدیلهمه یوب، یالکر تنفیصه تابعدر .

بشنجی فصل

وصیتی تنفیذ مأموری

تنفیذ مأمورینک تعینی **ماده : ۴۹۷** — وصیتچی، صوک آرزولرینی تنفیذ ایچون، مدنی حقلرینی استعمال صلاحیتی حائز برویا برقاق کیمسه یی وصیت طریقله، مأمور ایدیهیلیر . بومأمور، کندیسنه تفویض ایدیلن وظیفه دن دوغروندن دوغرویه خبردار ایدیلیر و خبرک وصولی تاریخندن اعتباراً ارن بش

کون ایچنده قبول ویا رد ایدیهیلیر . شو قادار که سکوتی قبول عد اولونور و خدمتی مقابلنده مناسب بر اجرت طلب ایدیهیلیر .

صلاحتیک شمولی **ماده : ۴۹۸** — وصیتچی طرفندن حق ووظیفه لری تعیین ایدیلهمش اولان تنفیذ مأموری، میراثی رسماً اداره یه مأمور کیمسه نك حق ووظیفه لری حائز اولور . تنفیذ مأموری، متوفانک آرزوسنی یرینه کتیرمک وخصوصیله ترکیبی اداره، بورجلری تأذیه و معین برماله متعلق وصیتلری اجرا ووصیتچینک امرلرینه ویا قانونه کوره ترکیبی تقسیم ایله مکلفدر . متعدد تنفیذ مأمورلری، بر عقد ایله توکیل ایدیلن متعدد وکیللرک صلاحیتی حائزدرلر .

آلتنجی فصل

متوفا طرفندن یاپیلان تصرفلرک ابطال و تنقیصی

ماده : ۴۹۹ — آشاغیده کی حاللرده، اولومه باغلی تصرفلر ابطال اولنه بیلیر :

۱ — تصرفک، تصرف آننده اهلیتی حائز اولمایان بر کیمسه طرفندن یاپیلماسی .

۲ — خطا یا حیلله ویا تهدید یا خود جبر تأثیری ایله یاپیلماسی .

۳ — کرک دوغریدن دوغرییه، کرک ختوی اولدینی

ابطال دعوسی
اهلیتسزلك قانونه
ویا آداب عمومیه یه
مغایرت

شرطاً اعتباریله قانونه مخالف ویا اخلاقه مغایر اولماسی .
ابطال دعواسی میراثچیلردن بری طرفدن اقامه اولونا-
بیله جکی کبی لهنه وصیت یاپیلان علاقه دارلر طرفندن
دخی اقامه اولونابیلیر .

ماده : ۵۰۰ — شکه عائد نقصانی بولونان تصرفلر،
ابطال اولونور .

شکه عائد نقصان ، وصیتنامه نك تنظيمه اشتراك
ایدنلره ویا عائله لری افرادندن برینه تبرع یاپیلماقدن عبارت
ایسه ، یالکیز او تبرع ابطال اولونور .

ابطال دعواسی ، تصرفه اهلیت حقنده تطبیق اولونان
قاعده لره تابعدر .

ماده : ۵۰۱ — ابطال دعواسی ، مدعینك تصرفه
وبطلانك سببه مطلع اولدیغی کوندن اعتباراً بر سنه
وهر حالده وصیتنامه نك آچیلماسی تاریخندن اعتباراً بش
سنه کچمکه مرور زمانه اوغرار تصرفك بطلانی کرک
قانونه مخالف و آداب عمومیه یه مغایرتدن کرک عدم اهلیتدن
نشأت ایتمسین ؛ سوهیت صاحبی اولان مدعی علیه قارشو
ابطال دعواسی ، آجاق اوتوز سنه نك کچمه سیله ساقط اولور .
بطلان ، دفع طریقله هر زمان درمیان اولونابیلیر .

ماده : ۵۰۲ — محفوظ حصه لرینك بالغ اولدیغی
مقداری آلامایان میراثچیلر ، تصرف نصابی تجاوز ایدن
تبرعك تنقیصنی دعوا ایدنبیلیرلر .

متوفانك ؛ خلافتی قصد ایتدیگی تصرفدن آکلاشیلماقدجه

شکل نقصانی

مرور زمان

تنقیص دعواسی
شرطلری
عمومی صورتده

قانونی میراثچیلرک حصه لرینه دائر تصرفده موجود حکملر،
علی العاده تقسیم قاعده لری کبی تلقی اولونور .

ماده : ۵۰۳ — محفوظ حصه لی متعدد میراثچیلره محفوظ حصه لی میراثچیلر
اولومه باغلی تصرف طریق ایله یاپیلان و تصرف نصابی
تجاوز ایدن تبرعلر ، بو میراثچیلردن هر برینه محفوظ
حصه سندن فضله دوشن مقدارلره متناسب اولارق
تنقیصه تابعدر .

ماده : ۵۰۴ — محفوظ حصه سنه تجاوز ایدیلان
میراثچی یه عائد تنقیص دعواسی ؛ افلاس حالده ماصه سنه
وبورجی اوده مکدن عجزی تقدیرنده میراث آچیلدیغی زمان
عجزه دائر اجرا وثیقه سنی حامل بولونان آلاجاقلیلرینه ؛
آلاجاقلری نسبتنده انتقال ایدر . بونلر طرفندن اخطار
ایدیلدیگی حالده میراثچی دعوایی اقامه ایتمه مش ایسه اونك
حقنده مرعی مدت ظرفنده کندی ناملرینه دعوا اقامه
ایده بیلیرلر .

میراث حق اسقاط اولونان میراثچی ، اسقاطه اعتراض
ایتمه دیکی تقدیرده حکم بووجهله در .

ماده : ۵۰۵ — تصرفی یاپان کیمسه نك ، خلافتی
قصد ایتدیگی تصرفدن آکلاشیلماقدجه ، میراثچی نصب
اولونان ویا کندیلرینه دیگر بر صورتده تبرع ایدیلن
کیمسه لره عائد حصه لر ، متناسباً تنقیصه تابعدر .
معین شیلری تسایم مکلفیتیه مقید اولارق یاپیلان
تبرعلر تنقیصه تابع اولدقلری تقدیرده ، تصرفی یاپان

تنقیص حکملری
عمومی صورتده

کیمسه نك خلافی قصد ایتدیکی آ کلا شیلما دقجه؛ کندیسنه تبرع واقع اولان کیمسه، تسلیمی ایله مکلف اولدیغی معین شیلرک دخی متناسباً تنقیصنی طلب ایده بیلیر.

معین بر شیئک وصیتی ماده: ۵۰۶ — قیمتنه نقصان کله کسزین تقسیمی قاب اولمایان معین بر مال وصیت ایدیلوبده اشبو وصیت تنقیصه تابع اولورسه؛ لهنه وصیت یاپیلان کیمسه، دیلرسه تصرف نصابی مقدارینی نقداً آلیر دیلرسه تنقیصی لازم کلن مقدارک قیمتنی و یروب اومالی طلب ایدر.

ماده: ۵۰۷ — آشاغیده کی تصرفلر، اولومه باغلی تبرعلر کی تنقیصه تابعدر.

۱ — اعاده یه تابع اولماق اوزره میراث حصه سنه باغلی جهاز، تأسیس مصرفی یا خود مال ترکی شکلنده واقع اولومه باغلی اولمایان تبرعلر.

۲ — میراث حققرینه بوجه پشین تصفییه سی مقصدیه یاپیلان تبرعلر.

۳ — هبه ایدنه ک، قیدسز و شرطسز رجوعه حق اولان هبه لر ایله عادت اوزره ویریلن هدیه لر مستثنا اولارق، وفاتندن اولکی بر سنه ایچنده یاپیلمش هبه لر.

۴ — محفوظ حصه قاعده لرینی بر طرف ایتک قصدیه یاپیلدیغی آشکار اولان تملیکلر.

کیری ویریه جک مقدار ماده: ۵۰۸ — کندیسنه تنقیصه تابع بر تبرع یاپیلمش اولان کیمسه، حسن نیت صاحبی ایسه یالکز میراثک

آچیلدیغی کون اوتبرع و یا حاصلاتندن آئنده قالان مقداری کیری ویرمه کله مکلفدر. میراث مقاوله سیله تبرعه نائل اولان کیمسه، تنقیصه معروض قالیرسه، مورثه عوض اولارق ویردیکی شیدن تنقیص ایله متناسب مقداری کیری ایسته یه بیلیر.

ماده: ۵۰۹ — متوفی طرفندن وفاتی حالنده تأدیه ایدیلک اوزره کندی نامنه و باشقه سی لهنه عقد ایدیلن و یا کندی نامنه عقد ایدیلوبده حیاتده عوضسز آخره تملیک اولونان سیغورطه لر، اشترا قیمتلری نسبتنده تنقیصه تابعدر.

ماده: ۵۱۰ — تمامدیسسی تخمین ایدیه بیلن مدت لرینه نظراً سرمایه یه تحویللری حالنده تصرف نصابی تجاوز ایده جک مقداره بالغ بر انتفاع حق و یا ایراد ایله ترکه سنی مقید قیلان مورثک، میراثچیلری؛ بوانتفاع حقنی و ایرادی حد لایقنه تنقیص ایتدیرمک یا خود تصرف نصابی مقدارینی ویره رک میراثی قیددن قورتارمقده، مخیردر.

ماده: ۵۱۱ — میراثی برنامزده نقل ایتکه صلاحیتی فوق العاده اقامه حالنده اولان بر میراثچی نصبه دائر تصرف؛ میراثچینک محفوظ حصه سنه تعلق ایتدیکی نسبتنده، باطلدر.

ماده: ۵۱۲ — تنقیص؛ محفوظ حصه تمام اولونجه یه قدر اول امرده اولومه باغلی تصرفلردن و کافی کله دیکی تقدیرده اک صوک تاریخی اولاندن باشلا یارق اک اول

اولومه باغلی اولمایان
تبرعلر
انواعی

تنقیصه ترتیب

واقع اولانه دوغری چیقماق شرطیه، اولومه باغلی اولمایان تبرعلر اوزه ریدن اجرا ایدیلیر .

مرور زمان

ماده : ۵۱۳ — تنقیص دعواسی ، میراثچیلر محفوظ حصه لرینه تجاوز ایدیلدیکنی او کره مدکلری کوندن اعتباراً برسنه و هر حالده وصیتنامه لر حقنده آچیلدقلری تاریخندن ، دیگر تصرفلر حقنده میراثک آچیلما سندن اعتباراً بش سنه کچمه سیله ساقط اولور . بر تصرفک ابطالی بر دیگرینی احیا ایدیورسه ، مرور زمان مدتلی آنجا بطلان قرارینک صدوری تاریخندن اعتباراً جریان ایدر . تنقیص ادعاسی ، دفماً هر زمان درمیان اولونابیلیر .

بهمجی فصل

میراث مقاوله سندن متحدث دعوالر

ماده : ۵۱۴ — مورثک میراث مقاوله نامه سیله حیاتنده ماللرینی تسلیم ایله دیکی میراثچی ، ترکه ده علاقه دار کیمسه لری اصولی دائره سنده دعوت ایله دفترینی یاپدیره بیلیر . مورث ، ماللرینک هپسنی تملیک ایتمه مش یا خود یکیدن بعض ماللر اکتساب ایله مش ایسه خلاقی شرط ایدیلش اولمادجه میراث مقاوله سی حیات حالنده اولونان مقدارده ؛ مصروف اولور .

مورث حیاتنده ایکن ماللرینک تسلیمته متعلق حکملر

میراث مقاوله سندن متحدث حق و وجیهلر خلاقی

شرط ایدیلمه ش ایسه ، حیاتنده ایکن وقوع بولان تأمینات نسبتنده ، منصوب میراثچینک میراثچیلرینه انتقال ایدر .

تنقیص کیری ویرمه

ماده : ۵۱۵ — میراثدن فراغت ایدن میراثچییه ، مورثک حیاتنده تسلیم ایله دیکی ماللر تصرف نصابی متجاوز ایسه ؛ دیگر میراثچیلر تنقیصنی طاب ایده بیلیرلر . بوتقدیرده آنجا میراثچینک محفوظ حصه سنه تجاوز ایدن مقدار ، تنقیصه تابعدر . میراثدن فراغت ایدن کیمسه یه ، حیاتده وقوع بولان تسلیما تیک محسوبی ، میراث حکملرینک اعاده قاعده لرینه توفیق اولونور .

مخیرلک

ماده : ۵۱۶ — میراثچیلقدن فراغت ایدن میراثچی تنقیص دولایسیله مورثدن حیاتده ایکن تسلیم ایتدیکی مقدارک تمامی ویا بر قسمنی کری ویرمه مجبور اولورسه مخیردر ؛ دیلرسه تنقیصی ایجاب ایدن مقداری کیرییه ویریر ، دیلرسه وقوع بولان تسلیما تیک مجموعنی اعاده ایله اصلاً فراغت ایتمه مش کی میراثه اشتراک ایدر .

ایکینجی قسم

میراث

اوزه بنجی باب

میراثک آچیلماسی

آچیلما سببی

ماده : ۵۱۷ — میراث ، اولوم ایله آچیلیر.

مورثک اولومنه باغلی اولمیان تبرع و تقسیملری، میراثه علاقه لری نقطه سندن میراثک آچیلدیغی کونده کی حاله کوره تقدیر ایدیلیر .

میراثک آچیلدیغی محل و محاکمه مرجعی

ماده : ۵۱۸ — میراث ، بالجمله ماللری شامل اولمق اوزره متوفانک صوگ اقامتگاه کی محکمه سنده آچیلیر . اولومه باغلی تصرفلرده ، ابطال و یا تنقیص و میراثک تقسیم و میراث سببی ایله استحقاق دعوالری بو محکمه ده کورولور .

آچیلما حکملری ، اهلیت ، مدنی حق لردن استفاده

ماده : ۵۱۹ — اهل اولمایانلردن باشقا هر کس ، قانونی میراثجی اولایلدیکی کبی وصیت و میراث مقاوله سی ایله ده میراثجی و یا لهنه وصیت یاپیلان کیمسه اولایلیر . حکمی شخصیتی حائر اولمایان بر جاعته معین بر غایه ایچون وقوع بولان تبرعلر ، او غایه نک تأمین شریطله جماعتی تشکیل ایدن کیمسه لره عائد اولور . بو صورتله غایه نک تأمین قابل اولمازسه اوتبرع ، تأسیس عد اولونور .

محرومیت سببلری

ماده : ۵۲۰ — آشاغیده کی کیمسه لر ، میراثجی

اولامایا جقلری کبی اولومه باغلی تصرفله ده میراثجی و یا لهنه وصیت یاپیلان کیمسه اولامازلر :

۱ — قصدا و حقسنز یره متوفایی اولدیره ن و یا اولدیرمه که تشبث ایده نلر .

۲ — قصدا و حقسنز یره متوفایی اولومه باغلی بر تصرفله بولونامایا جق بر حاله کتیره نلر .

۳ — حیلله و یا تهدید یا خود جبر ایله متوفایی اولومه باغلی بر تصرفله بولونمغه و یا بویله بر تصرفی فسخ ایتمه که سوق ایده نلر و یا بو خصوصده مانع اولانلر .

۴ — متوفانک آرتق بردها یکیدن یاپامایا جفی بر حال وزمانده اولومنه باغلی بر تصرفی قصدا و حقسنز یره کیزله ینلر و یا بوزانلر .

عفو ایله ، محرومیت قالماز .

ماده : ۵۲۱ — محرومیت ، شخصیدر . میراثدن محروم اولان کیمسه نک فروعلری مورثدن اول وفات ایدن کیمسه نک فروعلری کبی میراثه مستحق اولورلر .

ماده : ۵۲۲ — میراثجی اولایلیمک ایچون مورثک وفاتنده میراثجیلغه اهل اولارق صاغ اولمق لازمدر . میراث آچیلدقن صوکره وفات ایدن میراثجینک حق کندی میراثجیلرینه انتقال ایده ر .

ماده : ۵۲۳ — کندیسنه معین بر مال وصیت اولونان کیمسه ، وصیتجینک وفاتنده میراثه اهل اولارق

فروعلر حقنده کی حکملری

حیاتده اولمق شرطی میراثجیلر

لهنه وصیت یاپیلان

صاغ ايسه او ماله مستحق اولور . بو کيمسه وصيتچيدن اول وفات ايتمش اولورسه خلافي وصيتي احتوا ايدن تصرفدن آکلاشيلما دجه وصيت اولونان مال ، ترکيه رجوع ايدهر .

آنا رحمنده کي چوجوقلر ماده : ۵۲۸ — جنين ، صاغ اولارق دوغارسه ميراثجي اولور .
اولو دوغان چوجوق ، ميراثجي اولاماز .

ماده : ۵۲۵ — ميراث آچيلديغي زمان هنوز موجود اولمايان بر کيمسه يي ترکه نك تمامي ويا بر قسمي ويا ترکده داخل معين بر مال ايجون نامزد تعيين ايتمک جائزدر . بوتقديرده نقل ايله مکلف اولان ميراثجي ويا لهنه وصيت ياپيلان کيمسه ، متوفي طرفندن تعيين ايديله مش ايسه بو صفت ، قانوني ميراثجي به عائددر .

ماده : ۵۲۶ — بر کيمسه نك غائبکنه حکم ايديلش ايسه ميراثجيسي ويا ميراثدن مستفيد اولاجق ديگر کيمسه ، ميراثه وضع يد ايتزدن اول ايجابي تقديرنده ؛ موروث مالي بالذات غائبه ويا کنديلرينه مرجع اولان حق صاحبيرينه اعاده ايدده جککرينه دائر تأمينات کوسترمکه مجبوردرلر . بو تأمينات ، غائبک حکمي ثلوم تهلکه سي ايجنده غائب اولمقدن ناشي ايسه بش سنه وهر حالده اعظمي اولارق غائبک يوز ياشنه واصل اولاجني زمان ايجون کوستريلير . بو بش سنه نك باشلانغيجي ، ميراثه

فوق العاده اقامه

غائبک حکمي
غائبک ميراثي
ميراثه وضع يد
وتأمينات اراشه سي

وضع يد ايدلديکي کوندن و اون بش سنه نكکي غائبدن آلتان صوك خبر تاريخندن باشلار .

ماده : ۵۲۷ — ميراثه وضع يد ايددنلر ، موروث کيري ويرمک مکلفيتي مالي ، غائب اولان کيمسه ظهور ايتديکي تقديرده ؛ کنديسنه يا خود وضع يد ايددنلره مرجع حق اولديغني اثبات ايدن کيمسه يه ، اعاده ايله مکلفدرلر . هرايکي حالده ذي اليدلکه دائر اولان حکملر جاريدر .

وضع يد ايددنلر ، حسن نيت صاحبي ايسه لر ، کنديلرينه مرجع اولان کيمسه لره قارشي اعاده مکلفيتلري ، ميراث سبي ايله استحقاق دعواسي ايجون معين اولان مرور زمان مدته منحصردر .

ماده : ۵۲۸ — ميراثک آچيلديغي کون حيات و مماتي اثبات ايديله معين غائب ميراثجينک حصه سي محکمه طر - فندن رسماً اداره ايتديريلير . بو غائب موروثک اولومنده حيات حالده اولماسه ايدی حصه سي کيملره دوشه جک ايديسه ، اونلر ، اولوم تهلکه سي ايجنده وقوع بولان غيوبت حالده حادثه نك وقوعي تاريخندن اعتباراً برسنه و چوقدن بري خبر آلتناماق حالده آلتان صوك خبر تاريخندن اعتباراً بش سنه صوکرا ، حاکمه مراجعتله غائبکه حکم اعطاسيله او حصه يه وضع يد ايتلرينه مساعده اولونماسني طلب ايدده بيليرلر . غائبکنه حکم اولونان کيمسه ترکه سنه ميراثجيلرينک ويا ميراثدن مستفيد اولاجق

بر غائبک ميراثده کي
حق

کیمسه لرك وضع يد ايتمه لرینه دائر حکملر؛ اشبو حصه نك تسلیمنده دخی جاریدر .

ماده : ۵۲۹ — بر غائبك، میراثچیلری اونك ماللرینه وضع يد مساعده سنی استحصال ایتد کدن صو کرا او غائبه بر میراث انتقال ایتدیکی تقدیرده بو میراثك قانوناً کند . یلرینه تسلیم ایدیله سی لازم کلنلر ، آریجه بر غائبك حکمی استحصالنه مجبور اولمق سزین تسلیم طلبنده بولونا بیلیر . اکر غائبك قرارینی دها اول بونلر استحصال ایتمش ایسه ، اشبو قرار بالمقابله غائبك میراثچیلری حقنده مؤثر اولور .

ماده : ۵۳۰ — حیات و مماتی بللی اولمایوبده ماللری اون سنه دن بری محکمه معرفتیه اداره ایدیلن یا خود ماللرینك بوصورتله اداره سنی اون سنه دن آشاغی اولمقله برابر یوز یاشنی اکمال ایتمش اولان کیمسه نك غائبلکینه خزینه نك طلبی اوزهرینه حکم اولونور .

غائبلکه حکم ایچون لازم اولان اعلان مدتی ظرفده هیچ بر حق صاحبی ظهور ایتنرسه ؛ بو ماللر خزینه یه انتقال ایدر . بو تقدیرده خزینه میراثه وضع يد ایدنلر حقنده کی حکملره توفیقاً کرک غائبه کرک مرجع حق صاحب لرینه قارشی مسئول اولور .

غائبك عینی زمانده
میراثچی و مورت
اولماسی

خزینه نك طلبی ایله

اون آلتنجی باب

میراثك حکملری

برنجی فصل

احتیاطی تدبیرلر

ماده : ۵۳۱ — متوفانك صو ك اقامکاهی صلح حاکمی ، ترکه نك محافظه سی و حق صاحب لرینه وصولنی تأمین ایچون لازم کلن تدبیرلری دوغرو دن دوغرو یه یا عماغه مجبوردر . بو تدبیرلر بالخاصه قانونده معین حاللرده ترکه کی مهرله مک ، دفتره کچیرمك دوغرو دن دوغرو یه اداره وصیتنامه لری آحق کبی شیلدر .

متوفی اقامتگاهك غیری بر محله وفات ایدهرسه بو محل صلح حاکمی ، متوفانك اقامتگاهی صلح حاکمنه کیفیتی خبر ویرمکله برابر کندی دائره سنده کی ماللرک محافظه سی ایچون لازم کلن تدبیری یاپار .

ماده : ۵۳۲ — آشاغیده کی سبیلردن برینك محققنده صلح حاکمی ترکه کی مهرلر و دفترلرینی یاپار :

۱ — میراثچیلردن بری وصایت آلتنه آلینمش ایسه و یا آلینماسی ایجاب ایدرسه .

۲ — وکیل اولمایان بر میراثچینك غیوبتی حالنده .

۳ — میراثچیلردن وعلاقه دارلردن برینك طلبی اوزرینه

مهرله مک ، دفتر
طوعه

دفتری یا بجه معامله سی، تاریخ وفاتن اعتباراً بر آئی ایچنده
اکمال اولونور .

ماده : ۵۳۳ — آشاغیده کی حالدرده صلح حاکمی
میراثک دوغروندن دوغروییه اداره سنی امر ایدر .

۱ — وکیل تعیین ایتهدن غیوبت ایدن میراثچینک
منفعتی استلزام ایدیورسه اونک حصه سی حقنده .

۲ — میراثه استحقاق ادعا ایدنلردن هیچ بری صفتی
تأیید ایدنه جک دلیل کوستره دیکی یاخود میراثچی بولونوب
بولونمادیغی شبهه لی اولدیغی تقدیرده ترکه حقنده .

۳ — متوفانک بوتون میراثچیلری معلوم اولمازسه کذلک
ترکه حقنده .

۴ — قانوناً معین اولان دیگر حالدرده .

متوفا ، وصیتک اجراسنه بریسنی مأمور ایتمش ایسه
میراثک اداره سی بومأموره حواله ایدیلیر .

وصایت آلتنده کی کیمسه نك وفاتی حالنده ترکه سی
خلافه بر حکم اولمادجه وصی طرفندن اداره ایدیلیر .

ماده : ۵۳۴ — صلح حاکمنجه ، متوفانک میراثچیس
بولونوب بولونمادیغی تحقق ایتیز یاخود میراثچیلرک عددی
تعیین ایدنه مزسه ؛ اوج آئی ایچنده صفتلرینی بیان ایتک
اوزره علاقه دارلر ، اعلانله دعوت ایدیلیر .

بومدت ایچنده صلح حاکمنه هیچ بر مراجعت واقع
اولماز و میراثچیلرک موجودیتی ثابت اولمازسه ، میراث ،
خزینیه انتقال ایدر . بونکله برابر میراث سببی ایله

ترکه نك رسماً
اداره سی
عمومی صورتده

میراثچیلر مجهول
ایسه

استحقاق دعواسی حق محفوظدر .

ماده : ۵۳۵ — وفات زماننده چیقان وصیتنامه وصیتنامه نك آچیلما سی
بطلانی استلزام ایدن برنقیصه ایله معلول کورولسه بیله
همان صلح محکمه سنه ویریلیر .

وصیتنامه یی تنظیم ویا حفظ ایدن دائره ویا حفظی درعهده
ایدن ویا متوفانک اوراقی آراسنده بولان هر شخص ،
بووجیه یی ایفا ایله مکلفدر .

صلح حاکمی ، وصیتنامه نك کندیسنه تودیغنی متعاقب
قانونی میراثچیلرک امواله موقتاً وضع ید ایتهلرینه مساعدده
یاخود رسماً اداره سنی امر ایدر . ممکن ایسه علاقه دارلر
دیگله نیر .

ماده : ۵۳۶ — صلح محکمه سی ؛ وصیتنامه یی ، تسلیم
ایتدیکی تاریخندن اعتباراً نهایت بر آئی ایچنده آچار . وصیتنامه
آچیلیر ایکن معلوم اولان میراثچیلر دعوت ایدیلیر .

متوفا ، متعدد وصیتنامه لر براقش ایسه هپسی صوک
اقامتگاهی صلح محکمه سنه ویریلیر و اوراده آچیلیر .

ماده : ۵۳۷ — میراثده حق صاحبی اولانلرک هر برینه
مصرفی ترکه یه عائد اولمق اوزره وصیتنامه دن کندیلرینه
تعلق ایدن قسملرک رسمی بر صورتی ، حاکم طرفندن
تبلیغ ایدیلیر .

وصیتنامه ده کندیلرینه متعلق حکملر بولونوبده اقامتگاهی
معلوم اولمایانلر ، رسمی بر اعلان ایله کیفیتدن خبردار
ایدیلیر .

مدت و دعوت

علاقه دارلره تبلیغ

ماده: ۵۳۸ — وصیتنامه ده میراثچی نصب ایدیلش اولوبده حقاری قانونی میراثچیلر یاخود مقدم بر تصرف ایله لهلرینه تبرع واقع اولانلر طرفندن صراحة اعتراضه اوغرامایان کیمسه لر، تبلیغ تاریخندن اعتباراً بر آی کچد کدن صوکر ا میراثچیلر صفتلری حقنده آلرینه رسمی بروثیقه ویریله سنی، صلح حاکمندن ایسته یه بیلیر. هر نوع بطلان و میراث سببی ایله استحقاق دعوالری حق محفوظدر.

ایکینجی فصل

میراثی اکتساب

اکتساب، میراثچیلر

ماده: ۵۳۹ — میراث آچیلنجه، میراثچیلر اونک تاممنه صاحب اولورلر. قانونده آچیقجه یازیلی ماللر مستثنا اولمق اوزره، متوفانک آلا جقلری و بالجه حقاری و ذی الید بولوندیغی ماللری، میراثچیلرینه انتقال ایدر و بومیراثچیلر متوفانک بورجلرندن شخصاً مسؤل اولورلر.

منصوب میراثچیلرک اکتسابی، کندیلرینی نصب ایدن متوفانک وفاتندن باشلار. قانونی میراثچیلر، ذی الیدلک حکملرینه توفیقاً منصوب میراثچیلرک حصهلرینی تسلیمه مجبوردرلر.

انتفاع حق صاحبیلری

ماده: ۵۴۰ — قاری قوجادن حیاتده قالانه و بویوک بابا ایله بویوک آنانک بابا و آنالری ایله قارده شلرینه عائد اولان قانونی انتفاع حق، آلا جقلیلرک حقارینی استیفایه

مانع اولماق اوزره میراثک آچیلماسی تاریخندن اعتباراً، عینی حقلرک حکملرینه تابعدر.

ماده: ۵۴۱ — کندیسنه معین برشی وصیت ایدیلن کیمسه، بو وصیتی ایفا ایله مکلف اولان وارسه اوکا، یوقسه قانونی و منصوب میراثچیلره قارشی دعوا اقامه سی حقنه مالکدر. بوحق دعواسی، وصیتچینک خلافی قصد ایتدیکی وصیتنامه دن آکلا شیلما دجه وصیت اولونان شیئی تسلیم ایله مکلف اولان کیمسه نک میراثی قبول ایتدیکی و یارد ایدر بیلیمک حقنک ساقط اولدیغی تاریخدن باشلار. لهنه وصیت یاپیلانه قارشی کندیلرینه ترتب ایدن و حیه لری ایفا اتمه ین میراثچیلر علیه، وصیت ایدیلن معین شیلرک تسلیمی دعواسی اقامه ایدیله جکی کبی وصیت اولونان شی هر هانکی بر تصرفی اجرا ایسه مادی تضمینات دعواسی دخی اقامه اولونا بیلیر.

موضوعی

ماده: ۵۴۲ — متوفاتصرفنده خلافی تصریح ایتمه دجه انتفاع حقنه ویا ایراده ویا معین مدتلرده تأدییه یاپیلما سنه دائر اولان وصیتلر، عینی حقلر و و حیه لرک حکملرینه تابعدر.

وصیت اولونان شی، متوفانک کندی اولومنه قارشی عقد ایتدیکی برسیغورطه نک بدلی ایسه؛ لهنه وصیت یاپیلان کیمسه حقوقی دوغرودن دوغرویه سیغورطه جیدن دعوا ایدر بیلیر.

آلاجاقليلرك حقارى ماده : ۵۴۳ — متوفانك آلاجاقليلرينك حقارى ،
كنديلرينه معين شى وصيت اولونان كيمسه لك حقارينه
تقسم ايدەر .

ميراثى قيدسز و شرطسز قبول ايدەن ميراثچينك شخصى
آلاجاقليلرى ، متوفانك آلاجاقليلرى كى حقوقى حائز
اولورلر .

تنقيص ماده : ۵۴۴ — وصيت اولونان شيلرى تسليمدن
صو كرا اولجه معلوملرى اولمايان تر كه بورجنى اوده ين
ميراثچيلر ، وصيت اولونان شيلردن تنقيص ايدە بيله جكلرى
مقدارلرى ، لهنه وصيت ياپيلانلردن متناسباً كيرى آلا بيليرلر .
شوقادار كه لهنه وصيت ياپيلانلر استرداد دعواسنك اقامه
ايديلديكى كونده وصيت اولونان شيدن و يا حاصلاتندن
آلارنده قالان مقداردن فضله سى ايله مطالب اولمازلر .

ماده : ۴۴۵ — قانونى و منصوب ميراثچيلر ، ميراثى
رد ايدە بيليرلر . متوفانك وفاى آنده تر كه لك بورجه
مستغرق اولدينى شايع و يا ثابت اولورسه ، ميراث رد
ايديش اولور .

ماده : ۵۴۶ — ميراث ، اوچ آي ايچنده ردا اولونا بيلير .
بو مدت ، قانونى ميراثچى ايچون ميراثچيلغه صو كرادن
مطلع اولدينى اثبات ايدە مەديكى تقديرده مورثك وفاتندن
خبردار اولدينى كوندن و منصوب ميراثچى ايچون لهنده كى
تصرفك كنديسنه رسماً بيلديرلديكى تاريخدن باشلار .

ماده : ۵۴۷ — تر كه ، احتياطى بر تدبير اولارق
احتياطى دفتر طوته ده
مبدأ دفتره كچيريش ايسه ، رد مدتى بوتون ميراثچيلر ايچون
دفتره كچيريله لك ختام بولدينى صلح محكمه سنجه كنديلرينه
بيلديرلديكى كوندن باشلار .

ماده : ۵۴۸ — ميراثى ردا ايمه دن وفات ايدەن ميراثچينك
رد حقى ، كندى ميراثچيسنه انتقال ايدەر . بو تقديرده
بو ميراثچينك رد مدتى ، برنجى ميراثك كندى مورثه
انتقاله مطلع اولدينى كوندن باشلار . شوقادار كه كندى
مورثك ميراثه قارشى حائز اولدينى رد مدتى منقضى
اولمادن ختام بولماز . رد ايديلن ميراث اولجه حقى اولمايان
بر ميراثچى به انتقال ايدە رسه بو ميراثچى ايچون مدت ،
ميراثك ردينه مطلع اولدينى كوندن باشلار .

ماده : ۵۴۹ — ميراثى ردا ايدەن ميراثچينك ، كيفيتى
ردك شكلى صلح محكمه سنه تحريراً و ياشفاهاً بيان ايمه سى لازمدر . بو
رد قيدسز و شرطسز اولمايدير .
صلح محكمه سى ، ردى تسجيل ايدەر .

ماده : ۵۵۰ — مدتى ايچنده رد ايمه ين ميراثچى ،
رد حقندن محروميت
ميراثى ، قيدسز و شرطسز اكتساب ايتمش اولور . مدت
ختامندن اول على العاده اداره لك و ميراثه عائد ايشلرى
ادامه لك استلزام ايمه ديكي رعايله يى ياپان و تر كه دن برمالى
ذمتنه كچيره ن و يا كتم ايدەن ميراثچى ، ميراثى رد ايتك
حقندن محرومدر .

ماده : ۵۵۱ — اولومه باغلى بر تصرفده بولونمقسز ين
رد ايدەن ميراثچينك

حصه سی

وفات ایدهن کیمسه نك میراثچیلرندن بری ، میراثی رد ایدهرسه بونك حصه سی مورثك وفاتنده حیاتده ده کیل ایش کیجی دیگر میراثچیلره انتقال ایدهر .
أولومه باغلی بر تصرف بولونوبده ، خلافتنه بر قیدی احتوا ایتهدیکی تقدیرده میراثی ردایدن منصوب میراثچینك حصه سی ، متوفانك أك یاقین قانونی میراثچیسنه ، انتقال ایدهر .



أك یاقین بوتون
میراثچیلرک ردی

ماده : ۵۵۲ — أك یاقین قانونی میراثچیلرک جمه سی طرفندن رد اولونان میراث ، صلح محکمه سنجه قاری قوجادن صاغ اولانه تبلیغ اولونور واونك طرفندن آنجاق برآی ایچنده میراث قبول اولونابیلیر .

قاری قوجادن صاغ
قالانك حق

ماده : ۵۵۳ — میراث فروعلرک جمه سی طرفندن ردایدیش ايسه ، رد کیفیتی صلح محکمه سنجه قاری قوجادن صاغ اولانه تبلیغ اولونور واونك طرفندن آنجاق برآی ایچنده میراث قبول اولونابیلیر .

مادون درجه لهنه

ماده : ۵۵۴ — میراثی ردایدن میراثچیلر ، کندیلیرینی ولی ایدهن درجه ده کی میراثچیلرک تصفیهدن اول میراثی قبول ویا ردایتمکه دعوت اولونمالیرینی طلب ایدهبیلیرلر . بویله بر طلب وقوعنده ، رد کیفیتی او میراثچیلره رسماً تبلیغ ایدیلیر . و برآی ظرفنده هیچ برینك قبول ایتهمه سی میراثك اونلر طرفندن دخی ردی ، حکمنده اولور .

مدتك تمیدی

ماده : ۵۵۵ — صلح محکمه سی ، محق بر سبب

موجود ايسه منصوب ویا قانونی میراثچیلرک رد مدتی تمید ویا یکی بر مدت تعیین ایدهبیلیر .

ماده : ۵۵۶ — وصیت اولونان معین شی رد اولوندیعی وصیت اولونان معین شیشك ردی تقدیرده ، وصیتچینك تصرفندن خلاقی آ کلاشیلما دقجه ؛ وصیت اولونان شی ، اونی ایفا ایله مکلف اولان کیمسه نك اولور .

ماده : ۵۵۷ — موجودی بورجنه یتمین میراثچی ، آلاجاقلیلیرینی اضراقصدیه میراثی ردایدهرسه ؛ آلاجاقلیلری وافلاس تقدیرنده ماصه سی ، کندیلیرینه تأمینات ویریله . دجه بورده قارشى اوچ آی مدت ظرفنده اعتراض ایدهبیلیرلر . ردك ابطالنه حکم اولونورسه میراث رسماً تصفیهدن اولونور . بوضورتله تصفیهدن ایدیلن میراثدن میراثچینك حصه سینه برشی اصابت ایدهرسه بوندن اولان رده اعتراض ایدهن آلاجاقلیلرک ثانیاً دیگر آلاجاقلیلرک آلاجاقلری تسویه اولونور . آرتارسه ، رد لهنه واقع اولان میراثچی به عائد اولور .

ماده : ۵۵۸ — موجودی بورجنه یتمین ترکه نك رد حالنده مسئولیت آلاجاقلیلری ، متوفادن ، وفاتندن اولکی صوك بش سینه ظرفنده میراثك تقسیمنده اعاده یه تابع بر مال آیش و میراثی رد ایش اولان میراثچی علیه استداده عواسی اقامه ایدهبیلیرلر . اولمه اشناسنده عادت اوزره ویریلن یاخود تربیه و تعلیم ایچون صرف اولونان شیلرک استردادینی

هیچ بر صورتله دعوا ایده مزلر. حسن نیت صاحی اولان
میراثچیلر، آلدقلى مالک ویا حاصلاتک آنجاقلرند
قالان مقداريله مسئول اولورلر .

ارميجی فصل

دفتر طومه طلبی

ماده ۵۵۹ — میراثی رد ایتک حقنى حائز اولان
هر میراثچی، دفتر طومه طلبنده بولونایلیر . بوطلب،
میراثی رد ایچون معین اولان مدتک جریاندن اعتباراً
برآی ایچنده، رد حقنده کی حکملره کوره یایلیر . دفتر
طومه ایچون میراثچیلردن یالکز برینک طلبی کافیدر .
ماده ۵۶۰ — دفتر، صلح محکمه سنجه یایلیر و میراثک
موجوديله آلاجاقل و بورج مفرداتی و هر مالک تقدیر
اولوناچق قیمتی یازیلیر . متوفانک میراثی حقنده معلوماتی
اولان علاقه دار، صلح محکمه سنجه طلب وقوعنده معلومات
ویرمهک مجبوردرلر . مقبول رسبیه مستند اولمقسنزین معلومات
ویرمکدن امتناع ایده نلر، بویوزدن تولدایده جک ضرری
تضمین ايله مکلفدرلر . خصوصيله میراثچیلر، ترکه نك
کندیله نجه معلوم اولان بورجنى خبر ویرمهک مجبوردرلر .
ماده ۵۶۱ — صلح محکمه سى، متوفانک آلاجاقلیلریله
بورجلیلرینی، معین بر مدت ظرفنده آلاجاقلرینی و بورجلیرینی

شرطاری

دفتر طومه معامله سى
ودقتره کچه جک شیلر

اعلان طریقيله دعوت

قید و بیانه دعوت ایچون، اعلان صورتيله، تبلیغاته بولونور
و بودعوتیه اجابت ایتمه نك نتیجه لری حقنده آلاجاقلیلرک
نظر دقتنی جلب ایدر . دعوت، کفالت سببی ايله آلاجاقلی
اولانلر ده شاملدر .

اشبو مدت، ایلک اعلاندن اعتباراً ک آشاغی برآیدر .

ماده ۵۶۲ — رسمی قیدلردن یا خود متوفانک
اوراقدن آلاشیلان آلاچق و بورجلر دوغروندن
دوغرویه دقتره کچیریلیر و کیفیت آلاجاقلیلره و بورجلیلره
بیلدیریلیر .

ماده ۵۶۳ — معین مدتک ختامنده دفتر طومه
معامله سنه نهایت ویریلیر . طوتولان دفتر، علاقه دارلر
طرفندن تدقیق اولونایلیر . تدقیق ایچون تعیین اولوناچق
مدت ک آشاغی برآیدر . دفتر طومه مصرفی، ترکه دن
أوده نیر . یتیشمزسه، دفتر طومه نی طلب ایدن میراثچی
طرفندن ویریلیر .

ماده ۵۶۴ — دفتر طومه معامله سنک دوامی مدتیجه
آنجاچق تراخیسی ترکه حقنده ضرری موجب اولان اداری
تصرفلر یاپیلایلیر . متوفایه عائد ایشلرک، میراثچیلردن
بری طرفندن کورولم سنه صالح محکمه سنجه مساعده
ایدیلیرسه، دیگر میراثچیلر تأمینات ایستیه بیلرلر .

ماده ۵۶۵ — دفتر طومه معامله سنک دوامی مدتیجه
ترکه نك بورجلری حقنده اجراجه تعقیباب یاپیلاماز و بو
خصوصده مرور زمان ایشله مز .

دوغروندن دوغرویه
دفتر طومه

دفتر طومه نك نهایتی،
تدقیق، مصرفی

دفتر طومه اثناسنده
میراثچیلرک وضعیتی

اجرائی تعقیبات
مرور زمان ودعوا

مستعجل مواد مستثنا اولمق اوزره ؛ اقامه ایدیلش بولونان دعوالر تعلیق اولونور . یکیدن دعوا اقامه اولوناماز .

ماده : ۵۶۶ — دفتر طوتمه معامله سنه نهایت ویریلد . کدن سوکرا میراثچیلردن هربری برآی ظرفنده رد ویا قبول خصوصنده برقرار اتخاذینه دعوت ایدیلیر . صالح محکمه سی یکیدن قیمت تقدیری ویا اختلافک حلی کبی خصوصلرده حالک ایجابنه کوره اشو مدتی آرتیرایلیر .

ماده : ۵۶۷ — میراثچیلردن هربری ، معین مدت ایچنده میراثی رده ویا طوتولان دفتر موجبنجه ویا مطلق صورتده قبوله یا خود رسمی تصفیه طلبنه صلاحیتداردر . سکوت ، طوتولان دفتر موجبنجه قبول صاییلیر .

ماده : ۵۶۸ — طوتولان دفتر موجبنجه قبول حالنده ترکه ، دفترده یازیلی بورجلر ایله برابر میراثچی به انتقال ایدهر و بوانتقالک حکمی میراثک آچیلدینی کوندن باشلار . بوتقدیرده میراثچی دفترده یازیلی بورجلری کرک میراثدن کرک شخصی ماللرندن اوده مه به مجبوردر .

ماده : ۵۶۹ — آلاجاقلرینی وقتیه یازدیرمایان آلاجاقلیر ، میراثچی بی نه شخصاً نه ده ترکه به اضافته تعقیب ایدهر مزلر . شوقادار که مقبول رعدر سببیه آلاجاقلرینی قید ایتدیرمه مش ویا قید ایچون مراجعت ایتدیکی حالده هر ناصلسه آلاجاغی قید اولوناماش اولان آلاجاقلی به ورشی ، میراثچی ، یالکز میراثدن کنديسنه دوشن

میراثچیلری قرار اتخاذینه دعوت مدت

میراثچینک رد و قبول حقنده کی بیاناتی

دفتر طوتمه موجبنجه قبولک حکمی

دفتر طوتمه خارجنده مسئولیت

مقدار ایله مسئولدر . مع مافیه آلاجاقل مقابلنده متوفادن رهن ویا تأمینات آلمش بولونان آلاجاقلی ، هر حالده مطلوبی رهن ویا تأمینادن استیفا ایدهر بیایر .

ماده : ۵۷۰ — متوفانک کفالت سببیه اولان کفالت سببیه مسئولیت بورجلری ، دفتر طوتمه ائناسنده آریجه قید ایدیلیر . میراثچیلر ، دفتری طوتولان میراثی مطلق اولارق قبول ایتمش اولسه لریله ، مورثک بوقیل بورجلرندن ، آنجاقل ترکه بورجنک افلاس حکملرینه کوره تصفیه سی حالنده کفاله آلاجاغلی اولانلره دوشه جک مقدار نسبتنده ، مسئول اولورلر .

ماده : ۵۷۱ — خزینیه انتقال ایدهر میراثک ؛ اصلوی دائره سنده دوغروودن دوغرویه دفتری طوتولور . خزینیه ، ترکه ک بورچندن آنجاقل کنديسنه انتقال ایدهر ماللر نسبتنده مسئول اولور .

در دنجی فصل

رسمی تصفیه

ماده : ۵۷۲ — میراثچی ، میراثی رد ویا طوتولان دفتر موجبنجه قبول ایدهر جکی یرده رسمی تصفیه طلبنده بولوبایلیر .

بو طلب ، دیگر بر میراثچینک میراثی مطلق اولارق قبولی حالنده مسموع اولماز . رسمی تصفیه حالنده میراثچیلر

شرطلری میراثچیلر ن برینک طلبی

ترکه نك بورجلرندن مسئول ده كيللردر .

ماده : ۵۷۳ — آلا جاقلريني استيفا ايدمه جكلرندن جدی سبيلره بناء اندیشه ايدن متوفانك آلا جاقليلري مراجعتله حقلريني آلاماز ويا تأمينات استحصال ايدمه مزسه مورثك وفاتی تاريخندن يا خود وصيتنامه نك آچياماسندن اعتباراً اوچ آی ظرفنده ترکه نك رسماً تصفيه سنی طلب ايدمه بيليرلر .

کنديلرينه معين شی وصيت اولونان کيمسه لر، بوکی حاللرده دخی حقلرينك محافظه سی ایچون احتیاطی تدبیرلر طلبنه مآذوندلرلر .

ماده : ۵۷۴ — رسمی تصفيه ، صلح حاکمی طرفندن اجرا اولونور . حاکم ، بو وظیفه نك ایفاسنه بر ويا متعدد کيمسه لری مأمور ايدمه بيلير .

رسمی تصفيه ، اعلان ایله تبليغ اوزره رينه ياپيلان دفتر طومه ایله باشلار . تصفيه مأموری صلح حاکمك مراقبه سی آلتنده بولونور و ميراثچيلر بو مأمور طرفندن فعل موقعه قونمش ويا قونمق اوزره بولونمش اولان تدبیرلر عليه صلح حاکمده شکایت ايدمه بيليرلر .

ماده : ۵۷۵ — رسمی تصفيه ، متوفانك ايشلرينك تسويه سی و وجيه لرينك ایفاسی ، آلا جاقلرينك تحصيلی و معين شيلره دائر وصيتك موجوده کوره ایفاسی و ایجابنده حق و تعهدلرينك محکمه جه تئیتی و ماللرينك پاره يه تحویلی خصوصلريني احتوا ايدمه . ميراثچيلر ، بازارلق شرطيله

آلا جاقليرك طلبی
اوزه رينه

اصول
اداره

على العاده تصفيه

اويوشامازلرسه متوفانك غير منقول ماللری مزایده ایله ساتيلير . ميراثچيلر ، تصفيه ایچون لزوملی اولمانان اشیا ونقودك تماماً ويا قسماً کنديلرينه توديغنی ، تصفيه ائناسنده طلب ايدمه بيليرلر .

ماده : ۵۷۶ — موجودی بورجه يتشمه ين ترکه نك افلاس اصولی ایله تصفيه تصفيه سی ، محکمه جه افلاس قاعده سنه کوره ياپيلير .

بشمی فصل

میراث سبيله استحقاق دعوا سی

ماده : ۵۷۷ — ترکه يه ويا بر قسمنه وضع يدايدمه نلره ميراث سبيله استحقاق قارشى قانونی ويا منصوب ميراثچی صفقی ایله راجح بر حقه مالک اولديغنه ذاهب اولان کيمسه ، ميراث سبی ایله استحقاق دعواسنده بولونابيلير . حاکم دعواچينك طلبی اوزه رينه حقتك محافظه سی ایچون اقتضا ايدن تدبیرلری اتخاذ ایلر . بو تدبیرلر ، تأمينات اعطاسی ويا طابو قيدينه شرح ویریله سی کيبي شيلردر .

ماده : ۵۷۸ — ميراث سبی ایله استحقاق دعوا سی ثابت اولدقده ، خصم ، يدنده بولونان مالی ذی الیدلك قاعده لرينه کوره دعواچی به ويرر . خصم ، بودعوالرده اکتساب مرور زمانی دفعنده بولوناماز .

ماده : ۵۷۹ — حسن نیت صاحبی ذی الیده قارشى ميراث سبی ایله استحقاق دعواسنك مرور زمان مدتی،

حکمی

مرور زمان

دعواچينك كندى حقك راجح اولديغنه و خصمنك ذى اليد بولونديغنه اطلاعندن اعتباراً بر سنه و هر حالده مورثك وفاتندن ويا وصيتنامهك آچيلماسندن اعتباراً اون سنه در. سوء نيت صاحبي ذى اليدرله قارشى مرور زمان مدتى ، اوتوز سنه در .

كنديسنه معين برشى
وصيت ايديلهك
استحقاق دعواسى

ماده : ۵۸۰ كنديسنه معين برشى وصيت اولونان كيمسهك اقامه ايدى چكى استحقاق دعواسنك مرور زمان مدتى ، تبرعدن خبردار ايدلديكى كوندن و اخبار زماننده هنوز ايفاسى لازم اولمايان تبرعلرده ايفانك لزومى تاريخندن اعتباراً اون سنه در .

اوريد - باب

تقسيم

برنجى فصل

تركهك تقسيمندن اولكى حالى

ماده : ۵۸۱ — ميراثچى ردن زياده ايسه ، تركهدهكى حقلر و وجيهلر تقسيمه قادار مشاع قالير. تركه ميراثچيلرك ملكى اولوب ، مقاوله ويا قانون ايله معين تمثيل و اداره حقلرى محفوظ قالمق اوزره ميراثچيلر ، بونده مشتركاً تصرف ايدى لر . ميراثچيلردن برينك طلبى اوزهرينه حاكم

انتقالك حكلرى
ميراث شركتى

تقسيمك اجراسنه قادار ميراث شر كتنه برعثل تعيين ايدى بيلير .

ماده : ۵۸۲ — ميراثچيلر ، متوفانك بورجندن متسلسلاً ميراثچيلرك مسئوليتى مسئولدرلر .

ماده : ۵۸۳ — مقاوله ويا قانون موجبجه شيعى ادامه يه مجبور اولمايان هر ميراثچى ديلاه ديكى زمان تركهك تقسيمنى ايسته يه بيلير . تصفيهك در حال اجراسى مالك قيمته اهميتلى بر نقصان ايراث ايدى جك ايسه حاكم ميراثچيلردن برينك طلبى اوزهرينه تركهك ويا برقسمنك تقسيمنى ايلرى يه ييراقا بيلير .

ميراثچيلردن برى بورجنى ادادن عاجز اولديغى تقديرده ديكرلرى ، تركه آچيلير آچيلماز حقلرينك محافظه سى ايجون ايجاب ايدن تدبيرك اتخاذهنى ، ايسته يه بيليرلر .

ماده : ۵۸۴ — ميراثچيلر آراسنده جنين وارسه ، تقسيم ، دوغماسنه ييراقيلير . آناسى نفقه يه محتاج ايسه بومدت ايجنده مشاع ماللردن استفاده حقنه مالك اولور .

ماده : ۵۸۵ — متوفانك وفاتى زماننده ياننده بولونوب اونك طرفندن بسله نه كلن ميراثچيلر ، مورثلرينك حياتنده اولديغى كى برآى دها تركهك دن انفاق و اعاشه ايديله لر ينى ايسته يه بيليرلر .

تقسيمك تأخيرى

ياشا يانلرك حقى

ایکونجی فصل

تقسیمک ناصل یاپیلاجهنی

تقسیمک عمومی حکم لری ماده: ۵۸۶ — قانونی میراثچیلر کرک کندی آرالرنده کرک منصوب میراثچیلر ایله برلکده میراثی عین قاعده لره کوره تقسیم ایدر لر . تقسیمک ناصل یاپیلاجهنی تعیین وتثبیت ایدلمه مش ایسه ، میراثچیلر ، ترکه یی دیله دک لری کبی تقسیم ایده بیلر لر .

ترکه یه عائد برماله ذی الیدویا متوفایه بورجلی بولونان میراثچی ، تقسیم اثناسنده بوخصوصه دائر واضح معلومات ویرمکه مکلفدر .

ماده: ۵۸۷ — مورث، وصیتنامه ویا میراث مقاوله سی ایله تقسیمک ناصل یاپیلاجهنه و حصه لرك تشکیله متعلق قاعده لر قویا بیلر .

حصه آراسنده، مورث طرفدن اخلاقی قصد ایدلمه مش اولان مساواتی ایجابنده تأمین خصوصی محفوظ قالمق شرطیله ، میراثچیلر ، اشبو قاعده لره رعایتله مکلفدر . وصیتنامه ده ویا میراث مقاوله سنده خلاقی شرط قیلنما دجه؛ ترکه دن بر مالک میراثچیلردن برینه تخصیصی ، وصیت حکمنده طوتولمایوب ، تقسیمک اجراسی صورتی بیانه حمل اولونور .

ماده: ۵۸۸ — بر میراثچی یه دوشن حصه یی تملک ویا حجز ایدن یا خود او میراثچی علیه بورجی اوده مکدن محکمه نك بورجلی بر میراثچی مقامنه قائم

عجزه دائر اجرا وثیقه سی استحصال ایله یین آلاجهلی ، حاکمک ، میراثچی برینه قائم اولان تقسیمه اشتراکنی، ایسته یه بیلر .

ماده: ۵۸۹ — خلاقه بر حکم بولونما دجه، میراثچیلر ترکه ماللرنده عینی حقوقی حائزدر لر . میراثچیلر ، متوفا ایله بینلرنده کی مناسبتلره متعلق اولوب تقسیمک مساوات وعدالت دائره سنده اجراسنه یارایان هر تورلو معلوماتی بربرینه ویرمکه مکلفدر لر . میراثچیلردن هر بری، بورجلرك تقسیمندن اول تأدییه سنی ویا تأمیناته باغلا نماسنی ایسته یه بیلر .

ماده: ۵۹۰ — حصه لر ، میراثچیلردن صاغ اولانلر ایله استخلاف ایدیلر نلرك عددنجه تشکیل اولونور . میراثچیلر او یوشامازلر سه ، اچلرندن هر هانکی بری ، حصه لرك محکمه جه تشکیل ایدیلر سنی طلب ایده بیلر . حصه لرك تشکیله ، محکمه محلی عادت لری ، میراثچیلرك حال و شانلرینی واکثریتک آرزولرینی نظراعتباره آلیر . حصه لرك تخصیصی، میراثچیلرك کندی آرالرنده او یوشاماسیله اولور . بو ممکن اولما زسه ، قرعه چکیلر .

ماده: ۵۹۱ — قیمت لری نه اهمیتلی بر نقصان عارض اولمقسزین تقسیمی قابل اولمایان مال ، میراثچیلردن برینه تخصیص اولونور . تقسیم ویا تخصیصنده میراثچیلرك او یوشامادقلری ماللر صاتیلوب بدلی تقسیم ایدیلر . بعض ترکه ماللرینک تخصیصی ویا صاتیلماسی

میراثچیلر اتفاق ایدمهزلرسه صالح حاکمی مزایدنهک عمومی اولماسنه ویا میراثچیلرک آراسنده اجراسنه قرار ویریر .

ماده : ۵۹۲ — میراثچیلردن برینک مخالفتی حالنده اصل و مقصد اعتبارله بر کل تشکیل ایدنه اشیا ، تقسیم ایدیله مز . میراثچیلردن برینک مخالفتی حالنده ، عائله اوراقی و خاطره تشکیل ایدنه اشیا ، صاتیلاماز . میراثچیلر آراسنده اختلاف وقوعنده ، صالح حاکمی ، بوکی اشیانک صاتیلاماسنه یاخود محلی عادتله وعادت موجود ده کیسه میراثچیلرک حال و شانلرینه نظراً حصه سندن محسوب ایدیلک اوزره میراثچیلردن برینه تخصیصنه قرار ویره ییلیر .

ماده : ۵۹۳ — متوفانک میراثچیلردن برنده کی آلاجانگی ، او میراثچینک حصه سنه محسوب ایدیلیر .

ماده : ۵۹۴ — حصه سنه مرهون مال اصابت ایدن میراثچی ، مقابلی اولان بورجی اوده مکله مکلفدر .

ماده : ۵۹۵ — غیر منقول ماللر ، میراثچی یه تقسیم زماننده کی قیمتلریله ویریلیر .

ماده : ۵۹۶ — میراثچیلر بر غیر منقول قیمتنده اتفاق ایدمهزلرسه ، اوقیمت قطعی صورتده رسمی مختلر طرفندن تقدیر اولونور .

ماده : ۵۹۷ — ترکده اقتصادی بروحدت حالنده ایشله تیلمکده اولان زراعی ماللر بولونورسه بونلرک کافه سی ، میراثچیلردن ایشتمکده مقتدر اولدینی آکلاشیلان طالبنه ، تخصیص ایدیلیر . میراثچی بوزراعت ایشنه یارابان

بعض اشیانک تقسیمه متعلق قاعده لر کل تشکیل ایدنه اشیا غائله اوراقی ، خاطره لر

میراثچیده کی آلاجاغک محسوبی

تأمینات کوستریلن ترکه ماللری

تخصیص و تقدیر قیمت

قیمت تقدیر بنده اصول

زراعت ایشلری تقسیمدن استثنای

مالزمنهک ، آلنلرک و حیوانلرک دخی کندیسنه تخصیص ایدیله سنی ایسته یه ییلیر ، تخصیص ایدیلن ماللرک مجموعی ایچون ، نک بر قیمت تقدیر ایدیلیر .

ماده : ۵۹۸ — میراثچیلردن برینک تخصیصنه اعتراضی ویا طالبلرک بردن فضله اولماسی تقدیر بنده حاکم ، محلی عادتلری وعادت یوق ایسه وارثلرک حال و شانی نظر دفته آلهرق تخصیص حقنده قرار ویریر ویا بیعی یاخود تقسیمنی امر ایدر . ایشتمه خصوصنی بالذات اوزرینه آلمق ایسته مه یین میراثچی بوتون ماللرک ترجیحاً کندیسنه تخصیص اولونماسنی طلب ایدیه ییلیر .

متوفانک اوغللرندن هیچ بری ، ایشتمه خصوصنی بالذات اوزرینه آلمق ایسته مزسه قیزلری ویا بونلرک قوجالری ایشتمکده مقتدر اولمق شرطیله ماللرک کندیلرینه تخصیصی ایسته یه ییلیر .

ماده : ۵۹۹ — کندیسنه اقتصادی بروحدت حالنده ایشله تیلمکده اولان زراعی ماللر تخصیص ایدیلن میراثچی دیگر میراثچیلرک حصه لرینک بدلنی اوده مک ایچون زراعی غیر منقوللرک اوزرلرنده اولجه موجود تأمینات حقوقی داخل اولدینی حالده درتده اوچندن فضله سنی تأمینات کوسترمک مجبوریتنده قالیرسه ، تقسیمک تعلیقنی طلب ایدیه ییلیر . بوتقدیرده میراثچیلر ، حصه تمتع شرطیله مؤسس برعائله شرکت اموالی تشکیل ایتمس اولورلر .

تخصیصک هانکی میراثچی یه عائد اولاجنی

میراثک عائله شرکت اموالی حالنده اداره سی

شرکت اموالک نسخی ماده: ۶۰۰ — کنديسنه اقتصادي بروحدت حالنده ايشله تيلمكده اولان زراعي ماللر تخصيص ايديلن ميراثجي، ديكر ميراثجيلر ك حصه لرينك بدلني ماللريني فضله مقدارده بورج آلتنه قويمه دن اوده يه بيله جك بر حاله كليسه ؛ ميراثجيلردن هر برى ، شركت اموالك فسسخي و حصه نك اوده نهمه سنى ايسته يه بيليرلر .

ماللر كنديسنه تخصيص ايديلن ميراثجي دخي ، خلافيه مقاوله يوقسه شركتي هر زمان فسسخ ايد بيلير .

ديكر حصه لرك ناصل تأديه اولونا جنى ماده: ۶۰۱ — ماللر كنديسنه تخصيص ايديلان ميراثجي ، تقسيمك تأخيريني ايسته يه جك اولورسه ديكر ميراثجيلر ، شركت امواله كيرمك مجبوريتنده اولمايوب ، حصه لرينك تخصيص اولوان غير منقول ايله تأمين ايديلمش بر آلا جق شكلده كندينه تسليمي طلب ايد بيليرلر .

ملحق صناى ماللر ماده: ۶۰۲ — اقتصادي بروحدت حالنده ايشله - تيلمكده اولان زراعي ماللار ملحق وارسه ، هپسى رلكده ميراثجيلردن ايشتمكه اهل اولان طالبنه تخصيص اولونور . بو صناى ماللر ك قيمتي ، آريجه تقدير و ميراثجينك حصه سندن محسوب ايديلير .

ميراثجيلردن برينك تخصيصه اعتراض و ياطالبلر ك بردن فضله اولماسي تقديرنده ، حاكم ، ميراثجيلر ك حال و شاتي نظردقته آلا رق تخصيص حقدده قرار و يرير ويا بيعي يا خود تقسيمي امر ايدور .

ارميجي فصل

ميراثده اعاده

ماده: ۶۰۳ — قانوني ميراثجيلر ، ميراث حصه سنه محسوباً متوفانك صاعلغنده آلمش اولدقلى بوتون تبرعلرى ، تركيه اعاده ايله بربرلرينه قارشى مكلفدرلر . متوقاطر فندن خلافيه آحيقجه بر تبرع ياپيلمش اولمادقجه فروع لهنده بخش ايديلن جهاز ، تأسيس مصرفي بورجدين ابرا صورتيله و بوقيلدن سائر صورتلرله بخش ايدن بورجدين ابرا صورتيله و بوقيلدن سائر صورتلرله بخش ايديلن منفعتلر اعاده يه تابعدر .

ماده: ۶۰۴ — ميراثجيلردن برى ، ميراثك آچيلما - سندن اول ويا صو كرا ميراثجيلق حقنى غائب ايتديكي تقديرده او كا ترتب ايدن اعاده مكلفيتي حصه سنى آلانلره كچر . فروع كندى آلنه كچمه مش اولسه بيله اصلنه ياپيلان تبرعلرى ايله مكلفدر .

ماده: ۶۰۵ — اعاده ايله مكلف اولان ميراثجي بخيردر . ديلىر سه آلدينى مالك عينى اعاده ايدر ، ديلىر سه حصه سندن فضله اولسه قيمتي محسوب ايتديرير . متوفانك بواساسه مخالف تصرفلى و تنقيص دعوالرينه متفرع حقلر محفوظدر .

ماده: ۶۰۶ — اعاده يه تابع تبرعلر ك مقدارى ، اعاده ايله مكلف ميراثجينك ميراث حصه سنك بالغ اولدينى قيمتدن ميراث حصه سندن فضله اولان تبرعلر

زیاده اولوبده ، بوزیاده نك میراثچی به قالمه سنك متوفاجه مقصود اولدینی اثبات ایدیلیرسه ، تقیص دعواسی حتی محفوظ قالمق اوزره زیاده نك اعاده سی لازم کلمز. فرعلره اوله نیرکن معتاد درجه ده ویریلن اشیا ایله یاپیلان صرفیاتك اعاده به تابع اولماماسی ، اصلدر .

ماده : ۶۰۷ — اعاده ده ، تبرع اولونان شیلرك حسابك ناصل یاپیلاجنی میراثك آچیلدینی کونده کی قیمتلی ودها اول صاتیلمش اولانلرك صاتیس فیاتلری اساس اولور . حاصلات و صرفیاتدن ضمانی موجب اولارق عینه ویا قیمته عارض اولان نقصانلردن دولایی میراثچیلر ذی الیدك حقلرینه مالک ووجیه لری ایله مکلفدرلر .

ماده : ۶۰۸ — مورت طرفندن خلاقی قصد ایدیلش اولدینی اثبات ایدیله دجه چوجوقلرك تربیه و تحصیللری ایچون یاپیلش اولان مصارفك آنجاقت معتاد اولان مقداردن فضله سی اعاده اولونور . مورتك وفاتنده هنوز تربیه و تعلیملری اکمال ایدیله مش اولان ویا معلول بولونان چوجوقلره تقسیم ائساننده مناسب برتضمینات ویریلیر .

ماده : ۶۰۹ — معتاد اولان هدیله لر ، اعاده به تابع ده کیلدر .

ماده : ۶۱۰ — آنا بابا ایله برلکده یاشایان و عوضدن صراحة فراغت ایتکسزین کندی سعینی ویا وارداتی عائله ایچون یاپیلان قداکاراغه قارش

عائله به تخصیص ایتش اولان رشید اولاد ، تقسیم ائساننده تضمینات مناسب برتضمینات ایسته به بیلیر .

دوردرنجی فصل

تقسیمك ختامی وحکملی

ماده : ۶۱۱ — حصه لرك تشکیل و قبضنی یا خود تقسیم مقاوله سنك عقدینی متعاقب ، تقسیم ؛ میراثچیلر ایچون لزوم افاده ایدر .

تقسیم مقاوله سی ، یازیلی اولمادقجه معتبر اولماز .
ماده : ۶۱۲ — میراث حقلرینك تملیکنه متعلق میراث حصه لری حقنده میراثچیلرك بربرلریله عقد ایده جکی مقاوله لر ایله حیاتده بولونان آنا یا خود بابانك متوفی قاری وقوجاسندن اولان چوجوقلریله بوجوجوقلره متوفادن اصابت ایدن حصه نك تملیکنه متعلق عقد ایده جکلری مقاوله نك ، یازیلی اولماسی شرطدر . میراثچیلردن بریله حصه سنك تملیکنه دائر اوچنجی بر شخص آراسنده عقد ایدیلش اولان مقاوله اوچنجی شخصه ، تقسیمه مداخله حتی ویرمز . اوچنجی شخصك حتی ، آنجاقت تملیك ایدن میراثچی به آریلان حصه نك طلبنه منحصردر .

ماده : ۶۱۳ — برکیمسه نك صاعغنده میراثچیلردن برینك دیگر میراثچیلر ویا اوچنجی بر شخص ایله او کیمسه نك میراثی حقنده وکندی اشتراك وموافقتی هنوز آچیلمامش بر میراث حقنده کی مقاوله لر

اولقسزین یایدینی مقساوله لر باطل و حکمسزدر . بویه
بر مقاوله موجبنجه وقوع بولان تسلیات کری ایسته .
نه بیلیر .

ماده : ۶۱۴ — تقسیمدن صو کرا میراثچیلر ، هر
برینک حصه سنه دوشن ماللرایچون بیع حکملری موجبنجه
یکدیگرینک ضامنیدرلر . میراثچیلر ، آرالرنده تقسیم
ایتدکلری آلاجاقلرک موجودیتنی بربرلرینه قارشی ضامن
اولدقلری کیی بورسیه قبول ایدیلش اولان قیمتلی اوراق
مستثنا اولق اوزره بوا آلاجاقلر تقسیمده نه مقدار ایچون
محسوب ایدیلشلر ایسه اومقدار حقنده بورجیلرک تأدیهیه
اقتدارلرندن دخی متقابلاً علی العاده کفیلار کیی مسئولدرلر .
ضامن اولانلره قارشی دعوا حق ، تقسیمک ختامندن
وتقسیمدن صو کرا اوده نمه سی لازم مطلوبلر ایچون بولزوم
تاریخندن اعتباراً برسنه کچمکه مرور زمانه اوغرار .

ماده : ۶۱۵ — مقاوله لرهانکی سبیلرله فسخ اولونا-
بیلیرسه ، تقسیم دخی عینی سبیلرله فسخ اولونا بیلیر .

ماده : ۶۱۶ — آلاجاقلی ، آلاجاغنک انقسامنه
ویا نقلنه صراحة ویا ضمناً راضی اولمادقجه میراثچیلر
تقسیمدن صو کرا دخی ترکه نك بورجلرندن متسلسلاً
وبوتون ماللری ایله مسئولدرلر . شو قادار که بش سنه
کچنجه تسلسل قالماز . بو مدت ، تقسیمک ختامندن
وتقسیمدن صو کرا اوده نمه سی لازم مطلوبلر ایچون لزوم
تاریخندن باشلار .

میراثچیلرک بربرینه
قارشی مسئولیتی
مسئولیتدن متولد
وجیبه لر

تقسیمک فسخی

شخص ثالثره قارشی
مسئولیت
تسلسل

ماده : ۶۱۷ — اوده نمه سی کندیسنه تحمیل ایدیلش
اولمایان بر بورجی یاخود بر بورجک اوده نمه سی درعهده
ایتدیکی مقدارندن فضله سنی اوده یین میراثچی دیگر
میراثچیلره رجوع حقنی حائزدر . بو حق ، اول امرده
تقسیم اثناسنده بورجی اوده مه یی درعهده ایتش اولان
میراثچیلره قارشی استعمال اولونور . بوندن باشقا خلافه
شرط اولمادقجه ، هر بری حصه لری نسبتنده کی ترکه نك
بورجلرینی اوده مکه مکلفدرلر .

رجوع حق

دوردي كتاب

عيني حقير

برنجي قسم

ملكيت

اونه سكرنجي باب

عمومي حكملر

ملكيت حقنك عنصرلر **ماده : ۶۱۸** — برشيئه مالك اولان كيمسه، اوشيده قانون دائره سنده ديله ديكي كي تصرف ايتك حقني حازدر؛ حقسنز اولارق اوشينه وضع يد ايدن هر هانكي بر كيمسه يه قارشى استحقاق دعواسي اقامه و هر نوع مداخله يي منع ايدم بيلير .

ملكيت حقنك شمولي **ماده : ۶۱۹** — برشيئه مالك اولان كيمسه، اوشينك بوتون متمم جزؤلرينده مالك اولور. محلي عرفه كوره بر شينك اساسي بر عنصريني تشكيل ايدن اوشي تلف ويا تخريب يا خود تغيير ايديله دجه آندن آريئاسي قابل اولمايان جزؤلر او شينك متمم جزؤلريدور .

طبيعي ثمره لر **ماده : ۶۲۰** — برشيئه مالك اولان كيمسه اوشينك طبيعي ثمره لر ينه مالكدر . بر شينك معين زمانلرده

حاصل ايتديكي و عرفك اوشيندن صورت تخيصنه كوره استحصالني تجويز ايله ديكي محصوللر ، اوشينك طبيعي ثمره لر ، آريئنجيه قادار اصل شينك متمم جزؤلريدور .

ماده : ۶۲۱ — برشيئه عائد ياپيلاجق تمليك تيصر- فلرده اوشينك استئنا اولونمايان تفرعاتي داخل اولور . محلي عرفه ويا مالك صريح آرزوسنه كوره بر شينك ايشله ديئلمسي ويا محافظه سي ويا آندن استفاده اولونماسي ايچون دائمي بر طرزده تخيص اولونان و استعمالده اوشينه تابع قيلنان ويا اونكله برلشديريلن منقول اشيا اصل شينك تفرعاتيدور . اصل شيندن موقت بر زمان ايچون آريئلقله تفرعاتدن اولق صفتي زائل اولماز .

مستثناسي **ماده : ۶۲۲** — اصل شينه ذي اليد بولونان كيمسه- نك استعمالنه موقتاً تخيص ايديلن ويا آنجاق او كيمسه نك استهلاك ايتمسي ايچون مخصص ويا اصل شينك خصوصي ماهيته يابانجي اولان يا خود اوشي ايله محافظه ايچون ويا بيع ويا ايجار ايديلك مقصديله برلشديريلن منقول اشيا، تفرعات صفتي آلاماز .

ماده : ۶۲۳ — بردن زياده كيمسه لر شايعاً برشيئه مالك اولور و حصه لر بال فعل تقسيم ايديله مش بولونورسه اونلر او شينك حصه داريدرلر . بردن زياده كيمسه لر ك برشي اوزرنده ملكيتي مشترك ملكيت حصه دارلر آراسنده كي مناسبلر حصه دارلر ك شايع حصه لر بر برينه مساوي اولق اصلدر . حصه دارلردن هر بري كندي حصه سي حقنده مالك

و مكلفيتلرينى حائز اولوب حصه سنى تملك ويا ترهين ايديه بيلير . آلاچقيليرى ده بو حصه نى حجازيتديره بيليرلر .

ماده : ۶۲۴ — خلافة مقاوله اولمادقجه ، حصه دارلر مشترك ملكلرينى بالاشترك اداره ايدهرلر .

اكثریت خلافة قرار ویرمه دجه حصه دارلردن هر برى ، اوافق تفك تعميرات ايله زراعت ايشلرى كې على العاده ادارى تصرفلرى اجرايه اهلدر .

زراعت اصولك دكيشديرلمه سى ، بويوك تعميرات اجراسى كېي ده ازياده مهم اولان ادارى تصرفلر ، مشترك ملكك ياريسندن فضله سنه مالك اولان وعدد اعتباريله ده اكثرى تشكىل ايدهن حصه دارلرك رايلىرى اجتماع ائمه دجه ياپيلاماز .

ماده : ۶۲۵ — حصه دارلردن هر برى ، مشترك منفعتلر ايجون ديكر حصه دارلرى تمثيل ايديه بيلير وديكر حصه دارلرك حقلرى ايله قابل توفيق اولدقجه مشترك شيدن استفاده واونى استعمال ايدهر .

مشترك ملكى تملك ائتمك ، اونك اوزرنده عىنى برحق تأسيس ايله ملك واونك انتفاع طرزى ده كيشديرمك ايجون بو بابده بالاتفاق باشقا برقاعده قبول ايديله ديكي تقديرده بوتون حصه دارلرك موافقى شرطدر .

ماده : ۶۲۶ — مشترك ملكيته ترتيب ايدهن ويا مشترك ملكيتي تقيد ايله ن ادارى مصرفلر ، وپر كولر

ادارى تصرفلر

تملكى تصرفلر

مصرفلره و مكلفيتلره اشتراك

وسائر مكلفيتلر ، خلافة حكم يوقسه حصه لرى نسبتنده بوتون حصه دارلره عائد اولور .

حصه دارلردن برى حصه سندن فضله تاديانده بولونورسه بو فضله ايله حصه لرى نسبتنده ديكر حصه دارلردرجوع ايدهر .

ماده : ۶۲۷ — حقوقى بر تصرف موجبجه يا خود مشترك ملكيتك نهايتى تقسيم دعواسى مشترك ملكك دواملى بر مقصده تخصيص ايدلمس اولماسى حسييله شيوعاً ادامه مكلفيتى اولمادقجه حصه دارلردن هر برى ؛ تقسيم ايسته يه بيلير . تقسيم حقى ، حقوقى بر تصرفله اون سنه دن فضله بر مدت ايجون برطرف ايديله مز . تقسيم ، مناسب اولمايان بر زمانده ياپديريلاماز .

ماده : ۶۲۸ — مشترك ملكيت ؛ عىناً تقسيم ايله تقسيمك ناصل ياپيلاجنى نهايت بولاجنى كېي بدلى حصه دارلر آراسنده توزيع اولونمق اوزره بازارلق ويا مزايده صورتيله ، بيع ايله و حصه دارلردن برى ويا برقاچى طرفدن ديكرلرينه عائد حصه لرك اكتسابيله ده نهايت بولور .

حصه دارلر تقسيمك ناصل ياپيلاجنده اتفاق ايدمه . دكلرى تقديرده مشترك ملكك قيمته اهميتلى بر نقصان غارض اولمقسزين تقسيمى قابل ايسه ، حاكم عىناً تقسيمى و قابل ده كيل ايسه حصه دارلر بيتنده ويا عموم آراسنده مزايده ايله ساتيلماسنى امر ايدهر .

عىناً تقسيمده حصه لرك تعادلى تأمين ايديله مزسه عوض علاوه سيله تعديل اولونور .

اشتراک حالنده ملکیت
سبیلری
ماده : ۶۲۹ — قانون موجبجه ویا بر مقاوله ایله
اشتراک تشکیل ایدن کیمسه لر بر شیئه مالک اولورسه
هر برینک حق اوشیئک تمامه ساری اولور .

حکملى
ماده : ۶۳۰ — شریک لک حق و وظیفه لری اشتراکی
تولید ایدن قانون ویا مقاوله احکامی ایله معیندر .

خلافه بر حکم اولمادیغی حالده شریک لک حقلری
و خصوصیه مالک اولدقلری شیده تصرف صلاحیتلری
آنجا ق اتفاق ایله ویره جکلری قرار موجبجه استعمال
اولونا بیلیر .

اشتراک دوام ایتدیکی مدتجه تقسیم و شایع جزؤده تصرف
جائز دکلدر .

اشتراک حالنده کی
ملکیتک نهایتی
ماده : ۶۳۱ — اشتراک حالنده کی ملکیت، اولملک
تملیکی ویا اشتراکک زوالیه نهایت بولور . بو صورته
تقسیم ، خلافه حکم بولمادجه مشترک ملکیت حکملرینه
کوره یاپیلیر .

اون دو قوزنجی باب

غیر منقول ملکیتی

برنجی فصل

غیر منقول ملکیتک موضوعی ، اکتسابی ؛ اضاعه سی

ماده : ۶۳۲ — غیر منقول ملکیتک موضوعی ، غیر منقول ملکیتک
یرنده ثابت اولان شیلدر . بو قانونه کوره آشاغیده کی
شیلر غیر منقولدر :

۱ — اراضی .

۲ — طابو سجنده مستقل ودائمی اولق اوزره آریجه
قید ایدیلن حقلر .

۳ — معدنلر .

ماده : ۶۳۳ — غیر منقول ملکیتکی اکتساب آریجه
طابو سجنه قید، شرطدر . بونکله برابر اشغال، میراث
استملاک ، جبری اجرا طریقله ویا محکمه اعلامی ایله
بر غیر منقولی اکتساب ایدن کیمسه تسجیلدن اول
دخی اوکا مالک اولور .

فقط تسجیل مراسمی اکمال ایدیلنه دجه تملیکی تصرفده
بولوناماز .

ماده : ۶۳۴ — ملکیتی نقل ایدن عقدلر رسمی اکتساب طریقلری
شکلده یاپیلما دجه معتبر اولمازلر . اولومه باغلی تصرفلره ملکیتی نقل ایدن عقدلر

غیر منقول ملکیتک
اکتسابی
تسجیل

اولنه مقاوله لری کندیلرینه مخصوص شکلره تابعدر .

اشغال

ماده : ۶۳۵ — طاپو سجانه کوره صاحبسز برشی حاله کلدیکی آکلاشیلامایان مسجل بر غیر منقول، اشغال طریقله اکتساب اولوناماز .

مسجل اولمایان براراضینک اشغالی صاحبسز شیلره دائر اولان حکملره تابعدر .

یکی اراضینک تشکلی

ماده : ۶۳۶ — صاحبسز یرلرده بیریکمک، دولق و قایمق ویاعمومه عائدصولرک مجرا ویا سوبه لری ده کیشمک کبی بر صورتله تشکل ایدوب کندیسندن استفاده ممکن اولان اراضی دولتک ملکی اولور .

بو صورتله کندیسنه عائد بر غیر منقولدن آریلان پارچه لرک وجودینی اثبات ایدن کیمسه اونلری استرداد ایده بیلیر .

اراضینک قایماسی

ماده : ۶۳۷ — اراضینک یرندن قایماسی حدودک تعدیلنی ایجاب ایتمز .

بوصورتله بر غیر منقول اوزره رینه کچمش اولان طوپراق و سائر حقنده انقاضه و اختلاطه دائر اولان حکملر تطبیق اولونور .

مرور زمان
عادی مرور زمان

ماده : ۶۳۸ محق بر سبب یوق ایکن طاپوسجلینده عهده سنه مالک صفتی ایله مقید بولونان بر غیر منقولی فاصله سز و نزاعسز اون سنه مدتله و حسن نیتله یدنده بولوندیران کیمسه نک او غیر منقولک اوزره رنده کی حقنه اعتراض اولوناماز .

ماده : ۶۳۹ — طاپو سجلینده مقید اولمایان بر غیر فوق العاده مرور زمان منقولی نزاعسز و فاصله سز یکر می سنه مدتله و مالک صفتی ایله یدنده بولوندیرمش اولان کیمسه او غیر منقولک کندی ملکی اولمق اوزره تسجیلی طلبنده بولونابیلیر .

طاپو سجلیندن مالکی کیم اولدیغی آکلاشیلامایان ویا یکر می سنه اول وفات ایتمش یا خود غائبکنه حکم ویریش بر کیمسه نک عهده سنده مقید اولان بر غیر منقولی عینی شرائط آلتنده یدنده بولوندیران کیمسه دخی او غیر منقولک ملکی اولمق اوزره تسجیلنی طلب ایده بیلیر . تسجیل آنجا ق حاکمک امریله اولور .

مدتله

مدتک حسابی
انقطاعی - تعطیلی

ماده : ۶۴۰ — یوقاریکی ماده لرده بیان اولونان اکتسابی مرور زمان مدتک کرک حسابنده کرک انقطاع و تعطیلنده ، آلا جق مرور زماننده جاری اولان حکملر تطبیق اولونور .

ماده : ۶۴۱ — صاحبسز شیلر ایله منفعتی عمومه صاحبسز شیلر و عمومه عائد اولان ماللر دولتک حکم و تصرفی آلتنده در . خلاقی ثابت اولماد قیجه منفعتی عمومه عائد صولر ایله زراعته آلو- یریشلی اولمایان یرلر، قایالر، تپه لر داغلو و اونلردن چیقان قاینالقر کیمسه نک ملکی ده کیلدر . صاحبسز شیلرک احراز و اشغالی ، یوللر و میدانلر ، آقار صولر ایله یا تاقلری کبی منفعتی عمومه عائد ماللرک ایشله دیلمه سی واستعمالی حقنده احکام مخصوصه وضع اولونور .

عائد ماللر

تسجيل طلب حق

ماده : ۶۴۲ — بر شئنه تملك ايتك حقنى هبه كى برسيله ا كتساب ايتش اولان ، تسجيل معامله سنك اجراسنى مالكنندن طلب ايدى بيلير . امتناع حالنده ملكيت كنديسنه عايدينه قرار و يريله سنى حاكمدن ايسته يه بيلير . احراز و اشغال ، انتقال ، استملاك ، جبرى اجرا ومحكمه اعلاميله بر غير منقولك ملكيتنى ا كتساب ايدى كيمسه ، دوغروندن دوغرويه تسجيل معامله سنى ياپدى راي بيلير . قارى قوجا ماللىرى حقنده كى اصول ايجابى اولارق وقوع بولان ملكيت تبدللىرى سجل مخصوصه قيد و اعلان ايديله سنى متعاقب راساً طابو سجلنده قيد اولونور .

غير منقول ملكيتك
اضاعه سى

ماده : ۶۴۳ — غير منقولك ملكيتى ، سجل قيدى نك ترقينى ويا غير منقولك تماميله ضياعى حالنده زائل اولور . منفعت عامه ايجون ياپيلان استملاك حالنده ملكيت نه وقت زائل اولاجنى قانون مخصوص ايله معيندر .

ايكچى فصل

غير منقول ملكيتك حكملىرى

غير منقول ملكيتك
شمولى

ماده : ۶۴۴ — برارضه مالك اولوق اوني استعمالده فائده لى اولاجق درجه ده آلتنه و اوستنه مالك اولمى تضمن ايدى .

قانونى قييدلر مستثنا اولوق اوزره بوملكيت ، ياپيلان و ديكيلىن شيلرى و قايناقلرى دخی شامل اولور .

حدود

ماده : ۶۴۵ — غير منقولك حدودى پلان واراض اوزره رينه قونيلان اشارتلىر ايله تعيين اولونور . پلانده كى حدود ايله ارض اوزرنده كى حدود بربرينى طوتمازسه اصل اولان پلانده كى حدوددر .

تحييد وجيبه سى

ماده : ۶۴۶ — حدودى بللى اولمايان اراضيه مالك اولان كيمسه قوموشوسنك طلبى اوزره رينه كرك پلانك تصحيحى كرك ارض اوزره رينه اشارتلىر قونولماسى صور-تيله حدودك تعيينى ايجون ديكرينه يارديم ايتكه مجبوردر .

تحييد ايدى ن شيلرك
حكى

ماده : ۶۴۷ — ديوار ، چيت ، پارمقلى كيبى ايكي غير منقولى بربرندن آيران شيلرك ملكيتنده اصل اولان ؛ هرايكي قومشو آراسنده مشترك اولمقدر .

عرصه اوزرینه
انشاآت
عرصه و لوازم
ملكيت

ماده : ۶۴۸ — بر كيمسه باشقاسنك انشاآت لوازميله كندى عرصه سى اوزره رينه يا خود كندى لوازميله باشقاسنك عرصه سى اوزره رينه بنا ياپمش اولسه بولوازم ، عرصه نك متمم جزؤى اولور . شوقادار كه لوازم ، مالك رضاسى اولقسزىن آلنوب قوللانيلمش ايسه قلعى فاحش برضررى مؤدى اولمادقچه مالكى آنى قلع ايله استردادىنى طلب ايدى بيلير . و مصارفى عرصه صاحبنه عائد اولور .

اكر بنا عرصه صاحبنك رضاسى اولقسزىن لوازم صاحبي طرفندن ياپيلمش ايسه قلعى فاحش برضررى مؤدى اولمادقچه عرصه صاحبي قلعنى ايسته يه بيلير . و مصارفى لوازم صاحبنه عائد اولور .

تضمینات

ماده : ۶۴۹ — ایدیه قلع اولونمادینی تقدیرده عرصه صاحبی انشآت لوازمه مقابل محق بر تضمینات ویرمه مجبوردر . عرصه صاحبی انشآت سوی نیتله یامش ایسه دیگر طرفک بوتون ضررینی تضمین ایله محکوم ایدیلیر . اکر بنا لوازم صاحبی طرفدن سوء نیتله یاپیلمش ایسه عرصه صاحبک لوازم ایچون ویره جکی تضمینات لوازمک اک آز قیمتنی کچمه یه بیلیر .

ماده : ۶۵۰ — بنالک قیمت آچیقجه عرصه نک قیمتدن زیاد ایسه حسن نیتله حرکت ایدن لوازم صاحبی محق بر تضمینات مقابلنده مجموعنک ملکیتک کندیسنه ویریله . سنی ایسته یه بیلیر .

بنا صاحبک عرصه بی
تملک ایدیه بیلیمه سی

ماده : ۶۵۱ — یاننده کی عرصه یه تجاوز ایتمش اولان انشآت و اعمالات ، بونلری یاپان کیمسه نک او عرصه اوزه رنده عینی بر حق وارسه ؛ بونلر او کیمسه نک عرصه سنک متمم جزوی اولور و تجاوز ایدن قسمی ارتفاق حق اولمق اوزره طابو سجانه قید ایدیلیر . بوندن متضرر اولان عرصه صاحبی تجاوززه مطلع اولدینی تار - یخدن اعتباراً اون بش کون ایچنده اعتراض ایتمه مش ایسه انشآت حسن نیتله یاپیلدینی و ایجاب حالی مساعد بولوندینی تقدیرده انشآت یاپان کیمسه محق بر تضمینات مقابلنده تجاوز ایتدیکی محل اوزه رنده کندیسنه عینی برحق ویریله سنی و یا او محل ملکیتک کندیسنه عایدتک طاینماسنی ایسته یه بیلیر .

باشقاسنک عرصه سنه
تجاوز ایدن انشآت

ماده : ۶۵۲ — بر عرصه نک آلتنده ویا اوستنده یاپیلان یاخود اونکله دواملی بر صورتده برلشدیریلن انشآت و اعمالات طابو سجانه ارتفاق حق دییه تسجیل ایدیلک اوزره باشقا برمالکک ملکی اولابیلیر . بر اولک مختلف قاتلری اوست حق تشکیلنه موضوع اولاماز .

ماده : ۶۵۳ — الکتریک ، غاز ، صوکی شیلرک مجرالری هانکی ارض ایچون تأسیس اولونمشلرایسه اونک خارجنده بولونمش اولسلر بیله خلافتنه بر حکم اولمادجه آنلر هانکی صنای تشنک اثری ایسلر آلک تفرعاتی و صاحبک ملکی نظریله باقیلیر . بو مجرالری تأسیس حق ، قومشولق مناسبتلرینه متعلق حکملر ایجابندن اولمادینی تقدیرده ارتفاق حقنه مستنداً تأسیس ایدلمش اولمادجه باشقاسنک عرصه سنی عینی بر حق ایله تقید ایتمش اولماز . اکر مجرا آچیقده ده کیلسه ارتفاق حق ، طابو سجانه قید اولونمقله تأسیس اولونور ؛ آچیقده ایسه ارتفاق حق مجرانک یاپیلماسیله تأسیس ایتمش اولور .

ماده : ۶۵۴ — تملکی قالمق مقصدی اولمقسزین باشقاسنک عرصه سی اوزرینه یاپیلان قولوبه وباراقه کیی خفیف بنالر ، انشا ایدنه نک ملکی اولور و طابو سجانه قید اولونماز .

ماده : ۶۵۵ — بر کیمسه باشقاسنک فداتی کندی تارلاسنه یاخود کندی فداتی باشقاسنک تارلاسنه دیگرسه

دیکیلن شیلر

علاقه دار اولان کیمسه لر باشقاسنک لوازمی ایله کندی عرصه سنده ویا کندی لوازمیله باشقاسنک عرصه سنده بنا یا یمق ویا منقول بر انشا آتده بولونمق حاللرندۀ علاقۀ دار کیمسه لرک حققرینی حائر و وجیه لری ایله مکلفدرلر . آغاچلر و اورمانلر اوزه رنده اوست حتی تأسیسی ممنوعدر .

مالکک مسئولیتی

ماده : ۶۵۶ — بر مالکک حقنی تجاوز ایتمه سندن دولایی بر ضرره اوغرایان ویا اوغرامق تهله کسندۀ بولنان کیمسه اسکی حالک اعاده سنی ویا تهله کسک ازاله سی ایچون لازم کلن تدبیرلرک یا یلماسنی طلب ایدۀ بیلیر و اوغرا دیغی ضرر و زیانی آریجه تضمین ایتدیره بیلیر .

غیر منقول ملکیتک
تقییدلری

ماده : ۶۵۷ — ملکیتک قانونی تقییدلری طابو سجله قیده حاجت اولمق سزین معتبر اولور . بوتقییدلر ، آنجاق رسمی بر سندله و طابو سجله قید ایله الغا ویا تبدیل اولونا بیلیر . عامه نک منفعتی ایچون وضع اولونان تقییدلر تعدیل والغا اولونا ماز .

ملکیت حقنک تقییدلری
شفعه
مقاوله دن متولد شفعه

ماده : ۶۵۸ — مقاوله دن متولد شفعه حتی ، طابو سجله شرح ویریلدیکی صورتده بو شرحده تعیین اولونان مدت ظرفنده و سجله کوستریلن شرطلر دائره سنده هر هانکی بر مالکک قارشى درمیان اولونا بیلیر .

سجله شرط کوستریله مش ایسه غیر منقولک مدعی علیه صایشندۀ کی شرطه اعتبار اولونور . مشفوع ، صایلدقده

بایع کیقیتی شفیه خبر ویرمهک مجبوردر . شفیعک بیعه اطلاعی کونندن اعتباراً بر آى و هر حالده سجله شرح ویریلدیکی تاریخدن اعتباراً اون سنه کچمکه شفعه حتی ساقط اولور .

ماده : ۶۵۹ — بر غیر منقولک حصه دارلری اونک شایع بر حصه سنی صاتین آلان شخص ناله قارشى قانونی شفعه حقنی حائردر .

ماده : ۶۶۰ — مقاوله دن متولد اشترا و وفا حققری طابو سجله شرح ویریلدیکی صورتده بو شرحده کو - ستریلن مدت ایچنده غیر منقولک هر هانکی مالکک قارشى درمیان اولونا بیلیر .

بو حققر هر حالده شرح تاریخدن اعتباراً اون سنه کچمکه ساقط اولور .

ماده : ۶۶۱ — بر کیمسه ملککی قوللانیر کن هله صناعی ایشلر یاپار کن قومشوسنه ضرر ویره جک هر تورلو طاشقینلقلردن چکینمکه مجبوردر .

خصوصیه مضرت ویره ن و غیر منقولک موقع و ماهیتنه و محلی عرفه کوره ق مشولر آراسنده خوش کوروله بیله . جک درجه بی کچن لورولتولر و صارصیتیلر یا یمق و دومان و قوروم و راحتسزلق ویره ن سائر توز ، بوغو ، قوقو چیقارتمق ممنوعدر .

ماده : ۶۶۲ — بر ملکک صاحبی ، حفریات و انشا - حفریات و انشاآت

قاعده سی

آنده بولونورکن قومشوسنی عرصه سینه ضرر ویره جک ویا ضرره معروض براقه رق ویا اوزرلرنده کی مبانی یی تهلهکیه قویارق اضرار ایده مز .

قومشولق قاعده لرینه مخالف اولارق یاپیلان انشا آنده باشقاسنک اراضی سینه تجاوز حالنده کی حکملر تطبیق اولونور .

خفريات و انشا آتک
ابعادی

ماده : ۶۶۳ — یاپیلاجق خفريات و انشا آتک ابعادنده غیر منقول صاحب لرینک رعایته مجبور اولدقلری حکملر ، خصوصی قانونلر ایله معیندر .

آغاچ دال و کوکلرینک
باشقاسنک ملکنه
کچمه سی

ماده : ۶۶۴ — بر آغاچک دال لری و کوکلری قومشونک ملکنه کچوب ده ضرر ویردیکی وقومشونک طلبی اوزرینه مناسب برمدت ایچنده آغاچ صاحبی بونلری قالدیرمادیغی تقدیرده قومشونک او دال و کوکلری کسوب انقاضنی ضبط ایتمه صلاحیتی واردر .

آغاچ دال لرینک کندی اینیه و ا کینلری اوزره رینه کچمه سینه مساحه ایدن کیمسه نک اشبو دال لردده یتیشهن میوه لری تملکه حق واردر .

بو حکملر ، قومشو اورمانلر حقنده جریان ایتمز .

دیگیله جک شیئه
کوره رعایتی ایجاب
ایدن حکملر

ماده : ۶۶۵ — غیر منقولک و دیگیله جک شیلرک نوعلرینه کوره صاحب لرینک دیکمک خصوصنده رعایته مجبور اولدقلری حکملر ، قانون مخصوص ایله تعیین اولونور .

کندی کندینه آقان
صولرک جریانی

ماده : ۶۶۶ — بر غیر منقولک صاحبی ، اوست طرفده کی غیر منقولده کندی کندیه آقان صولری

خصوصیله قار ، یاغمور و طوتولماش قایناق صولرینی کندی ملکنه قبوله مجبوردر . قومشولرک هیچ بری دیگرینک ضررینه بو جریانه مانع اولاماز .

بر غیر منقولک آشایدسنده بولونان دیگر غیر منقوله آقان و آکا لازم اولان صوینی یوقاریکی غیر منقول صاحبی کندیسنه لازم اولان درجه دن زیاده ملکنده طوتاماز .

قوروتما

ماده : ۶۶۷ — بر بطاقلقک صوینی اوته دنبری آلت طرفده کی تارلایه آقه کلکده ایسه صاحبنک اونی قوروتماق ایچون یاپاجنی عملیاتدن نشأت ایدن صولری آلت طرفده کی تارلا صاحبی قبوله مجبوردر . آشایدنه کی تارلایه بوندن بر ضرر کله جک ایسه صاحبی تارلاسنک ایچندن کچمک اوزره صو یوللری تأسیسنی بطاقلق صاحبندن ایسته یه بیلیر . تأسیس مصرفی بطاقلق صاحبنه عائددر .

ماده : ۶۶۸ — غیر منقول صاحب لری یاپیلاجق صویولی و غازو الکتریک ضرر تمامیه ویشین تضمین اولونماق شرطیه ملکنک آلتندن ویا اوستندن صو یولی ویا الکتریک بورولری کچیرلمه سینه ، بونلرک باشقا یرلردن کچیرلمه لری امکانسز اولور ویا چوق فضله مصرفی موجب بولونور ایسه ، مساعده ایتمه مجبوردر .

بو تأسیسات ، صاحبنک طلبی اوزرینه مصرف کندیسنه عائد اولق شرطیه طاپو سجلنه قید اولونور .

اوزه رینه تأسیسات
بایلاجق عرصه
صاحبك منفعتلرينك
محافظة سی

ماده : ۶۶۹ — بتأسیسات ملكندن كچن كیمسه ،
منفعتك متصفانه نظره آلماسنی طلب ایدیه بیلیر ؛ فوق العاده
احوالده و تأسیسات بایلاجق مناسب بر قسمك كندی
ضررینی تمامیه تلافی ایدیه جك برعوض مقابلنده آلماسنی
ایسته یه بیلیر .

ماده : ۶۷۰ — احوال ده کیشیرسه غیر منقولك
صاحبی منفعتی ایجابی اولارق اشبو تأسیساتك نقلی
ایسته یه بیلیر . نقل مصرفی قاعده دیگر طرفه عاندر .
شو قادار که مصلحت ایجاب ایدیورسه حاکم غیر منقول
صاحبك مناسب مقدارده نقل مصرفه اشترا کنی تنسیب
ایدهر .

ماده : ۶۷۱ — طریق عامه چیقماق ایچون کافی
بر یولی بولونمایان غیر منقول صاحبی تام بر عوض
مقابلنده قومشولرندن کندیسنه کچمك ایچون مناسب
بر یرك تركنی طلب ایدیه بیلیر . بوحق ملكلك واونلره
کیدن یوللك اولسکی حاللرینه کوره بو یولك نره دن
کچمسی لازم کلیورسه اورانك مالکینه وایجابنده بو یولك
آچیلماسندن اك آز متضرر اولان کیمسه یه قارشى
استعمال اولونور . بو یولك تعیینده طرفینك منفعتلری
کوزه تیلیر .

ماده : ۶۷۲ — دائمی اولارق تأسیس اولونان مرور
حقك طاپو سجلنه قیدی لازمدر .

ماده : ۶۷۳ — مشترك حائللر حقنده کی حکملره

مرور حقك تسجیل

حائل

خلل كله مك اوزره هر مالك كندی ارضك حائلنی كندی
یاپار . اراضی یه حائل قویماق مجبوری تی و بونك ناصل
قوناجنی قانون مخصوص ایله تعیین اولونور .

ماده : ۶۷۴ — قومشولق حقلرينك استعمالی ایچون قومشولق ایچون لزوملی
لزومی اولان ایشلرك یاپیلماسی هر برینك منفعتی نسبتنده اولان شیلرك اجراسی
ارض صاحبلرينك عهدده سنه ترتب ایدهر .

ماده : ۶۷۵ — قانوناً منع ایدلمه دجه عرف وعاده باشقاسنك اراضیسنه
کوره هر کس باشقاسنك اورمان و مرعاسنه کیره بیلیر .
و منطار و اوافق تفك یابانی میوه لری طوبلایوب تملك
ایدیه بیلیر . آو اولامق و بالق طوتمق ایچون باشقاسنك
اراضیسنه کیرمك حقنده کی حکملر قانون مخصوص ایله
تعیین اولونور .

ماده : ۶۷۶ — صو ، روزكار ، چیغ ویا دیگر دوشه ن شیلرك آلماسی
طبیعی قوتلر واسطه سیله ویا هر هانکی بر صورتله بر مال
بر کیمسه نك عرصه سنه دوشر ویا حیوان کیره و آری
وطا ووق و بالقلر کوچرسه ارض صاحبی بونلرك آرانیلوب
طوتولماسی ایچون صاحبلرینه مساعدده ایتمه مجبوردر .
بو یوزدن حاصل اولان ضرر ایچون ارض صاحبك
تضمینات ایسته مکه و تضمیناتی آلینجه یه قادار بونلری
حبس ایتمه حق واردر .

ماده : ۶۷۷ — بر کیمسه وقوعی قوتله ملحوظ
بولونان بر ضرری یاخود آنی بر تهلكه یی کندیسندن ویا
ضروری سیلر

دیگرندن آنجا با شقه سنک ملکنه تجاوزله دفع ایدہ -
بیلورسہ ، ضرر و یا تہلکہ تجاوزدن منعت خسارندن
بویوک اولمق شرطیلہ ملک صاحبی بوتجاوزہ تحملہ مجبوردر .
ملک صاحبی بوتجاوزدن متضررا و لمش ایسہ محق بر تضمینات
طلب ایدہ بیلیر .

طوپراغک اصلاحی

مادہ : ۶۷۸ — طوپراغک و صوبوللرینک اصلاحی ،
بطاقلقلرک قوروتولماسی ، اورمان یتشدیریلہ سی ، یول
آچیلہ سی ، اورمان و کوی اراضیسی پارچہ لرینک
براشدیریلہ سی کیبیشیلر آنجا متعدد مالکلرک اشتراکیلہ
یابیلیر . بونک ایچون عرصہ لرک یاریسندن فضلہ سنہ مالک
بولونان وعددجہ مالکلرک اوچدہ ایکیسنی تشکیل ایدہ دن
کیمسہ لر طرفندن قرار ویریلک لازمدر . بوقرارہ دیگرلری
اتباعہ مجبوردر .

قاینقلر
ملکیت و ارتفاق حق

مادہ : ۶۷۹ — قاینق ، ارضک متمم بر جزوی
اولوب ملکیتی ، قاینادقلری طوپراغک ملکیتی ایلہ برابر
اکتساب اولونور . باشقاسنک ارضندہ کی قاینقلردن
استفادہ ارتفاق حق اولارق طابو سجلنہ قیدایلہ تأسیس
اولونور بر آلتندہ کی صولر قاینقلر ، کیبیدر .

کسین قاینقلر
تضمینات

مادہ : ۶۸۰ — اہمیتی بر صورتدہ انتفاع ایدیلمکدہ
ویا انتفاع مقصدیلہ صوبی بریکدیریلکدہ اولان قاینقلری
قسماً اولسون کسہ رک یاخود حفریات و انشاءات و عملیات
اجراسیلہ تلویث ایدہ رک صاحبہ ویا آندہ حق اولانہ ضرر

ایراث ایدہ دن کیمسہ تضمینات اعطاسیلہ محکوم ایدیلمہ بیلیر .
ضرر قصد و اہمال اثری دہ کیل ایسہ ویا متضررک خطاسنہ
اسنادی قابل ایسہ حاکم ، تضمینات اعطاسی لازمکوب
کلمہ یجکنی تقدیر وایجابندہ کیفیتنی و مقدارینی تعیین ایلر .

مادہ : ۶۸۱ — بر غیر منقولک ایشلہ تیلمہ سی و یا قاینقلرک اولکی حالنک
سکناسی و یا صو تدارکی ایچون لازم اولان قاینقلری
کسلدیکی ویا تلویث ایدیلمدیکی تقدیردہ ممکن اولدینی قادار
اولکی حالک اعادہ سی طلب اولونابیلیر . مصلحت اقتضا
ایتمہ دیکجہ دیگریرلردہ اولکی حالک اعادہ سی طلب ایدیلمہ مزہ .

مادہ : ۶۸۲ — یکدیگرینہ جوار اولان متعدد
قاینقلر مختلف کیمسہ لرہ عائد اولقلہ برابر صولری عینی
قاینقدن تشعب ایدہ رک بر مجموعہ تشکیل ایتدکلری تقدیردہ
ہر متصرف قاینقلرک مشترکاً طوتیلہ رق صویک اولکی
استفادہ لری نسبتندہ بینلرندہ توزیعنی ایستہ یہ بیلیر .

حق صاحبیری مشترک تأسیسات مصرفلرینی منفعلری
نسبتندہ درعہدہ ایدہ لرلر . برینک ممانعتی حالندہ حق
صاحبلرندن ہر بری دیگر قاینقلردہ کی صو آزالاجق
اولسہ بیلہ کندی قایناغنہ کلن صویک ضبط و اجراسی
ایچون لازم کلن عملیاتی یابیلیر . و بو عملیات سببی ایلہ
کندی قایناغنہ کلن صویک مقداری تزايد ایتمش ایسہ
آنجا بوی تزايد نسبتندہ تضمینات اعطاسنہ مجبوراولور .

مادہ : ۶۸۳ — کندی اوینہ ویا ارضنہ لازم اولان لزومی صولرک جبری

ملکی

صوبی بر طاقم عملیات اجرا و فاحش مصارف اختیار
ایتمه دجه تدارك ایدمه من کیمسه تام بر تضمینات مقابلنده
قومشوسنك احتیاجی اولمایان صوبی کندیسنه فارغ اولماسنی
طلب ایدمه بیلیر . بو خصوصده باشدیجه صو صاحبنك
منفعتاری کوزه تیلیر . یکی حاللر ظهورنده یاپیلمش اولان
شیلرك تعدیلی طلب اولونابیلیر .

استملاك
قایناتلر

ماده : ۶۸۴ — کندیسنه هیچ بر فائده سی اولمایان
یاخود قیمتاری ایله غیر متناسب بر فائده سی اولان قاینات
و چشمه یاخود ایرماق صاحب عامه نك منفعتی ایچون دیگر
قاینات و چشمه لره صو تدارکی و صویه متعلق سائر تشبیلر
ایچون تام بر تضمینات مقابلنده کندی قاینات و چشمه سی
ویا ایرماغنی ترکه مجبوردر . بو تضمینات صویك بر قسمنك
متصرفه ترك ایدیله سندن عبارت ده اولابیلیر .

ارض

ماده : ۶۸۵ — عامه نك منفعتی ایچون بر قایناتك
حوالیسندمه بولونان اراضینك ، قایناتی تلویشدن منع
ضمننده ، لزومی درجه ده استملاك کی طلب اولونابیلیر .

یکرمنجی باب

منقول ملکیتی

منقول ملکیتك
موضوعی

ماده : ۶۸۶ — منقول ملکیتك موضوعی ، بر بردن
دیگر پره نقل ایدیله بیان اشیا ایله غیر منقول ملکیتك

داخل اولمایان و تملکه صالح بولونان طبیعی قوتلردر .

ماده : ۶۸۷ — منقولده ملکیتك انتقالی ایچون
تسلیم لازمدر . بر کیمسه بر منقولی حسن نیتله و مالک
اولمق اوزره تسلیم ایتدکده ملکیتی اکتساب ایتمش اولور .
ولوکه انتقالی یابان کیمسه او منقولك صاحبی اولماسین .
ذی الیدلك حکملرینك جریانندن اعتباراً ملکیت ثابت
اولور .

ماده : ۶۸۸ — باشقاسنه نقل ایتدیکی ملکیتی ناقلك ملکیتی محافظه مقاوله سی
عهده سنده حفظ ایچون یاپیلان مقاوله لر آنجق منقولی
آلان کیمسه نك اقامگاهنده کی کاتب عدل طرفندن تصدیق
و سجل مخصوصنه قید ایدیلش ایسه معتبر اولور .

ماده : ۶۸۹ — تقسیط ایله مال صاتان کیمسه ملکیتی
محافظه مقاوله سنه استناد ایله صاندیغی مالک اعاده سی آنجاق
آلمش اولدیغی تقسیطلردن مالک قوللانیلمقلا اُسکیمه سندن
متولد تضمینات و مناسب بر اجرت مقدارینی تنزیل ایدمه رك
متباقی یی کری به ویرمك شرطیله طلب ایدمه بیلیر .

حکماً تسلیم

ماده : ۶۹۰ — باشقاسنی اضرار و یا تأمینات احکامنی
اخلال قصدیله بر منقولی تملیک ایدمه کیمسه او نی خصوصی
بر سبیله یدنده آلیقورسه ملکیتك انتقالی شخص ثالث
حقنده معتبر اولماز . بر قصدك تقدیری حاکمه مفوضدر .
ماده : ۶۹۱ — صاحبسز بر مالی احرار ایدمه کیمسه
اوکا مالک اولور .

احراز
صاحبسز اشیا

قاچش حیوانلر

ماده : ۶۹۲ — طوتیلان بر آو قاجدقده صاحبی تکرار طوتمق ایچون همان آرامغه قویولمزه او حیوان صاحبسز اولور. اهلیشدیریلن بر حیوان تکرار قطعی طوتمق صورتده وحشیشیرسه صاحبسز اولور . یالکز باشقاسنک ملکنه اوچقله آری اوغولی صاحبسز اولماز ،

لقطه

ماده : ۶۹۳ — غائب اولان برمالی بولان کیمسه صاحبنه خبر ویرمکه مجبوردر . صاحبنی بیلمه یورسه ضابطه مأمورلرندن برینه خبر ویرمکه و یا کیفیتنی مناسب بر صورتده اعلان ایتمه مجبوردر . بولونان مالک قیمتنی برلیرادن فضله ایسه هر حالده ضابطه مأمورلرندن برینه خبر ویرمک لازمدر . مسکون برأوده و یا عمومی دائرة ومؤسسه لرده غائب برمال بولان کیمسه اونی اوصاحبنه و یا مستأجرینه یا خود اودائرة ومؤسسه لری محافظه ونظارت ایدن کیمسه لره ویرمکه مجبوردر .

لقطه نك حفظی، و مزایده ایله صاتلماسی

ماده : ۶۹۴ — لقطه، لایق وجهله حفظ اولونمالیدر. لقطه نك حفظی کلفتی موجب اولور و یا آرزمانده بوزولان شیئلردن بولو نور یا خود برسنه دن فضله ضابطه مأمورلرینک یاننده قالیرسه مزایده ایله صاتیلیر. مزایده دن اول مناسب بر صورتله اعلان ایدیلک لازمدر . بدل مزایده، لقطه نك برینه قائم اولور .

لقطه یه مالکیت

ماده : ۶۹۵ — اعلاندن و یا ضابطه مأمورینه اخباردن

اعتباراً بش سنه ایچنده صاحبی چیقما دینی تقدیرده لقطه یی بولان کیمسه ، وظیفه سنی یا پشم ایسه اوکا مالک اولور . لقطه صاحبنه اعاده اولوندقده بوتون مصرفنی آلقله برابر بر ا کرامیه یه مستحق اولور .

لقطه مسکون برأوده و یا عمومی بر دائرة ومؤسسه ده بولونوبده او صاحبنه و یا مستأجره یا خود او دائرة ومؤسسه یی محافظه ایدنه ویریش ایسه بونلر، بولان کیمسه نك برینه قائم اولورلر . آنجاق ا کرامیه یه مستحق اولمازلر.

دینه

ماده : ۶۹۶ — کشفلرندن چوق زمان اول کومولش و یا صاقلانمش اولدینی و آرتق مالکی بولونما دینی محقق کورولن قیمتلی شیئلر دینه ، ایچنه کومولدیکی و یا صاقلاندینی غیر منقول و یا منقولک صاحبنک ملکی اولور. علمی بر قیمتنی حائز اولان اشیا یه متعلق حکم لر محفوظدر. دینه یی کشف ایدن قیمتنک یاریسنی تجاوز ایتمه مک اوزره حقانیه موافق بر ا کرامیه طلب ایدیه بیلیر .

فی بر قیمتنی حائز اشیا

ماده : ۶۹۷ — کیمسه نك ملکی اولمایوبده مهم و علمی قیمتنی حائز بولونان طبیعی اشیا ی نادره ایله آنتیقه لر خزینه نك ملکی اولور. غیر منقولنده بوکی اشیا بولونان کیمسه لر دوچار اولاجقلری ضرر وزیانک تمامیه تضمینی مقابلنده لازم کلن حفریات ایچون مساعده اعطاسنه مجبوردر. کشف ایدن کیمسه و کشف ایدیلن شی دینه ایسه بولوندینی یرک صاحبی اوشیئک قیمتنی تجاوز ایتمه مک اوزره مناسب بر ا کرامیه ایسته یه بیلیرلر .

انقاض

ماده : ۶۹۸ — لقطه حقنده کی حکمر ، صو ، روزکار ، چیغ ویا دیگر طبعی قوتلر واسطه سیله ویا هر هانکی بر صورتله باشقاسنک اُلنه کچن شیر و حیوانلر حقنده ده مرعیدر . بر کیمسه نك آری ایله مشغول قوغانه اوچان باشقاسنک آریلری تضمینات ویرمه محل اولمقسزین قوغان صاحبنک اولور .

حقوق تغییر

ماده : ۶۹۹ — بر کیمسه مالک اولمادیغی بر شیئی ایشله مش ویا تغییر ایتمش اولوبده عملک قیمتی اوشیئک قیمتندن فضله ایسه یکی شی عاملک و عکس تقدیرده مالکک اولور . عامل حسن نیتله حرکت ایتمه مش ایسه عملنک قیمتی اوشیئک قیمتندن فضله اولدیغی تقدیرده دخی حاکم یکی شیئک ملکیتی اولکی مالکک بر اقابیلیر .

تضمینات و سببسز مال ایدینه دن متولد دعوا حقلری محفوظدر .

ایکی مالک بر بریله قاریشه ویا برلشمه سی

ماده : ۷۰۰ — مختلف کیمسه لرك ماللری اهمیتلی بر صورتده تخریب ایدلمکسزین یا خود فاحش بر سعی و مصرف یا پیلیمقسزین آیرد ایدیله مه جه جک درجه ده قاریشمش ویا برلشمش اولورسه علاقه دارلر ، خلیطه یی ترکیب ایدن ماللرك قاریشمه ویا برلشمه زماننده کی قیمتلی نسبتنده حصه دار اولورلر .

قاریشان ویا برلشن ماللردن بری دیگرینک تفرعاتی قیلندن اولورسه خلیطه نك ملکیتی اصلک مالکنه عائد اولور .

تضمینات و سببسز مال ایدینه دن متولد دعوا حقلری محفوظدر .

اكتسابی، مرور زمان

ماده : ۷۰۱ — باشقاسنک منقول بر مالی نزاعسز و فاصله سز ملکمدر دییه و حسن نیتله بش سنه یدنده بولوندی ران کیمسه اوماله مرور زمان سببی ایله مالک اولور . ذی الیدک اختیاری اولمقسزین بر مال اوزرنده کی یدی منقطع اولمقله مرور زمان انقطاعه اوغراماز . ألوررکه او مالی ، سنه سی ایچنده آله کچیرمش ویا او مدت ایچنده ید دعواسی اقامه ایتمش اولسون .

آلاجق مرور زمانی حقنده کی حکمر ، اکتسابی مرور زمان مدتک حسابنده و انقطاع و تعطیلنده دخی جاریدر .

منقول ملکیتنک ضیاعی

ماده : ۷۰۲ — منقول ملکیتی صاحبی طرفندن ترك ایدیله کجه ویا باشقاسی طرفندن اکتساب اولونمادجه یالکز یدک انقطاعی ایله ضایع اولماز .

ایکینجی قسم

ملکیتک غیری عینی حقار

یکرمی برنجی باب

ارتفاق حق و غیر منقول مکلفیتی

برنجی فصل

غیر منقوله متعلق ارتفاق حق

ماده : ۷۰۳ — ارتفاق حق بر غیر منقول اوزره رینه دیگر بر غیر منقولک لهنه تحمیل ایدیلن بر کلفتدر که تحمیل ایدیلان غیر منقولک صاحبی ؛ ارتفاق حقنه مالک اولان کیمسه طرفندن استعماله عائد بعض تصرفلره رضا کوسترمکه ویا ملکیته خاص اولان بعض حقارک استعمالندن اجتناب ایتمکه مجبور قیلار .

بر شئی یا بمق وجیهه سی باشلی باشه ارتفاق حقنی تشکیل ایدمه یوب آنجا ق آ کا فرع اولارق ربط ایدیله بیلیر .

ماده : ۷۰۴ — ارتفاق حقنک تأسیسی ایچون طابو سجلته قیدلازمدر . خلاقه صراحت بولونمادجه ملکیت حقنده کی حکملر ارتفاق حقنک اکتساب وتسجیلنده دخی جاریدر . ارتفاق حقنک تأسیس اولوندیغی غیر منقولک مرور زمان ایله اکتسابی نه کی شرائطه تابع ایسه ارتفاق

ارتفاق حقنک تأسیسی
تأسیس
تسجیل

حق دخی اوشرائط دائره سنده اکتساب اولونور .

ماده : ۷۰۵ — ارتفاق حقنی تأسیس ایچون یاپیلان عقد رسمی اولمادجه معتبر دکلدور .

ماده : ۷۰۶ — بر کیمسه مالک اولدیغی ایکی غیر منقولدن بری لهنه دیکری اوزره رینه ارتفاق حقنی تأسیس ایدمه بیلیر .

ماده : ۷۰۷ — ارتفاق حقنی سجدله کی قیدک ترقینی ویا علاقه دار ایکی غیر منقولدن برینک بوس بوتون ضایع اولماسیله ساقط اولور .

ماده : ۷۰۸ — ارتفاق حقنده علاقه دار اولان غیر منقوللر بر کیمسه نک ملکنده برلشیرلرسه او کیمسه نک ملکنده برلشمه سی ارتفاق حقنی ترقین ایتدیره بیلیر .

ترقین ایدیله رجه ارتفاق حق بر عینی حق اولمق اوزره دوام ایدور .

ماده : ۷۰۹ — ارتفاق حقنی تأمین ایله دیکی منفعتلری بوس بوتون غائب ایتمش ایسه کندیسنه کلفت تحمیل ایدیلن غیر منقولک صاحبی بو حقنک ترقینی ایسته یه بیلیر .

موجب اولدیغی کلفته کوره پک آز منفعت تأمین ایدن ارتفاق حقنک دخی تضمینات مقابلنده تماماً ویا قسماً ترقینی طلب اولونابیلیر .

ماده : ۷۱۰ — ارتفاق حقنک صاحبی حقنی محافظه و آندن استفاده ایچون اقتضا ایدن بوتون تدبیرلری

شمولی

اتخاذ ایدہ بیلیر وحقنی آنجاق تحمیل ایدیلن غیر منقولک صاحبہ اک از ضرر ویرہ جک طرزده استعمال ایدہر .
تحمیل ایدیلن غیر منقولک صاحبی ارتفاق حقنک استعمالنی هیچ بر صورتله منع ایدہر . یہ جکی کبی اشکال دخی ایدہر .

مادہ : ۷۱۱ — ارتفاقدن متولد حقاری ووجیہ لری تعیین خصوصندہ ، طاپو سچلندہ کی قیدلرہ اعتبار اولونور .
ارتفاق حقنک شمولی ، طاپو سچلندہ کی حدود داخلندہ کرک منشای کرک اوزون مدتدنبری نزاعسز و حسن نیتله نہ طرزده استعمال ایدیلہ کلش ایسہ آکا کورہ تعیین اولونور .

سجل قیدینہ کورہ
شمولک تعیینی

مادہ : ۷۱۲ — ارتفاق حقندن استفادہ ایدہن غیر منقولک یکی احتیاجلری ، ارتفاقک تحمیل ایتدیکی کلقتک آغیرلاشدیر یلماسنی ایجاب ایتمز .

استفادہ ایدہن غیر
منقولک یکی احتیاجلری

مادہ : ۷۱۳ — ارتفاق حقنہ مالک اولان کیمسہ ، حقنی استعمالده لازم اولان شیلری یایمقلہ مکلفدر .
یایلا جق شیلر تحمیل ایدیلن غیر منقول صاحبہ فائدہ لی ایسہ ، مصرفی منفعتلرینہ کورہ آرالرنده تقسیم اولونور .

محافظہ مصارفی

مادہ : ۷۱۴ — ارتفاق حقنی ، تأسیس اولوندیغی غیر منقولک بر قسمی اوزرنده ایسہ ؛ تحمیل ایدیلن غیر منقول صاحبی ، منفعتی اولدیغی و مصرفی ده در عہدہ ایتدیکی تقدیرده ؛ غیر منقولک او حتمک استعمالنی اشکال ایتہ یہ جک بر برینہ ، نقلنی ایستہ یہ بیلیر . بوصلاحیت ، ارتفاق حقنک تأسیس

ارتفاق حقنک تعلق
ایتدیکی یرک دکیدہ
یریلہ سی

اولوندیغی محل طاپو سچلندہ قید اولونمش اولسہ بیلہ
ینہ استعمال اولونابیلیر .
قومشولغہ متعلق حکملر ، مجرالرک بریردن دیگر یرہ نقلندہ دخی جاریدر .

مادہ : ۷۱۵ — ارتفاق حقندن استفادہ ایدہن غیر منقول تقسیم اولوندقدہ ، اصل اولان ، ارتفاق حقنک ہر قسم ایچون دوامیدر . شو قادارکہ بو حقندن فعلاً یالکیز بر قسم استفادہ ایدہ بیلورسہ تحمیل ایدیلن غیر منقول صاحبی ، ارتفاق حقنک ، دیگر قسملردن ترقیننی طلب ایدہ بیلیر . طاپو ادارہ سی ، بوطلبی ، ارتفاق حقنی صاحبہ تبلیغ ایدہر و برآی ایچندہ اعتراض اولونمازسہ ترقینی یاپار .

تقسیم
ارتفاق حقندن استفادہ
ایدہن غیر منقولک
تقسیمی

مادہ : ۷۱۶ — تحمیل ایدیلن غیر منقول تقسیم اولوندقدہ ، اصل اولان ، ارتفاق حقنک ہر قسمده دوامیدر . شو قادارکہ ارتفاق حقنی ، فعلاً بر قسم اوزہ رندہ استعمال ایدیلنر و یا ایدیلہ مزسہ او قسمک صاحبی ارتفاق حقنک کندی ملکندن ترقین اولونماسنی طلب ایدہ بیلیر . طاپو ادارہ سی ، بوطلبی ارتفاق حقنی صاحبہ تبلیغ ایدہر و برآی ایچندہ اعتراض اولونمازسہ ترقینی یاپار .

ارتفاق حقیلہ مفید
اولان غیر منقولک
تقسیمی

اینگنی فصل

ارتفاق حقك دیگر نوعلری و خصوصیه انتفاع حق

انتفاع حق
موضوعی

ماده : ۷۱۷ — انتفاع حق ، منقول و غیر منقولار ایله حقار و بر ماملک اوزرینه تأسیس اولونابیلیر . خلافنه صراحت بولونمادجه ، صاحبنه اوزهرینه تأسیس اولوندیغی شیدن تمامیه استفاده ایتک حقنی بخش ایلر .

انتفاع حقك تأسیسی

ماده : ۷۱۸ — منقول و آلا جق اوزهرنده کی انتفاع حق ، منقولك انتفاع ایده جك کیمسه یه تسلیمی و آلا جقك دوریله ؛ و غیر منقول ماللرده کی انتفاع حق ده ، طاپو سجلنه قید ایله تأسیس ایدهر . خلافنه بر قید بولونمادجه ، ملکیت دائر حکملر منقول و غیر منقول انتفاع حقلرینک ، اکتسابنده و تسجیلنده تطبیق اولونور .

قانونی انتفاع حق

ماده : ۷۱۹ — غیر منقول اوزهرنده کی قانونی انتفاع حق ، طاپو سجلنه قید ایدیلمش اولسه بيله اوکا مطلع اولانلره قارشى درمیان اولونابیلیر .

تسجیل یاپیلشم ایسه ، هر کسه قارشى درمیان اولونور .
ماده : ۷۲۰ — انتفاع حق ، اوزهرنده تأسیس اولوندیغی شیئك بوس بوتون ضیاعيله و غیر منقول اوزهرنده تأسیس اولونوبده تسجیلی ایجاب ایدیورسه سجلنده کی قیدینک ترقینی ایله ساقط اولور .

انتفاع سقوطی
سقوطك سبیلری

مدتك ختامی و انتفاع حق صاحبك واز کچمه سی ووفاتی کی سقوط سبیلری ، غیر منقول ماللر اوزهرنده

انتفاعه متعلق ماده لرده ؛ غیر منقول صاحبنه ، یالکیز سجل قیدینک ترقینی طب ایتک ، صلاحیتی ویریر .
قانونی انتفاع حق ، سینک زوالی ایله زائل اولور .

انتفاع مدتی

ماده : ۷۲۱ — انتفاع حق ، انتفاع صاحبك وقاتیله و انتفاع ایدهن شخص حکمی ایسه انفساخی ایله ساقط اولور . شو قادار که حکمی شخصك انتفاع حق یوز سنه دن فضله دوام ایدهر .

انتفاع حقك تعلق
ایندیکی شیئك بدلی

ماده : ۷۲۲ — مال صاحبی ، بوس بوتون خراب اولان مالی تکرار یاپماغه مجبور ده کیلدر . تکرار یاپارسه انتفاع حق عودت ایدهر . انتفاع حق ، سیغورطه و عامه نك منفعتی ایچون استملاک کی حاللرده ؛ حقك تعلق ایندیکی شیئك مقامنه قائم اولان بدله ، انتقال ایدهر .

اعاده مکلفیتی

ماده : ۷۲۳ — انتفاع حق ، نهایت بولور بولماز ذی الید مالی صاحبنه اعاده یه مجبوردر .

مسئولیت

ماده : ۷۲۴ — انتفاع حق صاحبی ، ضرر ك کندى خطاسی اولمقسزین واقع اولدیغنی اثبات ایده مرسه ؛ انتفاع اولونان شیئك تلف و ضیاعندن یا خود قیمتته نقصان کله سندن مسئول و انتفاع حقنی تجاوز ایدهرك استهلاك ایندیکی شیلری تضمین ایتکه مجبوردر ؛ فقط مالک عادت اوزره استعمالندن متولد قیمت نقصانندن دولای ، تضمینات ایله مکلف ده کیلدر .

مصرف

ماده : ۷۲۵ — انتفاع حق صاحبی مجبوریت اولمقسزین

مصرف یا پشم یا خود یکی اعمال و وجوده کثیر مش ایسه
انتفاعك ختامنده ، باشقه سنك ایشلرینی اداره یه مخصوص
حکملره توفیقاً تضمینات ایسته یه بیلیر و مالکک تضمینندن
امتناع ایتدیکی تأسیساتی ، مالی اسکی حاله اعاده ایتمک
شرطیله سوکوب آلابیلیر .

تضمینات مرور زمانی

ماده : ۷۲۶ — مالکک انتفاع ایدیلن شیده یاپیلان
تبدللردن و قیمت نقصانندن و انتفاع ایدن کیمسه نك ده
یابدیغی مصرفلردن و وضع ایتدیکی تأسیساتی سوکوب
آلماق صلاحیتندن متولد حقاری ، مالک اعاده سندن اعتباراً
برسنه کچمکله ساقط اولور .

انتفاعك حکملری
انتفاع حق

ماده : ۷۲۷ — انتفاع حق صاحبی ؛ ذی الیدلک
استعمال و استفاده حقارینه مالک اولوب انتفاع ایدیلن
مالک اداره سی ده کندیسنه عائددر . انتفاع حق صاحبنک ،
حقارینی استعمال ایدرکن آبی براداره نك ایجاب ایتدیکی
حکملره رعایت ایتمه سی لازمدر .

طبیعی ثمره لر

ماده : ۷۲۸ — مالک انتفاع مدتی ایچنده کماله ایرن
طبیعی ثمره لر ، انتفاع حق صاحبنکدر . زرعیاتی اجرا
ایدن مالک ویا انتفاع حق صاحبی ، محصولی آلان
کیمسه دن ، محصولک قیمتی تجاوز ایتمه مک اوزره مناسب
تضمینات ایسته یه بیلیر .

مالک ثمره و محصول قیلندن اولمیان متمم جزؤلری
مالککدر .

ماده : ۷۲۹ — انتفاع حق تحمیل ایدیلن سرمایه نك
فأضلری ایله تقسیطه باغلی اولان دیگر وارداتی ، مؤجل
دخی اولسه انتفاعك باشلادیغی کوندن نهایت بولدیغی
کونه قادار ، انتفاع حق صاحبنه عائددر .

ماده : ۷۳۰ — ذاته مخصوص اولمیان انتفاع حق ،
بر باشقه سنه فراغ ایدیله بیلیر .

بو تقدیرده مالک ، حقارینی دوغریدن دوغری یه فروغ
له قارشى استعمال ایده بیلیر .

ماده : ۷۳۱ — مالک ، انتفاع ایدیلن شیئک حقسز
ویا ماهیتنه مغایر بر استعمالنه مانع اولابیلیر .

مالکک حق
نظارت

ماده : ۷۳۲ — حقاری تهلکده اولدیغی اثبات
ایدن مالک ، انتفاع حق صاحبندن تأمینات ایسته یه بیلیر .
انتفاع حق ، استهلاکی قابل بر شیئه ویا قیمتی اوراقه
تعلق ایدیورسه تهلکبی اثبات و مالی تسلیم ایتمکسزین
دخی بو تأمیناتی طلب ایده بیلیر . انتفاع حق ، قیمتی
اوراقه تعاق ایتدیکی حالده بو اوراقک دپو ایدیله سی
کافیدر .

تأمینات ایسته مک
حق

ماده : ۷۳۳ — انتفاع حقنی محافظه شرطیله بر مالی
هیه ایدن کیمسه دن ، تأمینات طلب ایدیله مز . قانونی
انتفاعلرده تأمینات ویرمک مجبوریتی ، احکام مخصوصه یه
تابعدر .

هیه و قانونی انتفاعلر -
ده تأمینات

ماده : ۷۳۴ — انتفاع حق صاحبی ، کندیسنه
تأمینات ویرمه مک

نتیجه لری

ویریلن کافی بر مهلت ایچنده تأمینات ویرمز ویا مالکک منعی خلافه حقسنز استعمالده دوام ایدهرسه ، حاکم باشقه برطرز تقرر ایدنجه یه قدار انتفاع ایدن کیمسه نک یدینی رفع ایدهرک مالی ، بر قیمه تودیع ایدهر .

دفتر طوته

ماده : ۷۳۵ - مالک وانتفاع حق صاحبی ، مصرف مشترک اولوق اوزره انتفاع ایدیلن ماللرک رسمی بردفترینک طوتولماسنی هرزمان طلب ایده بیلیرلر .

انتفاع اولونان شیئک
محافظه سی مکلفیتی

ماده : ۷۳۶ - انتفاع حق صاحبی ، مالی اولدینی کبی محافظه یه وباقیمنه لازم اولان عادی تعمیر و ترمیملری کندیس یامغه مجبوردر .

انتفاع ایدیلن شیئک محافظه سی دها اهمیتلی عملیاته یاخود دیگر تدبیرلره احتیاج کوستریورسه انتفاع حق صاحبی ، مالکک خبرویروب ، بونلرک یاپیلماسنه مساعدده ایتمکه مکلفدر .

مالک ، لازم کلن شیلری یامازسه ؛ انتفاع حق صاحبی ، بونلری مالکک حسابنه کندیس یاپه بیلیر .

محافظه مصرفلری

ماده : ۷۳۷ - انتفاع ایدیلن شیئک ، عادی محافظه ویرکی وسائر مکلفیتلر مصرفیه ایشلتمه مصرفلری و او شیئک قارشولق تشکیل ایتدیکی بورجلر وار ایسه بونلرک فائضلری ؛ انتفاع ایدن کیمسه ، اوده مکه مجبور اولدینی کبی ویرکوسنی و بو نوعدن سائر بورجلرینی اوده مکله ده مکلفدر .
بوتون مکلفیتلر انتفاع دوام ایتدیکی نسبتده موجوددر .

ا کر ویرکی و دیگر بو نوعدن سائر بورجلر انتفاع ایدیلن شیئک مالکی طرفدن اوده نمش ایسه ، انتفاع ایدن کیمسه ، یوقاریده کوستریلن نسبتده تضمین ایله مکلفدر .

بونلردن ماعدا مکلفیتلر مالکک ترتب ایدر . شوقادارکه انتفاع ایدن کیمسه بو مکلفیتلرک ایفاسی ایچون لازم اولان پاره یی عوضنر اولارق کندیسنه اودونج ویرمه موافقت ایتزسه ، مالک ، بوپاره نک تدارکی ایچون انتفاع ایدیلن شیئی نقده تحویل ایده بیلیر .

ماده : ۷۳۸ - بر ماملکک انتفاع حقنه مالک اولان بر ماملکک بورجلرینک فائضی

کیمسه ، بو ماملکی تقید ایدن بورجلرک فائضلری اوده مکله مکلفدر . فقط ، احوال مساعد اولدینی تقدیرده ، بو مکلفیتدن بری طوتولماسنی ایسته یه بیلیر . بو حالده کندی استفاده حق ، بورجلرک تأدییه سندن آرتاز مقداره اینر .

سیغورطه

ماده : ۷۳۹ - محلی عرفه کوره ، آبی بر اداره ایجاندن اولدقجه ؛ انتفاع حق صاحبی ، انتفاع ایتدیکی شیئی مالکک منفعتنه اوله رق یانغین و دیگر تهله ک لره قارشو سیغورطه ایتدیر مکله مکلفدر . سیغورطه بریملری ، استفاده حق دوام ایتدیکه ، تأدییه ایدهر .

بو مکلفیت ، انتفاع ایدیلن شی ، اولجه سیغورطه ایتدیریش اولدینی حالده ده موجوددر .

ماده : ۷۴۰ - بر غیر منقولدن انتفاع حقنه صاحب انتفاعه عائد خصوصی

اولان کیمسه ، استفاده نك فاحش درجه ده اولما ماسنه
اهتمام ايله مكلفدر .

استحقاقدن فضله آلینان ثمره لر ، مالکک عاذاولور .

ماده : ۷۴۱ — انتفاع حق صاحبی ، انتفاع ایدیلن
شیئک تخصیص ایدیلش بولوندیغی جهتی ، مالکک اهمیتلی
بر ضرری موجب اولاجق صورتده دیکشدره مز. خصوصیه
اوزه رنده انتفاع حق بولونان شیئک نه شکانی ده کیشدره بیایر
نده اونی اساسلی بر صورتده تعدیل ایده بیایر ؛ غیر منقولک
تخصیص ایدیلش بولوندیغی جهته ده اساسلی تعدیلاتی
موجب اولمادیغی حالده بيله مالکک خبر ویرمکمزین
طاش ، کيس و طورپ اوجاقلری آچامایاجنی کبی بوکا
بکیزه دیکر اعمالا تده ده بولوناماز .

ماده : ۷۴۲ — بر اورماندن انتفاع حقنه صاحب اولان
کیمسه ، او اورماندن مناسب بر ترتیب دائره سنده
استفاده ایده بیایر . مالکک ايله انتفاع حق صاحبی ، اورمانک
ایشلتمه ترتیبی تنظیم ایدیلر کن کنندی حقلرینک کوزه -
تیلهمه سنی ایسته یه بیایر لر .

فورطنه ، قار ، یانغین حشراتک استیلاسی کبی سبیلر
تأثیریه علی العاده استفاده نك اقتضا ایتدیکی درجه دن مهم
برنسبتده فضله آج کسيلمش ايسه ، بوندن صوکره
اورمان ، بو ضرری تدریجاً تلافی ایده جک صورتده
ایشله تیلیر یا خود اورمانک ایشلتمه ترتیبی یکی احواله
توفیق ایدیلیر .

حاللر
غیر منقولر
ثمره لر

انتفاع ایدیلن شیئک
تخصیص اولوندیغی
جهت

اورمانلر

علی العاده استفاده نك اقتضا ایتدیکی درجه دن فضله
کسيلمش اولان آجاکلرک بدلی ، فائضه یاتیریلیر و کلیر
نقصاتی تماملامغه تخصیص ایدیلیر .

ماده : ۷۴۳ — معدنلر کبی ، طورپراغک متمم
جزو لری چیقاریلق صورتیه استفاده ایدیلن شیلردن
انتفاع حق ، اورمانلردن انتفاعه دائر اولان حکملره تابعدر .

ماده : ۷۴۴ — خلافت حکم بولونمادیجه ، استعمالی
استهلاک صورتیه وقوع بولان شیلرک ملکیتی ، انتفاع
ایده نه عاذاولور . انتفاع ایدن ، بونلرک انتفاعک
باشلادیغی کونده کی قیمتلی ايله بورجلی اولور .

خلافتی تصریح ایدیلدیکی حالده انتفاع حق صاحبی ،
قیمتلی تقدیر ایدیلرک کندیسنه تسلیم ایدیلن سائر
منقوللرده ، دیله دیکی کبی تصرف ایده بیایر و بو حقنی استعمال
ایتدیکی حالده آنلرک قیمتلی ايله بورجلی اولور .

حقلرنده تصرف اجرا ایدیلش اولان اشیا ؛ زراعتی
ایشلتمه لوازمی ، حیوان سورولری و تجاری امتعه قیلندن
ایسه انتفاع حق صاحبی ، عینی جنس و نوعدن اشیا
ویره رک بورجی اوده یه بیایر .

ماده : ۷۴۵ — بر آلاجاق اوزرنده کی انتفاع حق ،
آنک کلیرینه تملک حق ویریر . تأدییه مطالبه سی و انتفاع
حقنه تابع اولان قیمتلی اوراقه عاذاوتون تملیکی تصرفلر ،
مالکک و انتفاع ایدن کیمسه لر طرفندن مشترکاً یا یلق لازمدر .

معدنلر

استعمال
استهلاک صورتیه
وقوع بولان ویا
قیمتلی تقدیر ایدیلن
شیلر

آلاجاق
استفاده نك شمولی

بورجلی، تسویه ایچون ایکسینه بردن مراجعت ایدر.
آلاچاق، تهلهکیه دوشدیکي تقدیرده ای بر اداره نك
ایجاب ایتدیکي تدبیرلره توسل ایتک ایچون، مالک ايله
انتفاع ایدندن هربری دیکرینك اشتراکی ایسته بیلیر.

ماده: ۷۴۶ — مالک ايله انتفاع حقی صاحبندن
یا لکز برینه اوده مهیه مأذون ایدیله مش اولان بورجلی،
بورجلی یا هر ایکسینه بردن تأدیه ویا کاتب عدله تودیع
ایتمکله مکلفدر.

تأدیه اولونان شی از جمله اوده ن سرمایه اوزهرنده انتفاع
ایده نك، استفاده حقی واردر. مالک و انتفاع ایدن،
سرمایه لرك امین و فاضلی اسهامه یا تیریلما سنی ایسته به بیایر لر.

ماده: ۷۴۷ — انتفاع باشلا دیغندن اعتباراً اوچ
آی ایچنده انتفاع ایدن کیمسه، اوزهرینه حقی تعلق
ایده ن آلاچقلرک و قیمتلی اوراقک کندیسنه تملیک ایدیله سنی
ایسته به بیلیر. تملیک واقع اولونجه، آلاچاق و قیمتلی
اوراقک دوری زماننده کی قیمتلی ايله مالک قارشلی بورجلی
اولور و مالک، ایسته مکدن فارغ اولمادجه، بونلر ایچون
تأمینات ویرمه مجبور اولور.

اگر مالک، تأمینات ایسته مک حقندن فراغت ایتمه مش
ایسه؛ دور، تأمیناتک اعطاسندن صو کرا یا بیلیر.

ماده: ۷۴۸ — سکنا حقی، بر اوده اوطور مق
یا خود اونک بر قسمنی اشغال ایتک حقیدر. بوحق،

تأدیه و تنیه

آلاچاقلرک تملیک
ایسته مک حقی

سکنا حقی
سکنا حقنک شمولی

آخره تملیک ایدیله مز و میراثچی به انتقال ایتز.
قانونده خلاقی یازیلی اولمادجه انتفاع حقنه دائر اولان
حکملر، سکنا حقنده ده جاریدر.

ماده: ۷۴۹ — سکنا حقنک شمولی، عمومیتله سکنا حقنک شمولی
بوحق صاحبنک شخصی احتیاجلرینه کوره تقدیر اولنور.
شخصنه منحصر اولدینی صراحة بیان ایدیلش اولمادجه
حق صاحبی، حقنک تعلق ایتدیکي غیر منقولده عائله سی
و اوی خلیله برلکده اوطور مق صلاحیتی حائزدر.
بر بنانک یا لکز بر قسمنده سکنا حقنه صاحب اولان
کیمسه، او بنانک مشترکاً استعماله مخصوص اولان
محلرندن استفاده ایده بیلیر.

ماده: ۷۵۰ — سکنا حقنه صاحب اولان کیمسه،
او ویا آپارتمانک تمامندن مستقلاً استفاده صلاحیتی حائز
ایسه؛ عادی تعمیرات کبی، محافظه به متعلق مصرفلی
یا بمقوله مکلفدر.

سکنا حقی، مالک ايله مشترکاً استعمال اولونمقده
ایسه محافظه مصرفلی، مالکک ترتب ایدر.

ماده: ۷۵۱ — مالک، شخص ثالث لهنه عرصه سنک
اوستنده ویا آلتنده انشا آتده بولونمق ویا موجود انشا آتده
ابقا ایتک صلاحیتی ویردن بر ارتفاق حقی تأسیس ایده بیلیر.
خلافنه مقاوله اولمادجه بوحق باشقه سنه تملیک اولونا بیلیر.
و میراثچی به انتقال ایدر. اشبوار تفاق حقی مستقل و دائمی

انشات حقی

بر ماهیتی حائز ایسه طاپو سجله غیر منقول اولارق قید ایدیله بیلیر .

بر باشقاسنک عرصه - ماده : ۷۵۲ — باشقاسنک عرصه سنده کی قاینق اوزهرنده حق بولونان کیمسه ، بو عرصه مالکنی ، صویک آلماسی ویا آقیتلماسی ایچون مقتضی مساعدی ویرمهک اجبار ایده بیلیر . خلافتنه مقاوله اولمادقجه بو حق باشقاسنه تملیک ایدیله بیلیر و میراثچی به انتقال ایدر . اکر بو حق ، مستقل ودائمی بر ماهیتی حائز ایسه طاپو سجله غیر منقول اولارق قید ایدیله بیلیر .

دیگر ارتفاق حقاری - ماده : ۷۵۳ — مالک ، هر هانکی بر کیمسه به ویا بر جماعت لهنه کندی عرصه سی اوزهرنده نشان تعلیمی ویا مرور کچی معین بر استفاده به متحمل اولمق شرطیله ؛ دیگر ارتفاق حقاری تأسیس ایده بیلیر .

خلافتنه مقاوله اولمادقجه ؛ بو حتمل باشقه سنده تملیک اولوناماز و بونلرک شمولی حق صاحبنک عادی احتیاجلرینه کوره تقدیر اولونور .

ارتفاق حتملرینه داخل اولان حکملر ، بونلر ده دخی جاریدر .

ارمینی فصل

غیر منقول مکلفیتی

ماده : ۷۵۴ — غیر منقول مکلفیتی ، بر غیر منقول مالکنک ؛ ملکی دولایسیله ، او غیر منقول قارشیلق اولمق اوزره ، دیگر بر کیمسه لهنه برشی یا پمنه ویا ویرمهک مجبور طوتولماسیدر .

بو مکلفیت ، دیگر بر غیر منقوله مالک اولان کیمسه لهنه ده ، ملکیتی دولایسیله تأسیس اولونابیلیر .

ایرادسندلری و حقوق عامه به متعلق غیر منقول مکلفیتلری مستثنا اولمق اوزره و یريله جک ویا پیللاجق شیئلرک ، تقیید ایدیلن غیر منقولک ماهیتی ایله مناسبتی یا خود استفاده ایده جک غیر منقولک ایشله تیلمه احتیاجلری ایله علاقه سی بولونمق لازمدر .

ماده : ۷۵۵ — غیر منقول مکلفیتنک تأسیسی ایچون ، طاپو سجله قیدی لازمدر . سجل قیدنده ، مکلفیتنک قیمتی اولمق اوزره تورک پاره سی اولارق معین بر مقدار کوستربیلیر . اکر مکلفیت ، معین زمانلرده برشی یا پمنق ویا ویرمهکدن عبارت اولورسه دیگر بر صورتده تقدیر ایدیله دیکی حالدده مکلفیتنک قیمتی بهر سنده ویريله جک ویا یا پیللاجق شیئلرک ، یکر میده بیدر . خلافتنه حکم بولونمادقجه ، غیر منقول مکلفیتلرینک اکتساب و تسجیل ، غیر منقول ملکیتی حتمله کی حکملره تابعدر .

تأسیس و سقوط اکتساب و تسجیل

حقوق عامه به متعلق
غیر منقول مکلفیت

ماده : ۷۵۶ — حقوق عامه به متعلق غیر منقول مکلفیتی، خلافه حکم بولونمادجه ، تسجیله تابع ده کیلدر . قانون ، بر شخصه یا لکیز بر غیر منقول مکلفیتی تأسیسنی ایسته مک حقن بخش ایتدیکی تقدیرده ؛ بو مکلفیت ، آنجا ق تسجیل ایله تأسس ایدر .

تأمینات قصدیه
بایلان غیر منقول
مکلفیتی

ماده : ۷۵۷ — ایراد سندینه متعلق حکملر ، بر آلا جاغک تأمیناتی اولق اوزره تأسس ایدیلن غیر منقول مکلفیتنده جاریدر .

عمومیتله سقوط
سبیلری

ماده : ۷۵۸ — غیر منقول مکلفیتی ، سبیل قیدینک ترقینی و تقید ایدیلن غیر منقولک بوس بوتون ضایع اولماسی ایله ساقط اولور .

فراغت و اشترا کی سقوط سبیلرندن بری بولوندیغی حالده تقید ایدیلن غیر منقولک مالکی ، سبیلده کی قیدک ترقینه موافقت اتمه سنی ، آلا جاقلیدن ایسته مک حقن حائز اولور .

اشترا
آلا جاقلینک اشترا بی
ایسته مک حقن

ماده : ۷۵۹ — آلا جاقلی ، بر مقاوله ایله مأذون اولدیغی تقدیرده وبوندن باشقا آشاغیده کی حاللرده مالکدن ، غیر منقول مکلفیتی صاتون آلماسنی ایسته به بیلیر :

۱ — تقید ایدیلن غیر منقول ، آلا جاقلینک حقن بری مهم ته لکیه معروض قیلاجق صورتده تقسیم ایدیلش ایسه .

۲ — مالک ، غیر منقولک قیمتنی ، مقابلنده تأمینات ویرمکسزین تنقیص ایدر ایسه .

۳ — مالک ، بربری آردنجه اوچ سنه یامماغه ویا ویرمکه مجبور اولدیغی شیلری یامامش ویا ویرمه مش ایسه .

ماده : ۷۶۰ — تقید ایدیلن غیر منقول مالکی ، بر تقید ایدیلن غیر منقول مالکنک اشترا بی ایسته مک حقن

۱ — غیر منقول مکلفیتی تأسس ایدن عقدک حکملرینه دیگر طرف رعایت ایتزایسه .

۲ — اشترا سی قابل اولماق اوزره ویا اوتوز سنه فضله بر مدت ایچون تأسس ایدیلش اولسه بیله مکلفیتک تأسسندن اعتباراً اوتوز سنه کچمش ایسه .

اوتوز سنه کچدکن صو کرا اشترا صلاحیتی استعمال ایده بیلیمک ایچون بورجلی ، آلا جاقلی به بونی هر حالده برسنه اول اخبار ایله مکلفدر .

مؤبد بر ارتفاق حقنه مربوط اولق اوزره تأسس ایدیلن غیر منقول مکلفیتی ، اشترا ایدیله من .

ماده : ۷۶۱ — حقیقی قیمتک دها آز اولدیغی اثبات ایتیمک صلاحیتی باقی قالمق شرطیله ؛ اشترا ، غیر منقول مکلفیتک قیمتنی اولق اوزره طا بو سبیلده مقید اولان مبلغ مقابلنده اجرا ایدیلیر .

ماده : ۷۶۲ — غیر منقول مکلفیتنده مرور زمان جاری اولماز . یاپیلاجق ویریله جک شیلردن معجلیت اکتساب ایدنلر ، تقید ایدیلن غیر منقول مالکنک

شخصی بوجی اولدیغندن اعتباراً ، مرور زمانه تابع اولورلر .

حکملر
آلا جاقلینک حق

ماده : ۷۶۳ — غیر منقول مکلفیتی ، بوجلی به قاراشی شخصی بر آلا جق حصوله کتیرمه یوب آنجا ق تقیید ایدیلن غیر منقولک قیمتی اوزه رندن استیفا ایدیلک حق ویرراله ویرله جک و یا بیلایق شی ، معجل اولدیغی تاریخدن اعتباراً اوچ سنه صوکره شخصی بوج اولور و آرتق تقیید ایدیلن غیر منقول ، بوج بوجک قارشیلغی اولمقدن حیقار .

بورجک ماهیتی

ماده : ۷۶۴ — تقیید ایدیلن غیر منقولک مالکی ، ده کیشدیکی تقدیرده یکی مالک باشقه بر معامله حاجت قالمقسنزین ، غیر منقول مکلفیتک موضوعه داخل شیلرله بوجلی اولور . تقیید ایدیلن غیر منقول تقسیمی ایراد سندلرنده نه کی حکملر وجوده کتیر بر ایسه غیر منقول مکلفیتی حقنده ده عینی حکملری حصوله کتیر یزه .

ماده : ۷۶۵ — غیر منقول رهنی ، ایپوته کویا ایپوته کلی بوج سنندی و اراد سنندی شکننده تاسیس اولونا بیلر . بوندن باشقا هر هانکی بر شکننده غیر منقول رهنی ، ممنوعدر .

ماده : ۷۶۶ — غیر منقول رهن ، آنجا ق معین بر آلا جق ایچون مقداری تورک پاراسیله کوستریله رک تاسیس اولونا بیلر . آلا جاک مقداری معین ده کیلسه ، غیر منقولک اعظمی نه مقدار ایچون تأمینات تشکیل ایده جکی ، هر ایکی طرفه تثبیت اولونور .

ماده : ۷۶۷ — مراجعه حقنده کی حکملر محفوظ اولوق اوزره ، هر ایکی طرف فائض مقداری سر بسنجه تعیین ایده بیلرلر .

ماده : ۷۶۸ — بر غیر منقول رهنی ، آنجا ق طابوده مشجل اولماقنه باغلیدار .

ماده : ۷۶۹ — رهنک تاسیسی زماننده رهن ایله تقیید اولونان غیر منقول ، تخصیصاً تعیین ایدیلک لازم کلیر .

یگرمی ایکنجی باب

غیر منقول رهنی

برنجی فصل

عمومی حکملر

شرطلر
غیر منقول رهنک
شکلری

تأمین ایدیلن آلا جاق
رأس المال
رهن

فائض
مقداری سر بسنجه

هانکی غیر منقوللر
رهن اولارق تاسیس
اولونا بیلر

مهونک تعیینی
غیر منقول بر ایسه

تقسیم کیفیتی طاپو سچلنده کوستریلش اولمادقجه بر غیر منقولک پارچهلری رهن ایله تقيید اولونا ماز .

غیر منقول بردن زیاده ایسه
ماده : ۷۷۰ — بردن زیاده غیر منقول ، عینی مالکک ویا مشترکاً و متسلسلاً بورجلی اولان کیمسه لره عائد اولدینی تقدیرده ؛ عینی آلا جق ایچون ، رهن ایدیله بیلیر . عینی آلا جق ایچون بردن زیاده غیر منقول اوزره رنده رهن تاسیس اولونان دیکر بوتون حاللرده ، غیر منقوللردن هر بری بو آلا جاغک معین بر حصه سی ایچون تقيید ایدیلک اقتضایدهر . خلا فنه مقاوله اولمادقجه ، تأمیناتک توزیمی ، مختلف غیر منقوللرک قیمتی ایله متناسب اولمق لازم کلیر .

ماده : ۷۷۱ — غیر منقول رهنی ، طاپو سچلنه قید ایله تاسیس اولونور .

فانوناً تعیین اولونان استثنایر محفوظدر .
غیر منقول رهنه متعلق عقد ، آنجاق رسمی شکلده یاپیلدینی صورتده معتبر اولور .

غیر منقول بردن زیاده کیمسه لره عائد ایسه
ماده : ۷۷۲ — بر غیر منقولک حصه دارلرندن هر بری ، کندی حصه سنی ، رهن حق ایله تقيید ایدیه بیلیر .

فقط ، اشتراک حالنده کی ملکیتده ، غیر منقولک رهنی ؛ آنجاق تمامی ، اشتراک داخل اولانلرک جمله سی نامنه تقيید ایدیلک صورتیه صحیح اولور .

ماده : ۷۷۳ — غیر منقول رهنی ، قیدک ترقینی و غیر منقولک تماماً ضیاعیه ساقط اولور .

تاسیس و سقوط
تاسیس
تسجیل

سقوط

عمومی منفعت ایچون استملاک حالنده ، رهنک سقوطی قانون مخصوصنه باغلیدر .

ماده : ۷۷۴ — حکومت ایلله ویا حکومتک نظارتی پارچه لرک برلشدیریله سی آلتنده مختلف اراضی پارچه لری برلشدیریلدیکی صورتده اوبارچه لری تقيید ایدن رهنلر ، صیرالرینی محافظه ایدهرک ، مقابللرنده آلینان اراضی به کچهر .

مختلف آلا جاقلره قارشى مرهون بولونان ویا بعضیلری مرهون اولمایان بردن زیاده پارچه رینه قائم اراضینک تمامی ، ممکنسه اولکی صیرالرینی محافظه ایتک صورتیه اوبارچه لرک اوزره رنده کی رهنلر ایله تقيید ایدلش اولور .

ماده : ۷۷۵ — پارچه لرک برلشدیریله سی نهایت بولونجه به قدر بورجلی تأدییه دن اوج آی اول خبر ویرمک شرطیه بونلرک اوزره رنده کی رهن حق لرینی صاتین آلا بیلیر .
ماده : ۷۷۶ — رهن حق لری ایله مقید اولان بر غیر

منقول ایچون تضمینات تأدییه ایدیلش اولدینی تقدیرده تضمینات ، آلا جاقلیلر آراسنده صیراسنه کوره و عینی صیراده ایسه لر آلا جقلری نسبتنده توزیع اولونور . تضمینات ، تأمین ایدیلن آلا جاغک یکرمیده برندن فضله اولدینی ویا یکی غیر منقول آلا جاق ایچون تأمینات تشکیل ایتیه دیکی صورتده آلا جاقلیلرک موافقتی اولمقسزین بورجلی به ویریه مز .

ماده : ۷۷۷ — غیر منقول رهنی ، متمم جزؤلرینه داینک حقنک شمولی و تفرعاتنه شامل اولور .

نقدی تضمینات

ما كنه ويا اوتل مفروشتا كې رهن سندنده صراحة
تفرعات اولارق كوستريلن و طاپو سجنده ذ كراولونان
شير ، قانوناً تفرعاتدن صاييلا مایه جفی اثبات ایدیلده دجه ،
تفرعاتدن عد ایدیلیر . . تفرعات اوزهرنده شخص ناكه
عائد حقلر محفوظدر .

كبرالر

ماده : ۷۷۸ — كرايه ویریلش بر غیر منقولی تعقید
ایدن رهن ، مرهونك نقده تحویلی ایچون آلاجاقلی
طرفدن باشلايان تعقیباتدن ویا بورجلینك افلاسنه حکمدن
نقده تحویل زمانه قادار كچن مدته عائد كیرالر ده شامل
اولور . بو حق ، كیراجیه قارشى آنجاق تعقیباتك
کندیسنه تبلیغندن ویا افلاسك اعلانندن صو كرا درمیان
اولونه بیلیر .

وعده سی حلول ایتمه ین كیرایه متعلق اولارق مالک
طرفدن اجرا اولونان حقوقی تصرفلر ویا بو کبرالر
اوزهرینه باشقا آلاجاقلیلر طرفدن قونولان حجزلر ،
کیرانك معجلیت کسب ایتمه سندن اول ، رهنك نقده تحویلی
ایچون تعقیباتده بولونان آلاجاقلی حقنده معتبر ده کیلدر .

ماده : ۷۷۹ — غیر منقول بر رهنك تسجیلی ،
آلاجاق حقنده مرور زمانك جریاننه مانع اولور .

مرور زمانك جریان
ایتمه سی

ماده : ۷۸۰ — مالک طرفدن ، مرهونك قیمتینی
دوشوره جك بر فعل ویا اھمال وقوعنده ، آلاجاقلی ، حاکمدن
بورجلی یه لازم کان تنبیهاتك یا پیلما سنی ایسته یه بیلیر .

تأمینات
غیر منقولك قیمتینك
تنقیصنه قارشى تدبیرلر
محافظه تدبیرلری

آلاجاقلی لازم اولان تدبیرلری اتخاذ ایتك اوزهره
حاکم طرفندن مأذون قیلنا بیله جکی کیمی تأخرده تهلكه
موجود اولدیغی صورتده بوتدبیرلری کندیلکندن اتخاذده
صلاحیتی واردر . بو خصوصده کی مصرفلری ، مالک ،
کندیسنه بورجلی اولور . آلاجاقلی بو مصرفلر ایچون
تسجیله حاجت اولما یارق غیر منقول اوزهرنده دیگر مسجل
مکلفیتلره رجحانلی رهن حقنی حاردر .

تأمینات واولکی
حالك تأسیسی

ماده : ۷۸۱ — غیر منقولك قیمتینك تنزیلی حالنده ،
آلاجاقلی ، بورجلیسندن تأمینات ویا اولکی حالك تأسیسنی
ایسته یه بیلیر .

آلاجاقلی ، قیمتك تنزیلی تهلكه سی موجود اولدیغی
تقدیرده دخی تأمینات ایسته یه بیلیر .

بورجلی ، حاکم طرفندن ویریلن مهلت ایچنده تأمینات
ویرمه دیکی ویا اولکی حالی تأسیس ایتمه دیکی صورتده ،
آلاجاقلی ، بورجلیدن تأمینات نقصاننه تقابل ایده جك
بر مقدار تأدییه سنی طلب ایده ر .

مالكك قصوری
اولقسزین رهنك
قیمتدن دوشمه سی

ماده : ۷۸۲ — مرهونك قیمت ، مالکك قصوری
اولقسزین تنزل ایده رسه آلاجاقلی آنجاق مالکك آلدیغی
تضمینات نسبتنده کندیسندن تأمینات ویا تأدیات ایسته یه
بیلیر . بونکله برابر آلاجاقلی قیمتك تنزیلنه مانع اولاجق
ویا بو تنزیل ازاله ایده جك تدبیرلری یا پاییلیر . آلاجاقلی
بو یولده کی مصرفلر ایچون تسجیله حاجت اولما یارق غیر

منقول اوزەرنده دىكر مسجل مكلفيتلره رجحانلى بر رهن
حقنى حائزدر. فقط مالك، بومصرفلردن دولايى شخصاً
مسئول اولمار .

مالك مرهوناتدن
بعض پارچه لرى
ملكندن چيقارماسى

ماده : ۷۸۳ — مالك ، رهن ايله تقييد ايدىلىش
اولان غير منقولك تأمين ايدلىكى آلاجاغك يكرميده
برندن آز قيمتى اولان بر پارچه سنى ملكندن چيقاريرسه
آلاجاغلى ، كنديسنه على الحساب بو پارچه نك قيمتى ايله
متناسب بر مقدار تأديه ده بولوندىغى ويا غير منقولك قالان
قسمى كافى بر تأمينات تشكيل ايتدىكى تقديرده او پارچه
اوزەرنده كى رهنك فكندن ، امتناع ايدە مز .

صوكرادن تأسيس
ايدىلان عبتى حقلر

ماده : ۷۸۴ — مالك ، مرهون اولان غير منقولى
باشقا عبتى حقلره تقييد ايتك صلاحيتندن فراغى معتبر
ده كيلدر. آلاجاغلىنك غير منقول اوزەرنده كى رهن حقى ،
او غير منقول اوزەرنده مساعده سى اولمقسزىن صوكرادن
تأسيس ايدىلن بوتون ارتفاق حقلرينه و غير منقول مكلفيتلرينه
تقدم ايدەر . مرهون نقده تحويل ايدىلىر كن اولكى
آلاجاغلى بى اضرار ايدەن بو حقلر ، ترقيى اولونور .

اولكى آلاجاغلىنك طلى ايله ارتفاق حقلرينك ويا
غير منقول مكلفيتلرينك ترقيى حالنده بو حقلر ك صاحبلىرى
مرهونك نقده تحويلانده آلاجاغلىرى صوكرادن قيد اولونان
آلاجاغلىلره قارشى ، حقلرينك قيمتى اونقودن استيفا
ايتكده ، رجحانلى حائزدرلر .

ماده : ۷۸۵ — غير منقول رهن ايدىلىر كن هانكى
ايبوتهك درجه سنه قيد ايدىلىرسه اودرجه نك افاده ايتدىكى
قوتله تأمينات تشكيل ايدەر . رهن حقلرى ، كندىلرينه
تقدم ايدە جك مبلغ مقدارى قيدده ارايه ايدىلك شرطيله
ايكنجى ويا هر هانكى بر درجه ده اولمق اوزره تأسيس
ايدىله بيلير .

ترتيب

ماده : ۷۸۶ — بر غير منقول اوزەرنده مختلف درجه ده
رهنلر تأسيس اولونورسه بولردن برينك ترقيى ،
آلاجاغلى بى سربست قالان درجه يه كچيرمز . مالك ، ترقيى
اولونان رهنك يرينه بر ديكريى تأسيس ايدە بيلير .
صوكرادن كلن آلاجاغلىلره سربست درجه لردن استفاده
ايتك حقى و رهن مقاوله لرك معتبر اولماسى ، طاپوسجانه
او يولده شرح و يريله لرينه باغليدر .

بوش درجه لر

ماده : ۷۸۷ — بر رهن حقى مؤخر بر صيراده اولارق
تأسيس اولوندىغى واوكا تقدم ايدەن باشقه رهنلر موجود
اولمادىغى ويا بورجلى مقدم بر رهن سندننى استعمال
ايله مەديكى ، يا خود مقدم آلاجاغ قيد اولونمىش مبلغ مقدارينه
واصل اولمادىغى تقديرده ؟ نقده تحويل حالنده غير منقولك
ثمنى ، بوش درجه لر نظر اعتباره آلمقسزىن ، صيرالرينه
كورە تأميناتلى آلاجاغلىلره ويريلير .

رهن ناصل نقده
تحويل اولونور ؟

مادد : ۷۸۸ — بورجلى ، بورجلىنى اوده مەديكى
صورته آلاجاغلى غير منقولك ثمنندن آلاغنى استيفا ايدەر .

بورجلی ، بورجی تأدیہ ایتھدیکی صورتده آلاجاقلی یه غیر منقولی تمک ایتک صلاحیتی ویردن هرتورلو مقاوله باطلدر . عینی آلاجاقلی چون بردن زیاده غیر منقول اوزه رنده رهن تأسیس ایدیلش ایسه آلاجاقلی بونلرک عین زمانده صایلماسنی طلب ایتکه مجبوردر . بونکه برابر اجرا مأوری ، آنجاق بیعی ضروری اولانلرینی صاتار .

صاتیش بدلنک توزیی ماده : ۷۸۹ — غیر منقولک صاتیش بدلی ، آلاجاقلیلر آراسنده صیرالینه کوره توزیع اولونور . عین صیراده اولان آلاجاقلیلر ، بدله ، آلاجاقلری نسبتنده اشتراک ایدرلر .

تأمیناتک شمولی ماده : ۷۹۰ — غیر منقول رهنی ، آلاجاقلی یه شونلری تأمین ایدر : ۱ — رأس المالی .

۲ — تعقیب مصرفلری و کچن کونلرک فائضلری . ۳ — افلاسک آچیلدیغی و یا غیر منقولک صایلماسی طلب ایدیلدیکی زمانده وعدهلری حلول ایتش بولونان اوج سنه لک فائضلر ایله صوک وعده دن اعتباراً جریان ایدن فائضلر .

اولجه تعین ایدیلش اولان فائض مقداری صوکرادن کلن آلاجاقلیلرک ضررینه اولارق یوزده بشدن فضله یه چیقاریلاماز .

مصرفلر ایچون تأمینات ماده : ۷۹۱ — غیر منقولک محافظه سی و یا مالک

حسابنه سیغورطه اجر تدرینی تأدیہ ایچون آلاجاقلینک یابدیغی مصرفلر ، طبقی آلاجنی کی تأمیناتلیدر .

ماده : ۷۹۲ — حکومت معرفتیه اجرا اولونان اصلاحات نتیجه سنده اراضینک قیمتی آرتدیغی صورتده مالک ، حصه سنه اصابت ایدن مصرفلر ایچون بواراضی بی ، بومصرفلر بدلنده کندیسنه اقراض ایدن آلاجاقلی لهنه اولارق برره رهن حتی ایله تعقید ایده بیلیر . بوحق سبجیه قید اولونور و او اراضی اوزه رنده مقید بوتون مکلفیتلره تقدم ایدر .

فقط حکومت ، بواصلاحات مصرفنه اشتراک ایتهمش ایسه ؛ مالک ، اراضیسی مصرفلرینک اک چوق اوچده ایکسی ایچون رهن ایله تعقید ایده بیلیر .

ماده : ۷۹۳ — دولتک یاردیمی اولمق سزین اجرا ایدیلن اراضی اصلاحاتنده مصرف حصه لرینه قارشیلک اولارق قید اولونان بورج ، رأس المالک یوزده بشدن آز اولماق اوزره سنوی تقسیطلرله اوده نیر . رهن حتی کرک آلاجاقلی کرک سنوی تقسیطلر حقه ده بونلرک معجل اولدقلری تارنخدن اعتباراً اوج سنه صوکر ساقط اولور . صوکر کلن آلاجاقلیلر ، صیرالینه کوره ایلری کچرلر .

ماده : ۷۹۴ — معجلیت کسب ایدن سیغورطه تضمیناتی آنجاق غیر منقول اوزه رنده رهن حقی حائر اولان بوتون آلاجاقلیلرک رضاسیله ، مالک ویریه بیلیر .

اراضینک اصلاحی نتیجه سنده رهن حتی

آلاجاقلک و رهنک سقوطی

سیغورطه تضمیناتی

بونكه برابر اشبو تضمينات رهن ايله مقيد اولان
غير منقولك اولكى حاله اعاده سى ايچون كافى بر تامينات
مقابلنده ، مالكة تاديه ايديلير .

يانغينه قارشى ، سيفورطه حقنده كى حكملىر محفوظدر .
ماده : ۷۹۵ — مستعجلاً بر قرار اتخاذه لازم
كلوبده بالذات مداخله سى قانوناً ايجاب ايدن آلاجاقلينك
اسمى ويا اقامتكاهى مجهول اولديغى حالرده بورجلىنك
ويا ديكر علاقه دارلر كى طلبى اوزهرينه صالح حاكمى
او آلاجاقليله ، برقيم تعيين ايديه بيلير .

آلاجاقلينك تمثيلي

ايكنجى فصل

ايپوتهك

ماده : ۷۹۶ — حالاً موجود ويا ايلريده وجود
بولاجق ياخود وجود بولماسى محتمل اولان هر هانكى
بر آلاجاغك تامينى ايچون ، ايپوتهك تأسيس اولونا بيلير .
بوصورته تقييد ايديلن غير منقول ، بورجلىنك كندى
ملكى اولق لازم ده كيلدر .

غايه سى و ماهيتى

ماده : ۷۹۷ — تامين ايتديكى آلاجاق مقدارى غير
معين ويا متحول اولسه بيله ؛ تأسيس اولونان ايپوتهك ،
طاپو سجلنده ثابت بر درجه اشغال ايدن و تامين اولونان
آلاجاقدن نه كى بر تحول واقع اولورسه اولسون ،
تسجيلده كى صره سنى محافظه ايلر .

تأسيس و سقوط
تأسيس

طاپو مأمورى ، تأسيس اولونان ايپوتهك حقنده
آلاجاقلينك طلبى اوزهرينه كنديسنه بر صورت ويرير .
بوصورت قيمتلى اوراقدن معدود اولمايوب آجاق تسجيلك
وقوعى اثباته مدار اولور . مقاوله نامه نك اوزهرينه تسجيل
كيفيتك شرح و تصديق ايديله سى ، صورت مقامنه قائم اولور .

ماده : ۷۹۸ — تقييد ايديلش اولان غير منقولك
مالكى ، آلاجاغك سقوطى حالنده ، طاپو سجلنده كى
قيدك ترقينى آلاجاقلندن ايسته يه بيلير .

ماده : ۷۹۹ — باشقاسن آلاجنى ايچون اوزهرنده شخصاً مسئول اولمايان
مالكك حق
ايپوتهك تأسيس ايديلن غير منقولك مالكى ؛ بورجلى
حقنده كى شرط . كوره بورجى اطفاليدوب غير منقولنى
رهندن قورتاراييلير واسقاط ايتديكى بورج ايچون آلا -
جاقلينك يرينه قائم اولور .

ماده : ۸۰۰ — قيمتندن فضله بر بورج ايله تقييد
ايديلش اولان بر غير منقولى ، او بورجندن شخصاً
مسئول اولمايان بر كيمسه ا كتساب ايدهرسه تعقيات
باشلامه دن اول صايش بدلنى و عوض سز تملكده غير منقول
ايچون تقدير ايتديكى قيمتى آلاجاقليله تاديه ايدهرك او
غير منقولى ايپوتهك كدن قورتاراييلير .

ايپوتهك كدن قورتارمه
شرطلى و اصولى

بو كيمسه ، غير منقولى ايپوتهك كدن قورتاراجنى آلتى
آي اول تحريراً آلاجاقليله اخبار ايدن و تكليف ايتديكى
پاره آلاجاقليله آراسنده صيرالرينه كوره توزيع اولونور .

مزایده

ماده : ۸۰۱ — آلاجاقلیر ، غیر منقولی اکتساب
 ایدن کیمسه نك بو باده کی تکلیفی کندیلرینه تبلیغ
 ایتدیکی کوندن اعتباراً بر آی ایچنده ، مصرفلرینی پشین
 ویره رک رهنك علنی مزایده سنی ، طلب ایده بیلر لر .
 بو مزایده نك ، اعلاندن صو کرا و طلبك وقوع بولدیغی
 کوندن اعتباراً ایکنجی آی ایچنده یا پلماسی لازمدر .

مزایده بدلی ، تکلیف ایدیلن مبلغدن فضله اولدیغی
 تقدیرده بو بدل آلاجاقلیر آراسنده توزیع ایدیلر .
 مزایده مصرفی ، مزایده بدلك تکلیف اولونان مبلغدن
 فضله اولماسی حالنده تکلیف صاحبه و عکسی تقدیرده
 مزایده بی ایسته یین آلاجاقلی به عائد اولور .

اخبار

ماده : ۸۰۲ — ایپوتکله تقید ایدیلش اولان غیر
 منقول مالکی ، بورچدن شخصاً مسؤل ده کیل ایسه
 آلاجاقلینک تادیه طلبی کندیسنه قارشى معتبر اولمق ایچون
 بورجلی ایله کندیسنه ده تبلیغ ایدیلک لازمدر .

ماده : ۸۰۳ — ایپوتکله تقید ایدیلش اولان بر غیر
 منقول آخره تملیکی ، خلافه مقاوله اولمادقچه بورچلینک
 وجیه سنده و تأمیناتنده تحول حصوله کتیر مزه لکن
 یکی مالک ، بورجی قبول ایتدیکی تقدیرده اگر آلاجاقلی
 حقنی اولکی بورجلی به قارشى محافظه ایتدیگنی سنه سی
 ایچنده تحریراً بیان اتمه مش ایسه اولکی بورجلی ، بورچندن
 قور تولور .

ایپوته کک حکمی
 ملکیت ورهن
 تملیک

غیر منقول تقسیمی

ماده : ۸۰۴ — ایپوتکله تقید ایدیلش غیر منقول بر
 قسیمی ، یا خود عینی مالکک بوصورله مقید متعدد غیر-
 منقوللردن بریسی ، آخره تملیک یا خود غیر منقول تقسیم
 ایدیلر سه ؛ خلافه بر مقاوله بولونمادقچه ، تأمینات هر قسمک
 کندنی قیمته کوره متناسباً توزیع اولور . بو توزیغی
 قبول اتمه یین آلاجاقلی ، توزیعک کسب قطعیت ایتدیکی
 تاریخدن اعتباراً برای ایچنده ؛ آلاجاقلک بر سنه ظرفنده
 اوده نمه سنی ایسته به بیلر .

غیر منقولی اکتساب ایدنه لر بورچدن کندی پارچه لرینه
 دوشن حصه بی قبول ایتدکاری تقدیرده اگر آلاجاقلی ،
 حقنی اولکی بورجلی به قارشى محافظه ایتدیگنی سنه سی
 ایچنده تحریراً بیان اتمه مش ایسه ، اولکی بورجلی ،
 بورچندن قور تولور .

ماده : ۸۰۵ — غیر منقولی اکتساب ایدن کیمسه
 نك بورجی قبول ایتدیکی طابو ماموری طرفندن آلاجاقلینک
 بایانده بولونماسی ایچون سنه لك مدت ، بواخباردن اعتباراً
 جریان ایدر .

ماده : ۸۰۶ — ایپوتکله تأمین ایدیلش اولان بر
 آلاجاقلک تملیکی صحیح اولمق ایچون ، تسجیلی شرطده کیلدر .
 ماده : ۸۰۷ — اشاعیده کی کیمسه لر ، قانونی بر
 ایپوته کک تسجیلنی ایسته به بیلر لر .
 ۱ — صاندیغی غیر منقول اوزه رنده نمى تأمین ایچون بايع .

آلاجاقلی به اخبار
 ایپوته کک حکمی
 ملکیت ورهن
 تملیک

آلاجاقلک تملیکی
 قانونی ایپوته کک
 تسجیل ایدیلدیکی حاللر

۲ — تقسیمدن منبعث مطلوبات ایچون، اولجه بینلرنده مشترک اولان غیرمنقول اوزدرنده میراثچیلر و حصه دارلر.
۳ — بر غیرمنقول اوزدرنده کی انشاءت یا خود عملیاتده مالزمه ویره رک ویا ویرمه یه رک چالیشمیش اولمالری حسبیه مالک ویا متعهد ذمتنده تحقق ایدن آلاجاقلری ایچون او غیرمنقول اوزدرنده بومتعدد وایشجیلر .

قانونک بو صورتله کندیلرینه ایپوته ک حق طانییدیغی کیمسه لرک، اولجه یاپیلمیش بر مقاوله ایله اشبو حقلرندن فراغتلی، معتبر ده کیلدر .

ماده : ۸۰۸ — بایعک، میراثچینک و حصه دارک قانونی ایپوته ک حق ملکیتک نقلدن صوکر اوچ آی ظرفنده تسجیل اولونمق لازمدر .

بایع، میراثچی
و حصه دارلر

ماده : ۸۰۹ — ایشجیلرک و متعهدلرک ایپوته ک حق ایشک اجراسنی التزام ایتدکلی کوندن اعتباراً طاپو سجنه قید اولونا بیلیر . تسجیل نهایت ایشلرک ختامنی ولی ایدن اوچ آی ایچنده ایسته نه بیلیر . بو تسجیل، آلاجاق، مالک طرفندن قبول ایدیلش ویا محکمه جه حکم آلتنه آلمش ایسه یاپیلا بیلیر مالک بر آلاجاقلی یه کافی تأمینات ویریرسه تسجیل طلب اولونا ماز .

ایشجیلر و متعهدلر
تسجیل

ماده : ۸۱۰ — ایشجیلرک و متعهدلرک حائز اولدقلری قانونی ایپوته ک حق آری آری و مختلف تاریخلرده تسجیل ایدیلش اولسه بیلر بونلر آلاجاقلرینی استیفا خصوصنده مساوی حقه مالکدرلر .

صیرا

ماده : ۸۱۱ — رهن، نقده تحویل ایدیلدیگی زمان ایشجیلر و متعهدلر بوتون آلاجاقلرینی استیفا ایدمه مک صورتیه ضرره اوغرارلرایسه، بوضررک وقوعنی اولدن بیلن ویا بیدارسی لازم کلن مقدم صیراده کی آلاجاقلیلر، حصه لرینه دوشن مقدارک مجموعندن عرصه نک قیمتیه اصابت ایدن مقدار تنزیل ایدیلد کدن صوکر متباقیدن واقع اولان ضرری تضمین ایله مکلف اولور. اولکی صیراده بولونان آلاجاقلی، غیرمنقول رهن سندینی باشقاسنه تملیک ایتمش ایسه ایشجینک و متعهدک تملیک سببیه محروم قالد. قلمی مقداردن مسئول اولور. ایشه باشلانیدیغی، علاقه دارک اخباری اوزهرینه طاپو سجنه اشارت ایدیلنجه؛ تسجیل مدتک ختامه قدار، او غیرمنقولده ایپوتکدن باشقا بر شکلده تأمینات تسجیل ایدیلر مز .

اورمچنی فصل

ایپوته کلی بوج سندی و ایراد سندی

ماده : ۸۱۲ — ایپوته کلی بوج سندی، غیرمنقول ایپوته کلی بوج سندی رهنله تأمین اولونمش شخصی بر آلاجاقدردر .
غایه سی و ماهیتی

ماده : ۸۱۳ — ایپوته کلی بوج سندینک تأسیسی ایچون غیرمنقولک طاپو اداره سی معرفتیه قیمتک رسماً تقدیر ایدیلش اولماسی لازمدردر. ایپوته کلی بوج سندی،
قیمت تقدیری

تقدير ايدىلش اولان قيمتى متجاوز مقدار ايچون تاسيس اولوناماز .

فسخك اخبارى

ماده : ۸۱۴ — خلافي شرط ايديله مش ايسه ايوته كلى بورج سندنك فسخي ، فائض تاديه سي ايچون معتاد اولان كوندن اك اشاغى آلتى آى اول آلاجاقلى وبورجلى طرفدن اخبار اولونابيلير .

مالك وضعيتى

ماده : ۸۱۵ — باشقاسنك بورجى ايچون غير منقولى رهن ايدىلش اولان مالك حقنوده ، ايوتهك حكملرى تطبيق اولونور .

باشقاسنك بورجى ايچون غير منقولى رهن ايدلش اولان مالك ، آلاجاقلى قارشى بورجلىنك حائز اولدينى بوتون دفعلى درميان ايدىلير .

تمليك ، تقسيم

ماده : ۸۱۶ — ايوته كلى بورج سندن ايله تامينات تشكيل ايدىن غير منقولك تمليك و تقسيمى اوزه رينه ترتب ايدىن حكملر ، ايوتهك حقنوده كى قاعده لره تابعدر .

ايراد سندن ماهيتى و غايه سي

ماده : ۸۱۷ — ايراد سندن ، بر غير منقول اوزه رينه غير منقول مكلفيتى اولارق تاسيس اولونان بر آلاجاقدردر . ايراد سندن ايله آنجاقل زراعى غير منقوللر ، اولر و اوزه رينه بنا انشا ايديله جك عرصه لر تقيد اولونابيلير .

ايراد سندن ، شخصى بروجيه توليد ايتمز و آلاجاغك جهتنى ده احتوا ايله مز .

ايراد سندن رأس-

ماده : ۸۱۸ — زراعى غير منقولى تقيد ايدىن

ايراد سندنك رأس المالى ، ارضك ايراد قيمتنك اوچده المالك اعظمى مقدارى ايكيسنه بنا قيمتنك ياريسنك علاوه سندن حاصل اولان مقدارى تجاوز ايدىن مز . شهر لرده كى غير منقوللرى تقيد ايدىن ايراد سندنك رأس المالى ، او غير منقوللرك ايراد قيمتلىنه عرصه و بنا قيمتلىنك ضمندن حاصل اولان يكونك ياريسنك بيشده اوچنى تجاوز ايدىن مز . بو قيمتلك طابو اداره سي معرفتيله رسماً تقدير ايتديريلسى لازمدر .

ماده : ۸۱۹ — قيمتلك لازم كلن اهتمام ايله تقدير ايديله مسندن ، خزينه مسئولدر . خزينه ، قصورى اولان مأمورلره رجوع ايدىلير .

ماده : ۸۲۰ — ايراد سندن تقيد ايدىلش اولان غير منقولك مالكى ، هر ايكى طرف ، آلتى سندن دها اوزون بر مدت ايچون فسخ ايديله مسنى مقاوله ايتش اولسهر بيله بهر آلتى سنه لك دوره نك ختامندن بر سنه اول خبر ويرمك شرطيله بوسندى ، اشترا حقنى حائزدر . ايراد سندن ايله آلاجاقل اولان ، آنجاقل قانوناً معين احوالده آلاجاغك تاديه سنى ايسته يه بيلير .

ماده : ۸۲۱ — ايراد سندن ايله تقيد ايدىلش غير منقوله مالك اولان كيمسه ، او سندنك بورجلىسى اولور .

غير منقولى اكتساب ايدىن كيمسه باشقه هيچ بر معامله يه حاجت قالمق سزىن ايراد سندنده كى آلاجاغك بورجلىسى

بورج و ملكيت

اولوب او كونه قادار اوكا مالك بولونان ، بورجندن برى اولور . غيرمنقول ، ايراد سندنك فائضلرينه قارشىلىق اولمقدن چيقدىنى تاريخدن اعتباراً ، او فائضلر مالكك شخصى بورجى اولور .

ماده : ۸۲۲ — ايراد سندنيله تقييد ايدىلش اولان غيرمنقول تقسيم ايدىلده كده هر پارچه يه مالك اولان كيمسه سنده كي آلاجاغى بورجلانير .

ايسوته كله تقييد ايدىلش اولان غيرمنقولك تقسيمى حقنده كي قاعده لر بو مختلف پارچهلر اوزهرينه توزيع ايدىلن بورجلرده تطبيق اولونور .

ايراد سندنك مالكلر طرفندن اشتراسنه آلاجاغلى طالب اولديغى حالده بر سنه ظرفنده بو اشترايى يامالرى لزومنى بورجلارك توزيى قطعيت كسب ايتدىكى تاريخدن اعتباراً نهايت بر آي ايجنده كنديلرينه اخبارايمكه مجبوردور .

ماده : ۸۲۳ — ايسوته كلى بورج سندنى و ايراد سندنى ، نه بر شرطى نه ده مقابلنده برشى اعطاسى قيديى احتوا ايدمهز .

ماده : ۸۲۴ — ايسوته كلى بورج سندنى ياخود ايراد سندنى تاسيس اولونديغنده تاسيسك سببى تشكيل ايدن وجيهه عقدى تجديد صورتيله اسقاط ايدىلش اولور .

خلافة بر مقاوله يالمش اولورسه بو مقاوله آنجاغى عاقدلر وحسن نيت صاحبي اولمايان شخص ثالثلر حقنده معتبردر .

تقسيم

مشترك حكملر
تاسيسى

تاسيس
آلاجاغك ماهيتى
وجيهه ايله مناسبتى

ماده : ۸۲۵ — طابو سجنه قيد ايدىلن هر بورج سندنى ويا ايراد سندنى ايچون طابو مأمورى طرفندن بر سند ويريلير .

تسجيل معامله سى اوزرينه سندنك تنظيمندن مقدم دخی قانونى حكملر ترتب ايدهر .

ماده : ۸۲۶ — ايسوته كلى دين سندنى طابو مأمورى طرفندن تنظيم اولونور . سندرلر طابو مأمورى ايله صلاحيتدار حاكمك امضاسنى حاوى اولق لازمدر .

سندرلر ، آلاچقلى يه ياخود اونك و كيلنه آنجاغ بورجلينك وتقييد ايدىلن غيرمنقول مالكك رضاسيله ويريله بيلير .

ماده : ۸۲۷ — ايسوته كلى بورج سندنك و ايراد سندنك شكللى نظامنامه مخصوص ايله تعيين اولونور .

ماده : ۸۲۸ — ايسوته كلى بورج سندنى و ايراد سندنى نامه ويا حامله محرر اولور . بونلر غير منقول مالكك نامنده تنظيم اولونا بيلير .

ماده : ۸۲۹ — برايسوته كلى بورج سندنى و ايراد سندنى تاسيس اولوندقده تأديآتى اجرا واخذ ، تبليغاتى قبول ، تأميناتك تنقيصنه موافقت وعموميتله آلاچاقلينك و بورجلينك و مالكك حقوقنى تام براهتمام و بر بيطرفلق ايله محافظه مكلفيتلرينى حائز اولق اوزره بروكيل تعيين اولونا بيلير .

تسجيل و سند
سندنك لزومى

سندنك تنظيمى

سندنك شكلى

آلاچاقلينك تعيينى
تنظيم ايديليركن

وكيل صورتيله

وکیلک اسمی طاپو سجلنه ورهن سندینه قید اولونور.
وکالت ، ختام بولدیغی تقدیرده اکر علاقه دارلر اتفاق
ایده مزلر ایسه حاکم ایجاب ایدهن تدبیرلری اتخاذ ایدر .

ماده : ۸۳۰ — رهن سندی خلافتی تعیین ایتمه دیکی
تقدیرده سند ، حامله محرر اولسه دخی بورجلی بوتون
تأدیاتی آلاجلینک اقامتگاهنده یا پیمایه مجبوردر . آلاجا-
قلینک اقامتگاهی معلوم اولماز یا خود بورجلیک ضررینه
اولارق تبدیل ایدیلیرسه بورجلی تأدیاتی کندی یا خود
آلاجلینک اولکی اقامتگاهنده کی طاپو دائره سنه یا تیرمق
صورتیه بورجندن قورتولا بیلیر . سندک فائض قوپونلری
وارسه ، فائض تأدیاتی ، قوپونی ابراز ایدهنه یا بیلیر .

ماده : ۸۳۱ — آلاجاغک تملیکی حالنده بورجلی
کندیسنه بوتملیک حقنده بر اخبار واقع اولمادجه سند
حامله محرر اولسه دخی قوپونسز اولان فائض و سنوی
تقسیطلرینی اولکی آلاجاقلیه تأدیه ایده بیلیر .
بونکله برابر رأس المالك تمامی ویا بر قسمی هر حالده
آنجا ق تأدیه زماننده آلاجاقلی اولدیغی تحقق ایدهن
کیمسه یه اوده نمش ایسه معتبر اولور .

ماده : ۸۳۲ — آلاجاقلی موجود اولمادیغی یا خود
اولوبده رهندن فراغت ایتدیکی تقدیرده بورجلی طاپو
سجلنده کی قیدی ترقین ویا ابقا ایتدیرمکده مختاردر .
بورجلی ، سندی یکیدن تداول ایتدیره بیلیر .

تأدیه محلی

آلاجاغک تملیکندن
صوکرأ تأدیه

آلاجاقلینک سقوطی
آلاجاقلینک موجود
اولاماسی حالنده

ماده : ۸۳۳ — ایپوته کلی بورج سندی ایله ایراد
سندینک قیدی بالموافق سند ابطال ایدیلهدن ویا حاکم
طرفندن حکمسزلکنه قرار ویریلهدن اول طاپوسجلندن
ترقین اولوناماز .

ماده : ۸۳۴ — طاپو سجلنک ایپوته کلی بورج ویا
ایراد سندینه تعلق ایدهن مندرجاتنه حسن نیتله استناد
ایتمش اولان هر شخص حقنده ، سجل متنی معتبردر .

ماده : ۸۳۵ — اصولنه موافق صورتده تنظیم ایدیلن
ایپوته کلی بورج سندی وایراد سندی مندرجاتنه حسن
نیتله استناد ایتمش اولان هر شخص حقنده ، بوسندلرک
متنی معتبردر .

ماده : ۸۳۶ — منلری ، سجل قیدینه مطابق
اولمایان ویا سجل قیدی بولنمایان ایپوته کلی بورج سندی
ایله ایراد سندلری حقنده ، طاپو سجل قیدینه اعتبار
اولونور . بوسندلری حسن نیتله اکتساب ایتمش اولان
کیمسه طاپوسجلی حقنده معین حکمار دائره سنده دوچار
اولدیغی ضررک تضمینی ایسته یه بیلیر .

ماده : ۸۳۷ — بر ایپوتکلی بورج سندینک ویا
ایراد سندینک احتوا ایتدیکی آلاجا ق کرک حامله کرک
نامه محرر اولسون سند ایله برلکده اولقسزین تملیک
و ترهین ایدیلهدن و او آلاجقده دیگر هر هانکی بر
صورتله تصرف اولوناماز .

ترقین

آلاجاقلینک حقلری
حسن نیتک حمایه سی
سجل حقنده

سند حقنده

سندک تسجیل ایله
مناسبتی

آلاجاقلینک حقلری
استعمال ایتمه سی

سندك حكمسزلكنه قرار ويريلديكي ويا سند هنوز
تنظيم اولونماديني حاللرده آلاجنی ادعا ايتك حق ،
محفوظدر .

تمليك

ماده ۸۳۸ — ايپوتكلی بوج سندينك ويا ايراد
سندينك احتوا ايتديكي آلاجاغك تملیكي ايچون سندك
تسليمی شرطدر . سند ، نامه محررايسه تملك كيفيتك
سند اشارت ايديلهسی و اکتساب ايدنك اسمك
يازيلماسی ده لازمدر .

ابطال قرارى
ضیاع حالنده

ماده : ۸۳۹ — بر سند ويا فائض قوپونی ضایع
اولمش ياخود بوجی اسقاط نیتی ايله اولقسزین احسا
ايديلمس ايسه آلاجقلى ، سندك حكمسزلكنه قرار ويريلهرك
بدلك اوده نيمه سنی ياخود بوج هنوز معجلیت كسب
ايمه مش ايسه يكي برسند ويا قوپون اعطاسی ، حاكمدن ،
ايسته يه بيلير .

سندك حكمسزلكنه ، حامله محرر سندلر ايچون
معین اصوله توفيقاً ، قرار ويريلير . اعتراض مدتی بر
سنه در . بورجلى دخی بدلی اوده نیلديكي حالده ابراز
ايديله مین سندك حكمسزلكنه قرار ويريله سنی عینی
وجه ايله طلب ايتك حقنى حازدر .

ماده : ۸۴۰ — ايپوتكلی بوج سندی ايله آلاجاقلی
اولان كيمسه اون سنه دنبری ميدانده اولماز و بو مدت
ظرفنده هيچ بر فائض طلب ايديله مش بولونورسه تعييد
آلاجاقلينك اعلان ايله
دعوت ايديله سی

ايديان غير منقول مالکی ، غائبك قرارينه دائر احكامه
توفيقاً ، آلاجاقلی بی اعلان طريقيله بايلاجق بر تبليغ
ايله دعوت ايمه سنی ، حاكمدن ايسته يه بيلير .

آلاجاقلی كنديسنى بيلير مرز ويا پيلان تحقيقانده اغلب
بر احتمال كوره آلاجاغك قالماديني آكلاشيلير ايسه
حاكم سندك حكمسزلكنه و طاپو سيجلنده كی درجه نك
بوش براقيلماسنه قرار ويرير .

ماده : ۸۴۱ — بورجلى ، آنجا ق تسجیلدن ويا
سنددن متولد اولان دفعلرله مطالبه ده بولونان آلاجاقلی به
قارشى شخصاً حائز اولدینی دفعلری درمیان ايديه بيلير .

تأديه

ماده : ۷۴۲ — آلاجاقلی ، بورجك تماماً تأديه سی
حالنده بورجلىك طلبی اوزرينه سندی ابطال ايديله مش
اوله رق كنديسنى تسليمه مجبوردر .

حقوقی مناسبتده
ده كيشيكك

ماده : ۸۴۳ — بورجه قارشى على الحساب تأديانده
بولونوماسی ، ياخود بورجك تخفیفی ، ياخود غير منقول
اوزه رنده كی تعييدك فكي كی بر صورته تعديلات اجرا
ايديلديكي تقديرده بورجلى بو تعديلاتی طاپو سيجلنه قيد
ايتدير مك حقنى حازدر . طاپو مأموری ، بو تعديلاتی
سند اشارت ايمكه مجبوردر . بو تسجیل يا پلمادینی
حالده ؛ سنوی تقسيط شكلنده واقع اولان تأديه لر مستثنا
اولق اوزره وقوع بولان تعديلات ، سندی حسن نيته
اكتساب ايتمش اولان كيمسه يه قارشى درمیان اولونماز .

در ردیفی فصل

غیر منقول قارشیلوق کوسریله رک سند اخراجی

غیر منقول قارشیلوق
سندات

ماده : ۸۴۴ — نامه ویا حامله محرراولان تحویلار
آشاغیده کی شکلرده بر غیر منقول رهنی ایله تأمین
ایدیله بیلیر .

۱ — استقراضک تمامی ایچون بر ایپوته ک ویا
ایپوته کلی بورج سندی تأسیس و بورجلی
ایله آلا جاقلیلرک جمله سنی بردن تمثیل
ایده جک بر ممثلی تعیینی .

۲ — اخراجی در عهده ایدن مؤسسه لهنه
استقراضک مجموعی ایچون بر غیر منقول
رهنی تأسیس و بویله بر رهن ایله تأمین
ایدیلش اولان آلا جاک تحویلات صا-
جبلری لهنه تقیددی .

ماده : ۸۴۵ — ترتیب حالنده اخراج اولونان
ایپوته کلی بورج سندلری ایله ایراد سندلری آشاغیده کی
ماده لرک حکملری محفوظ قالمق اوزره بوسندلر حقنده کی
عمومی قاعده لره تابعدر .

رتیب حالنده چیقا-
ریلان ایپوته کلی
بورج سندلری
و ایراد سندلری
عمومی حکملر

ماده : ۸۴۶ — بوفصلده بحث اولونان سندلر اون
لیرا ویا اونک هر هانکی بر عددله مضروبی قدر لیرا
ایچون تنظیم ایدیلیر . بونلرده برر صیرا بومروسی
بولونور وهیسی عین عباره ایله یازیلیر . غیر منقولک مالکی،

سندلرک ماهیتی

سندلری کندی چیقارما بورسه بواشی اوزرینه آلان
مؤسسه آلا جاقلیلرله بورجلی نک ممثلی اولوق اوزره تعیین
وتصریح اولونور .

ماده : ۸۴۷ — بورجلی، معین وعده لرده فائضدن
باشقا ترتیبک اطفاسی ایچون رأس المالدن بر قسمک دخی
تأدیه سنی تعهد ایده بیلیر . سنه لک اطفاسی، معین بر مقدار
سندک بدلتک تأدیه سنی تضمن ایتک لازمدر .

ماده : ۸۴۸ — سندلر، قاج عدد اولدینی ذکر
ایدیلرک طابوجه تسجیل اولونور . استقراضک مجموعی
ایچون بر تسجیل معامله سی یابیلیر . سندک مقداری آز
ایسه آیری آیری تسجیل اولونا بیلیر .

ماده : ۸۴۹ — سندلری چیقاران مؤسسه آلا جاقلیلرک
و بورجلی نک مشترک مثللری اولسه ده اخراج صیراسنده
کندیسنه بویله بر صلاحیت ویریش اولمادجه بورجلی نک
تعهدلرینی تعدیل ایده مز .

سندلرک حکملری
متوسط مؤسسه

ماده : ۸۵۰ — سندلرک بدللری؛ اخراج صیراسنده
کندیسنه بویله بر صلاحیت دائره سنده متوسط مؤسسه
طرفندن تنظیم ایدیلش اولان اطفاسی لهنه توفیقاً، اوده نیر .
اوده نین سند ابطال ایدیلیر . خلاقه مقاوله یوق ایسه
غیر منقولک قارشیلوق طوتولدینی تحویلارک هپسی، بوکا
متفرع وجیه لر اطفاسی ایدیلوب بوتون قوپونلرله برلکده
ابطال ایدیلرکجه یا خودقالان قوپونلرک بدللری یا تیریلما دجه
طابو سجنده کی قید ترقین ایدیلرک مز .

تأدیه
اطفا پلانی

مراقبه

ماده : ۸۵۱ — غیرمنقولک مالکی یاخود اخراج ایشنی اوزرینه آلان مؤسسسه مقرر اطفا پلاننه توفیقاً قرعه اصولنی تطبیق و اوده ن سندلری ابطال ایتمکه مکلفدر .

بومعامله لر ، ایراد سندلرینه تعلق ایتدیکی تقدیرده حکومتجه مراقبه ایدیلیر .

ماده : ۸۵۲ — بوتون تأدیات ، وقوعلرینی تعقیب ایدن قرعه زماننده کی بورجک اطفا سنه تخصیص اولونور .

تأدیاتک تخصیصی
لازمکن جهت

یکرمی اوچنجی باب

منقول رهنی

بهرنجی فصل

تسلیمی مشروط شکله رهن وحبس حق

ماده : ۸۵۳ — قانوناً معین استثنالر خارجنده بر منقول ، آنجاقت تسلیمی مشروط شکله رهن ایدیله بیلیر . برمنقولی حسن نیتله رهن اوله رق قبول ایدن کیمسه اومنقول اوزره رنده راهنک تصرف حق بولونماسه ده رهن حقنی اکتساب ایدر . شوقادارکه شخص ثالثلرک مقدم ذی الیدلکدن متولد حقلری محفوظدر . راهن ، مرهونی فعلاً وحصراً کندی یدنده بولونیدردقجه ؛

تسلیمی مشروط رهن
رهنک عقدی
الاجاقیلنک ذی الیدلکی

مرتین ایچون رهن حق ثابت اولماز .

ماده : ۸۵۴ — مرکز لرینک بولوندیغی محلك حکومت ملکیه سی طرفدن بوکی معاملاتده بولونمق حقنی استحصال ایتمش اولان اعتبار مؤسسسه لری ایله قوتوپه راتیف شر - کتلی ، آلاجاقلرینی تأمین ایتمک ایچون عمومی برسجله قید واجرا مأمورینه اخبار صورتیه حیوان اوزره رینه قبض الیمکسزین رهن تأسیس ایدیه بیلیرلر .

ماده : ۸۵۵ — مرهونک مالکی ، مرهون اوزره رنده مؤخر بر رهن تأسیس ایدیه بیلیر . بونک ایچون رهنی قبض ایتمش اولان آلاجاقلی یه اخبارنامه کونده رمه سی وبو اخبارنامه ده ؛ آلاجاغی تسویه ایدیانجه ، مرهونی دیگر آلاجاقلی یه تسلیم ایتمه سی لزومنی بیان ایله می مقتضیدر .

ماده : ۸۵۶ — مرتین ، راهنک رضاسی اولماقجه مرهونی باشقاسنه رهن ایدمه ز .

ماده : ۸۵۷ — مرتین ، مرهون اوزره رنده کی ذی الیدلکنی و مرهونه وضع ید ایدن شخص ثالثلردن مطالبه صلاحیتنی ضایع ایدنجه ، رهنی ساقط اولور . راهن مرتینک رضاسیله مرهون اوزره رنده فعلاً یدینی ادامه ایتدکجه رهنک حکملری معلق قالیر .

ماده : ۸۵۸ — مرتینک ، مرهون اوزره رنده کی حقلری تأدییه ایله وباشقا برسبیله ساقط اولونجه ؛ مرهونی

حیوان رهنی

مرهون اوزره رنده
مؤخر رهن تأسیسی

مرتینک مرهونی
رهن ایتمه سی

سقوط
ذی الیدلکک ضایع
ایدیله سی

رهنک اعاده سی

حق صاحبته اعاده ایتمه سی لازمدر . مرتهن ، آلا جغنی
تماماً استیفا ایتمه دجکه مرهونی ویا بر قسمی اعاده ایتمه
مكلف طوتولاماز .

مرتھنك مسئولیتی

ماده : ۸۵۹ — مرتهن؛ مرهونك تلف و ضیاعندن
و قیمتته نقصان كلسندن مسئولدر . مكر كه بو حالك
كندی قصوری اولمقسرین وقوعه كلدیكنی اثبات ایتسین
مرتھن مرهونی خود بخود صاتار یا خود رهن ایدرسه
بویوزدن وقوعه كن بوتون ضرری ضامن اولور .

رهنك حكملى
مرتھنك حقلى

ماده : ۸۶۰ — علاقہ سی كسیلمه مش اولان مرتھن
آلا جاغنی مرهونك نقده تحویلندن حاصل اولان مبلغدن
استیفا ایتك حقنه مالكدر . رهن ، آلا جاغلی یه رأس -
المال و مقاوله ایدیلن فائضله تعقیبات و محاكمه مصرفلرینی
و كچمش كون فائضلرینی تأمین ایدر .

رهنك شمولی

ماده : ۸۶۱ — رهن ، مرهونك هم اصلنی هم
تفرعاتی تقید ایدر . خلافنه مقاوله اولمادجقه، مرهونك
طبیعی ثمره لری او مرهونك متمم جزؤلری اولمق حالندن
چیقنجه مرتھنك بونلری مالكه اعاده ایتمه سی لازمدر .
رهن ، مرهونك صاتیلدیغی زمانده متمم جزؤلرینی تشكيل
ایدهن ثمره لری ده شامل اولور .

مرتھنلرك صیراسی

ماده : ۸۶۲ — منقول ، بردن زیاده كیمسه لره رهن
ایدیلش ایسه بونلر ، آلا جغلرینی رهن تاریخی صیراسیله
استیفا ایدر لر .

ماده : ۸۶۳ — بورجك وعده سنده اوده نمه سی مرتھنك مرهونه مالك
تقدیرنده مرتھنك مرهونه مالك اولماسنی تضمن ایدن
هر شرط ، باطلدر .

حبس حق
شرطلى

ماده : ۸۶۴ — بورجلى نك رضاسیله منقول اشیا سینه
یا خود قیمتلى اوراقنه ذی الید اولان آلا جاغلی ، معجل
وبو اشیا و اوراقله طبیعی بر ارتباطی بولونان آلا جاغنی
استیفا ایدنجه یه قدار ؛ بونلری ، یدنده حبس ایتك حقنی
حائزدر .

بو ارتباط ، تاجر لر حقنده ذی الیدلك و آلا جاغك
بینلرنده كی تجاری مناسبتلرندن تولد ایتمش اولماسی حالده
موجود عد اولونور . حبس حق ، آلا جغلی طرفندن
حسن نیتله قبض ایدیلش اولمق شرطیله بورجلى نك مالك
اولمادیغی اشیا یی ده شامل اولور . بونكله برابر شخص
ثالثك اولكی ذی الیدلكلرندن متولد حقلى محفوظدر .

استثنائى

ماده : ۸۶۵ — ماهیتلى اعتباریله نقده تحویلى
قابل اولمایان شیلر اوزرنده حبس حق ، قوللانیلاماز .
كرك آلا جاغلى نك التزام ایتدیكى بروجیه ایله كرك تسلیم
زماننده ویا ده اول بورجلى نك ویردیكى تعلیمات ایله
كرك عامه نك انتظامی ایله تألیفی قابل ده كیل ایسه حبس
حق ، وجود بولماز .

بورجنى اوده مكدن
عجز حالنده

ماده : ۸۶۶ — بورجلى ؛ بورجنى اوده مكدن عاجز
اولدیغی حالده آلا جاغلى هنوز آلا جغنی معجل اولماسه بیله

اونك تاميني ايجون حبس حقنى استعمال ايدى بيلير. بورجنى اوده مكدن عجز كىفيتى اشيانك تسليمندن صوكر اتحقق ايدىر ويا آلاجاقلينك اطلاعنه واصل اولورسه آلاجقلى او اشيانك معين بر صورتده استعمالنه دائر او كجه دن بر وجيه التزام ايتش ويا بورجلىنك بو باده ويريلش بر تعالماق بولونمش اولسه بيله حبس حقنى استعمال ايدى بيلير.

ماده : ۸۶۷ — آلاجانى تاديه ايديله ين ويا كافى تامينات استحصال ايتمه ين آلاجاقل ، بورجلى يه اولجه اخبار ايتد كدن صوكر تسليمى مشروط رهن حكملارنده اولديغى كى حبس ايتدىكى شيتك نكده تحويلنى طلب ايدى بيلير .

حكمرى

حبس اولونان شيلر ، نامه محرر سندادن عبارت اولورسه اجرا دائره سى ويا افلاس ماصه سى مأمورلى نكده تحويل ايجون لزومى اولان معامله لرى بورجلى مقامنه قائم اولارق ايضا ايدىرلر .

ايكنجى فصل

آلاجاق اوزرنده رهن حق و ديكر حقار

ماده : ۸۶۸ — آلاجاقلر وسائر تملكى قابل اولان حقار اوزرنده رهن تأسيس ايديله بيلير . خلاقه حكم اولماقجه ، بونلر حقنده تسليمى مشروط رهن احكامى جارى اولور .

عمومى حكملر

ماده : ۸۶۹ — برسند ايله تثبيت ايديلش اولمايان ياخود سنده ربط ايديلن آلاجاقلرك رهن ايديله سى تحريراً اولور وسنده ربط ايديلنلرده ، سندنك تسليمى ده شرطدر . رهن ومرتھن ، رهنى شخص ثالث اولان بورجلى يه اخبار ايدى بيليرلر . ديكر حقارلك رهن ايديله سى بونلرك دورى ايجون معين شكلره رعايت ايديلك شرطيله تحريراً اولور .

ماده : ۸۷۰ — حامله محرر سندلر ساده جه مرتھنه تسليم ايديلك صورتيله رهن ايديلير . ديكر قيمتلى اوراقك رهن ايديله سى بونلر امره محرر ايسه جيروسى ياپيلارق ونامه محرر ايسه دورى اجرا ايديله رك سندنك مرتھنه تسليمى ايله اولور .

ماده : ۸۷۱ — امتعه تمثيل ايدىن اوراقك ، تسليمى مشروط شكلده رهن ايديله سى ، اواشيا اوزرنده رهن حقنى حاصل ايدىر . امتعه تمثيل ايدىن سندنك مستقل اولارق خصوصى بر رهن سندنك [وارانت] تنظيم ايدلدىكى حالده اصل سند اوزرنده تامين ايديلن مبلغ ايله وعده اشارت ايديلك شرطيله وارانتك رهن ايديله سى امتعه نك تسليمى مشروط شكلده ، رهنه معادل اولور .

ماده : ۸۷۲ — مرهون بر آلاجاق اوزرنده مؤخر بر رهن تأسيس ، آنجاق مرهون آلاجاق صاحبك ياخود يكي مرتھنك كىفيتى برنجى مرتھنه تحريراً بيلدىر مەسى ايله معتبر اولور .

رهنك تأسيسى
سندلى سندسز
آلاجاقلر اوزرنده

امتعته بى تمثيل ايدىن
اوراق ايله
وارانت اوزرنده

مرهون آلاجاغك
يكيدىن رهن ايديله سى

حکمری
آلاجاقلینک حقنک
شمولی

ماده : ۸۷۳ — فائض کتیره ن یا خود تمتع حصه سی
کبی معین زمانلرده کلیر حاصل ایدن آلاجاقلر اوزرنده کی
رهن ، خلافتیه مقاوله اولمادقجه وعده لری اولجه حلول
ایتمش اولانلره ساری اولمایوب اوندن صوکر اویریلجه جک
شیلره شامل اولور . آلاجاغک بوتفرعانی آیری سندلره
مربوط ایسه ، خلافتیه مقاوله اولمادقجه وقانونه موافق
صورته آیریجه رهن ایدیلجه دجه ؛ اصل رهنده داخل
اولمازلر .

ماده : ۸۷۴ — برشرکتک مرهون حصه سندلرینی
شرکتک هیئت عمومیه سنده مرتهن تمثیل ایتمه یوب ،
اوسندک صاحبی تمثیل ایدر .

مرهون حصه
سندلرینک تمثیلی

ماده : ۸۷۵ — آبی برادارنک اقتضا ایتدیکی تدبیر-
لردن اولدیغی حالده ، رهن ایدیلش آلاجاغک صاحبی
بو آلاجاغی مطالبه ایدیه بیلدیکی کبی تحصیلده ایدیه بیلیر
و مرتهن اولان آلاجاقلی طرفندن بوتدیرلری یا بئمه اجبار
دخی ایدیلجه بیلیر . رهندن خبردار ایدیلن بورجلی ، بورجی
آلاجاقلیسیله مرتهندن هیچ برینه ، دیکرینک رضاسی
اولمقسزین اودهیه مز . اتفاق ایدیه مدکلری حالده بورجی
رسمی بر موقعه یا تیرمغه مجبوردر .

اداره و تأدیه

ارینجی فصل

رهن مقابلنده اقراض ایله مشغول اولانلر

ماده : ۸۷۶ — هیچ بر کیمسه ؛ حکومتک اذنی
اولمادقجه رهن مقابلنده اودونج پارا ویرمک صنعتی اجرا
ایده مز .

رهن مقابلی اقراض
مؤسسه لری
اذن

ماده : ۸۷۷ — اذن ، خصوصی مؤسسه لره آنجا
محدود بر زمان ایچون ویریلیر . مدت بیتنجه یکیله نهمه سی
جائزدر . رهن مقابلنده اودونج پارا ویرمک صنعتی یاپانلر
قانونی وظیفه لرینی کوزه تمه یورلرسه کندیلرینه ویریلن
اذن کیری آلینبیلیر .

مدت

ماده : ۸۷۸ — مرهونی ، بر مقبوض مقابلنده تسلیم
ایتمکله رهن حق وجود بولور .

رهن مقابلی اقراض
رهن حقنک وجود
بولای

ماده : ۸۷۹ — اودونج پارا ، وعده سنده اوده نمرسه
مقرض بورجی اوده مه سنی اولجه رسماً اخطار ایتدکدن
صوکر ، مرهونی اجرا دائره سی واسطه سیله صا تدریر .
بورجلی ، مقرضه قارشى شخصاً مسئول اولماز .

حکمی
مرهونک صا تیلما سی

ماده : ۸۸۰ — صا تیش بدلنک بورجدن آرتیق
قالانی ، بورج آلانه عائددر . بورجلی متعدد مقاوله لی
بورجلر آلتنده ایسه آرتیق قالانک حسابنده بو بورجلر
جمع ایدیلجه بیلیر .

آرتیق پارا اوزرنده کی
حق

بورج آلانک آرتیق پارا اوزره رنده کی حق ، بش سنه
کچمکله ساقط اولور .

بورجك اوده نه سی ماده : ۸۸۱ — مرهون صاتیله نه سیه قادیار مقبوض مرهونی قورتارمق حتی کری ویریلهرک ، رهندن قورتاریله بیلیر . اکر مقبوض ابراز ایدیله مزسه بورج معجل اولدیغی تقدیرده حقنی اثبات ایدن کیمسه ینه رهنی قورتارابیلیر .

مقرض ، مرهونک اعاده سی ایچون مقبوضک کری ویریله سنی شرط ایتمش اولسه بیله بورج معجلیت کسب ایتدیکی تاریخدن اعتباراً آلتی آی کچمش ایسه مستقرض مرهونی قورتارمق حقنی استعمال ایده بیلیر .

ماده : ۸۸۲ — مرهون ، هانکی آی ایچنده قورتا- ریلیرسه مقرضک او آیه عائد قاضک تمامی ایسته مکه حتی واردر . مقرض ، مقبوضی کیم کیری ویریرسه مرهونی اوکا اعاده ایتک حقنی صورت مخصوصه ده محافظه ایتمش ایسه ؛ اومقبوضی حاملنک بوکا حتی اولمایه رق آله کچیردیکنی بیلمه دجه یاخود بیلمه سی لازم کله دجه ، بو حقنی استعمال ایده بیلیر .

ماده : ۸۸۳ — بیع بالوفا معامله سنی صنعت اتخاذا ایدهنلر ، رهن مقابلی اودونج پارا ویرنلر حکمنده در .

در دنجی فصل

رهنی تحویلات

ماده : ۸۸۴ — غیر منقول اوزره رینه اقراض معامله سی یاپان مؤسسه لردن حکومتجه تعین ایدیلنلر ؛ خصوصی رهنی تحویلاتک ماهیتی

بر رهن عقدی وتسليم مكلفیتی اولماسه بیله مالك اولدقلری غیر منقول رهن سندلریله معاملات جاریه لرندن متحصل مطلوبات تأمینات تشکیل ایتک اوزره ؛ رهنی تحویلات اخراج ایده بیلیر .

ماده : ۸۸۵ — آلا جاقلیر رهنی تحویلاتک تأدییه سنی مطالبه ایده مزلر . تحویلات یا حامله ویا نامه محرر اولور و حامله محرر قوپونلر بولونور .

ماده : ۸۸۶ — رهنی تحویلات اخراج ایتک ایسته یین مؤسسه لر حکومتدن اذن آلمغه مجبوردرلر .

تحویلاتک نه کیبی شرائط آلتنده اخراج اولونابیله جکی و اخراج مؤسسه لرینک تفصیلاتنه عائد حکملر قانون مخصوص ایله تعین اولونور .

اوچنجی قسم

ذی الیدلک و طاپو سجلی

یکرمی در دنجی باب

ذی الیدلک

ماده : ۸۸۷ — برتی اوزرنده فعلاً تصرف صاحبی اولان کیمسه اوشیئک ذی الیدلر . ارتفاق حتی ایله غیر- تعریف وشکلی تعریف

منقول مکلفیتندن متولد حقارده ذی الیدلک ، بو حقارک
بالفعل استعمالندن عبارتدر .

اصلی و فرعی ذی الیدلک

ماده : ۸۸۸ — ذی الید ، بر ارتفاق یا خود ارتهان
حق یا خود شخصی بر حق تفویض ایتک ایچون بر شیئی
باشقاسنه تسلیم ایتدیکی تقدیرده بونلرک ایکسی ده ذی الیدلکه
مالک اولور . بر شیده مالک صفقی ایله ذی الید اولانلر اوشیک
اصلاً ذی الیدلری و یکدیگرلری فرعاً ذی الیدلری در .

موقت انقطاع

ماده : ۸۸۹ — ذی الیدلکک استعمالی موقت بعض
احوالدن دولای ممتنع یا خود منقطع اولورسه ، ذی الیدلک
اضاعه ایدیلش اولماز .

ذی الیدلکک نقلی
حاضر اولان کیمسه لر
آراسنده

ماده : ۸۹۰ — ذی الیدلک ، شیک عیننی ویا اونی
ا کتساب ایدنه کیداقتدارینه کچیره جک وساطتی تسلیم ایله
انتقال ایدره . بر شی اولکی ذی الیدک رضاسیله ا کتساب
ایدنه ک اقتداری دائرهنه کچمکه ، ذی الیدلکک نقلی ،
تمام اولور .

غائبلر آراسنده

ماده : ۸۹۱ — غائبلر آراسنده ذی الیدلکک نقلی ،
بر شیک ا کتساب ایدنه ویا مملته تسلیمی ایله تمام اولور .

ذی الیدلکک تسلیمسز
ا کتسابی

ماده : ۸۹۲ — بر شخص ثالث ویا تملیک ایدنه
خصوصی بر سببه بناء ذی الید اولمقده دوام ایدهرسه
ذی الیدلک تسلیم اولمقسزین ا کتساب اولونا بیلیر .

ذی الید اولمقده دوام ایدنه شخص ثالث ، تملیک ایدنه
کیمسه طرفندن خبردار ایدیله دجه ذی الیدلکک انتقالی
اوکا قارشی حکم افاده ایتیز .

شخص ثالث ، تملیک ایدنه قارشی نه کبی سبیلردن
دولای تسلیمدن امتناع ایدیه بیلورسه عینی سبیلردن دولای
ا کتساب ایدنه قارشی تسلیمدن امتناع ایدیه بیلیر .

ماده : ۸۹۳ — بر آنترپویه یا خود بر نقلیه جیه تودیع
ایدیلش اولان امتعه بی تمیل ایدنه قیمتلی اوراقک تسلیمی ،
او امتعه نک تسلیمی دیمکدر . بونکه برابر قیمتلی اوراقی
حسن نیتله ا کتساب ایدنه کیمسه ایله امتعه بی حسن نیتله
ا کتساب ایدنه کیمسه آراسنده بر اختلاف ظهور ایتدیکی
تقدیرده امتعه بی ا کتساب ایدنه کیمسه ترجیح اولونور .

امتعه بی تمیل ایدنه
سندلر

ماده : ۸۹۴ — ذی الید ، بوتون غصب و تجاوز
فعللرینی قوت استعمالیله دفع ایتک حقنی حائزدر .
شدتله ویا خفیاً کنديسندن آلان اوشی ، غیر منقول
ایسه غاصبی قوغارق و منقول ایسه جرم مشهود حالنده
طوتولان ویا قچارکن یا قالا نانک تمامیه لندن آلارق
استرداد ایدیه بیلیر .

ذی الیدلکک شمولی
ذی الیدلکک حمایه سی
مدافعه حق

ذی الید ، احوالک حقلی کوسترمه دیکی جبر و شدت
استعمالندن اجتناب ایتمکه مکلفدر .

ماده : ۸۹۵ — غیرک ذی الید بولوندیغی بر شیئی
غصب ایدن کیمسه اوشی اوزهرنده ترجیحه شایان بر
حقه صاحب اولدیغنی ادعا ایتسه بیله اونی اعاده ایله مکلف
اولور . اکر مدعی علیه اوشی مدعیدن آلمای موجب
وترجیحه شایان بر حقه صاحب اولدیغنی در حال اثبات

یدک اعاده سی

ایدرسه رد لازم کلز . ذی الیدک دعواسی کرک اوشیئک
استردادینه کرک ضررک تضمیننه دأر اولور .

ذی الیدلکک اخلاندن متولد دعوا ماده : ۸۹۶ — برشیئه ذی الید بولونان کیمسه نك
ذی الیدلکی تجاوزه اوغرادینی حالده ؛ تجاوز ایدمن او
شی اوزه رنده برحق ادعا یسه بیله ذی الید اونک علیهنده
دعوا اقامه ایده بیلیر . دعوا تجاوزک رفغه ، سبینک منغه
و ضررک تضمیننه دأر اولور .

دعوا حقندن محرومیت و مرور زمان ماده : ۸۹۷ — ذی الید ، غصب و تجاوز فعللرینه
و حقنه تجاوز ایدمن کیمسه اولدیغنه واقف اولور اولماز
استرداد و یا تجاوزک منعی ادعا ایتمه دیکی حالده ، دعوا
حقندن محروم اولور . ذی الید ، تجاوزی و تجاوز ایدمنی
دها کچ او کرشمش اولسه بیله غصب و یا تجاوزک وقوعی
کونندن اعتباراً برسنه کچمکله دعوا ؛ مرور زمانه اوغرار .
ماده : ۸۹۸ — منقول بر شیئک ذی الیدی آنک
مالکی عدا اولونور . اولکی ذی الیدلردخی ذی الیدلکلرینک
دوامی مدتیجه اوشیئک مالکی عدا اولونور .

ذی الیدلک حالنده قرینه ماده : ۸۹۹ — برمنقوله مالکیت آرزوسی ایله اولما یارق
ذی الید بولونان کیمسه اونی حسن نیتله کندیسندن آلدینی
کیمسه نك ملکیت قرینه سنه استناد ایده بیلیر .

بر کیمسه شخصی ، یا خود ملکیتدن غیری عینی برحقه
مستنداً منقول بر شیئک ذی الید ایسه او حقک موجودیتی
اصلدر . فقط بو قرینه یی ذی الید ، اوشیئی کندیسنه
ویرمش اولان کیمسه یه قارشى درمیان ایده مز .

ماده : ۹۰۰ — برمنقولک ذی الیدی ، علیهنده اقامه ذی الید علیهنده کی دعوا
ایدیلن بوتون دعوالره قارشى ترجیحه شایان برحقک
صاحبی اولدیغنی درمیان ایده بیلیر . غصب و تجاوز فعللرینه
دأر اولان حکملر باقیدر .

تصرف حق و استحقاق دعواسی تودیع ایدیلش اشیا ماده : ۹۰۱ — برمنقولک ، امین صفی ایله ذی الیدی
اولان کیمسه دن حسن نیتله ملکیتی و یا عینی هر هانکی
برحق اکتساب اولونورسه او کیمسه ده بو تصرفلری اجرا
مأذونیتی اولماسه بیله ، اکتساب معتبر عد اولونور .

غائب و یا سرقت ایدیلن اشیا ماده : ۹۰۲ — یدندن سرقت اولونان و یا کندیسی
طرفندن غائب ایدیلن و یا رضاسی اولقسزین دیگر هر هانکی
بر صورتله الندن آنان بر منقولک ذی الیدی بش سنه
مدت ظرفنده استحقاق دعواسی اقامه ایده بیلیر . فقط
بو منقول علنی بر مزایده ده و یا بر بازارده و یا اوکامائل اشیا
صاتان بر تاجردن اکتساب اولونمش ایسه حسن نیتله
حرکت ایدن برنجی و صوکرکی مکتسبلر علیهنه استحقاق
دعواسی آنجا قوریلان ثمنک اعاده سی شرطیله اقامه اولونا بیلیر
ورد خصوصنده ده حسن نیتله ذی الید اولان کیمسه نك
حقوقه متعلق حکملر تطبیق اولونور .

پار او حامله محرر سندلر ماده : ۹۰۳ — ذی الیدک رضاسی اولقسزین الندن
آلینان پارایی و حامله محرر سندلری ، حسن نیتله اکتساب
ایتمش اولان کیمسه علیهنده استحقاق دعواسی اقامه
اولونا ماز .

سوء نیت حالنده

ماده : ۹۰۴ — بر منقوله سوء نیتله ذی الید اولان کیمسه هر زمان اولکی ذی الید طرفدن اعادهیه اجبار اولونابیلیر. بونکله برابر اولکی ذی الیدک اکتسابی حسن نیتله وقوع بولماش ایسه بوزی الید کندیسندن صوکرراکی هیچ بر ذی الید علیه استحقاق دعواسی اقامه ایده مز.

غیر منقوله دائر قرینه

ماده : ۹۰۵ — طاپو سجنه قید ایدیلش اولان غیر منقوللر ایچون حق قرینه سنه استناد ایتک و ذی الیدک دعوالری اقامه ایله مک صلاحیتی آنجاق کندی لهنه تسجیل واقع اولان کیمسه یه عائد اولور. بونکله برابر غیر منقول بالفعل کندی اقتداری داخلنده بولونان کیمسه ، غصب و تجاوز سببی ایله دعوا اقامه ایده بیلیر .

مسئولیت

حسن نیتله ذی الیدک استفاده

ماده : ۹۰۶ — حسن نیتله ذی الید اولدینی شیدن موجودیتنه قانع اولدینی حقنه موافق صورتده استفاده ایدن کیمسه ، اوشیئی اعاده ایله مکلف طو تولدینی کیمسه یه قارشى بویوزدن هیچ بر تضمینات اعطاسنه مجبور اولماز. حسن نیتله ذی الید اولان کیمسه ، کرک ضیاعدن کرک خساردن مسئول ده کیلدر .

تضمینات

ماده : ۹۰۷ — بر شیئه حسن نیتله ذی الید بولونان کیمسه اوشیئک ردینی ایسته ین مدعیدن یا یمش اولدینی ضروری وفائده لی صرفیاتک اعاده سنی طلب و تأدیه زمانه قادر اوشیئی حبس ایده بیلیر . دیگر صرفیاتدن دولایي تضمینات ادعا سنده بولونماز . فقط مدعی ، قیمتلرینک

تضمینه طالب اولما دقجه ذی الید کندی طرفدن اصل شی ایله برلشدیریلن و ضررسز آریلماسی ممکن اولان زیاده لری رفع ایده بیلیر .

ذی الیدک آله ایتدیکی ثمره لر کندی صرفیاتی دولایسیله اولان آلا جا قلینه محسوب ایدیلیر .

سوء نیتله ذی الید اولان کیمسه

ماده : ۹۰۸ — بر شیئه سوء نیتله ذی الید اولان کیمسه اوشیئی حق صاحبنه اعاده ایتکله برابر حقسنز آلیقو یمش اولماسندن متولد ضرر لری والد ایتکی اهل ایله دیکی ثمره لری تضمین ایله ده مکلفدر . حق صاجی ایچونده یا یماسی ضروری اولان صرفیاتی خارجنده کی مصرف لری ، ایسته یه مز و یدنده بولونان شیئک کری اعاده سی لازم کلدیکنی بیلمه دیکی مدتجه آنجاق کندی قصور یله وقوع بولان ضرر لردن مسئول اولور .

مرور زمان

ماده : ۹۰۹ — مرور زماندن استفاده ایتک حقنه مالک اولان ذی الید ، بوحقندن استفاده صلاحیتنه مالک اولان اولکی ذی الیدک ذی الیدکی مدتی کندی مدته ضم ایده بیلیر .

يکرمی بشنجی باب

طاپو سجلی

ماده : ۹۱۰ — طاپو سجلی غیر منقوللر اوزره رنده کی
حقارک حاللرینی کوسترر .

طاپو سجلیک نمونه سی ونصل طوتوله جفی نظامنامه
مخصوص ایله معیندر .

ماده : ۹۱۱ — آشغیده کیلر طاپو سجلیه غیر منقول
اوله رق قید ایدیلیر :
۱ — اراضی .

۲ — غیر منقول اوزره رنده مستقل ودائی اولمق اوزره
مؤسس حقار .
۳ — معدنلر .

مستقل ودائی حقارک ناصل قید اولونا جفی نظامنامه
مخصوص ایله معیندر .

ماده : ۹۱۲ — کیسه نك خصوصی ملکیتده
بولونمایان وعامه نك استعماله تخصیص ایدیلن غیر منقوللر ،
اولنره متعلق وتسجیلی مقتضی عینی بر حق اولمادقجه ،
تسجیله تابع ده کیلدر .

سجلیه مقید بر غیر منقول قیدی ، لازم کله یین بر غیر منقوله
تحول ایتدکده ؛ قیدی سجدن چیقاریلیر .

ماده : ۹۱۳ — بر غیر منقولک تقسیمی یا خود بردن

تشکیلات

طاپو سجلی
عمومی حکملر

قید

مقید غیر منقوللر

سجلیه مقید اولمایان
غیر منقوللر

تقسیم

زیاده غیر منقوللرک برلشدیریله سی حالنده ناصل معامله
یا پیلاجفی نظامنامه مخصوص ایله معیندر .

ماده : ۹۱۴ — هر غیر منقول ، بولوندیغی منطقه نك
طاپو سجلیک طوتولاسی
ومنطقه لر
صلاحیت
سجله قید ایدیلیر .

ماده : ۹۱۵ — متعدد منطقه لرده بولونان بر غیر
منقول ، دیگر منطقه سجلیلر نده مقید اولدیغی کوستریک
شرطیله هر منطقه ده کی سجلیه آیری آیری قید اولونور .
عینی حق تأسیس ایدن تسجیللر وتسجیل طلبلری ،
غیر منقولک بویوک قسمک بولوندیغی منطقه سجلیه قید
ایدیلیر . بوسجلیه واقع تسجیللر طاپو مأموری طرفندن
دیگر منطقه مأمورلرینه بیلدیریلیر .

ماده : ۹۱۶ — طاپو دائره لرینک تشکیلاتی ، احکام
مخصوصه سنه تابعدر .

ماده : ۹۱۷ — خزینه ، طاپو سجلیلرینک طوتولما
سندن متولد بوتون ضررلردن مسؤلدر .

خزینه ، بوضررلر کندی قصورندن متولد مأمورلره
علی الدرجات رجوع ایتک حقی طأزدر .

ماده : ۹۱۸ — آشغیده کی حقار طاپو سجلیه قید
اولونور :

۱ — ملکیت .

۲ — ارتفاق حقاری وغیر منقول مکلفیتلر .

۳ — رهن حقاری .

ماده : ۹۱۹ — مقاوله دن متولد شفعه واشترا و وفا
سجله شرح و بر مک

مأمورلر
مسئولیت

تسجیل
تسجیلی لازم حقار
ملکیت
عینی حقار

اولان کیمسه نك كندیسی اولدیغنی ویا اونك ممثلی بولوندیغنی اثبات ایتمکه تملیکی تصرف حقنی توثیق ایتیش اولور .
تسجیل ویا تعدیل ویا ترقینی موجب اولان سبب دخی بونلری اقتضا ایدن حقوقی تصرفلرک معتبر اولماسی ایچون قانوناً مشروط اولان شکلره رعایت ایدیلدیکی اثبات ایدیلکه تحقق ایدر .

وثائق اکیالی

ماده : ۹۲۵ — اثبات و توثیق ایدیله یین هر طلب رد اولونور . بونکه برابر اگر تسجیل ، تعدیل ویا ترقینی موجب اولان سبب موجود اولوبده بوکا عائد وثائق نقصاتی اکیاله احتیاج بولونورسه طالب ، مالکک موافقتیه ویا حاکمک قرارینه بناءً سجه موقتاً شرح ویردیره بیلیر .

تسجیلک طرزی

ماده : ۹۲۶ — تسجیلر ، طلب و بیان صیراسیله یاپیلیر . علاقه دارلرک طلبی ایله بوتون تسجیلرک برر صورتی کندیلرینه ویریلیر .
تسجیلک و ترقینک و صورتلرک شکلی ، نظامنامه مخصوص ایله معین در .

تبلیغ محیوریتی

ماده : ۹۲۷ — طابو سجلی مأموری ، علاقه دارلر خبردار ایدیلکسزین یاپیلان معاملهلری کندیلرینه تبلیغ ایله مکلفدر . بومعامله لره قارشى یاپیله حق اعتراض مدتی ، علاقه دارلره وقوع بولان تبلیغ تاریخندن باشلار .

طابو سجنلک علنییتی

ماده : ۹۲۸ — طابو سجلی علنی در . علاقه سی

اولدیغنی اثبات ایدن هر کس ، کندیسنجه اهمیتی اولان باشلیجه صحیفه لرك اوراق مثبت سیله برلکده طابو سجلی مأمورلرندن بری حضورنده کندیسنه اراؤه ایدیله سنی یاخود بونلرک برر صورتلرینک ویریله سنی ایسته یه بیلیر .
کیمسه ، طابو سجنلده مقید اولان برکیفیتک کندیسنه مجهول اولدیغنی یولنده برادعا درمیان ایده مز .

حکملری
تسجیل یاپیلما مانک
حکملری

ماده : ۹۲۹ — تأسس ایچون قانوناً طابو سجنلده تسجیلی لازم کلن هر حق ، بوتسجیل اولمادقجه بر عینی حق اولارق موجود اولماز . بر حقک شمولی ، تسجیل دائره سنده اوراق مثبت ایله ویا دیگر بر طرزده تعیین ایدیله بیلیر .

تسجیلک حکملری

ماده : ۹۳۰ — عینی حقار ، تسجیل ایله دوغار وصیرا و تاریخلرینی تسجیل قیدینه کوره آلیر .
قانوناً لازم کلن اوراق مثبت ، طلبه ربط ایدیلش و موقتاً شرح ویریله سی حالنده وثائق نقصانی ، زماننده اکیال ایدیلش اولوق شرطیله تسجیلک حکمی قید تاریخنه ارجاع اولونور .

حسن نیت صاحبی
شخص ثالثلره قارشى

ماده : ۹۳۱ — طابو سجنلده کی قیده حسن نیتله استناد ایدهرک ملکیت ویا دیگر بر عینی حق اکتساب ایدن کیمسه نك بوا کتسابی معتبر اولور .

سوء نیت صاحبی
شخص ثالثلره قارشى

ماده : ۹۳۲ — بر عینی حق ، طابو سجنلده یولسز اولارق قید ایدیلش ایسه ، بونی بیلن ویا بیلمه سی لازم

کلن شخص ثالث بوتسجیله استناد ایدمه مز. یولسز تسجیل،
حقسز ویا لزوم افاده ایتمه ین حقوقی بر تصرف موجبجه
یاپیلان تسجیلدر . بویله بر تسجیلدن دولایی بر عینی حق
اخلال ایدیلن کیمسه دوغرودن دوغروییه سوء نیت
صاحبی اشخاص ثالثیه قارشى تسجیلک یولسزلغنی ادعا
ایده بیلیر .

ترقین و تعدیل
یولسز تسجیل

ماده : ۹۳۳ — حقلى بر سبب اولقسزین یاپیلان بر
تسجیل ویا تسجیلک تعدیل ویا ترقینی ایله عینی حقلى
خللدار اولان کیمسه، قیدک ترقینی ویا تعدیلنی ایسته یه بیلیر .
حسن نیت صاحبی شخص ثالثک تسجیل ایله اکتساب
ایتدیکی حقلى و ضرر زیان ادعاری باقیدر .

عینی حقك سقوطی

ماده : ۹۳۴ — بر عینی حقك سقوطی ایله تسجیل
هر تورلو حقوقی قیمتی غائب ایتدیکی تقدیرده مکلف اولان
مالک ، ترقین طلبنده بولونا بیلیر .

طاپو سجل مأموری بو طلبی اسعاف ایتدیکی تقدیرده
هر علاقه دار ، اوتوز کون ایچنده ترقین علیهنه ، حاکمه
مراجعت ایده بیلیر .

طاپو سجل مأموری ، رأساً بر حقك سقوط ایدوب
ایتمه دیکی حقنده تحقیقات اجرا ایده رک برقرار ویریله سنی
محکمه دن طلبه ویریله جک قرار اوزهرینه قیدی ترقینه
صلاحیتداردر .

ماده : ۹۳۵ — علاقه دار لر تحریراً موافق لرینی بیان

تصحیح

ایتمه دکلى حالدیه محکمه قرارى اولمادقجه طاپو سجل
مأموری ، هیچ بر تصحیح اجرا ایده مز .

تصحیح ، اسکی تسجیلک ترقینی ویکى بر تسجیلک اجرایی
صورتیله دخی یاپیلا بیلیر . عادى یازى خطالری ، نظامنامه
مخصوصنده معین اصول موجبجه رأساً تصحیح ایدیلیر .
ماده : ۹۳۶ — بو قانون ، نشری تاریخندن آلتی
آی صوکر مرعیدر .

ماده : ۹۳۷ — بو قانونک حکملرینی اجرایه ، اجرا
وکیللری هیئتى مأموردر .

يا كليشى	دوغروسی	سطر يا كليشك نروده ياپيلديغى
احوالده	حالده ،	۴ : » ۲۴
احكام	حكملر	۱ : » ۴۹
»	»	۲ : » ۵۰
احكامه	حكملره	۲ : » ۵۱
»	»	۲ : » ۵۲
احكامى	حكملرى	۵ : » ۵۳
احكام	حكملر	۲ : » ۵۶
احوالده	حالده	۲ : » ۵۷
وارثلرك	ميراثچيلرك	۱ : » ۷۵
احكامه	حكملره	۶ : » ۷۹
وارثلره	ميراثچيلره	۵ : » ۸۵
»	»	۳ : » ۸۶
غائبلك	غائبك	۳ : » ۹۴
احكام	حكملر	۱ : ماده ۱۱۱
احكامه	حكملره	۵ : » ۱۲۶
»	»	۲ : » ۱۲۸
مديونك	بورجلىنك	۵ : » ۱۴۵
احكامه	حكملرينه	۳ : » ۱۴۶
وارثى	ميراثچيسى	۶ : » ۱۴۶
مديونلرينه	بورجلىلرينه	۳ : » ۱۶۳
اموالى ديونى	ماللىرى بورجى	۲ : » ۱۶۷
احكام	حكملر	۵ : » ۱۷۳
»	»	۶ : » ۱۹۲
سندات	سندلرى	۴ : » ۱۹۷
مديون	بورجلى	۵ : » ۱۹۷
داينلر	آلاچاقلىلر	۶ : » ۲۰۱
وارثلرينه	ميراثچىلرينه	۳ : » ۲۱۰
حقسز فاللردن	حقسز فاللرندن	۸ : » ۲۱۶

قانونه مدينه كى نزيب و طبع يا كليشك نروده ياپيلديغى

يا كليشى دوغروسی يا كليشك نروده ياپيلديغى

— سرلوحه لرده —

عمومى احكام	عمومى حكملر	۴۴ نجي ماده يى تعقيب ايدنه ايكنجى بابك برنجى فصلك عنوانى
توارث	ميراث	۵۱۶ نجي ماده يى تعقيب ايدنه اوچنجى كتابك ايكنجى قسمنك عنوانى

— مطلبلرده —

.. احكامك حكم لرك ..	ماده : ۵۲
وارثلرك	ميراثچيلرك	» : ۷۵
رك	ترك	» : ۱۳۲
حاكك حق تقديرى	حاكك تقدير حق	» : ۱۴۸
مديونلرينه	بورجلىلرينه	» : ۱۶۳
حقوق معامله لر	حقوق معامله لر	» : ۱۶۹
داينلرك	آلاچاقلىلرك	» : ۱۷۷
.... حال حياتده قالاتك الخ صاغ قالاتك الخ	» : ۲۲۳
ارث مقاوله لرى الخ	ميراث مقاوله لرى الخ	» : ۴۷۴
... ياپيلان دها اول وقاتى كي مسمه نك	... ياپيلان كي مسمه نك دها اول وقاتى	» : ۴۹۵

— متنده —


احوالده	حاللرده	سطر
حق تقدير	تقدير حق	۱ : » ۳
		۱ : » ۴

یا کلیشی	دوغروسی	سطر	یا کلیشك نروده یا پیلدیغی
احکام	حکملر	۶ : ۲۲۶	
احکامنی	حکملرینی	۵ : ۲۵۸	
احکام	حکملر	۷ : ۲۷۳	
»	»	۳ : ۲۷۷	
منفعتی	منفعتنی	۲ : ۲۸۵	بالکیز بعضی نسخه لرده دوغرو چیقمامشدر
وارثلرینه	میراثچیلرینه	۴ : ۲۹۳	
وارثلری	میراثچیلری	۳ : ۲۹۵	
... دعواسی اولدیغی دعواسی ثابت اولدیغی ...	۱ : ۳۰۴	
احکامه	حکملره	۳ : ۳۲۲	
شرلئی آل برلکیلره	... شرکتی ال برلکیلره ...	۱ : ۳۲۶	
ارث	میراث	۳ : ۳۲۹	
احکامنه	حکمنه	۱ : ۳۳۶	
احکامه	حکملره	۲ : ۴۰۱	
حجز	حجز	۲ : ۴۱۹	
بوراده جاریدر	بوراده ده جاریدر	۵ : ۴۲۱	بالکیز بعضی نسخه لرده دوغرو چیقمامشدر
لیبی	کیبی	۱ : ۴۷۱	
احکامندن	حکملرندن	۲ : ۴۹۱	
... ترکیبی اداره بورجلری ترکیبی اداره بورجلری ...	۳-۴ : ۴۹۸	
احکامنك	حکملرینك	۵ : ۵۱۵	
وارث	میراثچی	۱ : ۵۳۸	
وارثلرک	میراثچیلرک	۲ : ۵۹۸	
احکامی	حکملری	۲ : ۶۳۰	
احکامنه	حکملرینه	۲ : ۶۳۱	
احکامه	حکملره	۳ : ۶۳۵	
احکام	حکملر	۳ : ۶۳۷	
»	»	۲ : ۶۴۰	
»	»	۴ : ۶۵۳	

یا کلیشی	دوغروسی	سطر	یا کلیشك نروده یا پیلدیغی
احکام	حکملر	۲ : ۶۶۳	
»	»	۲ : ۶۶۵	
احکامه	حکملره	۱ : ۶۷۳	
احکام	حکملر	۴ : ۶۷۵	
احکامنك	حکملرینك	۳ : ۶۸۷	
احکام	حکملر	۵ : ۶۹۶	
»	»	۶ : ۷۰۱	
»	»	۲ : ۷۰۴	
داینلرک	آلا جاقیلرک	۸ : ۷۹۰	
زن	زمان	۱ : ۸۱۱	
حبس	حبس	۶ : ۸۶۶	
احکامی	حکملری	۲ : ۸۶۷	
جاری	جاری	۳ : ۸۶۸	
احوالده	حاللرده	۲ : ۹۱۹	
اعلان افلاس	افلاس اعلانی	۴ : ۹۲۰	
وارث	میراثچی	۵ : ۹۲۰	
... تعیین ایدهره و ایجابی	تعیین ایدهره و ایجابی	۱۱ : ۹۲۱	
احکامنی	حکملرینی	۱ : ۹۳۷	

— ماده نومرولرنده —

۷۶۶	نومرویی تعقیب ایدهن ماده نك نومروسی	۷۶۷	یرینه	۸۶۷	شکندده طبع اولونمشدر
۷۸۳	»	۷۸۴	»	۸۸۴	»
۸۴۱	»	۸۴۲ و ۸۴۳	»	نومرولی ماده لر	۷۴۲ و ۷۴۳
۸۵۵	»	ماده نك نومروسی	۸۵۶	یرینه	۷۵۶



قانون مدینک صورت مرعیت و شکل

تطبیق حقنده قانون

برنجی فصل

یکی واسکی قانونلرک تطبیقاتده شمولک درجه سی

ماده : ۱ — قانون مدینک مرعی اولمغه باشلادیغی
تاریخندن اولکی حادثه لرک حقوقی حکملری مذکور حادثه لر
هانکی قانون مرعی ایکن واقع اولمش ایسه ینه اوقانونه
تابع قالیر :

بناء علیه ۴ تشرین اول ۱۹۲۶ تاریخندن اول وقو -
عبولمش اولان معامله لرک حقوقاً لازم الایفا اولوب اولمالملری
ونتیجه لری مذکور تاریخندن سوکره دخی ، وقوعلری
زماننده مرعی اولان قانونلره توفیقاً تعیین اولونور .
بالعکس ۴ تشرین اول ۱۹۲۶ تاریخندن سوکره وقوعبولمش
اولان حادثه لر ، قانونده معین اولان مستثنالری محفوظ
قالق شرطیله قانون مدینک حکملرینه تابعدر .

ماده : ۲ — قانون مدینک انتظام عامه و آداب عموم -
مییه ی تأمین ضمانتده وضع ایدلمش اولان قاعده لری مرعی
اولمغه باشلادقلری زمانندن اعتباراً ، حقلرنده استثنائی بر
حکم موجود اولمایان بوتون حادثه لره قابل تطبیقدر .

ماقبلنه شامل اولان
قاعده لر انتظام عامه
و آداب عمومی

بناءً عليه يكي قانونه كوره انتظام عامه و آداب عموميه به
مغاير اولان قاعده لر ، يكي قانون مرعى اولمغه باشلار
باشلاماز هيچ بروجمله تطبيق ايديله مز .

قانونك نفوذى

ماده : ۳ — قانونك، طرفينك آرزو و اراده لريني نظر
اعتباره المفسرين ، تنظيم ايتديكي معامله و مناسبتلر يكي
قانونك نشرندن اول وقوعبولش اولسه بيله مرعيتندن
اعتباراً يكي قانونه تابع اولورلر .

حق مكتسب
يوق ايسه

ماده : ۴ — اسكى قانون مرعى ايكن وقوعبولش
اولوبده يكي قانونك مرعيتندن اول كنديلرندن بر حق
مكتسب وجوده كله مش اولان حادنه، يكي قانونك مرعيتى
تاريخندن اعتباراً اوكا تابع اولور .

شخصك حقوق
مدنى حقلرك
استعمالى

ماده : ۵ — مدنى حقلرك استعمالى هر حالده قانون
مدنیده حكملره تابعدر . شو قدركه يكي قانون مرعى
اولمغه باشلاديني زمان اسكى قانونه كوره مدنى حقلرينى
استعمال صلاحيتنى حائز اولوبده يكي قانونه كوره مذكور
صلاحيته صاحب اولاملرى لازم كلنلرك بو صلاحيتلرينه
اصلا خلل كلز .

غائبلك قرارى

ماده : ۶ — غائبلك قرارى، مرعى اولمغه باشلاديني
تاريخندن اعتباراً ، يكي قانونه تابعدر .

اسكى قانون مرعى ايكن ويريلش اولان غائبلك ويا
اولوم قرارلرى، يكي قانون مرعى اولمغه باشلادقندن صوكره
عينيله يكي قانونه توفيقاً ويريلىن قرارلرك افاده ايتدكلرى

حكملر افاده ايدرلر . شو قدركه قانونك نشرندن اول
اسكى قانونه توفيقاً نكاحك فسكى و ميراثك انتقالى قيللندن
حاصل اولمش حكملر باقى قالىر .

غائبلك قرارى استحصال ايچون آچيلمش اولوبده
يكي قانونك مرعى اولمغه باشلاديني زمانده جريان ايتكدده
بولونان بر دعوايه ، آراده كچن مدتلك محسوبى اجرا
ايدىلك شرطيله، يكي قانونك تعيين ايتديكي شكللره توفيقاً
ومبدأندن اعتباراً يكيدين رؤيته باشلانير .

مع مافيه بوتون علاقه دارلر طرفندن طلب واقع اولورسه،
اسكى قانونك اصول و مدتلرينه توفيقاً دعوانك رؤيته
دوام دخی جائزدر .

حكى شخصيتلر

ماده : ۷ — اسكى قانونه توفيقاً حكى شخصيتى
اكتساب ايتمش اولان شركتلر، جمعيتلر يكي قانونه نظراً
شخصيت اكتساب ايدمه مك لازم كلسه دخی اولجه
اكتساب ايتدكلرى شخصيتى محافظه ايدرلر . يكي قانونه
نظراً شخصيت اكتساب ايتملرى كنديلرينى اصولاً
تسجيل ايتديرمه لرينه متوقف اولان حكى شخصلردن
اليوم اسكى قانونه توفيقاً تشكلى ايتمش بولونانلر مذكور
اسكى قانونده كنديلرى ايچون اشبو تسجيل مكلفيتى
موجود اولماسه بيله يكي قانونك مرعيتى تاريخندن اعتباراً
بش سنه ظرفنده تسجيللرينى اجرا ايتديرمكله مكلف اولوب
بومدت ظرفنده كنديلرينى تسجيل ايتديرمه ين بوقيل
شركتلر حكى شخصيتلرينى غائب ايددرلر .

حکمی شخصلرک اهلتيارينک درجه سي هر حالده ، يکي قانونک مرعيتي تاريخندن اعتباراً اشبو قانونه تابعدر .

ماده : ۸ — قانون مدنيتک مرعيتيه وضعندن مقدم وجوده کتيريلاان اوقاف حقنده آريجه برتطبيقات قانوني نشر اولنور .

قانون مدنيتک مرعيتيه وضعندن صوکره وجوده کتيريله جک تأسيسلر قانون مدني احکامنه تابعدر .

ماده : ۹ — کړک اولتمه نک عقدي و زوالی و کړک قاري وقوجانک شخصلرينه دائر اولان نتيجه لري يکي قانونک مرعيتي تاريخندن اعتباراً اونک احکامنه تابعدر . يکي قانونک مرعيتندن اول اسکي قانونه توفيقاً عقد ايدلمش اولان اولتمه لري يکي قانون نظرنده دخي صحيح اولديغي کي يکي قانونک مرعيتندن اول اسکي قانونه توفيقاً صحيح اوله رق زوال بولمش اولتمه لرده يکي قانون نظرنده دخي زائلدر .

اسکي قانونه کوره صحيح اولمايان نکاحلرک يکي قانون مرعي اولمغه باشلاقدن صوکره فسخلري آنجاقي يکي قانونه توفيقاً قابلدردر . آراده کچن مدت قانوناً معين زمانلرک مروري نقطه سندن حسابيه داخلدر .

ماده : ۱۰ — قانون مدنيتک مرعيتي تاريخنده موجود اولتمه لړک قاري قوجا آره سنده کي مالي نتيجه لري ، يکي قانونک مرعيتي تاريخندن صوکره دخي قاري قوجا اموالنک

عائله احکامی
نکاحک عقدي
وزوالی وقاري
قوجانک شخصلرينه
دائر حکملر

قاري قوجا ماللرينک
اداره سي قانوني اصول

اداره سنه متعلق حکملر ميانه ادخال ايديلن عائله وميراث حکملرينه تابعدر . قاري قوجا ماللريني اداره خصوصنده تابع اولديغي فوق العاده اصوللر ايله محفوظ ماللرونکاح مقاوله سي حقنده کي حکملر مستثادر .

قاري قوجا يکي قانونک مرعيتي باشلامازدن اسکي قانونه توفيقاً تابع اولدقلى مالي اصولي ادامه ايدجکلريني تحريراً ومشترکاً قاري قوجا ماللري سجلنه تسجيل ايتديرملرسه ماللرينک اداره سنجيه اوچنجي شخصلره قارشى يکي قانون حکمنه تابع اولورلر . قاري قوجا تحريري ومشترک برياننامه ايله ماللريني اداره خصوصنده يکي قانونه تابع اولاجقلى مرجع مخصوصنه بيلديرمک صلاحيتيني دخي حائزدرلر .

ماده : ۱۱ — يکي قانونک مرعيتي تاريخندن اولکي اولتمه لرده قاري قوجا ماللرينک اداره سنه دائر ياپيلمش اولان مقاوله لرشبو مرعيت تاريخندن صوکره دخي معتبردر . شوقادارک بوقيل مقاوله لري يکي قانونک مرعيتي تاريخندن اول تسجيل ايتديرملک اوزره مرجع عائدينه تبليغ ايدلمش اولمادقجه اوچونجي شخصلره قارشى موجوديتلري ادعا اولتمه ماز . اسکي قانونه توفيقاً رسمي برسجله قيد ايتديرملش اولان بوقيل مقاوله لر رأساقاري قوجا سجلنه نقل اولونور .

ماده : ۱۲ — قاري قوجا ماللرينک اداره سنده وقوعه کلن تعديللر حقنده اوچنجي شخصلرک حقوقني صيانت

اوچنجي شخصلرک
حقوقني صيانت

ایچون تطبیق ایدیلن حکملر یکی قانونک مرعیتی نتیجه سی
اوله رق وقوعه کلن تعدیللر حقنده دخی جاریدر .

آنا و بابا و چو جقلمرینک
حقوق

ماده : ۱۳ — آنا و بابا و چو جقلمرینک حقوقی مرعیتی
آنندن اعتباراً یکی قانونه تابع در . ولایت حقنک اسکی
قانونه توفیقاً غائب ایدلمش اولمسی آنا و بابادن برینک
طلبی اوزرینه یکی قانونک حکمی دائره سنده عکسنه برقرار
صادر اولمادجه ، یکی قانونک مرعیتدن صوکره دخی
دوام ایدر . یکی قانونک مرعیتی باشلادیغی زمانده وصایت
آلتنده بولنوبده بوقانونه کوره ولایت آلتنده بولمیری
لازم کلن چو جقلمر بابا و آنالرینک ولایتی آلتنه کچر .
شو قادار که صلح محکمه سی آنا و بابایه نقل معامله سنی
اجرا ایتمه دجه وصایت باقی قالیر .

صحیح اولمایان نسب

ماده : ۱۴ — نسبی صحیح اولمایان چو جقلمر مرعیتدن
اعتباراً یکی قانونه تابع در . یکی قانونک مرعیتدن اول
دوغمش اولان نکاح سیز بر چو جقلمر آناسی وبالذات
چو جقلمر بابایه قارشی آنجاق صحیح اولمایان نسب حقنده کی
حکملره مستند واسکی قانون موجبجه کندیلرینه طانمش
اولان دعوالری اقامه ایده بیلیرلر . قانون مدینک مرعیتدن
صوکره اولمه خارجنده دوغان بر چو جقلمر باباسی طر-
فندن طانمش ، چو جقلمر مذکور قانونک مرعیتدن اول
دوغمش دخی اولسه ینه بوقانون دائره سنده واقع اولور .
ماده : ۱۵ — وصایت ، مرعیتدن اعتباراً یکی قانون
احکامنه تابعدر .

وصایت

یکی قانون مرعی اولمایه باشلامازدن اول وجود بولمش
اولان وصایت باقی قالیر . شو قادار که صلح محکمه سی
طرفندن یکی حکملره توفیقاً تعدیل ایدیلیر . اسکی قانونه
توفیقاً وجود بولمش اولوبده یکی قانونه نظراً قبوللری
غیر قابل اولان وصایتلره همان صلاحیتدار مرجعک
حکمی ایلله نهایت ویریلیر ونهایت ویریلنجیه قادار وصایت
دوام ایدر .

ماده : ۱۶ — یکی قانونک مرعیتدن اول اولمش اولان
برکیمسه نک میراثی ، مرعیتدن صوکره دخی اسکی قانونه
تابع اولور .

میراث ، میراثچیلر
وانتقال

بوقاعده کرک میراثچیلره کرک میراثک انتقالنه شاملدر .

ماده : ۱۷ — یکی قانونک مرعیتدن اول اوزمانکی
قانونه کوره بوقبیل تصرفلری یایمغه اهل اولان بر
کیمسه نک یایدینی اولومه باغلی بر تصرف و یا بویله بر تصرف
او کیمسه طرفندن واقع فسخی یکی قانونک مرعیتی تاریخندن
صوکره مذکور کیمسه نک اولومی اشبو یکی قانونک
مرعیتی زماننده وقوع بولماسی و یکی قانونه نظراً او کیمسه نک
اهلیتی حائز اولماسی سبب کوستریله رک تعلیل ایدیله مز .
تنظیم ایدلیدیکی زمان وصیتچینک وفاتی زماننده جاری
قانونه اویغون بولنان بر وصیتنامه شکل نقصانی سببیه
فسخ ایدیله مز .

اولومه باغلی بر تصرفده تزییل دعواسی و یا تصرفک

طرزی حقهده کی قانونسزلق دعواسی مذکور تصرفده بولونان کیمسه اکر یکی قانونک مرعیتی زماننده اولمش ایسه یکی قانونه تابع اولور .

ماده : ۱۸ — قانون مدینک مرعیتی زماننده موجود اولان عینی حقار ، غیر منقول سجللرینه متعلق حکملر مرعی اولق شرطیه محفوظدر .

مع مافیه اشبو قانونده بر حکم استثنائی موجود اولمادقجه حق ملکیتک و دیگر عینی حقارک شمول ، مرعیتی باشلار باشلاماز یکی قانونه تابعدر . یکی قانونه نظراً تأسیسلری قابل اولمایان فی الحال موجود عینی حقار اسکی قانونه تابع قالیرلر .

ماده : ۱۹ — قانون مدینک مرعیتندن اول عینی بر حق تأسیسنه دائر وجود بولمش اولان بر بورج شکلاً اسکی ویا یکی قانونلردن برنده مرعی شکلره او یغون ایسه صحیحدر . اسکی قانونه توفیقاً دو غمش عینی حقارک تسجیلنده ابرازی لازم کلن اثبات وثیقه لری غیر منقول سجللری نظامنامه سنده تعیین اولنه جقدر .

عینی برحقک شمولی یکی قانونک مرعیتندن اول وقو - عبولان بر حقوقی معامله ایله تعیین ایدلمش بولنورسه اشبو شمولی یکی قانون ایله غیر قابل تألیف بولونمادقجه مذکور قانونک مرعیتی سببیه هیچ بر تبدله اوغراماز .

اکتسابی مرور زمان ماده : ۲۰ — اکتساب مرور زمانی مرعیتندن

عینی حقار

غیر منقول سجلنه
تسجیل حق

اعتباراً یکی قانونه تابعدر . اسکی قانونک مرعیتی زماننده یکی قانونده دخی معتبر بر مرور زمان باشلامش بولنورسه بوتقدیرده یکی قانونک مرعیتنه قادار کچن زمان اشبو قانونک قبول ایتدیکی مرور زمان مدته متناسباً محسوب ایدیلیر .

ماده : ۲۱ — غیرک اراضیسنه دیکلمش بولونان آغاچلرک اوزرنده کی ملکیت حقاری قانون مدینک مرعی اولدینی تاریخده جاری قانونلرک حکملری دائره سنده محفوظدر .

ماده : ۲۲ — قانون مدینک مرعیتندن اول مؤسس غیر منقوله متعلق ارتفاق حقاری غیر منقول سجللرینک تشکیلندن سوکره تسجیل ایتدیرلمش اولسه لر دخی باقی قالیرلر سده مذکور حقارک حسن نیت صاحبی اوچو یجی شخصلره قارشى درمیان ایدیه بیلملری تسجیللری تاریخنندن اعتباراً ممکندر .

ماده : ۲۳ — قانون مدینک مرعیتندن اول وجود بولمش اولان تأمینات سندلری یکی احکامه توفیقاً تعدیل ایدلمک محتاج اولقسزین معتبردرلر .

ماده : ۲۴ — قانون مدینک مرعیتندن سوکره وقوعبوله حق غیر منقول ترهینلری آنجا ق مذکور قانونه کوره معتبر شکلر دائره سنده یاپیله بیلیر .

اسکی قانونده مرعی اولان شکلر غیر منقول سجللرینک تطبیقنه قادار معتبردر .

ماده : ۲۵ — بر تأمینات سندینک تأدیسه یی ویا تعدیلی ،

غیرک اراضیسنه
دیکلمش آغاچلرک
ملکیتی

غیر منقوله متعلق
ارتفاق حقاری

غیر منقول رهنلری
الیوم موجود تأمینات
سندلرینک طائمانی

غیر منقول رهنلرینک
تأسیس اصولی

اودمش اولان
۲۰

تأمینات سندلری غیر منقول تخلصی و نمائی دیگر معاملہ لر مرعیتندن اعتباراً یکی قانونہ تابع درلر .

بو خصوصہ تطبیقی لازم کلن شکلر غیر منقول سجلارینک تأسیسہ قدر اسکی قانونلرہ تابع در .

تأمیناتک شمولی ماده : ۲۶ — غیر منقول ترہینلرندہ غیر منقولہ مرتب

تأمینات مکلفیتک شمولی یکی قانونہ کورہ تعین اولنور . بونکہ برابر ، تأمینات اولارق کوستریلن غیر منقول ایلہ برلکدہ منقول بعض شیر دخی بر خصوصی مقاولہ ایلہ صحیح اولہرق تأمیناتہ تخصیص ایدلش ایسہ قانون مدنیہ کورہ مذکور شیرک بو صورتلہ رهن ایدیلسی جائز اولماسہ بیلہ اشبو تخصیص تعدیل ایدیلہ مر .

غیر منقول ترہینندن نشأت ایدن حقلر و مکلفیتلر ماده : ۲۷ — قانون مدینک مرعی اولمایہ باشلادیغی

تاریخدہ موجود غیر منقول رهنلرندہ آلاجاقلی ایلہ بور-جلینک حقوق و مکلفیتلری عقددن نشأت ایتیش بولوندجہ اسکی قانونہ تابعدر .

بالعکس رهنک دوغریدن دوغریہ قانوندن دوغان و مقاولہ ایلہ تعدیلی قابل اولمایان حکملری یکی قانونہ توفیقاً تنظیم اولنور .

متعدد غیر منقول رهن ایدلش اولدیغی تقدیردہ اشبو غیر منقوللرک حمایہ سی اسکی قانونہ توفیقاً مرهون قالیر .

محافظة تدبیرلری ماده : ۲۸ — رهن مقاولہ سنک دوامی ائناسندہ آلا-جقلینک حائز اولدیغی صلاحیتلر وبالخاصہ اتخاذ ایدہ بیلہ جکی



محافظة تدبیرلری بالعموم غیر منقول رهنلرندہ یکی قانونہ تابع در . بورجلینک صلاحیتلری حقندہ دخی حکم بویلہ در .

ماده : ۲۹ — غیر منقول بر مالک رهنی ایلہ تأمین ایدلش آلاجقلرک اخبار اصولیلہ اطفاسی و تأمینات سندلرینک دور و فراغی اشبو قانونک مرعیتی تاریخندن اول قونولش بوتون غیر منقول رهنلرندہ اسکی قانونہ توفیقاً جریان ایدر .

آنجاکی یکی قانونک تطبیقی مرحالہ مقتضی احکامہ رعایت لازمدر .

ماده : ۳۰ — غیر منقول ماللرک تشکیل ایدیلہ جک آلاجقلرک درجہ سی غیر منقول سجلارینہ قیدلری معاملہ سنک اجراسنہ قادر غیر منقول رهنلرندہ آلاجقلرک درجہ سی اسکی قانونہ توفیقاً تعین ایدر .

غیر منقول سجلارینک تشکیلندن صوکرہ اشبو درجہ قانون مدینک احکامہ کورہ تعین اولنور .

ماده : ۳۱ — قانون مدینک غیر منقول رهنلرندہ قبول ایتدیکی ثابت درجہ اصولی ومؤخر داینلرک سربست درجہ لردن استفادہ سی حقندہ کی احکامی غیر منقول سجلارینک تطبیقندن اعتباراً و تطبیق واقع اولماسہ بیلہ مذکور قانونک مرعیتی تاریخندن بش سنہ کچد کدن صوکرہ جاری اولہ جقدرد .

داینلرہ عقداً تأمین ایدلش اولان حقوق مخصوصہ محفوظدر .

اخبار طریقہ اطفاء و دور و فراغ

آلاجقلرک درجہ سی

تأمینات درجہ سی

غير منقولك قيمت
مقدوره سندن متولد
تجديدات

ماده : ۳۲ — بر غير منقولی ترهين ايله تأمين ايديلان
آلاجك او غير منقولك رسماً مقدار قيمتندن معين بر مقدار دن
فضله اوله مامسى حقنده قانون مدنك وضع ايتديكي
تجديد قاعده لری آنجا ق آتیده تأسيس ايديله جك رهنلر
حقنده جاريدر .

اسكى قانونه توفيقاً تأسيس اولونمش تأمينات درجه لری
مدنى قانونك بو خصوصده كى تقيدى قاعده لرینه باقيلمقسز ين
سجلدن طى ايديلنجيه قدار محفوظ اولوب هر درجه ده
مقيد رهنلر ك تجديدي دخى جائزدر .

ماده : ۳۳ — قانون مدنك مرعيتندن اعتباراً احداث
ايديله جك منقول مال رهنلرينك صحتى اشبو قانونده
معين شكللره موافق بولونمالرينه متوقفدر .

مرعيت تاريخندن اول موجود وباشقاشكللرده مؤسس
منقول مال رهنلری آلتى آى مدت ك مروريله رهنيتدن
چيقار . بو مدت جمله آلاجقلىر ايچون قانون مدنك
مرعيتى تاريخندن ديكر آلاجقلىر دخى معجلت كسب
ايتدكلرى ويا دين ايچون تأديه اخطارينك ممكن اولديغى
تاريخندن اعتباراً باشلار .

ماده : ۳۴ — منقول مال رهنلرينك حكملىرى ومرتھن
اولان دايىنك وراهنك و مديونك حق و مكلفيتلىرى
قانون مدنك مرعيتندن اعتباراً ، رهن اشبو قانونك
مرعيتى تاريخندن اول وجود بولمش اولسه بيله ، يكي
قانونه تابعدر .

رهنك حكملىرى

قانون مدنك مرعيتندن اول ، دينك اوده نمه مسى
تقديرنده مرتھنك رهن ايديلن مالى تملك ايتمسه دائر
قبول ايدلمش اولان مرھانكى بر شرط يكي قانونك
مرعيتندن اعتباراً لغودر .

ماده : ۳۵ — قانون مدنك قبول ايتديكي حق حبس
يكي قانونك مرعيتندن اول آلاجقلىنك النده بولونان
اشيا حقنده دخى جاريدر .

اسكى قانونك مرعيتى زماننده باشلامش برحق حبسك
حقوقي نتيجه لری قانون مدنك حكملىرينه تابعدر .

ماده : ۳۶ — قانون مدنك مرعيتندن اول تحقق
ايدن ذى اليدلك مرعيت تاريخندن اعتباراً او كا تابع
اولور .

ماده : ۳۷ — اموال غير منقوله سجل تشكيلاتى تطبيقه
باشلانقدن صوكره اشبو تطبيقدن اول مؤسس عيى
حقلىر مذكور سجللره تسجيل ايديله جكدرك . هر كسك
عيى حقلىرى تسجيل ايتدير مى ايچون حكومت
اعلان طريقيله خلقى دعوت و خبردار ايدم جكدرك . اسكى
قانونه توفيقاً تسجيل ايدلمش اولان عيى حقلىر قانون
مدنى ايله غير قابل تأليف اولمادجيه يكي اموال غير منقوله
سجللرينه رأساً تسجيل اولنه جقدرك .

ماده : ۳۸ — تسجيل ايدلمش اولان عيى حقلىر
ينه محفوظ و معتبر قالمقله برابر غير منقول سجللرينك
تسجيل ايدلمه مسك حكمى

حكمى

قیدلرینه حسن نیتله اعتماد ایتیش اولان اوچنجهی شخصلره قارشى موجودیتلری ادعا ایدیه مز .

ماده : ۳۹ — قانون مدینک غیرمنقول سبجلارینه دائر اولان قاعده لرینه کوره تأسیسلری آرتق قابل اولمایان عینی حقار « بر اوك بر قادینك ملكیتی ، غیرك اراضیسی اوزرنده کی آغاجلرك ملكیتی . . . الخ » تسجیل ایدیه یوب ساده جه ولزومی درجه سنده اشارت اولونمقله اکتفا اولونور .

مذکور حقار هر هانکی برسبیله منطقی اولدقدن صوکره آرتق یکیدن تأسیس ایدیه مز .

ماده : ۴۰ — مدنی قانونک عینی حقاره متعلق احکامی غیرمنقول سبجلارینک تشکیلندن اول دخی عمومیتی اعتباریه مرعیدر .

ماده : ۴۱ — قانون مدینک بش سنه لك ویاده از یاده مدتلی بر مرور زمان قبول ایتدیکی تقدیرده یکی قانونک مرعیتندن اول مذکور مرور زمانلر ایچون کچن مدتلر حسابنه داخل اولور . شو قادار که بوقیل مرور زمانلر قانون مدینک مرعیتندن اعتباراً لا اقل ایکی سنه کچمش اولمادجه اکمال ایدیش اولماز .

قانون مدینک بش سنه دن دون اولارق قبول ایتدیکی مرور زمانلرك ویا سقوط حق مدتلرینک جریانی آنجق مذکور قانونک مرعیتندن اعتباراً باشلار . برده مرور

عینی حقار

عینی حقار احکامنک
طایو تشکیلاتندن
اول تطبیق

مرور زمان

زمانک بالمله احکامی قانون مدینک مرعیتندن اعتباراً مذکور قانونه تابع در .

ماده : ۴۲ — غیرمنقول برحق عینی تأسیس ایچون اسکی قانونه موافق صورتده عقد ایدیش اولان برمقاوله شکلاً قانون مدینک احکامنه اویماسه دخی معتبردر .

ماده : ۴۳ — قانون مدنی یه ، بورجلر قانونه وبوتطبیقات قانونه مخالف اولان احکام ایله مجله ملغادر .

ماده : ۴۴ — اصول محاکمه حقوقیه قانونه آشاییده کی ماده لر علاوه اولمشدر :

۱ — محکمه جه تعیین اولونان کونده هر ایکی طرف ویا مدعی کلدیکی تقدیرده دعوانک موقتاً سقوطنه ومدعی علیهک طلبیه محکمه جه تقدیر ایدیه جک ضرر و زیانک تضمینه قرار ویریلیر .

۲ — حقنده غیاباً محاکمه یاپیلماسنه قرار ویریلن مدعی علیه دعوی بیتمزدن اول محاکمه یه کلدیکی تقدیرده مدعینک موافقتیه محکمه وجاهاً یاپیلیر . بوتقدیرده محاکمه ضبطنک قرائتیه اکتفا ومدعی علیهک غیابنده ویریلان قرارلری دفع وجرح ایدر علل واسبابی حاوی اعتراضاتی اصولاً تدقیق اولنور . بوماده حکمی صلح دعوالرنده دخی تطبیق اولونور .

۳ — صلح حاکماری قانوننک ۱۶ و ۱۷نجی ماده لرینک شاهدلره متعلق حکمی ، اصلیه محکمه لرینه جلب اولونان شاهدلر حقنده ده تطبیق اولنور .

عینی حقاره متعلق
مقاوله لر

۴ — غیابی حکمدر علیهنه ، اعلامك تبلیغی تاریخندن اعتباراً سکنز کون ایچنده اعتراض اولنه بیلیر .

۵ — تمیز مدتی اعلامك تبلیغی تاریخندن اعتباراً اون بش کوندر .

۶ — تصحیح قرار مدتی ، تمیز اعلامك تبلیغی تاریخندن اعتباراً اون بش کوندر .

۷ — تمیز استدعاسی حاصلات یومیه دفترینه قید و تاریخ وضع اولنه رق محکمه نك مهری و باش کاتبك امضاسیله توثیق اولونور . قید تاریخی ، تمیز دعواسنه مبدأ عد ایدیلیر .

۸ — نفس عقاره متعلق اولمایان ویا تأخیر اجراسی طلب ایدیله یین تمیز دعوالرنده کفالتنامه آلتماز .

۹ — آغیر جزا دعوالرینی رؤیتله مکلف دائرة مخصوصه صه سی موجود اولان بر اصلیه محکمه سنه مربوط ایکی محکمه ویا صلح حاکمی یاخود بونلردن بریله دیکری آره سنده حادث اولان اختلافك حلی قابل تمیز اولماق اوزره او دائرة مخصوصه یه و عینی زمانده آغیر جزا دعوالرینی رؤیتله مکلف اولان اصلیه محکمه سنك حقوق دائرة سیله دیکر بر محکمه و دائرة و حاکمك بیننده و بونلردن ماعدا دوائر عدلیه آراسنده حادث اولان اختلافك حلی محکمه تمیزه عائددر .

ماده : ۴۵ — اجرا قانوننه آشاغیده کی ماده لر علاوه اولنشددر :

۱ — حکم اکنساب قطعیت ایتدکجه محکوم علیه جیس اولنه ماز .

بو حکم صلح محکمه لرندن ویریلان اعلامات حقنده دخی تطبیق اولنور .

۲ — اعتراض دعواسی ، نفقه یه متعلق اعلام حکمك اجراسنی تأخیر ایتمز .

۳ — قسماً ویا تماماً حکمی اجرا ایدیش اولان هر هانکی بر اعلام تمیزاً نقض اولندیغی صورتده اجرا اعاده اولنور . آجناق مدعی نقض اوزرینه محکمه یه مراجعت ایتمش ایسه اجرا حالیه قالیر .

بوماده نك حکمی صلح محکمه لرندن ویریلان اعلامات حقنده دخی جاریدر .

۴ — اجرا قانوننك ۱۳۱ و ۱۳۹ نجی ماده لری حکمی صلح محکمه لرندن ویریلان اعلامات حقنده ده جاریدر .

۵ — غیر منقول اموالك تقسیمه و بالمزایده صائلماسنه دائر صلح محکمه لرندن ویریلن قرار لر قطعیت کسب ایتدکجه انفاذ اولتماز .

۶ — صلح محکمه سندن صادر اولان اعلامك اجراسی ایچون کفالت آراتماز .

ماده : ۴۶ — اصول محاکمه حقوقیه، اجرا و صایح
حاکمیری قانونیه سائر قانونلرک یوقاریده کی ماده لره مخالف
احکامی ملغادر .

ماده : ۴۷ — اشبو قانون ۴ تشرین اول ۱۹۲۶ تاریخندن
اعتباراً مرعیدر .

ماده : ۴۸ — اشبو قانونک حکمنی اجرایه عدلیه
وکیل مأموردر .

صوک

فهرست

ماده نومروسی	مندرجات	صفیحه نومروسی
	قانون مدنی	
	اسباب موجبہ لایحه لری .	۳
	مجلس مذاکراتی ضبطنامه لری .	۹
۷ — ۱	باشلانغیج	۲۱
	برنجی کتاب	
۸۱ — ۸	شخصک حقوقی	۲۳
	برنجی باب	
۴۴ — ۸	حقیقی شخصلر	۲۳
۳۴ — ۸	۱ - فصل : شخصیت	۲۳
۴۴ — ۳۵	۲ - فصل : احوال شخصیه سجل قیدلری	۲۸
	ایکنجی باب	
۸۱ — ۴۵	حکمی شخصلر	۳۰
۵۲ — ۴۵	۱ - فصل : عمومی حکملر	۳۰
۷۲ — ۵۳	۲ - فصل : جمعیتلر	۳۲
۸۱ — ۷۲	۳ - فصل : تأسیس	۳۶
	ایکنجی کتاب	
۴۳۸ — ۸۲	عائله حقوقی	۳۹
۲۴۰ — ۸۲	برنجی قسم : قاری قوجه	۳۹
	اوچنجی باب	
۱۲۸ — ۸۲	اولمه	۳۹

صحیفه نومروسی	مندرجات	ماده نومروسی
۳۹	۱ - فصل : نشاننامه	۸۷ — ۸۲
۴۱	۲ - فصل : اولنمه یه اهلیت و مانعار	۹۳ — ۸۸
۴۳	۳ - فصل : اولنمه اعلانی و عقدی	۱۱۱ — ۹۷
۴۷	۴ - فصل : باطل اولان اولنمه لر	۱۲۸ — ۱۱۲
	دردیجی باب	
۵۱	بوشانه	۱۵۰ — ۱۲۹
	بشیمی باب	
۵۸	اولنمه نك عمومی حکملری	۱۶۹ — ۱۵۱
	آلتیمی باب	
۶۳	اساسلر	۲۴۰ — ۱۷۰
۶۳	۱ - فصل : قاری قوجه ماللرینك اداره سی	۱۸۵ — ۱۷۰
۶۸	۲ - فصل : مال آیریلنی	۱۹۰ — ۱۸۶
۶۹	۳ - فصل : مال برلکی	۲۱۰ — ۱۹۱
۷۶	۴ - فصل : مال اورناقلنی	۲۳۶ — ۲۱۱
۸۴	۵ - فصل : قاری قوجه نك ماللری حقنده کی	
	اصوله دائر سبج	۲۴۰ — ۲۳۷
۸۶	ایکیمی قسم : خیسیملر	۳۴۵ — ۲۴۱
	بردیجی باب	
۸۶	نسبی صحیح چوجقلر	۲۸۹ — ۲۴۱
۸۶	۱ - فصل : نسبك صحتی	۲۴۶ — ۲۴۱
۸۸	۲ - فصل : نسبك تصحیحی	۲۵۲ — ۲۴۷
۸۹	۳ - فصل : اولاد ایدیتمه	۲۵۸ — ۲۵۳
۹۱	۴ - فصل : نسب صحتك عمومی حکملری	۲۶۱ — ۲۵۹
۹۲	۵ - فصل : ولایت	۲۷۷ — ۲۶۲
۹۶	۶ - فصل : چوجوق ماللری	۲۸۹ — ۲۷۸

صحیفه نومروسی	مندرجات	ماده نومروسی
۹۸	نسبی صحیح اولایان چوجوق	۳۱۴ — ۲۹۰
	طفوزدیجی باب	
۱۰۵	عائله	۳۴۵ — ۳۱۵
۱۰۵	۱ - فصل : نفقه	۳۱۷ — ۳۱۵
۱۰۶	۲ - فصل : اوررئسلکی	۳۲۰ — ۳۱۸
۱۰۷	۳ - فصل : عائله ماللری	۳۴۵ — ۳۲۱
۱۱۵	اوردیجی قسم : وصایت	۴۲۸ — ۳۴۶
	اوردیجی باب	
۱۱۵	وصایت تشکیلاتی	۳۸۱ — ۳۴۶
۱۱۵	۱ - فصل : وصایت عضولری	۳۵۳ — ۳۴۶
۱۱۷	۲ - فصل : وصایتی مستلزم حالار	۳۶۰ — ۳۵۴
۱۱۹	۳ - فصل : وصایت ایشلرنده صلاحیت	۳۶۲ — ۳۶۱
۱۱۹	۴ - فصل : وصی تعینی	۳۷۵ — ۳۶۳
۱۲۲	۵ - فصل : قیملق	۳۸۱ — ۳۷۶
	اوره بردیجی باب	
۱۲۵	وصایتك اداره سی	۴۱۳ — ۳۸۲
۱۲۵	۱ - فصل : وصیتك وظیفه لری	۴۰۰ — ۳۸۲
۱۲۹	۲ - فصل : قیملق وظیفه لری	۴۰۳ — ۴۰۱
۱۳۰	۳ - فصل : وصایت دائره لرینك مداخله حق لری	۴۰۸ — ۴۰۴
۱۳۳	۴ - فصل : وصایت عضولرینك مسئولیتی	۴۱۳ — ۴۰۹
	اوره ایکیمی باب	
۱۳۴	وصایتك ختامی	۴۳۸ — ۴۱۴
۱۳۴	۱ - فصل : کوچوکلك و حجر حاللرینك ختامی	۴۲۲ — ۴۱۴

صحیفه نومروسی	مندرجات	ماده نومروسی
۱۳۶	۲ — فصل : وصیك صفتك زوالی	۴۲۳ — ۴۲۲
۱۳۸	۳ — فصل : وصایتك ختای اوزرینه ترتب ایدن حكملر	۴۳۳ — ۴۳۸
	اوچنجی كتاب	
۱۴۱	میراث برنجی قسم : میراثچیلر	۴۳۹ — ۶۱۷
۱۴۱	اوره ادرنجی باب قانونی میراثچیلر	۴۳۹ — ۴۴۸
۱۴۴	اوره درونجی باب أولومه باغلی تصرفلر	۴۴۹ — ۵۱۶
۱۴۴	۱ — فصل : تصرفه اهلیت	۴۴۹ — ۴۵۱
۱۴۵	۲ — فصل : تصرف نصابی	۴۵۲ — ۴۶۰
۱۴۸	۳ — فصل : أولومه باغلی تصرفك مختلف صورتلری	۴۶۱ — ۴۷۷
۱۵۳	۴ — فصل : أولومه باغلی تصرفلك شكللری	۴۷۸ — ۴۹۶
۱۵۸	۵ — فصل : وصیتی تنفیذ مأموری	۴۹۷ — ۴۹۸
۱۵۹	۶ — فصل : متوفا طرفندن یاپیلان تصرفلك ابطال و تنقیصی	۴۹۹ — ۵۱۳
۱۶۴	۷ — فصل : میراث مقاوله سندن متحدت دعوالر	۵۱۴ — ۵۱۶
۱۶۶	ایكنجی قسم : میراث اوره بشنجی باب میراثك آچیلماسی	۵۱۷ — ۶۱۷
۱۶۶	اوره آلتنجی باب میراثك حكملری	۵۱۷ — ۵۳۰
۱۷۱		۵۳۱ — ۶۱۷

صحیفه نومروسی	مندرجات	ماده نومروسی
۱۷۱	۱ — فصل : احتیاطی تدبیرلر	۵۳۱ — ۵۳۸
۱۷۴	۲ — فصل : میراثی اکتساب	۵۳۹ — ۵۵۸
۱۸۰	۳ — فصل : دفتر طوتمه طلبی	۵۵۹ — ۵۷۱
۱۸۳	۴ — فصل : رسمی تصفیة	۵۷۲ — ۵۷۶
۱۸۵	۵ — فصل : میراث سببیله استحقاق دعواسی اوره برنجی باب	۵۷۷ — ۵۸۰
۱۸۶	تقسیم	۵۸۱ — ۶۱۷
۱۸۶	۱ — فصل : تركهك تقسیمندن اولکی حالی	۵۸۱ — ۵۸۵
۱۸۸	۲ — فصل : تقسیمك ناصل یاپیله جنی	۵۸۶ — ۶۰۲
۱۹۳	۳ — فصل : میراثده اعاده	۶۰۳ — ۶۱۰
۱۹۵	۴ — فصل : تقسیمك ختای و حكملری	۶۱۱ — ۶۱۷
	دردنجی كتاب	
۱۹۸	عینی حقار	۶۱۸ — ۹۳۵
۱۹۸	برنجی قسم : ملكیت	۶۱۸ — ۷۰۲
۱۹۸	اوره سكرنجی باب عمومی حكملر	۶۱۸ — ۶۳۱
۲۰۳	اوره طقوزنجی باب غیرمنقول ملكیتی	۶۳۲ — ۶۸۵
۲۰۳	۱ — فصل : غیر منقول ملكیتك موضوعی ، اكتسابی ، اضااعه سی	۶۳۲ — ۶۴۳
۲۰۶	۲ — فصل : غیر منقول ملكیتك حكملری	۶۴۴ — ۶۸۵
۲۱۸	بكر منجی باب منقول ملكیتی	۶۸۶ — ۷۰۲
۲۲۴	ایكنجی قسم : ملكیتك غیری عینی حقار	۷۰۳ — ۹۰۹



ماده نومروسی	مدرجات	صفحه نومروسی
	یکری برنجی باب	
۷۶۴ — ۷۰۳	ارتفاق حق و غیر منقول مکلفیتی	۲۲۴
۷۱۶ — ۷۰۳	۱ — فصل : غیر منقوله متعلق ارتفاق حق	۲۲۴
۷۵۳ — ۷۱۷	۲ — فصل : ارتفاق حقنک دیگر نوعلری	۲۲۸
۷۶۴ — ۷۵۴	و خصوصیه انتفاع حق	
	۳ — فصل : غیر منقول مکلفیتی	۲۳۹
	یکری ایلمجی باب	
۸۵۲ — ۷۶۵	غیر منقول رهنی	۲۴۳
۷۹۵ — ۷۶۵	۱ — فصل : عمومی حکملر	۲۴۳
۸۱۱ — ۷۹۶	۲ — فصل : ایپوتهک	۲۵۲
	۳ — فصل : ایپوتهکلی بورج سندی و ایراد	۲۵۷
۸۴۳ — ۸۱۲	سندی	
	۴ — فصل : غیر منقول قارشیلق کوستریله رک	۲۶۶
۸۵۲ — ۸۴۴	سند اخراجی	
	یکری ارمجی باب	
۸۸۶ — ۸۵۳	منقول رهنی	۲۶۸
	۱ — فصل : تسلیمی مشروط شکاده رهن	۲۶۸
۸۶۷ — ۸۵۳	و حبس حق	
	۲ — فصل : آلاحق اوزرنده رهن حق و دیگر	۲۷۲
۸۷۵ — ۸۶۸	حقلر	
	۳ — فصل : رهن مقابلنده اقراض ایله مشغول	۲۷۵
۸۸۳ — ۸۷۶	اولانلر	
۸۸۶ — ۸۸۴	۴ — فصل : رهنلی تحویلات	۲۷۶
۹۳۵ — ۸۸۷	ارمجی قسم : ذی البدلک و طابو سجلی	۲۷۷
	یکری دردمجی باب	
۹۰۹ — ۸۸۷	ذی البدلک	۲۷۷
	یکری بشجی باب	
۹۳۵ — ۹۱۰	طابو سجلی	۲۸۴

